



Am 217
154

3

R. 73

7/13







GEORGIUS BRAVN, AGRIP-
PINAS BENEVOLIS LECTORIBVS
S. D.



PEREGRINATIONEM, Lectores beneuoli, quæ non lucri, cum negotiatori-
bus, sed artium ac virtutum causa, suscipitur, permagna, ad sapientiam, ad rerum
vsum & experientiam, adiumenta præbere, nemo est, qui vnquam negabit. Non
etenim sine causa ingeniosus Vlysses, à Poëtarum omnium summo, ob singulare
peregrinationis studium laudatur, vt, qui multorum prouidus vrbes, & varios
hominum mores inspexit. Quid Plato, quid Solon, quid Pythagoras, multiq̃ue
Philosophi alij peregrinando consequuti sint, eruditorum coetui constat. De Dio-
doro etiam Siculo, historiarum monumenta confirmant, triginta ipsum annos,
peregrinationis studio, consecrassè, vt veram Orbis Terrarum descriptionem, hi-
storiamq̃ue exhiberet. Quam vt omnium certissimam absolutissimamq̃ue, Geographorum clarissimus
Ptolemæus ille Aegyptius, Antonini Pij Imperatoris tempore, daret, non solis Mercatorum atque Nauta-
rum informationibus fidem adhibuit, sed & remotissimas nationes ipse, vt labore & difficultate maxi-
ma, ita curiosa diligentia, obiuit, ac perlustrauit, & Geographicæ picturæ beneficio, cum sempiterno no-
minis sui elogio, à se perlustrata, & obseruata, ad posteritatem transmisit. Caterum, hi, & complures
alij, celebritate nominis clarissimi viri, heroico, & mitiore vsi sunt sæculo, quàm, in quod nos, temporum
& hominum malignitate, incidimus. Periculosum quippe, imo, vix Regum ac Principum legatis, iam
tutum est, ob latronum, ac nefariorum hominum frequentiam, qui omnia passim itinera, ad eadem ac
rapinas parati, occupant, diuersas peragrarè regiones, varias perlustrare vrbes ac oppida, peregrinos po-
pulorum ac gentium ritus ac consuetudines, oculari obseruatione, conspicerè. Et, si pestiferis etiam, sce-
leratissimorum conatibus, & funestissimis sicariorum insidijs, optima, ingenuorum hominũ studia non
impedirentur: Non sunt tamen omnibus ex facultates ac opes, quas difficiles, & remotæ peregrinationes,
requirunt. Non omnibus id corporis robur, vt molestias & difficultates itinerum queant perferre. Quod
si verò maximè, opes, si vires etiam, valetudoq̃; suppetant, variæ sunt, ac diuersæ diuersorum, conditiones
multi, functionibus publicis, multi priuatorum negotiorum mole obruti, non possunt liberalem, & lau-
dabilem inclinationem suam, eorum locorum inspectione, quæ historiarum, & famæ præconio, celebra-
sunt, satiare. His & similibus incommodis præsentì instituto nostro occurrendum, & multorum votis,
quorum ego sermonibus ac literis frequenter incitatus, consulendum esse putavi: Vt nimirum, nunquam
satis laudato, Cosmographico Abrahami Ortelij Theatro, quo iam pridem ipse tam Belgis suis, quàm
exteris etiam nationibus innotuit, Topographicas Vrbium & oppidorum delineationes coniungerem,
eò, quod argumentum hoc nostrum, cum Geographia tam arcta sit societate coniunctum, vt noua qua-
dam, & mutua eam luce perfundat. Quod enim Geographia de vniuersæ terræ situ, generatim, & summa-
ria quasi narratione, recenset, haud secus, atq̃; præcellentes pictores, quos Inuentores inde vulgo nuncu-
pamus, elegantem & venustam exhibitori picturam, potiora prius lineamenta, & præcipua corporis mem-
bra, per dispositas, & vsitatas lineationes, generali idea, deducunt, (Qua de re Albertus ille Durerus No-
ricus, opus perelegans conscripsit;) Id Topographus, separata certarum mundi partium, puta vrbium,
oppidorum, Insularum, fluminum, lacuum, montium, fontium, &c. enarratione, historicè explicat, & spe-
ctantium oculis, quasi oppidum, aut locum ipsum coram intuerentur, proponit. Quod quidem, cum
tertio hoc vrbium Tomo, vt laboriosa, ita artificiosa Francisci Hogenbergij manu, historicis etiam nostris
enarrationibus, optima fide, ex veterum, & recentiorum scriptis, ex communicatis doctissimorum viro-
rum sermonibus & literis, ex obseruatione demum propria à nobis, pro virili, præstetur, & vrbium, oppi-
dorumq̃; icones, ea forma exhibeantur, quæ vicos omnes, plateas, ædificia, areas, spectatori manifestè ob o-
culos ponat: diuinare equidem nequeo, quidnam Geographiam, historica enarratione illustratam, aman-
tes, addam etiam curiosi, vltèrius, ad plenam mundi cognitionem requirere possint, aut debeant, Maxi-
me quidem, si notum iam diuersarum nationum & linguarum hominibus, Ortelianum Orbis Theatrum,
nostris vrbium Tomis coniungant. Id, quod clarissimus vir, omni scientiarũ nitore perpolitus, Domini-
cus Lampsonius, singularis mihi amicus, venusto, elegantiq̃; carmine, & lepidissima Abrahami Ortelij,
cum Brunio concertatione, quæ Præfatione immediatè subsequitur, prudentissimè etiam consulit. Atq̃;
hinc comoda, vtilis simul, & iucundissima contemplatio, orietur. Quid etenim dici poterit, aut fingi iu-
cundius, quàm in loco aliquo tuto, & à periculorum metu alieno, apud penates domesticos, vniuersam
terræ, quam inhabitamus, formam, regionibus diuersis, fluminibus & aquis discretam, vrbium, & oppido-
rum nitore ornatam, librorum istorum præsidio intueri, illudq̃; inspectione picturæ, & adiunctarum e-
narrationum lectione cognoscere, quod alij longis & difficillimis itineribus vix vnquam consequi potue-
runt? An ne ea ratione, maxima videmur itinera, flumina superasse, ac maria, & alium quasi mundum
ingressi, dum remotarum gentium, & populorum vrbes, diuersos viuendi ritus, diuersas habituum for-
mas, (de quibus varij, & magnorum sumptuum nunc passim libri scribuntur,) quæ nostris sunt vrbibus,
singulari diligentia & studio adpicta, contuemur? Et maxime, cum citra metum vlli, vitiosorum md-
rum, contagij, hisce in libris peregrinari liceat. Fit namq̃; frequenter, vt, qui longinqua itinera, incertas,
& periculosas nauigationes, mundi cognoscendi gratia, suscipiunt, earum gentium quibus cum longa
confue-



PRAEFATIO AD LECTOREM.

consuetudine viuunt, corruptelis ac vitij infecti, ad suos reuertantur; sed horum librorum praesidio, totus conspicitur mundus, salutaria virtutum percipiuntur exempla, viri, eruditione, & virtutibus illustres, cognoscuntur: Nihil de vitiorum contagio, quo certae nationes obnoxiae, pertimescendum periculi. Erit igitur in hoc nostro Theatro, quo se historiarum, & peregrinationum studiosi, citra discrimen, & periculum aliquod, oblectent, dum varias diuersarum urbium formas, constitutiones, ac situs, dum quid in ijs maxime exercetur, studiane, & qualia ista potissimum, vigeant, An mercatura tractetur, cognoscent. Erit, quod Pictoribus sit recreationi, qui loca aprica, amoenos fructiferosque colles, mirabiles fluminum lapsus, mirabiles urbium, montium, insularum, lacuum situs, quos non semper ad viuum delineatos habent excerpere, suisque tabulis atque operibus ad ornatum, maxima cum voluptate spectantium, inferere poterunt; Quod à plerisque etiam factitatum, frequenter obseruauimus. Erit, quod Architectos reficiat, dum magnifica diuersarum urbium aedificia, moenia, muros, & propugnacula, pro diuersa temporum, & machinarum, quibus impetuntur, ratione, contra insolentes hostium iniurias offensionesque, excitata, in Theatro hoc nostro conspiciant, quorum visendorum gratia ad remotas regiones frequenter proficiscuntur. Erit etiam ijs, qui à grauioribus studijs liberi, otio abundant, vel, qui ob laesam afflictamque, valetudinem sedentariam coguntur vitam amplecti, ampla suppeditata materia, qua honesta dignitate, otium & tedium fallant. Denique & ijs, qui ad Rempublicam gubernandam vocantur, ut variarum hinc urbium icones videbunt, ita, diuersarum gentium instituta, Respublicae mores, consuetudines cognoscent, & optima, ad Rempublicam suam formandam, exempla inuenient. Neque porro ijs tantum, qui exterarum regiones, varias ob causas, inuisere, ac perlustrare nequeunt, utiles erunt, & iucundi nostri labores, verum his etiam gratissime accident, qui longinqua, studiorum, vel qualiscunque rei, gratia, itinera, & profectiones, conantur suscipere. Illi namque horum librorum inspectione exercitati, certa quadam ratione praeparabuntur, ut non ad incognita, sed quodam modo sibi perspecta loca deueniant: quod in ijs visendum, quod fama, & communis omnium opinio, tanquam celebrius depraedicat, multo deinde commodius, compendiosius, & accuratius, indagare poterunt. Ita namque anno elapso accidit, ut clarissimus amplissimisque, vir, D. Franciscus Dumsdorfius, non maiorum tantum imaginibus, sed scientiarum etiam, virtutumque, splendoribus, verè nobilis, (cuius Bibliotheca, in remotissimis mundi regionibus, incredibili diligentia ac sumptu comparata, optimi historicorum, & eruditissimorum hominum iuuantur conatus:) ad Urbium Metropolim Agrippinam Coloniam quam nunquam anteviderat, animi gratia, deueniens, ea, quae exteris ad urbis commendationem exhiberi, & visu iucunda esse solent, iam annotata, & quasi sibi perspecta habens, designare potuerit, ut mihi non peregrinus, sed notus in patria hospes, videretur. Ea quippe, ex primo urbium nostrarum Theatro, in quo Coloniam Agrippinam patriam nobis charissimam expressimus, obseruauit. Ita, in Italiam, Dominam & Reginam Europae, abituri, ut amplas in ea Resp. Vniuersitates praecellentes, totius antiquitatis vestigia, infinitam, & inexplicabilem aedificiorum, ac operum varietatem, cultissimos agros, Florentis Imperij sedem conspiciant, & admirentur, De quibus antiquae historiarum memoriae, varia & stupenda perhibent, Illi inquam, ut plurimum, eam Italiae partem, quae Floro, reque ipsa testante, toto orbe terrarum pulcherrima est plaga, Campaniam, Plinio, meritò, foelicem, primum adire, ac perlustrare solent, ut amoenissimo in ea Liberi, Cererisque delectentur certamine, iucundissimas Fontium Baianorum contemplantur delitias: montes, sulphureas ignitasque exhalationes eructantes: urbes, portus, paludes famosas, cryptas, ac specus ingentes, ac infinita demum alia naturae, & artium, quae luxur Romanus, hoc loci, peperit, opera. Haec autem omnia, peculiaribus Theatri nostri tabulis, tam graphice, praestantissimi viri Georgij Hofnaglij Anuerpiani, opera (quem rarae dotes naturae, non artificis institutio praecellentem edidit pictorem) exhibentur, ut ea, qui studiosius inspexerit, quid in vniuersa Campania, maxima obseruatione dignum; quidnam ipsi in ea potissimum inquirendum; quae nam loca, aut euitanda, aut, ob praesentissimum, cautius perlustranda, periculum, iam ante rudi cognitione, intelligat, quam iter hoc ipsum ingressus fuerit.

Sed neque per se commendati operis, hic laudationem suscipimus, quod diuersarum linguarum editio, frequens distractio, & Eruditissimorum virorum commendantur elogia, quorum aliquot saltem publica esse volumus, alia verò, & venusta & prolixiora, ne in immensum Prolegomena excrescerent, in proximam opportunitatem referuantes.

Sunt porro, ut intelligo nonnulli, qui hosce urbium Tomos, atque institutum hoc nostrum, genusque argumenti, ob studia, quibus me, vocationis gratia, consecratum sciunt malignè rodunt, & superstitiosè reprehendunt. Verum hi grauiissimorum virorum, Hieronymi, Isidori, Bedae, Orosij, Roderici Toletani, Roderici Santij, Aeneae Syluij, Ioannis Gerundensis Episcopi, Alberti Crantij, Orosij, & complurium aliorum meminerint, Quos à nemine haecenus reprehensos existimo, quod, licet ecclesiastici, historicum sibi argumentum scribendi delegerint. Varia etiam & diuersa diuersorum esse studia meminerint, natura ad picturarum & aetyporum amorem, & admirationem me rapi, non nesciant. Ferant illi amare me & sequi quem mihi natura honestum indidit, sensum, cum & ille à sacris studijs, non modo alienus non sit, sed lucem etiam permagnam iisdem adferat. In quibus varia quandoque aedificia templum, Regia Solomonis, Sion, Urbs Hierosolymorum, Bethleem, D. Pauli patria, non obscura Cilicum Ciuitas, & similia multa, quae instituti nostri sunt, describuntur.

Sed, ut ab his tandem, qui neque picturis, neque Geographicis delectantur iconibus, quibus etiam hi nostri non sunt nuncupati labores, ad beneuolos nos spectatores conuertamus, eos, ut peramanter rogemus, iam reliquum est, quod conatibus & studijs nostris bene faueant, iisdemque fruantur: Ac demum preceamus, foelices sint, ac valeant.

COLONIAE AGRIPPINAE ANNO M. D. LXXXI.

IN GEORGII BRAVNII THEA

TRVM, VRBIVM ORBIS
TERRARVM.



BRVNE, tuo qui das vrbes spe-
ctare Theatro

Pictura expressas, quot, puto,
terra gerit;

Emulus Ortelij nostri, spectanda Theatro
Terrarum dederat, qui sola cuncta suo,
Litsem agitat, uter labor antefere'dus, amici?
Lis minimè facilis, carus uterque mihi,
Sic ego. Sed causa se mox adcingit agenda,
Me, renuente licet, iudice, uterque sua.
Ac BRVNVS prior: Ipsa domos inuenit, &

vrbes

Condere de patrio vertice nata Dea.
Expolijt què feros mores, & agrestia corda
Ciuilem ad vita molijt alma modum;
Munijt & muris, instruxit & artibus vrbes,
Quotquot ut hinc animum, corpus & in-
de beant.

Iura, magistratusque dedit, sanctumque Se-
natum,

Terroriq; malis, praesidioq; bonis,
Ut male pro meritis, illos sua poena sequatur.

Hi probitate sua premia digna ferant.

Neu, quia terrarum sola sunt magis urbibus
ampla,

Has ab eis vinci nobilitate putes.

Nonne ampli reliquis, Sol aureus, aurea Luna,
Astraq; sunt caeli nobiliora locis?

Byssina nonne sua veste excellentior ora est?
Byssina veste licet, sit minor ora sua.

Quin caelum soli, lunaq; ut debet, & astris;
Sic decus omne ora vestis & ipsa suum.

Sic adamas auro potior, quo clauditur, auri
Attamen est moles magna adamante magis.

Paruus & est cycni melior canor, ille gruum
quam

Dispersus nubes clamor in aethereas.

Quod sine sideribus caelum, sine nauibus aquor;
Hoc sine terra suis urbibus esset iners.

Nulla hominum inter se commercia, vita se-
rarum,

Non hominum, nullo more, nec arte foret.

Quam memoranda oculis de se spectacula prae-
bet Vrbes, & muris oppida clausa suis?

Vrbes dat plateas recto procul agmine ductas;
Dant fora, dant varijs coepita pulchra locis.

Templa peristylis decorata palatia, circos,
Dat Xystos: thermas amphitheatra, tholos;

Culminibusque polum ferientia Mausolea,
Et praeincta suis atria porticibus,

Pyramidasq; arcusque & Niliacos obeliscos.
Quasq; procul fornix plurima ducit aquas.

Dat portas, turreseq; & propugnacula, & arces.
Dant portus, pontes, marmoreasque domos:

Nec tua, Dinocrates, iuuat hic ars sola videte.
Hic & Apellea, Phidiaceq; manus.

Deniq; pingedis magis urbibus. Optica gaudet,
Ars delectandis Optica nata oculis.

Maior & hinc pictas vrbes spectare voluptas:
Quam terra in tabulis, plana geographicis.

Iure igitur nostrum, cum det potiora Theatrum,
Sint minus ampla licet, laus mea maior erit.

Et librum grauiore meum mercabitur aere
Solertes oculi cui potiora probant.

At contra ORTELIVS. Pallas quas con-
didit vrbes

Urbanasque domos, ut libet, ipsa colat.

Rura mihi, & gelidis placeat in vallibus amnes,
Et nemora, ut quondam summe Poeta tibi:

Vrbium ubi strepitum. & populi tabularia, &
auras,

Insanumque forum, & ferrea iura fugis.

Scilicet haud vllas Bruno, rus repperit artes.
Quin & commodius quaslibet vrbe colit.

Noster hic, en, Iudex, libet hanc cui fingere
litem:

Quippe ea nos inter nulla nec est, nec erit:

Legiacos inter strepitus, curasque nequibat,
Nunc Stabuletano fingere rure potest.

Ipsa adeo Pietas, Astraea, Aedusque, Fidesque
Vrbibus eiecta, vel modo rure latent,

Vltima vel posuere in agris vestigia, & inde
Ad caelum volucris, se retulere fuga,

(?) (?) (?)

Vrbis

*Vrbis amator erat Fuscus, tu ruris Horati.
 Cetera qui Fusco, pene gemellus eras,
 Musarum tibi cœtus amat nemus, & fugit
 vrbes,
 Ipse sibi ut tota mente vacare queat.
 Ignorasque locum potiore rure beato.
 Nec tibi iam quamuis maxima Roma
 placet.
 Rus itidem Ortelius præfert, ut Horatius,
 vrbi,
 Vtque animi, distant nomina & ipsa pa-
 rum.
 Fumosas Fuscus, fumo qui concolor, vrbes
 Et referens Fusci nomina Brunus ament.
 Hastenus Ortelius. Sed & addere deinde
 parabat
 Præsidio causæ plura futura sua:
 Nempe Geographicas sic laudatura tabellas;
 Vt sua Brune, tuis utiliora probet.
 Ast ego præuertens: Vestram hanc compone-
 re litem
 Sic, inquam, ut vestrum vincat uterque,
 volo.
 Debetur toto, tabulis quem rettulit, orbe
 Laus magna Ortelio, nec tibi Brune minor.
 Quare, ut suauem magis dulces sese inter ami-
 cos,
 Quam secus, est Brunum cernere & Orte-
 lium:
 Gratius ætherios ignes spectare, colore
 Ceruleo liquidi se sociante poli.
 Byssina & ora sua speciosior addita veste est.
 Nec sat disjunctæ vestis, & ora decent:
 Atque adamas, nudum si contemplare, minus
 quàm,
 Auro si inclusum, quo capiari, habet:
 Denique ut vrbs, & pars vicini ruris eo-
 dem,
 Obtutu, atque uno tempore visa iuuant:
 Sic non inter se vestros conferre labores,
 O Socij (hæc semper res odiosa fuit)
 Aut illum huic, aut hunc illi præferre, sed
 illum,
 Æque hunc aquali tollere laude placet.*


*Bibliopola igitur coniungat utrumque Thea-
 trum*

*Censeo, ut ex vnus fiat utroque liber.
 Sic duo constituent vnum Amphitheatrum,
 oculisque
 Iuncta Theatra magis grata duobus erunt.
 Nec spectatorem, renuat nisi bulga, pigebis
 Duplice opus duplex ære parare sibi.*

Dominicus Lampsonius, Bru-
 genis canebat.

ECLOGA
 HERMANNI
 ORTENBERGI
 NOVIOMAGI
 IN VRBIVM THEATRVM
 GEORGII BRAVNII
 AGRIPPIN.

Aculus Campanus.

 *Ic, quibus è siluis, ignotus pastor
 adisti,
 Nulla tibi retinens insignia pri-
 stina vita,
 Præter inane pedū, duroq; è tergo vestem?
 Campanus. Otia cum tibi sint, aliena nego-
 tia curas.
 Ast ego, qui patrijs è finibus exsul oberro,
 Nec mihi grex reliquus, nec Di mansere
 Penates,
 Horreo cum subiit vel sola doloris imago,
 Aculus. Nescis illoquio depelli pectore curas?
 Sedibus ecce meis iam succedemus euntes,
 Non procul hinc inter præclsa cacumina,
 fagos,
 Hic apud irriguum tibi fagina pocula fon-
 tem,
 Cum pernis, botulis, & lardis pinguibus
 addam.
 Campanus. Si iuuat ergo meos referentem,
 audire dolores, (paucis.
 Et si animus refugit meminisse, hæc accipe
 Eff*

Est natale solū mihi, quā iacet aquor ericis,
 Nililia multa patens, ubi Scaldis deuehit
 undas
 Oceano, tollitque suas Adripia turres.
 Hic me grex ouium fœtu lanaque beabat,
 Complebat latis qui molliapascua campis;
 Vnde mihi facilem vitam, uxori que para-
 bam
 Prolifica, & natis, quos indurabat eidem
 Vite, perpetuus, bis senos sub Ioue sudor.
 Hic ego malebam dominusque paterque
 praeesse
 Sedibus angustis, quā viuere molliter vr-
 be
 Finitima, quo ferre mea de corte solebam,
 Gallina sobole, lac pressum, matribus agnos
 Auulsos, & eo mihi ditior esse videbar,
 Quod quacumque sibi Natura postulat usus,
 Villula praebebat, nec opes poscebat ab vrbe;
 Aurea, dum, Pacis riderent numine, rura.
 At postquā populatur agris, ferus, omnia,
 miles;
 Non secus ac pavidas memini fugitare vo-
 lucres,
 Vultum conspecto, vel si qua rapacior ales;
 Pars adiere nouum, Carolo quem principe
 nobis
 Enituisse ferunt, mūdum, propiusue profecti,
 Pars Celtas, alij remis velisque Britannos.
 Diffugere greges, vix ipsum me quoque ferro
 Crudeli eripui, & vagor exsul, nudus inops-
 que,
 Qui vix ante solo patrio, me posse reuelli
 Credideram, sed praecludunt suspiria vocem.
 Aculus. Parce precor lacrymis, lacrymas pa-
 storis virtus
 Respuit, est cali spatium, quo viuatur ingens,
 Siue placent siluae, siluarum copia nobis,
 Siue senex manū ciuilem ducere vitam.
 Nuper forte mei vicini tecta Georgi,
 Cum subij, paruis spatijs lustranda per or-
 bem
 Oppida clara dedit, quibus omnibus anea
 primus

Mœnia circumduxit, & auro aterna sacra-
 uit,
 Huc primum egressos siluis, & montibus altis
 Fama est pastores coisse, ut fortius hostes
 Arcerent, manibus coniunctis, vimque fera-
 rum.
 Idem victores parta virtute quiete,
 Iustitia, & Pacis coluerunt protinus artes.
 Hic nunc magnificis templis pia thura cre-
 mantur,
 Hic gaudet domini versari gleba labore.
 Cunctaque suppeditat pleno aurea copia cornu.
 Qui mage prospiciunt, hi rerum summa tu-
 entur,
 Hos alij tanquā patres, venerantur, amant-
 que:
 Sic tamen, ut primas, ius immutabile seruet.
 Tali principio narrant coepisse Quiritum
 Aeternam alitibus, primū, felicibus, urbem.
 Sed tibi ne longe peregrina exempla petantur,
 Vrbis antiqua iacet vicina Colonia nobis,
 Hanc Vbi quondam nostri statuere parentes
 Posthabitis proprijs aruis, quae magna tene-
 bant,
 Sed grauis urgebat vicina iniuria gentis.
 Ergo sibi nomen retinebunt usque Coloni.
 Sed nox atra premit, tibi faxo Georgius ipse
 Monstret, quae seris monimenta nepotibus
 abdit,
 Aurea cum nobis iterum lux crastina surget.

CARMEN HVGONIS
 FAVOLII IN TERTIVM
 VRBIVM THEATRVM GEORGII
 BRAVNII AGRIPPINATIS.



Intulit orator canis Ortensius o-
 lym
 Stellantem Iunonis auem, gem-
 misque decoram,
 Pandentemque alas, caudamque ad terga ro-
 tantem,
 Monstrantemque vago conuiuiis picta colore
 Sydera, purpurea passim qua luce repleta
 Non una variant proprios ratione colores.
 Intulit

Intulit haud aliter, studijs quo cōsulat almis
 Ortelius, quondam vectus super aethera curru
 Phœbao, varios ritus, tractusque locorum,
 Ignotamq; alio penitus gentem Orberepostam.
 Quæ varijs prudens tabulis distinxit, ut esset
 Spectandi vario Mundi sub climate, nota
 Qualibet occulte latitans pars orbis operti.
 Ingens ingenij labor, & res magna, profundi
 Carula metiri, terram distinguere filis
 Et parvis totum tabulis describere mundum.

Brunius, at varias urbes, cumque urbibus
 arces,

Fluminaq; excelsos cingentia margine muros.
 Deduxitque altis labentes alpihus amnes:
 Coniunxitq; soli terreni maxima regna,
 Oppidaq; ignoto seclusa sub orbe, celebri
 Extollit fama, seris spectanda sub annis.
 Cunctaque ab interitu seruat, reuocatque sub
 ortum

Quæ velut obscuris iacuerè obducta tenebris:
 Vt non sit regio, quocunque ea fixa sub axe est,
 Sine illam spectes amplam, siue intus & extra
 Egregio ornatam, prisco & fulgore micantem,
 Quæ non sit proprijs ornata vel urbibus, altis
 Arcibus, aut celsis ferientibus astra colossis.
 O felix etate bona, si cuncta benigno
 Sydera prospiciant vultu, dignissime longa
 Annorum serie, & transcendere Nestoris an-
 nos,

Bruni Castalidum decus immortale sororum.
 Nunc tua te prodit virtus, tua fama ma-
 nebit

Per varios terra tractus, urbesque remotas.
 Nam duce te priscos seruasse videmus honores
 Innumeras urbes, varias cūq; urbibus arces,
 Et male seruato rursus splendescere cultu.

Ergo ferent merito in calū tua facta nepotes,
 Posteritasq; tuas extollet laudibus urbes,
 Dumque arces stabunt, dum cincta mœnibus
 urbes,

Iura Palatinusque dabit dum sancta senatus.
 Iustitiaq; sacras seruabunt mœnia leges,
 Nominis alma tui crescet cum scœnore virtus.

AD GEORGIVM BRVNIVM, THEATRI vrbiū auctorem elegia.



Tia Saturno traherent cum se-
 cula rege,
 Rusticus & nullo verteret ar-
 ua boue,

Masica sed toti ruerent in pocula fontes,
 Ruraq; complerent auia mille faui;
 Non muri, non mœnia erant, nec peruia tellus
 Sollicitas hominum senserat alma vias,
 Nec labor externos vlli cognoscere mores,
 Qualem te memorat Chiūs, Vlysse, senex
 Multorum ignotas docilem venisse per urbes,
 Quàm maris extremis terra tenetur aquis.
 Sed pia cura Deūm, regno meliore veterum
 Exiit, & stimulos addidit ingenijs.

Tunc artes venere sacra, tunc cultior atas
 Atq; animi quamuis tunc abiēre rudes.
 Oppida cum, legesque data, & commercia
 terris,

Et faciles almis prabuit vnda vias.
 Ipsaque conspectus non dedignata viriles
 Natarum Vranie, maxima Mnemosy-
 nes,

Terrarum cœliq; modos, & liquida regna
 Edocuit, rapidis non sine sideribus;
 Quæ tellus sit lenta gelu, quæ frugibus apta,
 Quæ grauis urgentes æstus hincet agros.
 His ego non gemmas, non pondera diuitis
 auri

Mutarim, aut totis putrida signa toris,
 Nec tu docte sinas, Musarum cura Georgi,
 Nec soror hoc Phœbi, nec Deus ipse probet,
 Illa tui mihi sint cordi monumenta laboris,
 Quæ facili solers duxit in are manus,
 Lustrandaq; dedit totas cum mœnibus urbes,
 Aequora prospectat quæ sua cumq; Ceres,
 Quæis tibi non vllò quasitum nomen ab auo
 Excidit, ingenijs stat sine morte decus.

Ioannes Leuineus.

NORVVICVS.



ORDOVICVM, vel, ut alij, NORVVICVS, quondam Venta amplissima Angliæ vrbs Londino non immerito comparanda, mercatoribus insignis, ædificijs planè magnificentissimis referta, muris lapideis circumdata, ac fossis (nisi in orientali eius parte, vbi natura ipsa tam fluuio Yero, quam excelsis montibus satis defensa videtur) circumuallata, per portas numero XII. vndique ingressus habens. Templâ cum cœmeterijs tot olim, antequam incendio periret, quot septimanas colligit annus, habuit. In præsentî vero præter Ecclesiâ Cathedralem, octo & triginta; ijsque ornatissimis decoratur.

IO. NOVIODVNVM, vel, ut plerique Niuernia, vulgò Neuers, Niuernensium Ducatus, vrbs tam antiqua, eoque loco sita, ut sine errore ea dici possit, cuius in Commentarijs suis meminit Cæsar, hisce quidè verbis. *Oppidum diruit (de Genabo loquitur) atque incendit, prædam militibus donat, exercitum Ligerim transducit, atque in Biturigum fines peruenit. Vercingetorix, vbi de Cæsaris aduentu cognouit, oppugnatione desistit, atque obuiam Cæsari proficiscitur: ille oppidum Biturgium, positum in* via, Nouiodunum oppugnare instituerat, &c. Vides, ut Gergobinæ vrbi à Gallis obsestæ, auxilio proficiscens, Nouioduno iter habuerit, quæ vrbs non alia potest censeri, quam quæ nunc Niuernia dicitur, ad Ligerim sita, eo prorsus itinere, quo Cæsari eundem erat, vbi is veritus, ne male ab exercitu Gallico acciperetur, quamuis urbem teneret, videns tamen aduersum occurrere Gallorum equitatum, qui prælium deposceret, eam reliquit. Itaque hodie quoque in ipsius vrbs mœnibus videas antiquum propugnaculum, magnæ omninò amplitudinis, & altitudine ipsos vrbs muros æquans. Et verò Niuerniam esse Nouiodunum Cæsaris, docet Aimo ille monachus historiæ suæ initio, vbi Celticas vrbes enumerans, Nouiodunum, quam hodie Niuernis esse putant, inquit. Qui eadem etiam historia sua perhibet, urbem hanc, (quemadmodum vniuersum Niuernensem Ducatum, cuius Nouiodunum caput est) initio Comites habuisse, qui Rempub. Regis nomine curarent, sed Comites deinde eius possessionem ac dominatum vsu cepisse, successu deinde temporis, Comitatum hunc ad Ducalem dignitatem peruenisse, primumque Niuerniæ Ducem fuisse Franciscum, Filium Caroli Niuerni, & Mariæ Atrebatanæ, cui vxor fuerit Margareta Borbonia, Caroli primi Ducis Vedoinij filia.

Ad Orientis Insulæ extremum latus sita est, quam veteres Ordoicum, deprauate quidem illi, recentiores verò, Nordouicum multo certè deprauatius cognominauere. De nominis namque ratione atque origine variæ sunt, & multiplices diuersorum hominum opiniones. Siquidem qui ea de re scripserunt (scripserunt autem pluri) in dubias, & ancipites sententias distrahuntur. Quidam enim à regulo quodam seu duce, Noro (nam id in primis traditur) nomen ciuitati impositum putant. Nonnulli, à Norico antiqui sane nominis fluuio. Cæterum & fluuius, & fluuij nomen vetustate iam penitus exaruit. Alij, de piscinis quibusdam, nescio quid, non minus fabulose quam perdidiculi, & insulse comminiscuntur. Sunt, qui ex his duobus Saxonice vocabulis: Nort, & Wiche, simul iunctis, ac si dicas, Aquilonarem vicum (talienim latino si exprimantur, sermone, istorum verborum vis est) urbem, Noruicum, nuncupatam existiment. Hos ut sequar potissimum inclinatur animus. Est autem Noruicus, si ad ea tempora respicias, quando illic ab Anglosaxonibus primum habitari cœptum est, vrbs sanè perantiqua; sin autem ad vetustiora sæcula, & Gurguntum ac Guthelinum Britannos (haud dubio eius, quod hodie visitur, Castelli auctores) antiquissima. Forma eadem ferè, quæ arcui vehementius intento; positaque est in leni montis deiectu, longe, lateque spatiosa. Etenim in longitudinem ab Austro in septentrionem, mille quingenta passus, & amplius protenditur. Latitudo autem ab ortu in occasum, hoc est, à montis radice, quam flumen alluit, ad summum verticem, passus fere mille; vbi sensim crescendo, in maiorem semper amplitudinem diffunditur. Ciuitatem mœnibus cinxerunt, ut fama est, vrbs eius ciues duo, Spinchijs quidam & Sparuchijs, Anno recuperatæ salutis, M. CCC. LXXIV. Porro, eodem vtuntur iure, & ijsdem penè ritibus atque institutis in ciuitate gubernanda ciues Noruicenses, quibus hodie vtuntur Londonienses; Prætorumque (Maiorem ipsi nuncupant) Regis permissu, quotannis deligunt, cui quemadmodum Londoniensi, visitato more, atque solenni, gladius præfertur. Diu tamen, sicuti quondam Londinum quocque, cæteræque huius insulæ ciuitates, Præfectos habuerunt suos, seu vrbs submagistros, quos alibi Balliuos adpellant. Anno verò M. CCC. III. qui fuit Regis Edouardi, eius nominis Quarti, is administrandæ ciuitatis ordo primum immutatus est, iisque, quem nunc retinent, institutus. Cæterum sedes eius Prouinciæ episcopalis, primum Dunuici fuit: (peruetus est id oppidulum, iuxta mare situm, hodieque Filchstovv, dicitur) deinceps (nam duo tum vni, atque eidem Prouinciæ Præsules præsidebant) & Dunuici, & Elmhami; nec ita multo post, regnante Eduino, vbi ad vnum denuò Præsulem pontificia dignitas deuenit, vsque ad Gulielmi Nortmanni tempora, Elmhami permansit. Demum, Gulielmo regnante, Arfastus quidam Elmhamo Thetfordiam transtulit; Thetfordia Norvvicum Herebertus, atque ut illic perpetuò consisteret, proprijs ibidem sumptibus ecclesiâ cathedralem, Anno salutis M. LXXXVII. construxit. Ad Norvvicensem hanc urbem, quemadmodum & in reliquis Britanniae præcipuas, Daniel Rogerius, Albimontius Anglus, poëta nostri æui elegantissimus, omnique artium, & variarum disciplinarum nitore politus, hoc, quod subijcio epigramma, superiore anno lusit, in procinctu aulico, cum Serenissima Angliæ Regina, magnifico isthic apparatu, varijs comitata Legatis, exciperetur.

*Londino assurgit Norduicum iure, priori.
Dein & boraci urbem, quod mage prisca, colit.
Bristolio, dubitat, num cedere debeat aque.
Vtraque Pontificis claret honore pij.
Mœnibus illa valet, cincta hac quoque mœnibus altis.
Arce potens hac est, nec minus illa potens.
Nobilis emporio viget vtraque, Bristolin amnis
Sabrina refuens: hanc sed Hierus adit.
Vtraque secunda circumdatur vbere gleba.
Vtraque culta opibus, ciue decora suo est.
Norduicum populi numero, spatiumque per amplo:
Nauius vrbs præstat Bristoliana vagis.
Hospitibus Belgis simul hæc, simul illa benigna est:
Vnde simul laudem, commodaque ampla ferunt.
Ambæ quid possent, Dacæ sensere cohortes:
Nortmannas ambæ sustinere manus.
Ite pares igitur, memores, quod tempore prisco
Vtraque Venta vna voce vocata fuit.
Tus sed Isenorum Norduicum Venta fuisse:
Venta vbi Belgarum Bristolus ante fuit.*



BRISTOLIA.



BRISTOLIA, Venta Auiloniæ, nunc Bristovve, olim autem Britannis, *Cæcæ Oderyn* *nant Badon*, id est, ciuitas Odecræ, in vallo Badonico, famosissimum Angliæ emporium, primum post Londinum obtinens locum, situm est V. M. P. ab Oceano, in vtraque editiore ripa Auonij fluminis (Auon Britannica veteri lingua, fluuium significat, catet itaque proprio nomine hic amnis:) ponte autem lapideo coniungitur, sed domibus vtrinque adeo constructo, vt transgredientibus pons minimè percipiatur. Celebre est post Londinum in Anglia emporium, à multis diuersarum orbis nationum mercatoribus frequentatum, aquis, quæ onerarias ex mari naues eo deferunt, instructum: Situs id ratio præstat, vtriusque siquidem montibus clauditur, vt fluuius cui adiacet, marinis æstibus auctus, non possit in latum diffuere, sed ad sexaginta sex pedes intumescat. Oppidum ipsum admodum est nitidum ac elegans: nullus in eo carrucarum vsus, nullæ in plateis sordes, sed omnis per subterraneos ductus atque canales immunditia diffuit. Pulchræ sunt Ecclesiæ, cœmiteria spaciofa. Apud D. Iacobi Ecclesiam vltimus tantæ magnitudinis conspicitur, vt truncum octo vlnarum filo vix comprehendas. Quondam Episcopalis hic sedes fuit, nunc Episcopo Glocestriensi subest, Permagis hic Oceani æstus, eius enim fluxu, & refluxu ita crefcit, decrefcitque, vt naues, eo decrefciente, in vado hærentes, eius inundatione, ad nouem vel decem, interim ad vndecim vlnas in altum deuehantur, idque singulis diebus. Littora, quæ hunc fluuium in Oceanum, profundo admodum alueo deferunt, ex rupibus cautibusque ferè constant, quorum summitas, quæ se in planitiem campeftram explanat, adamantum adeo est fertilis, vt nauem quis onerariam ijs implere possit. A dextra fluminis parte, hæ ripæ à S. Vincentio cognominantur, cuius domicilium, siue cryptam, in ipsa litoris decliui crepidine excisam, vsque hodie ostendunt. Hicque hæ gemmæ singulares omnes è terra eruuntur. A sinistra autem, quæ D. Georgij nomen refert, non item: ibi namque conglobatæ, & orbicularibus silicibus inclusæ effodiuntur: Hi rursus colorem referunt, fragiles sunt, & intus caui; quos si ruperis, statim se adamantes pellucidi, concavo horum circumcirca adfixi, oculis offerunt, matrices vel adamantum oua, hos silices non ineptè diceret. Solum quod æquè, vt hi silices, ruffescit, & laterem coctilem, in tenuissimum puluerem redactum quis putaret; frumenti, frugumque valde ferax est. Sed naturæ lusitantis miraculum studiosus hic lector consideret. Reperiuntur namque interdum, ab ipsa rerum parente tam affabrè Adamantes in mucronem turbinati, interdum superficie planâ, figuraque quadrangulari cælati, vt ab artificiosissimo gemmario, ad normam non possint dexterius secari. Duritie ab Indicis, siue (vt vulgus loquitur) ab Orientalibus vincuntur, tanta tamen præditi, vt vitrum scalpant. Inuenias peritos gemmarios, qui nulla in re hos ab illis differre iudicent, quam vulgi opinione. Et hæc quidem hætenus, nunc ad urbem redeamus. Hæc priuatis ciuium domibus, publicis ædibus, fanisque Diuorum luculenter ornata, atque incolis admodum frequens. Præstat hoc mercatorum omnigenum hic confluxus. Cum exteris enim, in primis Hispanis, Gallis & Hibernicis quotidie negociantur. Bis quoque in anno, ad Americam orbis partem Septentrionalem, quam terram nouam appellant, piscandi gratia nauigant. Omnium itaque hic rerum affluentia accopia, atque annonæ vt plurimum grata exoptataque vrilitas. Inter alia rarioris notæ, primum occurrit templum in signe D. MARIE, quam *Radele* vulgò cognominant, consecratum. Hoc in ripa fluminis, haud procul à moenibus est, pulcherrimi sanè operis, cum turri suspiciendæ ex marmore altitudinis, intus vndique faxea testudine concameratum, cum lacunari sculptili artificiosè variegato, Huic alia testudo lignea supernè imminet, quæ plumbo tegitur, inter quas vacuum quod erectum hominem continere potest, remanet. Incolæ tradunt, hoc fanum à ciue, (quem Guilælmum Canynges nominant) mercatore, & huius vrbs Maiore (Magistratus sic appellatur supremus, & annuus) proprijs impensis ædificatum. Cuius Canyngi in hac ipsa æde sepulchrum honorarium, ex lapide magnificum, quod eius, & vxoris imagines integras marmoreas, eadem forma, & vestitu, quo mercator incedere solebat, ad vnum refert, Hoc adiecto Epitaphio:


Hic inferius tumulatur corpus nobilis & circumspècti, magnæq; industria viri, VVilhelmi Canynges, dudum valentis Mercatoris, & quinquies Maioris istius villa, & postea in ordine sacri dotali per septennium constituti, ac Decani Westbury, qui in ista Ecclesia duas cantorias perpetuas, duorum Capellanorum, videlicet, vnum in honorem S. Georgij, & alterum in honorem S. Catharina, ac etiam vnum clericum stabilem fecit, & iuxta eum requiescit vxor sua Ioanna, quorum animabus propitiatur Deus.

Alio in loco, sed eodem in templo, idem aliud habet monumentum ex eiusdem generis lapide, cum eius imaginè sacerdotali, quod iuxta sarcophagus est, qui ossa continet. Aliud insuper hic templum visitur, quod S. Crucis nomen habet: hoc lanæ impositum credunt ciues, quod etsi videatur absurdum, tantæ molis nempe fundamentum, tam molli constare posse materia, nonnemini tamen ex ijs, quæ sequuntur, persuaderi fortasse facile erit. Præcellens habet & elegantem turrim, quam crassitie & altitudine cum ea Coloniensi, quæ Sancti Martini minoris nomine innotescit, æquiparare ausim. Hæc, sonante quæ in ea seruatur campana, hac illac adèd comouetur, vt tandem hac nimia & frequentiore agitatione, se à cætero templi corpore abruperit, rimamque à summo tecti culmine, ad inum vsque egerit fundamentum, ita hiantem, vt transuersos tres caperet digitos Scribit ad me Abrahamus Ortelius, summus vt antiquitatum admirator, ita, dam Cosmographiam remotissimis in locis rara diligentia excolit, sumptibusque & impensis permagnis exornat. rerum mirabilium, & stupendorum naturæ artiumque miraculorum indagator acerrimus, huic rimæ lapillum oui anserini magnitudinis, se imposuisse, quem sensim viderit deorsum, prout ea se arctaret dilaceraretque deuolui, atque ex crebra collisione in frustula demum conuassari; dorsum cum turri subiecisset, ruina eius oppressum se iri reformidasse. A Editu etiam (quem Gubernatorem ibi nuncupant) aliosque non minoris auctoritatis viros rerulisse, totius huius templi molem, olim, priusquam hiatus iste factus esset, titubasse, idque ea vehementia vt lampades inde extinguerentur, oleumque effunderetur. Esseque huius rei adhuc in eadem dioecesi testes viuentes.

Templum autem nunc, quia campanarum sonitu minime tangatur, immotum subsistere.



CESTRIA.



ESTRIA, Comitatus Cestrensis, siue Deuani, in Anglia vrbs primaria, quæ à legionibus Romanorum ibidem hyemantibus in hunc diem *Cair theon ar dour Devv*, id est, ciuitas legionum super aquam Deæ, ad differentiam alterius eiusdem nominis ciuitatis super Oſcam fluuium dicitur. Ex Antonino patet, hanc olim Deuam dictam à Latinis fuisse, à fluuiio, quem nos Dourdoſſy, id est, aquam Dei vocamus. Angli hanc *Legauceſtre*, & poſtea, detruncato vocabulo, *Ceſter* dixere, ciueſque glorientur ſe habere corpus Henrici Quarti Imperatoris, quem affirmant abdicatione Imperio, eremiticam vitam illic duxiſſe Nec aliter de Heraldio, vltimò Daniçi ſanguinis Rege credunt. Romanorum monumentis eſt celeberrima, de qua Iohannes Lelandus *comment. in Cygneam cantionem*, ita ſcribit: Deua, Britan, Cair Leon ar dour Devv, id eſt, Caſtrum Legionis ſuper Deuam flu, Ar Devv, à Britannis conſultè additum, vt flu. titulo diſtinguerent à Gair Leon ar vviſke, quam urbem Romani Iſcam appellabant, & Iſcelegiam. Antoninus ſcriptor Latinus hanc urbem Deuam à flu. appellat. Beda ſecundo capite ſecundì libri hiſtoriæ Anglicanæ, urbem *Cairlegion* appellat, ſecutus Britannos. At Saxones aliud indidèſſe nomen, videlicet, *Legeceſter*, à Legionum caſtro, vt apparet ex Rogeri Houedeni hiſtoria. Admiror interim, quæ auctoritas eò deduxerit Guilielmum à Maildulphi curia, vt libro de Episcopis Angliæ quarto, ſcriberet, Legionum urbem inde dictam, quod emeriti milites Iulianarum Legionum illic confederint. Ego verò palam pronuncio, nec legiones Iulij, nec ipſum Iuliū eò perueſſiſſe. De Decia flu, fuſius hic ſcriberem, niſi nuper in libello, cui titulus *Genethliacōn*, in gratiam Eadueardi Principis edito, accuratè pinxiſſem Tegeum lacum, Penliniæ ornamentum magnum à quo defluit, ac præterea curſum illius omnem ad ipſa vſque oſtia. De antiquitate & magnificentia huius urbis ſcripſere quidem multi; at fuſiſſimè Raynolphus Hygedenus, & Henricus Bradeshauus, monachi Cestrenſes: Ille in hiſtoria, cui titulus *Polychronion*: hic in *vita D. VVerburgæ virginis*. Senſit magnam hæc ciuitas cladem, tyrannidè Ethelfredi Nortabrinorum Regis, at maiorem longè, perſequentione Danica, qua tantum non funditus concidit. Ethelfreda filia Ealfridi Magni, & Coniunx Ethelfredi Comitſ Merciorum, quam Henricus Huntedunenſis eleganti carmine vel ad ſydera tollit, urbem & reparauit, & exauxit. Leofricus Merciorum Comes, vir tum nobiliſſimus, tum optimus, Deuæ gloriæ inſigniter promouebat. Idem fecit & Lupus Comes, gente Nortmannus. Tandem Petrus quidam coronidem magnificentiæ addidit, eò transferens Lichefeldæ ſedem Episcopatus, Gulielmo Magno Angliſ imperante. Atque hæc quidè ex Lelandi commentarijs hæcenus. Rainulphus autem Cestrenſis monachus, quem Lelandus allegat, Polychronij ſui libro primo, capite decimo octauo, Ciuitas, ſcribit, Legionis videlicet Cestrenſis, ſituatur in Marcheſ Angliæ ſuper titulum Dea, & Latine nuncupatur Cestria, vel Legiceſtria, & Ciuitas Legionis etiam, eò, quod ibidem hyemabat militum auratorum legio vna, quam Iulius Cæſar miſerat ad Hiberniam ſuperandam. Et poſtea Claudius Cæſar, abinde legiones miſit ad Orcades inſulas expugnandas. Huius ciuitatis ædificatoris nomen non conſtat. Nam quicunque viderint concaua ædificia ibidem magnis lapidibus conſtructa, opera Gigantum, vel Romanorum potius, quam Britannorum eſſe iudicarent. Antiqua ibidem hominum nomina characteribus veteratis inſcribuntur: Iulij quoque Cæſaris nomen ibidem mirabiliter inſculptum eſt. Hæc quoque ciuitas, tempore Britannorum, prima erat Venedotiæ, videlicet Borealis VValliæ partis. Iſta quoque ciuitas magnum numerum mercimoniorum tam recipit, quam emittit: pecoribus, frumentis, & piſcibus, præcipuè ſalmonibus abundat. Huc vſque Polychronion, Cestria igitur Episcopalis, magnifica & celeberrima Angliæ vrbs, amplitudine, ſuperbo ædificiorum nitore, & cultiſſimorum hortorum elegantia commendata, duo paſſuum millia in circuitu colligit: Eccleſias parochiales nouem, & cathedralem elegantem exhibet, præter loca alia ſacra, vt hoſpitalia, & Noſocomia, religioni nuncupata. Suburbia habet elegantiffima, & ſpacioſa. plateas patentes, & domus cum in modum conſtructas, vt per vniuerſam propemodum urbem ambulare quis poſſit, & in plateis tamen nunquam conſpiciatur, ſed in perſtilijs & mœnialis, ab vtraque platearum parte conſtructis, quas vulgò (le Roes) nuncupant. Quæ quidem ambulacra, plurimas vtrinq̃ue officinas, & multos varijs in locis gradus habent.

Hæc, quæ ſequuntur, Londino cum urbis Cestrenſis icone, operi noſtro inſerenda accepimus.

Anno ante Chriſti incarnationem 917. Rex Leyili incepit ædificare ciuitatem, de Cairlehon, quam hodie Cestriam nuncupamus, ex incepto opere Lehon Gauer, magni Gigantis, qui circumdedit ciuitatem muro, & hodie Britannica lingua, Cairlehon dicitur.

Anno ſalutis 126. Martius Rex Britanniæ hanc ciuitatem ædificijs ſubleuabat, qui ibidem inhumatus manet.

Anno 901. Eſſſeda, Ducſſa Marchiæ, hanc urbem ædificijs reſtaurauit, poſt ruinam per Danos factam, & muros magis ſpacioſos erexit, adeo, quod Caſtellum muro incluſit, quod prius extra urbem erat poſitum.

Anno Domini 959. Rex Edgar, Cestriæ, aulam ſuam fouit, Riuum Dea introibat lintre, vbi octo Reges, remis in eo laborare coegit, ad Eccleſiam S. Ioannis appulit, & inde ad ſuum Palatium reuertebatur, vt appareret eum fuiſſe dominum & Regem tantarum Prouinciæ. Nomina autem Regum hæc ſunt.

Rynoch, Rex Scotorum: Malcolin, Rex Cambriæ: Macon, Rex Monæ inſulæ: Duſſal, Rex Auſtral is VValliæ: ſyſſith & Horvel, Reges Borealis VValliæ: Iacobus, Rex Galloſſay, & Lukil, Rex VVeſtmerlandiæ.

Anno ſeparatæ ſalutis 1078. Rex VVilhelmus Conqueſtator, Licheſſeldia Episcopatum, in Cestrenſem commutauit.




Anno Domini 1301. Rex Eduardus primus, filium ſuum maiorem natu, nomine Eduardum, in Principem VValliæ creauit, eidemque Principatui, Cornubiæ & Caſtriæ Comitatum adiecit.

Anno Domini 1335. Rex Eduardus tertius, Cornubiæ Comitatum in Ducatum erexit, eumque filio ſuo natu maximo Eduardo dedit, vnà cum Comitatu Cestrenſi.

Ioannes cognomento Scotus, filius Comitſ Anguriæ, vltimus fuit Cestriæ Comes, à cuius tempore, Comitatus ille, vnà cum Ducatu Cornubiæ, ad Primogenitum Regis Angliæ ſpectat.

3. ſomo del S.^o D.^o Martin Cortes 3 Vinculado

CESTRIA VVLGO CHESTER, ANGLIA CIVITAS.



1. S. Petrus ecclesia ca
2. Aula Cattedra
3. Domus Episcopi
4. Domus Diaconi
5. Portus frumentarium
6. Portus Septentrionalis
7. S. Thomas
8. Portus ad crucem alia
9. S. Trinitas
10. Portus ad orientem
11. S. Iohanna
12. Portus ad aquam
13. Remota fratrum ecclesia
14. S. Martinus
15. S. Brigida
16. S. Michael
17. S. Maria super mitem
18. S. Clauus
19. Portus ad pontem
20. Castrum apollinis
21. Suburbium Stanbridge
22. Portus noua
23. Pons
24. Turris noua

Hoc flumen Dea diuidit Angliam et wallia
Oritur in Wallia septentrionali & cursu sui
tendit in lacu Tegaeum proprie vocatum
Quo in lacu quoddam piscis est genus quod haud
iniquam flumen enarat neq. salmones quibus
flumen abundat, veniunt in Lacum pradi fun.



B. 25. 12

EDENBURGVM.



EDENBURGVM, Regia & metropolitica in Scotia Vrbs, ALATA CASTRA vocant, à Cruthneo Scotorum Rege condita, & primèia institutione Agneda, posteriore autem a tateab Etho, Pictorum Rege, Ethinburgum cognominata, in Landonia præcipua Scotiæ Pro- uincia sita, Forthcamne alluitur, excipitque ab eiusdem nominis æstuario nauigia ab Ori- entali Oceano, in frequentissimum portum, vix mille passibus ab vrbe distantem, vbi Hæ- monia est insula, hodie Columba dicta, vltra Forthcam, in cuius ostio castellum DVNBAR conspicitur. Habet autem vrbs ipsa Edenburgum duos montes ad Orientem; Australior, Cathedra Arthmi, & qui Aquilonem respicit, Collis apti nuncupatur. Ager vñdique fer- tilissimus est, amœna prata, syluulae, lacus, riuuli, arcès vltra centum per circuitum vr- bis, intra vnum miliare Germanicum. Ad Septentrionem, interuallo Italici miliarij, est brachium maris, iuxta quod situm est oppidum Letha, in cuius medio constructa porticus, in qua simul videre licet centum magnas onerarias naues. Habet brachium maris, ibi ad aquilonem, in latitudine septem milliaria. Porro EDENBURGVM in monte instar Pragæ, sita, habet in longitudine miliate Italicum, in latitudine dimidium. Longi- tudo accipitur ab Occidente in Orientem. Ab Occidente vrbs, assurgit mons, & alta rupes, atque arx in rupè, natu- ra loci munitissima, sub qua, vñdique est profunda vallis, nisi ea parte, qua respicit urbem. quare arx omninò inexpu- gnabilis esse censetur; quanquam tamen eo bello, quò David Brusius Scotiæ, & Edouardus Britannia Rex, magnam Angliæ partem, & Scotiam omnem ad internecionem vastarunt, occupantibus eam Anglis, mirabili prorsus stra- tegemate, ac dolo sit expugnata. Agris namque multis annis permanentibus incultis, tantà fame laboratum est in Anglia pariter, & Scotia, vt equos, canes, feles, ac similia animalia penuriâ aliarum rerum, ederint. Traditum in- super à quibusdam est, eò inopiæ redactos quosdam, vt diutinam famem non ferentes, pueris à vicinis suffratis, mi- serabili calamitate non pepercerint. Eo tempore Arx Edenburgensis eiuscèmodi strategemate in Scotorum marius peruenit. Douglas, Eques auratus, VValterum quendam, cognomento Turris, virum opulentum; admodum sibi deuinctum habebat. Is nauis sua, ex mandato Douglas, in Forthiam proficiscitur, fingens mercatorem se, vinaque è Gallia adferre, & ex composito, dolia quædam secum attulerat, ac postridie, depromptis aliquot lagenis ad arcem Edenburgensem pergit, Oeconomum prodire iubet, venienti lagenas dat, vinumque gustandum, cum non parum placuisset, (quibus nimirum iam diu maxima vini penuria fuerat;) rogat, num vasa ad se aliqua ex eodem genere, ad- ferre velint. Enimvero respondit Oeconomus, rem multo gratissimam facturum es, si in tanta vini inopia, eam no- bis beneuolentiam exhibeas. Ac, quo certior res sit, & de pretio nihil dubitet, pecuniam præsentem dat; postridie vi- num adferri iubet, sub aurore se ille adfuturum cum vino respondet. Postero die, dubiâ etiamnum luce, adest, vasa duo carpento adferens, portæ extèmplò aperiuntur. Cum vèrò in medio portarum consisterent, per fraudem solu- to axè, carpentum procidit. Ac mox Douglas (nam haud protul iam inde cum expedita militum manu confederat;) cum paucis superuenit, ianitores resistentes occidit, arcemque ipsam tandem occupat. Atque tum Rex David cum coniuge Ioanna ex Gallia in Scotiam reuertitur. Nobis vèrò ad descriptionem dictæ munitissimæ arcis, à qua strata- gema hoc paulisper nos abduxit, redeundum. Itaque Edenburgensis hæc munitissima Arx, quæ ab afferuatis ibi puellis nomen ducit, omnium difficillimo est aditu, nec quisquam ad eam etiam qualibuscunque scalis scandere potest; tam dura scilicet & præcèps est petra; in qua vultures nidificant, quarum auium nidos deprædantur iuuenes audaciores; ex arce in sportis demissi. Hæc arx, occidentalem vrbs partem claudens, Puellarum Castrum vocatur, quod illic Regiæ, Pictorumque virgines insigniores, manuarijs artibus, discendis, ad nubilem vsque ætatem, vt tum fiebat, additæ, ar- cta custodia seruabantur. Cæterum ad Orientem vrbs est augustissimum monasterium S. Crucis; habens annexum palatium Regis, & amœnissimos hortos, quos claudit lacus ad fundum montis, Cathedræ Arthmi. In hoc monte in- ueniuntur pretiosi lapides, clara die radiantès, adamantes præcipuè. In vrbe sunt duæ magnæ viæ, ab arce Puellarum, vltque ad monasterium, & regium Palatium, lapidibus quadris stratæ, præsertim regia viâ. Est suburbium ad Occi- dentem, dimidio miliari longum, vocaturquè viâ S. Cuthberti. Sunt in vrbe multa Monasteria, & templa; præser- tim Franciscani, Dominicani, Ecclesia MARIAE de Campo, Collegium Sacerdotum: & aliud Collegium Trinita- ris, Hospitale D. THOMAE. Vrbs ipsa non est constructa ex coctis, sed naturalibus & quadris lapidibus, vt etiam sin- gulæ aedès possint magnis palatijs comparari. In medio vrbs est Capitolum, & Ecclesia collegiata sancti EGIDI: Habent Episcopi, Duces, Comites, Barones & Proceres totius regni, in vrbe sua palatia, quando ad Comitata vocantur. Est Palatium Regis, positum supra Monasterium amplissimum & superbissimum; à quo, vsquè ad arcem Puellarum extenditur perpetua quædam platea, vicus Regius dicta; sed quæ prope arcem Puellarum latior, prope Monasterium autem angustior est: atque hæc regia viâ insignes habet ab vtraque parte aedès, potioresque polito ex lapide constru- ctas. Porro, alia oblonga viâ, quæ vicus Canoniorum vocatur, angustior est, seiungiturquè à Regio vico, muros, porta, ac turribus; atque pro suburbio reputatur. A regia viâ inter Austrum & Boream, infiniti extenduntur viculi, qui omnes excelsis ædibus sunt ornati; quemadmodum & vaccarum viâ, in qua patritiorum & senatorum vrbs habi- tationes, Principum ac regni palatia, vbi nihil humile, sed cuncta videntur magnifica. Inter maiores Edenburgi Ecclesias, post insignem Monasterij Basilicam, Collegiata sancti Egidij Ecclesia primum sibi vendicat meritò locum, in medio regie viæ constructa. Deinde in vico, qui Edenburgum a viâ Canoniorum & sub- urbio diuidit, Ecclesia est celeberrima, Collegium Regiæ intra muros. Item inter Monasteria Franciscanorum & Prædicatorum, sita est Ecclesia MARIAE de Campo, vbi Sacerdotum etiam est Collegium. Et sub rupe de- mum arcis Puellarum, noua sancti CUTHBERTI Parochia est sita.




EDENBVRG.

Cast. puctlarium

EDENBURGH.
SCOTIAE
METROPOLIS.

NEBRISSA:



EBRISSA, Batice fertilissima Hispania Regionis oppidum, à Baccho, alias Iaccho, Libero patre conditum, qui Romi Regis tempore, agmine magno comitatus, in Hispaniam venit, non tam dominationis cupiditate, ut inquit Antonius Nebriffensis in præfatione Historiæ suæ, quam ut parem gloriam reportaret ei, quam ex domita India consequutus erat. Demum victor, nullum aliud Hispanis aduentus sui momentum reliquit, quam quod Nebrissam in Batice condiderit prope æstuarium Hispaniæ, quam Silius a Satyris cultam dicit, propter ipsum nomen. Nebris enim pellem hinnuli, id est, pulli ceruini significat, quæ bacchantes Bacchi sacerdotes induti, sacrificare solebant; unde scribit:

*At Nebriffa Dionyseis conscia thyrsis,
Quam Satyri coluere leues.*

Hæc vrbsolim inter æstuarium Batidis fluminis, qui in saltu Tygeni ortus, non longè à Castaone, fuit in occasum, dextra læuæque oliuiferis colitur oppidis, atque ab Andugaro Batice mediam secat, & prouinciæ nomen imponens, eius vrbes nobilissimas, Cordubam, Italicam, Romuleamque, nunc Scullam, præterlabitur, tandemque per vnum ostium, magno cum impetu, exit in mare Atlanticum, iuxta municipium, quod Luciferi templum ab antiquis dicebatur. Olim autem duo habuit ostia, quorum alterum, quod Meridionalius, obliatum est, cum aluo eodem, pertendente ab hac ciuitate Nebriffa per Astam Coloniam ad turrin Capionis. Ex quibus facie (inquit Antonius Nebriffensis:) soluitur illa dubitatio, quæ solet harum rerum curiosos mouere, & me ipsam plerumque ambiguum reddidit. Cum Strabone, Ptolemæo, Mela, Plinio, omnibus Cosmographis prætoribus, Nebriffa, & Asta colonia inter æstuarium Batidis posita sint, qui potuit fieri ut hodie non paucioribus, quam octo, nis passuum millibus a flumine distent? Nimirum, quia auctus ille qui Nebriffam & Astam præterfluebat, obliatus est, sic tamen, ut illius vestigia hodie visantur cum æstuariis, atque diorygibus manufactis, ut inquit Strabo, ad exportandas scaphis & lincibus fruges ex agris in vicinas vrbes. Oppidum est autem peramœnum & pulchrum, cum arce peruerteret, agro vndique beatissimo cinctum. Nam etiam vniuersa Batice prouincia frugibus, & cunctis rebus necessarijs sit admodum foelix, hoc tamen præcipue tractu, non solum latissimas fruges, vina, mella, delicatos arborum fructus, oliuas, sed & immensam rerum omnium copiam producit. Quocumque namque oppidum Nebriffense egressus, te veritas, patentes te campi excipiunt, prata viriditate & floribus lata, vineta, & maxime frequentia oliueta. Quare Nebriffensis ager, ab olei non vbertate solum, sed & bonitate præcipue commendatur, quod hinc in Indiam exportatur. In quem usum, varij generis fictilia & vasa lutea hic conficiuntur, magnæ capacitatis, quæ ipsi Tenagias, & minora, quæ Botigas, vulgo nuncupant, quibus oleum ad remotissimas mundi partes transmittunt. Est denique hæc vrbs eo multo celebrior, non quia Bacchum habuerit conditorem, Deum ebriosum, ac male sanum, sed quod ciuem ediderit à quo Antonium Nebriffensem, magnum decus & ornamentum Hispaniæ, qui ex Grammatico & Rhetore Regis Cosmographus factus, rerum à Ferdinando, & Elisabetha, Hispaniarum felicissimis Regibus, gestarum à quo, magna cum laude conscripsit. Huius oppidi & circa id regionis abundantiam si vidisset, si dulcedinem degustasset Munsterus, nunquam à Gallia, vini, frumenti, & carniæ copia Hispaniam vinci assueuerat. Situ est admodum iucundo, eo itinere, quod ad oppidum S. Lucar de Barrameda, deinde de Medina Sidonia ducit, atque ad Batidis fluminem. Distat miliaribus inde quinque Xeres de la Frontera, quæ deinde Calizium, & ad Gaditanum portum pertinetur.


SEPTENILIVM.



SEPTENILIVM, vulgo Seten, Hispania oppidum, in monte positione præsertim mirabili, itinere quo ex Xeres de la Frontera, Malagam versus tenditur, plura incolarum subterranea habet domicilia cauernosa, in rupibus excisa, quam quæ foris structura videntur erecta. Solum, quæ in montibus frequens, asperum & lapidosum, ut aratri culturam non ferat, sed pecoris varij generis diues. Nam montes hic passim gregibus, & armentis bouum, ouium, atque caprarum pleni. Oppidum hoc cum castello, postremo Granatensi bello in Ferdinandi Regis potestatem deuenit. Existimabant namque Hispani, id oppidum, quia limitaneum, tentari debere, quo expugnato, hostium vires fierent tenuiores. Igitur Rex cum exercitu cohortibus ordinatis à Corduba profectus, Marchionem Gaditanum cum duobus equitum millibus, & conuenienti peditati præmittit, qui ut fieret certior, quo in statu oppidani essent, curauit ex pastoribus & rusticis aliquot comprehendere, à quibus accepit, nullos esse hostes, sed castelli tantum incolas & habitatores, qui tamen putarentur ad mœnia, munitionesque tuendas posse sufficere. Fixis deinde tabernaculis, machinisque & tormentis suis in locis dispositis, machinarij & tormentorum præfecti opus suum aggrediuntur, perque diestres, noctesque continuas non cessant maioribus tormentis turrem murosque quatere, minoribus vero intra muros saxeos orbes passim intorquere. Principio cum obsiderentur, cœperunt cum Hispani pugna simulachra conferere, sed cum viderent, se non esse numero pares, & sagittarum ictibus, & sclopetorum glandibus ex paucis in horas pauciores fieri, statuunt continere se intra munitiones, & portas oppidi non solum obserrant, sed structili opere ex lapidibus & mortario claudunt. Cumque intellexissent, parari oppugnationem cui non possent resistere, cum viribus & armis non sufficerent, cœperunt de se dedendi conditionibus agere. Quod facile impetrarunt, quoniam ex direptione præda tenuis erat, neccanti æstimanda, ut vel vno die tantum exercitum vno in loco immorari oportuerit. Insuper sunt igitur ea conditione, ut bonis suis affarcinati abirent, datis custodibus, qui illos ad Arundæ usque terminos deducerent. Rex oppidum ingressus, murorum ruinas instaurari iubet, oppidi præsidium cum ducentis equitibus, Francisco Enriquez commendat, quos armis & alimentis instructos relinquit, &c. Hæc ex Antonij Nebriffensis lib. 3. decadis 2. de rebus Hispanicis.



A V R E L I A



VRELIA, vel vt alij Aurelianum, in Gallia ciuitas est quondam Genabum dicta, sita ad Ligerim fluiuium. Quis eam condiderit, certò adfirmari non potest. A multis creditum est ab Aureliano Imperatore fundatam esse, atque inde nomen sortitam: sed, cum constet eam multò antè, quàm Aurelianus esset, extitisse Genabi nomine: fieri non potest, vt ab eo fundata sit. Genabum verò, de quo Cæsar meminit commentariorum suorum libro 7. ipsam Aureliā esse, cū ex ipsa Cæsar's & Strabonis lib. 4. eius descriptione colligi faciliè, tum ex Aimonis historia, & aliorum scriptis apertè demonstrari potest. Quapropter Franciscus Belleforestius, celeberrimus nostro tempore historicus, in noua sua Gallia descriptione, verisimile videri ab Aureliano Imperatore ei nomen inditum, qui vel auxerit eam, tametsi Vopiscus & Aurelius Victor eius rei nullam mentionem faciant, vel Genabenses à se Aurelienses vocari voluerit, quòd apud eos per Druides de imperio suo prædictum fuerit: explodi autem omninò eorum

opinionem, qui ab Aurelia Cæsar's matre sic vocatam autumant, cum multo post etiam Genabum adhuc dicta sit. Minimè quoq; Sabellici sententiam probari, qui à Gallico auri vocabulo, Or, denominatum, quò ob loci, in quo sita est, fertilitatem, & ciuium singularem industriam, mirè abundet. Ligeris fluiuius tota Gallia notissimus hanc præterlabens, magnam illi commoditatem ad mercaturam faciendam, præstat. Vnde non sine causa olim etiam vnicum quasi Carnutum forum fuit. Agrù circumquaque fertilissimum habet, omniumque abundantissimum, vt non minus pro horreo totius Gallia habeatur, quàm quondam Sicilia Romæ. Vina eis territorium præstat nobilissima, quæ inde & in Gallia, & in alias Europæ partes magna copia exportantur, nomen ab vrbe consecuta. Quapropter mirum non est, ciues ei magno numero opulentissimos, & ditissimos esse, cum & merces naturæ benignitate habeant, & ad eas aliò exportari curandas egregiam commoditatem. Loco est paulò editiore ædificata, ea maximè parte, qua Lutetiam Parisiorum respicit, atque vnde se templum S. Crucis, quod non ita pridem per sectarios dirutum fuit, ostendat. Aerè gaudet puro atque salubri. Peropportunos certè ac maximè idoneus Vniuersitati locus, quæ istic, inter ceteras Gallia academias clarissima, Anno M.CCC.XII. post natum Christum, à Philippo pulchro Gallia Regè erecta est. Iurisprudentia imprimis alumna & conseruatix. Nam cum Philippus Rex in animo haberet, hoc loco totius prouinciæ summo senatui sedem figere, qui etiamnum ibi est, necessitatem postulare faciliè iudicauit, esse oportere, vnde veluti ex equo Troiano, prudentes ad ius populo dicendum atque administrandum rem omni mortalium societati vti maximè necessariam, ita dignissimam, euocari haberi que possent. Quam ad rem nihil erat Academia tali commodatius. Ex hac Vniuersitate quot egregij viri non Gallia solùm, verum etiam vniuersa Europæ communicati, & quasi dati sunt, non est facile hoc loco referre. Plures enim sunt, quàm hic locus patiatur enumerari. Hoc tamen prætereundum non est, Bertrandum Burdegalensem Archiepiscopum, qui postea Pontif. Maxim. creatus, Clemens Quintus dictus est, hinc quoque egressum esse. Lingua hic vtuntur vernacula adeò pura, vt Gallis Aurelianisimū esse adfirmant, quod Græcis quondam fuit Atticisimū. Quare profectò multæ sunt causæ, cur externi homines fræquentes huc confluant. Alij enim mercandi causa, alij studendi, alij linguæ discendæ gratia, multi procul dubio vtramq; ob causam, vt videlicet & studia prosequantur, & simul linguam purè discant. Vnde imprimis Germanis moris esse aiunt, huc filios suos domo paterna ablegare. Qua ratione inde ab origine gubernata sit, cum nemo scriptorum, quod sciam; posteritati mandarit, non est facile dictu. Colligere tamen licet ad leges Druidum, ab initio sub indigena principe istic Rempub. administratam. Postea Romanis, rerum potitis, eorum imperio, vti præscriptū fuit, haud dubiè paruissè. Ijs inde vel eicctis, vel cōuentione facta, in Italiam reuersis, tandem ad regni titulum euecta est, eo scilicet tempore, quò Clodoici filij Galliam inter se partirentur, primusque Rex eius Clodimirus fuit. Hoc & prole sua mortuis, Clotanus frater in regnum successit, qui idem etiam Gallia vniuersa monarchiam, fratribus omnibus absque prole extinctis, adeptus est. Postea Gallia coronæ restituta, ab ea vsque ad Valisiorum imperij initium, non est diuisa. Ioannes enim Valesius, Rex, vt erat à Philippo patrè iussus, eam ducatus titulo, ac perpetuo quasi regni feudo, cum omni ditione ei adhærente, fratri Philippo, tum Comiti Valesio, contulit. Vnde deinde ducatus nomen retinuit. Eo iterum sine mascula prole Anno M.CCC.XCI. vitâ defuncto, secundo ad Gallorum regnum redijt. Nec enim in huiusmodi feudum, præter mares, quisquam succedit, non magis, quàm in ipsum Gallia regnum. Postremo Carolus eius nominis Quintus, Gallia Rex, qui sapiens cognominatus fuit, perpetua lege sanxisse videtur, vt semper Aurelianensis Ducatus secundo Regis filio, quemadmodum primo Delphinatus, cedat. Quondam ab Attila, qui se Dei flagellum appellabat, obsessa legitur, verum inde strenua ciuium defensione repulsum, irritò conatu referre pedem oportuisse. De memorabili, post omnium hominum memoriam eius obsidione, qua Carolo VI. eius nominis Rège añ. 1428. ab Anglis cincta fuit, & miraculose abs Ioanna virgine, belli duce liberata, vide benigne Lector, integrum libellum Ioan. Ludouici Micquelli Aurelianensis, ad Carolum Lotharingum Cardinalem: res enim paucis pro istius loci ratione, recenseri non potest. in eius liberationis perpetuam memoriam, 8. die Maij, quotannis, totus vrbis Magistratus, vniuersa plebs, & omnes Ecclesiasticorum ordines, vniuersali processione, gratulabundi, obire ciuitatem consueuerunt. Reges hic aliquot inauguratos, quemadmodum Rhemis fieri consuevit, historiarum scripta testantur. Episcopum etiam singularem habet, quem de suo nomine Aurelianensem dicunt, non solùm sedis antiquitatè, sed maiorum etiam sanctitate in Gallicana Ecclesia celeberrimum. Childeberto Gallia rege, fulgure cœlitus tacta, tota fere conflagrauit. Nostro tempore, bello ciuili miserum in modum iactata est, ab Hugenottis prodicione capta aliquandiu, multis in ea deformatis, & aliquot Eccle-

siis dirutis, in eorum potestate mansit, postea à Rege recuperata est. Franciscus Guyfius, insignis belli dux, à Ioanne

Poltratio, latrone nefario, globo tormentario traiectus, hic occubuit. Qui plura de hac

vrbe desiderat, legat Franciscum Belleforestium, & Leonem Trepantium Se-

natorem Aurelianensem, qui & peculiarem de patria sua

libellum conscripsit.



RHOTOMAGVS




RHOTOMAGVS, Gallia Narbonensis vrbs admodum vetus, hodie Rouen, ad celebre Sequanam flumen, quam Ammianus Marcellinus ex Berosi libris à Mago, secundo vel tertio Celtarum Rege conditam affirmat, abs quo & Gallia complures alia vrbes nomen sumpserunt, ac sub Rege deinde Rhomo, Rhomomagus, ac postremo Rhotomagus appellatam: tota hæc narratio, vt vero consentanea, eruditis placet: Rhomi tantum nomen excipiunt, persuasum habentes, ex Roto potius, quam ex Rhomo urbem appellatam. Fuit enim Rotus idolum quoddam à S. Mellone Rhotomagensium Archiepiscopo eueisum. Quo autem loco sanctus ille Præsul idolum euerterat, templum condidit, vel potius extructum antea idolo templum, Deo vero, sub sanctissimæ & indiuiduæ Trinitatis nomine consecrauit, in quo deinde Canonicorum Augustiniani ordinis cœnobium institutum, hodie à S. Loo nomen habet. Nec verò absurda videri debet hæc idoli appellatio, quamuis dura: Cum & Gothi suum olim Deum habuerint, nomine Rostarum, non nimium à Roto dissi- dentem, qui Deus Gothorum Saturnus erat, quem non secus humano sanguine placabant, quam Galli suum Theuthatem, hoc est, Mercurium, de quo Lucanus lib. I. belli ciuili. Robertus Cenalis, Aranchiorum Episcopus, in sua Gallia, inquit, Rhotomagus, non ab idolo Roto appellatam, sed à rubore lapidum pontis cuiusdam, vrbi vicini, quod Roth, antiqua Gallorum lingua, rubrum significet. Eam verò sententiam vt confirmet, Ecclesiæ suæ tabulas, & codicillos adducit, vt certum & irrefragabile testimonium. Idem interea non reiecit Magi nomen, à Rege vrbi datum, quod & maximum in hac vrbe antiquitatis argumentum credat. Quod autem existimant quidam, hoc verbum Roth, Germanicam esse cohortem significans, & ab eo ductum esse vrbi nomen, quod Magus Celtarum Rex, vrbe condita, eò Coloniam deduxerit: de Colonia nihil plerique repugnant, sed cum Magus Gallus esset, inter Celtas natus, non autem Germanus, nec verè germanicè Galli loquerentur, vix possum credere, ex germanico vocabulo, inditum vrbi nomen fuisse. Caterùm, vndeunque profectum sit Rothi vocabulum, nomen certe latinum à Rotho vrbi remansit, & tertio ab ea miliari vicus est, in quo etiam illud colebatur, idolum, hodie quoque Gallis, Montroh, quasi dicas, Mons Rhothius appellatus. Hinc intelligere est, urbem hanc, quæ à primis Gallorum temporibus ortum habuit, antiquitati nulli tota in Europa cedere. Atque illud mirum, istos ruinarum Troianorum ostentatores, subtilem aliquam rationem non excogitasse, qua Rhotomagensium etiam murorum auctorem, fugitium aliquem Phrygem constituerent. Caterùm, qui primi hanc urbem condiderunt, veluti præfagirent futuram eius amplitudinem, & ex negotiatione diuitiarum affluentiam, locum etiam ei delegerunt mercatui, & commerciis externarum gentium accommodatissimum. Ad Sequanæ videlicet ripas, nec longè à sinu quodam maris, qui suo refluxu vrbs propemodum muros pulsât, Ptolemæus & Rhotomagus appellat, & in Celtogallia ponit: Ammianus autem Marcellinus, caput facit secundæ Lugdunensis Gallia, duos habet ad Orientem fluuios, à quibus perluitur, Rubicum & Aubettam. Ad Meridiem, magnum & celebre flumen Sequanam; Ad Septentriones, latissimos pratorum campos, & montes præcelsos complures, vestitos olim, densissimis syluis, quæ postea, partim, vt magis conspicua esset regio, partim, vt vrbs aer liberior, atque salubrior, partim, vt bello, minus esset infidiis obnoxia, cæsa, ac deiecta fuerunt. Quod ad mercatum attinet, fluuii commoditas, eiusque alueus maximarum nauium capax, tum maris propinquitas, cum ita facilem & copiosum reddiderunt, vt nulla hodiè Europæ vrbs, frequentior em, habeat mercatorum numerum, nec ciues negotiationis vel terra, vel mari magis peritos, non etiam longius mercem oniorum gratia proficiscentes, siue in occidentem, siue vltra æquatorem ad ipsos vique Indos. Non alibi optimorum gubernatorum & nautarum maior copia. Et ceteræ artes marinas Gallonormanni, propemodum habent naturales, tum ob maris vicinitatem, tum ob diutinam eius rei exercitationem, quam veluti hæreditariam à Noruegis & Normannis à Scandinauia egressis, acceperunt. Sunt, qui dicant, urbem hanc olim sudibustantum, & palis conclusam fuisse, sed, cum Cæsaream videret Romanorum conatibus opportunam, cinxisse muris, præsidioque munivisse, propugnaculum autem deiecisse in monte, cui modò D. Catharinæ nomen est, collocatum. Quod, an verum, in medio examinandum relinquitur. Eius certè neque Dionis, neque Cæsaris scripta meminerunt. Id tamen verisimile, urbem hanc, Romanorum tempore non tantam fuisse, quantam hodie videmus. Nunquam enim Cæsar eius amplitudinem, potestatem, splendorem, silentio præterisset, vt æquè huius vrbs expugnationem laudi sibi duceret, atque aliarum Gallia vrbiū, quarum tum erat fama insignis. Creuit autem huius vrbs amplitudo & dignitas, posteaquam & sub Regum Francia potestate fuit, & Nortmannia Duces in ea sedem posuerunt, compluribus aucta splendidis ædificiis, quorum Archiepiscopi domus, & S. Ouentii Cœnobium, loco totius vrbs pulcherrimo, situm, utpote in quo & pulcherrimus sit Orientis prospectus, & horti, mirum in modum amœni. Itaque Reges ferè Gallia, quoties Rhotomagus adeunt, illic excipiuntur. Est autem hoc cœnobium, à Clotario Rege conditum, cum antea non aliud esset, quàm Ecclesia, sub Apostolorum Petri & Pauli nominibus extra vrbs muros consecrata. Inter substructiones, quas Rhotomagi splendore, atque maiestate videas excellentes, est pons ille in Sequana, eo artificio constructus, vt vno hoc opere artifex, ingenii sui atque artis præstantiam vel maximè omnibus prober, cum alioqui res factu difficillima fuerit, ob maris fluxum, & refluxum, bis die quoque accidentem. Est autem huius pontis substructio, ex lapide quadrato, maximis, crassissimisque columnis, & arcibus pulcherrimis firmata, altitudine prorsus, & latitudine insigni. Alterum huius vrbs admiratione dignum opus est, Ecclesia Cathedralis, Virginis Dei matris nomine, dicata, in qua nihil omnino desiderari potest, quod ad architectonicæ artis absolutissimam rationem exigi queat. Ea tribus veluti armata est amplissimis turribus, quarum, quæ antiquissima, sancti Romani, Rhotomagensium Archiepiscopi turris vocatur, Secunda, nomen habet butyracea, quod ædificata fuerit stipibus corrogatis à populo, ad obtinendum quadragenarii ieiunii tempore, butyri vsum: Tertia, constructa est ad ipsum Ecclesiæ vestibulum, elegantissimi, atque admirando artificio, quemadmodum & reliquum Ecclesiæ corpus. Historia Ecclesiastica Nortmannia, primum Euangelij nuncium atque Apostolum, sanctum Nicasium agnoscit, non illum Romanensem, sed alium, qui duobus



duobus sæculis, & amplius antecesserit, missus à D. Clemente in Galliam, & deinde plantato Rhotomagi, alijs-
que locis, Euangelio, Gagnii ab ethnicis cæsus. Hunc, ob Euangelii persecutiones, aliquot sæculis nemo Ro-
thomagi sequutus est Episcopus. Interiectis centum circiter, & triginta annis, Successit Melo, à Xisto, primo eius
nominis Pontifice, missus, quo tempore Valerianus imperabat, & Carthagine, Cyprianus Ecclesiæ præerat. Multi
horum præfulum impetrarunt suæ Ecclesiæ à Franciæ Regibus multa, eaque insignia privilegia, inter quæ illud
primum, quod à Dagoberto Rege eius Ecclesiæ Canonicis concessum, ab alijs etiam regibus ordine succedenti-
bus confirmatum fuit, ut quotannis, Ascensionis Christi die, Canonici liberare possint captiuorum vnum ali-
quem damnationi proximum, & quidem eum, quem ex omnibus talem deligere voluerint. Est autem hæc eius
liberationis series; Denunciatione à Canonicis Senatui facta, ut quem petunt captiuum ipsis tradat, eum acce-
ptum, Canonici deducunt in D. Romani Sacellum, ubi peccatorum exomologesi facit. Post capsulam prædiui-
tem, qua D. Romani ossa continentur, à quindecim, aut sedecim hominibus adiutus, in humeros gestandam
suscipit, atque in pompa solenni totius ordinis Ecclesiastici, qua simul omnes proferuntur sacra vrbis reliquiæ,
ad Ecclesiam defert D. Mariæ titulo sacram. Absoluto sacro, deducitur idem ad D. Romani præfectum, qui opti-
mè ipsum habens, eo etiam vesperi in coenam adhibet, ei quæ lectum ad quietem præbet commodissimum. Eo,
postridiè ad Canonicorum Collegium deducto, ipsorum quispiam ei recenset, quàm turpiter antea, & sceleratè
vitam egerit, atque ut eam melius deinceps instituat, hortatur. Eo facto, liberatur facinorosus ille, & si qui etiam
cum ipso in eiusdem facinoris partem aut societatem venerunt. Illud interim verum, si quis facinore læsus sit, oportere illi primùm
satisfieri. Est autem huius privilegij concessi causa, quod D. Romani tempore in sylua ad alteram Sequanæ ripam, immani magnitu-
dine serpens, damna vrbis ciuibus plurima inferret, aquam tranans, & pecora cuiusque generis deuorans, quin & homines fre-
quenter, quoties non aliud ad explendam ingluuiem inueniret. D. Romanus, Dei numine confusus, ciues adit, promittitque, si qui
velint se adiungere socios, liberaturum se regionem ab hoc monstro. Cum nemo omnium auderet sequi, petit duos sibi dari facino-
rosos homines in vincula coniectos; his facillè impetratis, cum eis serpenti obuiam pergit, vno latrone, altero fure. Fur, in fugam
se coniecit, Latro Deo confidens, & Episcopi virtute & sanctimonia fretus, vnà cum eo perstitit. Ibi D. Romanus eam, qua indutus
erat, sacram stolam, in serpentis collum implicuit, ita verò ligatum serpentem, latroni tradidit pertrahendum, & cum ad areæ me-
dium peruenisset, iussit confixum in terram monstrum exuri, & exusti cineres, in confluentem proici. Facinorosus ille, qui cum
Episcopo perseuerarat, à Senatu absolutus fuit. Post D. Romani autem mortem, cum Ouentius ei successisset, opera Dei admiratus,
ne tam insignis facti memoriam intercidere pateretur, impetravit à Dagoberto Rege, cui rem totam exposuerat, quod superius
enarratum est, privilegium, quod ceterè vel solum, rei gesta veritatem satis ostendit; cum etiam ipsum Senatus iudicium ei
cedat, & rei à tot iam sæculis gesta recordatione, iustitiæ seueritatem remittat, & neque Rex, neque
Dux ab eo tempore successerit, qui non & privilegium, & natam ex privilegio
consuetudinem approbarit.

CHARTRES




VÆ regio Parisiis ad occidentem proximior est, duobus Fluviiis, Sequana & Ligeri intercepta, prima fuit, in qua Noe Filij sedē fixerunt; quæ & Gallorū olim Philosophis inhabitata dicitur, ijs qui Druydes appellantur. Carnutū, inquam, Regio, mirum in modū ampla, multos vicos, vrbes multas, copiosas & diuites complexa, quarum Autricum Cæsari ea est, quam hodie Chartres, Latini Carnutum vocant, à Græco nomine *καρνος* quod nucem significat, ob ingentem nucum copiam, quam ea Regio producit. Perinde, vt Gallorum sophi eam incolentes Regionem, Druides, vel Druydes, à nomine *δρυς* nuncupabantur, quercum significante, propter ingentes eiusmodi arborum sylvas, quarum hodieque insignis in ea regione copia sit. Hæc autem vrbs à Gallorum sapientibus condita, conuentibus agendis vsui erat. Nam omne paulò maioris momenti negotium, à Druidibus transigebatur, in ea vrbe atque regione sedes habentibus, atque rectè quicquam nisi eorum auctoritate factum, habebatur. Quæ res nonnullis occasionem dedit, vt existimarent Chartres, Gallico vocabulo, dictam urbem, quoddam illi carceribus atque supplicij coercerentur, qui leges transgressi essent, quasi à nomine *carcer*, Gallici vocabuli origo deducta fuerit. Verum hanc sententiam multi non sine causa reiiciunt. Cæterum apud Carnutenses olim, tametsi ad Druydes omnia maioris momenti negotia referebantur, Res tamen pub. per vnum principem gerebatur, vt ex Cæsare licet cognoscere, qui lib. 5. commentariorum. *Erat inquit, in Carnutibus summo loco natus Tasgetus, cuius maiores in sua ciuitate regnam obtinuerant: huic Cæsar pro eius virtute, atque in se beneuolentia, quod in omnibus bellis singulari eius opera fuerat usus, maiorum locum restituerat, &c.* Verum post huius Tasgeti mortem, nusquam legas, fuisse vltos Carnutum Reges, cum enim Romani toti Galliæ imperarent, nullum in ea passi sunt principem, nisi quem ipsi constituisent. Ecclesiæ tamen Carnutensis monumenta, de nonnullis tradunt principibus, qui comitum titulo Rempub. in ea vrbe gesserint, antequam etiam Galli Christo nomen dedissent. Huius porro Carnutensis vrbs inhabitatores, Druydum sapientia imbuti, multo amplius, quàm vlli alij Galliæ populi, ac præcipuè ipsorum Comites & reguli, qui Rebus in ea gente, ante, quam Cæsar Gallias deuicisset, præerant, persuasum habebant, nasciturā olim in terris virginem, quæ partum vniuerso hominum generi salutarem ederet. Hæc de futura virgine concepta religio, in causa fuit, cur Comes nomine Priscus, inter Ethnicorum simulachra signum statuerit virginis, puerum vlnarum complexu tenentis, ei que sacrum fecerit, vt Augustum Cæsarem, posteaquam virginis illius, quæ Deum nobis peperit, imaginem, demonstrante Sibylla, conspexisset, fecisse tradunt. Religio qua erga hoc simulachrum virgineum tenebatur Comes ille Carnutum, reliquos etiam Carnutes, vt idem facerent induxit, & Montilerij Princeps Gaufridus, Carnutum Comitum cliens, certior factus, quo in honore suus patronus virginem illam futuram haberet, ad eius etiam cultum sese contulit. Ex eo deinde consequutum est, vt viri illi Principes virgini illi, haud dum etiam in mundum editæ, templum statuerent, & donaria permulta offerrent, indies etiam eius templi virginei censum augentes, id autem templum, vbi religione Christiana fuerunt imbuti, in B. Mariæ virginis Collegium est mutatum, & hoc etiam tempore, huic vrbi singulari est ornamento. Ager huius oppidi, quemadmodum & vniuersum Carnuticum solum, nulli reliquæ Galliæ parti, fertilitate vel amœnitate cedit, vt, quod omni genere frumenti, pecoris, & fructuum abundans, vitibus etiam & vino minimè destituitur, horum autem fertilitate & pulchritudine, mirum in modum excellat. Vicini oppido agri perluuntur exiguo fluuio, qui à Perchijs ortus, in ipsam urbem se infundit, & ad extremum apud Luparias, maioribus Sequanæ vndis permiscetur. Præcipua vrbs Ecclesiæ B. virginis Mariæ est nuncupata, quæ ex superstitione gentiliū in ritu in sacrum & castum veræ religionis vsus est conuersa (de quo plura in Indice) Episcopus tum primus vrbs Aduentinus est institutus, cuius pædagogia Carnutenses, militia Christiana primum nomina dederunt. Nec multo post eius loci Christiani persecutionem passi sunt, à Quirino Galliæ Proconsule, qui ad Carnutes veniens, magnum Christianorum numerum in puteum quandam profundissimum præcipitari iussit, qui hodie Sanctorum sciriū puteus dicitur, & in Ecclesiæ crypta visitur. Hac autem persecutione sedata, S. Lubinus decimus sextus Episcopus, diocesis episcopi Carnutensis limites constituit: Quod etiam tempore ad instar 72. discipulorum Christi instituti fuerunt ad ædem B. Mariæ pari numero Canonici, atque eorum alimoniam, præter id quod antea possidebant, totidem pagi seu vici attributi. Horum census annui, à quatuor præfectis, seu vt vocant, Præpositis curabantur, sed eo iam cessante numero Canonicorum, quisque suas habet villas & census attributos, manente nihilominus in ea Ecclesiæ Præpositorum dignitate. Gancellino deinde, quadragesimo septimo Episcopo, cum hæc ciuitas restituta esset, (à Nortmannis namque grauius afflicta deformataque fuerat) & Carolus simplex in Gallia regnaret, Nortmanni Rollono Duce, obsessos in hac vrbe eo redegerunt, vt neminem omnino haberent ad quæ confugerent, præter Deum & virginem Matrem, cuius cultui tot iam sæculis addicta ciuitas esset. Itaque Gancellinus, B. virginis subuculam, quæ præcipua illic pietate adseruaretur, acceptam de lancea suspendit, & cum ea militum cateruis stipatus, contra Rollonum egressus est: ille, vi nummis perculsus, relicta obsidione, in fugam se coniecit persequentibus Christianis ad illud vsque pratum cui ab eo euentu nomen est, iuxta Gallicum idioma, Patri retrocessionum. Itaque Rollonus ille, factus deinde Christianus, cum à Galliæ Rege, Ducatus titulo Neustriam, (quæ postea Normandia dicta fuit) accepisset, Ecclesiam Carnutensem multis ornauit, auxitque beneficijs. Anno partæ salutis M. D. LVII. Carnutum à patriæ perturbatoribus obsessum, & virtute Lignerij fortiter defensum, dies quo obsidione repulsi hostes, inter festos consecratus. Ad moeniorum partem, hostium machinis prostratam, ac deinde restauratam, hoc carmen incisum visitur.

*Dum noua Religio studia in contraria cacas
Gallorum mentes agit, & bello omnia miscet:
Carnutum premitur magna obsidione, globisq;
Machina sulphureis oppugnat mania, quæ nunc
Sarta & recta vides, salua incolumisq; remansit*


*Vrbs, duce Lignerio, populi curaq; fidelis.
Atq; manu parua numerosum reppulit agmen.
Quam pro Rege suo, patriaq; arisq; focusq;
Sit pulchrum pugnare, atq; hasta cedere nunquam,
Exemplo hoc discant nati, seriq; nepotes.*

CHAS.


Autricum, Ptolemaeo in Gallia
Luodunensi urbs; vulgo, cum
Villa nouano, CHARTRES.



Chasteaudum




CASTEA DVNVNVM.



CASTEADVNVM, siue Castrorodunum, ita enim Gregorius Turonensis, oppi-
dum peraugustum, amœnum, & naturali situ firmum, Comitatus titulo, dignitateque
præstans, qui hic Senatum, & æquissimorum Iudicum Consistorium habet, alia sub se
quinque Senatorum Collegia comprehendentem. Gens in hac vrbe ingeniosa, acuta,
subtilis, & quæ quod dictum velis, verbo statim capiat, eadem pauci sermonis, & magnæ
breuiloquentiæ, quæ res & sapientiam eius satis indicat, & Lacedæmonios olim præ
cæteris Græciæ populis maximè commendauit, & sermo quidem gentis satis proprius,
& purus, sed ita sunt, vel breuiloquentiæ appetentes, vel tum in apprehendendo celeres,
tum ad efferendum, quod sentiant, expediti, vt ne moram quidem ferant audiendi, quoad
is, qui cum loquuntur, sermonem absoluerit, quem nondum finitum excipiant, atque interrumpant. Quod gentis
naturale vitium prouerbio locum fecit; quo siue damnetur ea respondendi præcipitantia, siue laudetur expedita
ingenij promptitudo, dici solet, Castrorodunus est, intelligit dimidiato verbo. Vicinus vrbi ager fœcundus est, &
ferax, prout ingenium est Regionum, ad quas pertinet. Qua. n. ad Perchios vergit, syluæ sunt, nemora, saltus, pas-
cuâ, lacus. Itaque pecorum illic & armentorum vis magna. At Aureliam versus offerunt se vineta, & frumenti
segetes, præterquam ea Regione, quæ syluam habet, cui Marchiæ nigræ nomen: Cuius syluæ arbores eam præ se
ferunt antiquitatem, vt videantur ab ipsa terræ primæua conditione extitisse. Illud alioqui sciendum, Castroroduni
vitibus à natura veluti limitem ad septentriones atque Normandiam esse constitutum. Neque enim vitēs ibi aut
vvas amplius inuenias, nisi agrestes & labruscas, non ad aliud ferè, quam ad Omphaciū vtilēs. Est vero Castroru-
dunum regionis Dunensium caput, dicta olim corrupto Gallorum vocabulo, *Rubeclara*, quasi urbem claram dicas,
Literarum enim Metathesi à Gallis facta, id nominis habuit, quod vrbs longe conspicua esset, condita in rupe
multum emiñente, ad quam non sanè facilis patet accessus, ne à Septentrionibus quidem, qua parte regio latissi-
mè se oculis ostendit. Dicta itaque fuit hæc vrbs castrū, hoc est, propugnaculum Dunensium, quod scilicet bellorū
temporibus eò confugerent, nec hostibus locus ille, nisi qua parte ad Beausiorum, (vt dicuntur) regionem vergit,
accessum relinquat. Est autem Dunum priscae Gallorum linguæ vocabulum, collem aut rupem sonans. Et vrbes
quarum nominibus huius vocabuli accessio facta est, ipsa statim appellatione situm indicabunt montosum & as-
perum, accessuque difficilem. Vrbs igitur hæc in rupe veluti pensilis est, eò planè artificio condita, vt dicas hiru-
dinei nidi ad modum in sublimi fixam; munita insuper atque ornata turri amplissima, quo propugnaculo vtuntur
ciuitēs & vrbs accolæ, quoties bello vrgentur. Hanc urbem longe olim, quàm modò ampliorem fuisse, testantur,
quæ hodie in suburbijs apparent, templorum ruinae, ijs factæ bellis, quæ Dunenses cum finitimis gesserunt, vt in
antiquioribus Galliæ antialibus videre est, à primis statim Francicis regni temporibus. Vt cunque autem multas
bello clades acceperit, plurimæ in ea, eiusque suburbijs extant augustissimæ Ecclesiarum Basilicæ. Imprimis, quæ
D. Magdalene dicitur, à Carolo magno condita: ad quā & coenobium est, curialis Paroecia. Diui rursus Andreae,
vbi Canoniorum coetus, amplo admodum censu: Diuorum Petri & Lubini Paroecia. Præterea: cuius Sacelli no-
men, & quæ D. Rochi titulo consecrata est, vtrique à Dunensium Comitibus conditæ, cum Præposito, Cantore,
& Canoniorum coetu amplissimo. Est illic & domus, quæ Dei Pandocœum vocari potest, à ciuibz condita, re-
ceptâdis morbo affectis, pueris quæ expositis & à genitoribus desertis. Suburbia vero quater ipsa vrbe maiora duo-
decim habent Ecclesiarum Basilicas, magnificè constructas, atque in his & mercatus ad magnam eò venientium
commoditatem, celebrantur, & ædes sunt multò, quàm in vrbe splendidiorez, maioreque incolarum fre-
quentia. Peringentes autem in suburbijs hisce ruinae urbem hanc multò olim ampliorem fuisse, sa-
tis manifestè declarant. Id ciuibz causam dedit, vt magna ruinarum parte restaurata, pro vr-
bis insignibus, tres semilunulas acceperint, addita inscriptione **EXTINCTA**

REVIVISCO. Quo significatum volunt, se urbem restituis-
se, quæ olim vastata, indies maius capiat
rerum incrementum.

GRATIANOPOLIS.



RATIANOPOLIS, inter Galliæ Narbonensis vrbes antiquissima, & Allobrogum populis nulla non ætate adscripta, non semper id nominis habuit; quippe olim *Accusio*, vel, *Accusiorum Colonia*, vocata, Caballoniorum in Prouincia colonia fuit. Nam & ita Ptolemaeo in sua Geographia dicitur, eodem ei permanente nomine, vsque ad Diocletiani, & Maximini tempora. Quamobrem *Cularona* exinde vocata fuerit, nullam rationem accepi. Post autem imperante Gratiano, cum ampliore murorum circuitu eius pomeria nonnihil prolata essent, à Gratiano eius rei auctore, Romanis primum *Gratianopolis*, Gallis deinde corrupto vocabulo, *Grenoble* appellata fuit. Itaque non ipse Gratianus, (vt aliqui falsò existimant) hanc urbem condidit, sed quam restauratam ampliasset, nomen ab sese habere voluit, Gallicæ quidem gentis, apud quam Ambiani Romanorum Imperator factus esset, studiosus. Post autem Anno Christi CCC. LXXXVI. Lugduni à Maximino Tyranno cæsus. Cæterum, ante Gratianum Maximianus à Diocletiano in Galliam missus, vt subortos illic tumultus componeret, hanc urbem ita communierat, vt Romanorum veluti propugnaculum quoddam aduersus Gallorum vim esset. Portas autem exstruxerat duas ex lapide quadrato insignes, opere scalptorio per quam subtili, coagmentatione tam solida, vt ne hodie quidem illarum pulchritudinem, vlla in parte, vetustatis iniuria læsam appareat. Harum altera, quod ad viam spectaret quæ Romam ducit, appellabatur Romana Iouia. Altera, per quam milites in Prouinciam grassatum prodibant, Viennensis Herculanæ nomen habebat. Hæc Maximiano, qui sibi pari cum Hercule felicitate blandiens, Hercules dici vellet; Illa, Diocletiano, qui rebus gestis, parem se Ioui crederet, dicata. Id hodieque scalptæ illæ inscriptiones docent, quas non Viennæ, (vt somniauit Pomponius Lætus) sed Gratianopoli videas: alteram quidem in porta, quæ ad Meridiem pertinet, & Romana dicitur:

DD. NN. IMPP. CAES. GAIVS AVREL. VALERIVS DIOCLETIANVS PP. INVICTVS,
Augustus & Imp. Caesar. M. Aurel. Valerius Maximianus, pius, felix, inuictus, August. muris Cularonensibus, cum interioribus adificijs prouidentia sua institutis atque perfectis, portam Romanam Iouiam vocari iusserunt.

DD. IMPP. CAES. CVIVS AVREL. VALERIVS DIOCLETIANVS PP. INVICTVS,
August. & Imp. Caesar. M. Aurel. Valerius, Maximianus, pius, felix, inuictus, August. muris Cularonensibus, cum interioribus adificijs prouidentia sua institutis atque perfectis portam Viennensem Herculeam vocari iusserunt.

Sed nulla Maximiani tanti momenti Cularonæ fuit substructio, quin ei vrbi Gratianus, ampliori ab se factæ, veteri abolito nomine, suum dare voluerit. Cumque is orthodoxæ religionis Princeps, Gallis etiam charus esset, facilè in ea vrbe nominis ac virtutis æternam memoriam assequutus est. Antiqua eius forma longior est, quam rotundior, in angulum desinens acutum, ac tantummodo oualis. Planiciem occupat, quæ paulatim a montium radicibus ad Orientem extensa, ita pingue habet solum, vt nulla omninò regio fertilitate ipsam vincat. Sed neque tantum ab hac parte regio fructuosa est. Quocunque enim oculos vertas, amoenitas, deliciae, rerum omnium copia sese offert. Isara, ex altis Alpium iugis ab Oriente lapsus, hanc perluit, qui magno impetu, per Centrones & Viconcios (Tarentasios hodie & Moriennos vocant) delatus, irrigata Delphinatium regione, in Rhodanum se, intra Tinum, & Valentiam confundit, quo loco Fabius olim Maximus Allobrogas memorabili prælio superauit. Ad Septentrionem in Isara, pons stratus, omnium, quos vsquam videas, pulcherrimus, ad suburbia, quæ D. Laurentij dicuntur, pertinens. Nec longe fodinæ lapideæ ex quibus lapides ad omnem ciuitatis vsum eruuntur. Ad Meridiem præterlabens Dracus, torrens ita morosus, & vehemens, vt non rarò limosis inundationibus vicinos agros deformet, nec villo aggere coerceri possit, non longè à Ciuitate in Rhodanum excipitur. Qui ab hoc torrente longius absunt agri, latissimis extenduntur campis, omni fructuum genere onustis, & aspectui perpetuo quodam virore, fontiumque, ac riuorum scaturigine, mirum in modum blandientibus. Franciscus, eius nominis Rex Gallorum primus, Gratiani sequutus exemplum, constituerat hanc Ciuitatem maiore murorum ambitu concludere, & iam fundamenta, quæ hodie quoque videre liceat, iacta erant, sed pendet opus interruptum, nullam ciuibz inuenientibus rationem, qua tanti momenti rem cœptam absoluant. Gratianopolis sedem habet Episcopalem, Viennensi Archiepiscopo subditam, Habet & Curiam iudicalem primariam, ad explicandas maioris momenti causas, quæ apud inferiores Iudices decidi non possunt: In qua viri semper sunt scientia præstantissimi, tum iustitia & vitæ integritate summi, qui & patriæ iura conseruent, & libertatem tueantur. Denique, ad cætera huius ciuitatis ornamenta accedit, Rationum ærarij cognitio.

ROMANVM OPP.



Romanum oppidum, ad ipsum Isaram situm habet, eorum, quæ in decliuore Delphinatium regione posita, ob pulchritudinem celebrantur, non minimum: inter ea etiam, quæ diuitiarum splendore præcellunt adscriptum. Cuius nomen testatur, vel à Romanis conditum, vel ab ijs, qui ab vrbe Romana nomen ei dare voluerunt.

AUGUSTODUNUM.



AUGUSTODUNUM. Heduarum metropolis, ab antiquitate commendata, an eadem sit, quam Cæsar Bibracte vocat, quamque ipse inter Heduos populosissimam & magnitudine præcipuam facit, atque ab ipsis Gallis, ne Romanis belli usum præstaret, incensam refert, alij, rationibus haud contemnendis commoti negant, alij affirmant. Petrus sancto Iulianus, apud Cabillonios Canonicorum Decurio, ingenij subtilitate, rara doctrina, & vniuersæ antiquitatis cognitione præstantissimus, de historica hac controuersia, ea, quæ sequuntur refert. Nonnulli, inquit, vocum etymologiam, & velut collusionem secuti, discesserunt in sententiam vulgatam magis quam rationi consentaneam, Bibracte Cæsari appellatum esse, quam urbem hodie Galli Beurreum, à bibendo, ut apparet, dicunt. Sed cum Beurrei tam potentis, atque opulentæ ciuitatis, quam Bibracte olim fuisse constet, argumentum se offerat nullum, Augustodunum contra, tot antiquitatis notis insigne est, ut videatur iudici, errore se oblectare, qui eam veterum etiam iudicio, ac sententia comprobata neget. Et vero, qui Augustodunum à Bibracte diuersum esse autumant, longe falluntur, quasi protinus, ut Cæsar vita excelsit, Augustodunum una veluti nocte & conditum sit, & nomen acceperit. Ammianus certe Marcellinus, muros Augustodunenses antiquissimos vocat, non ita vocaturus, si non ante perdomitas à Iulio Cæsare Gallias extitissent. Neque vero quisquam negat, Cabilloni horreum fuisse alendis Heduarum regionis præsidij, & quia difficilior esset, ruptis frequenti vectura itineribus, commeatus, atque annonæ importatio, Cæsarem aggeribus à Cabillono Bibracte usque excitatis, viam munivisse. Atque horum sane aggerum reliquias etiamnum videas recta Cabillono Augustodunum pertinere, ut ipsi quoque lapides rei, quam probatam volumus, fidem abunde faciant. Ad hæc, cum narret Cornelius Tacitus, apud Heduos belli vim tanto maiorem fuisse, quod eorum ciuitas, ut erat amplissima, ita expugnationem haberet difficilem, cum quidam Sacro vir Augustodunum regionis caput occupasset, utique noui isti, quos faciunt, huius urbis conditores, nunquam eo confidentiæ progressi fuissent, ut Augustum de suo nomine, quod sacrosanctum à Romanis habitum, non alijs urbibus, quam quæ Prouinciarum Principes essent, concedebatur, urbi recenti, & modo natæ imponendo rogarent. Earum certe urbium exempla sunt Cæsaraugusta in Celibæris, quos hodie Aragonas vocant, Augusto Taurinensis, nunc Turinum, Allobrogum caput, aliæque non paucae. Ea igitur ciuitas Bibracte Cæsari fuit, quam hodie Augustodunum appellamus, ipsius reuera Cæsaris culpa, & factionibus vastata, ut tuncque ille facto colorem querens, in alios culpam reiecerit. Inde ab Augusto restaurata, & à Flauijs, Claudij Cæsaris genere, (nam à Claudio Flauiorum originem deducit Panegyricæ illius orationis ad Constantinum auctor) multis aucta beneficijs, etiam Flauianæ familiæ nomen tulit. Itaque Panegyricus ille orator. *Bibracte, inquit, ad hoc aut Iulia, Pollia, Florentia dicta, hodie Flauia nuncupatur, Heduarum gentis caput.* Quo in loco illud venit in mentem querere, ubi tandem legatur, Beurreum Heduarum fuisse caput, sed neque in eam dignitatem Bibracti antiquo, alia successit urbs, quam cuius meminit Panegyricus, Maximiano, qui ante Constantinum Magnum Gallijs eum imperio præerat nuncupatus, quam & nostrum Augustodunum esse constat. Sunt autem hæc Panegyrici verba: *Quia & ipsa hac ciuitas, cuius potissimum nomine mihi gaudentium censeo, hac inquam, animo erga te propensissimo Heduarum ciuitas, ea victoria, quam ex Britannis retulisti multos artifices, quibus abundat ea Prouincia, tuo manere consequuta, nunc quidem antiquarum adium, publicarum substructionum, & templorum instauratiōe, ad pristinam redit & pulchritudinem, & dignitatem.* In eo vero, quem superius allegauimus, ad Constantinum Magnum Flauiae gentis Panegyrico hæc insunt verba: *Itaque ob egregia officia, & antiqua merita, diuinus ille tuus pater voluit iacentem Heduarum ciuitatem restituere, idque ut præstaret, non tantum pecuniarum vim elargitus est, restaurandis propugnaculis, theatris, balneis, verum etiam nouis habitationibus accersendis, ut sola hac esset Prouinciarum caput ac Metropolis.* Ut tuncque autem Panegyricus hic orator, siue is Eumenias est, siue alius, hæc coram Imperatore ad gratiam loquutus sit, hinc tamen colligimus, Augustodunum Heduarum id temporis Metropolim, non aliud esse, quam Bibracte, quod eiusdem Gentis caput Cæsar agnoscit. Atque ut huiusce probationis fidem aliquando faciam, adducam Ammiani Marcellini verba, quibus de Iuliano, cui Apostata nomen, commemorans, Augustoduni maximam antiquitatem ostendit. *Cæsar, inquit, cum in ea vrbe hyemem ageret (Vienne intelligit) inter ceteros, qui quotidie discipabantur, rumores intellexit, in Augustodunenses muros, qui magnum complecterentur spatium, & vetustate nimia erosius corruptique essent, a Barbaris subitas fieri impressiones.* Vides ut murorum huius urbis nimiam vetustatem prædicet, nullam tunc certe futuram, si temporibus primū Augusti urbs ea condita, in id Iuliani tempus steterit. Neque enim ab eius conditione plus tunc quadringentis annis exactum esse poterat, quæ nimia in ædificio vetustas esse non potest. Quo fit ut ea vetustas à multis retro seculis, atque adeo à primis Gallorum temporibus, repetenda sit, ut proinde tam vetusti urbis muri, ruinarum Bibractis reliquiae fuerint. Huc denique illud, pro inuincibili argumento addam, Quod nisi Augustodunum Heduarum regionis caput fuisset, nunquam illic primi Christiani Heduarum Episcopi sedem fixissent, cum præsertim & Cabillonum, & Matiscon, in eadem tunc Regione essent, atque in ea semper Gentis Episcopos cathedram habuisse vetera Scriptorum monumenta declarant. Sed hæc, de historia ista contentione, & Augustoduni antiquitate, dignitateque nimis fortasse pro ratione loci multa. Qui plura cum de antiquo, tum de præsentī Augustoduni statu desiderat, is, præter Bello foretū historiam, Guiljelmum etiam Paradisum consulat. Ceterum si ut iam disputatum est, Augustodunum verus est Heduarum Bibracte, id cum Cæsare populosum, & magnitudine præcipuum adpellabimus, situm ad radices montium, quibus perinde ut ijs, qui apud Salassios, nomen Cenij, oppidum in Burgundia admodum ædificijs vacuum, præterquam eo loci, ubi arx, & D. Lazari templum, cui etiamnum, quod illic Martis esset campus, à Martē, lingua vernacula nomen. Complures magnificas habet basilicas, quarum quæ præcipua, S. Nazarij nomen habet: Is à Pontifice Romano sub annum Christi septuagesimum secundum baptizatus, venit in Galliam, ibique Celsum baptizauit, & cum eo deinde Mediolani palmam martyrij tulit. Augustodunenses non immemores, quod is primus salutis doctrinam ipsis annuñciasset, Augustalem eius nomine Basilicam dedicarunt, quæ nunc in D. Lazari conuersa Ecclesia, reliquis in ea vrbe templis, splendore ac maiestate præcellit. Est autem hic Lazarus B. Magdalene frater, qui à Christo suscitatus ad vitam, post Christi ad cælos ascensionem, in Galliam, Euangelij propagator, venit. In ea Basilica corporis eius reliquiae positæ, perquam religiosè adseruantur. Apud hanc, & alia, Canonicorum ceterum insignis, virginis Deiparæ nomine dicata, quam Raulinus Burgundiæ Cancellarius condidit. Habent quoque in hac vrbe mendicantem professi Ascetæ suas ecclesias. Et præter hæc, duo sunt monasteria, quorum alterum ad D. Symphoriani memoriam, ab Euphronio Augustodunensi Episcopo conditum in eo coemiterio, cuius meminit Turonensis Gregorius, qui & D. Symphoriani vitam narrat. In eo monasterio, quod & ordinis Augustiniani prioratum habet, recondita sunt corpora Symphoriani, Faustæ, & Augustæ, Symphoriani parentum, qui perinde omnes Christi Euangelium, fuso sanguine, fortiter asseruerunt. Alterum autem Monasterium, Abbatiam habens D. Martini nomine, à Brunichilde olim regina conditum, ipsius etiam adseruat corpus. Sanctimonialium præterea virginum duo Asceteria, vnum ad S. Andocheum, quod nonnulli existimant auctorem habuisse Carolum Magnum, Petro sancto Iuliano, quod nusquam id veteres codicilli, vel vltimarum voluntatum instrumenta indicent, negante. Alterum à S. Ioanne, cui vulgo Magni cognomen, adpellatum, existimatur id esse, quod à Brunichilde regina extructum, Dei Seruarum dictum fuerit, vel certe à Cabilloni Principib. conditum, Sanctimonialium pijs exercitijs dicatum fuisse. Parochiales ecclesias, breuitatis causa omitto. Episcopus Augustodunensis primus est episcoporum, qui Lugdunensi Episcopo subordinatam potestatem habent. Quod ad civilem Reipub. statum attinet, vnus olim fuit, qui de causis tum civilibus, tum criminalibus cognoscens ab officio, ut lingua tum gentis erat, *Virgius* diceretur. Huic magistratui successerunt potestas fuit, subrogati. Olim Augustoduni Senatus quidam erat Druidum, atque hodie locus ei Senatui dicatus, ab ipsis Druidibus, vulgato sermone, à Latina adpellatione nonnihil deflexo, Mons Druide vocatur. Apud ipsum quoque Augustodunum visitur & alius locus, Latinorum adpellatione Mons Iouis dictus, ubi usque in hanc diem, familia illustris est Montijouiorum. Quæ autem urbis pars, à reliqua seclusa, Gallica voce, sed corrupta, Marchault, modo vocatur, Martis campus olim erat, locus videlicet Martis cultui facer. Et, quod hodie Genotoie eius urbis incolis dicitur, quod eo loco Iani templum esset, Iani rectum adpellari debuit. Denique Augustodunum olim & suum habebat Capitolium, & varia diuorum templa, quæ post ruinas illas Bibractenses restaurata, Barbarorum deinde impressionibus vastata sunt, & abolita.

NOVIO.



NOVIODVNVM.




NOVIODVNVM, vel, ut plerique Niuernia, vulgò Neuers, Niuernensium Ducatus, vrbs tam antiqua, eo-
que loco sita, ut sine errore ea dici possit, cuius in Commentarijs suis meminit Cæsar, hisce quidē verbis. *Oppi-
dum diruit (de Genabo loquitur) atque incendit, prædam militibus donat, exercitum Ligerim transducit, atque in Bituri-
gum fines peruenit. Vercingetorix, ubi de Cæsaris aduentu cognouit, oppugnatione desistit, atque obuiam Cæsari proficiscitur :*
ille oppidum Biturgium, positum in via, Nouiodunum oppugnare instituerat, &c. Vides, ut Gergobinæ vrbi à Gallis ob-
fessæ, auxilio proficiscens, Nouioduno iter habuerit, quæ vrbs non alia potest censeri, quam quæ nunc Ni-
uernia dicitur, ad Ligerim sita, eo prorsus itinere, quo Cæsari eundem erat, ubi is veritus, ne male ab exercitu
Gallico acciperetur, quamuis urbem teneret, videns tamen aduersum occurrere Gallorum equitatum, qui
prælium depolceret, eam reliquit. Itaque hodie quoque in ipsius vrbs mœnibus videas antiquum propug-
naculum; magnæ omnino amplitudinis, & altitudine ipsos vrbs muros æquans. Et verò Niuerniam esse
Nouiodunum Cæsaris, docet Aimò ille monachus historiæ suæ initio, ubi Celticas vrbes enumerans, Nouiodunum, quam hodie Ni-
uernis esse putant, inquit. Qui eadem etiam historia sua perhibet, urbem hanc, (quemadmodum vniuersum Niuernensem Ducatum,
cuius Nouiodunum caput est) initio Comites habuisse, qui Rempub. Regis nomine curarent, sed Comites deinde eius possessionem
ac dominatum vsu cepisse, successu deinde temporis, Comitatum hunc ad Ducalem dignitatem peruenisse, primumque Niuerniæ
Ducem fuisse Franciscum, Filium Caroli Niuerni, & Mariæ Atrebatanæ, cui vxor fuerit Margareta Borbonia, Caroli primi Ducis
Vedomij filia. Nomen consequutum ex situ. Dunum namque, antiqua Gallorum lingua, montem, aut locum editiorem significat.
Monticulum namque occupat, in faucibus, quibus Niuernis flumen in Ligerim sese exonerat. Vnde Nouioduni videtur appellatio
nata. Est autem oppidum omni ex parte mœnibus cinctum firmissimis, & cum amplissimis turribus, tum fossis profundissimis egregie
munitum, ad meridiem, Ligeris mœnia subluit. In quo flumine pons est, pulcherrimè quadratò lapide constructus, viginti habens
arcus. Niuernis ab Oriente circumfluit: ab alijs partibus frequentes sunt fontes, ex quibus etiam in fossas aquæ deduci possunt. Ut
autem oppidum ipsum munitius sit, minusque insidijs obnoxium, nulla ipsi suburbia adiacent, omnesque substructiones, mœniorum
ambitu continentur. Ager, pascuis syluisque abundat. Itaque populus non aliud fere, quam pecudum alturam curat, & quod nec vi-
res colat, nec agros, tenuis est, parumque laute viuit. Alioqui regio fodinis abundat, argenti quidem ad D. Leonardi, quæ hocce tem-
pore vsui esse desierunt; ferri aut, quod ligna illic è syluis large suppetunt, quodque lapis quidam ad fouendum ignem idoneus, non
longè ab vrbe effoditur. Ad hæc lapis ad structuras idoneus, quo non alius in tota ditione Francica nobilior, duobus à Nouioduno
milliaribus, inuenitur, & facillè per Ligerim, Aureliam, atque alias Galliæ vrbes deportatur. Sed ipsum nunc oppidum ingrediamur, in
quo arx est, & Prætorium Principum Niuernensium, olim Comitum, hodie Ducum, iuxta primariam Ecclesiam. Quod ad statum
autem Ecclesiasticum attinet, Nouiodunum modo ciuitas est, (ut Pontificij iuris intérpretes ciuitates appellant vrbes Episcopæo
decoratas) Senonensium Archiepiscopo, tanquam Metropolitano subdita. Quanquam autem episcopæis antiquioribus non adnu-
meretur in catalogum redactis, in eam tamen dignitatem subuecta fuit, sub annum redditæ à Christo salutis, sexcentessimum, quo tem-
pore Gregorius cognomento Magnus, Pontificatum Romæ gerebat, primusque huius vrbs Episcopus fuit D. Aregius, & Episcopæi
diocæsis partim ex Augustodunensi, partim ex Biturigum Episcopæo confecta. Primarium vrbs templum, initio D. Gervasij nomine
dicatum, postea, quo affectu erat Carolus Caluus erga D. Cyrum martyrem, cum eius reliquias ibi condidisset, ex regis voluntate D.
Cyri nomen tulit. Est etiam in hac ciuitate monachorum Augustiniani ordinis cœnobium, nomine Diui Martini, & aliud virgi-
num, D. Mariæ titulo consecratum, Duo itidem, ut vocant, Prioratus, vnum D. Stephani, alterum Saluatoris nomine.
Fratrum item Dominicani & Franciscani ordinis cœnobia. Ad hæc sacrorum vndecim Curia seu Parœciæ, ut
hinc facillè intelligi queat. Nouiodunum elegantem & copiosam esse urbem, eiusque ciues atque
Patricios, qui tam multas ædes sacras condiderint atque dotarint,
religionis fuisse cum primis amantes, &
studiosos.

LOVANIVM



OVANIVM, Brabanticarum urbium caput, celebre litterarū ac artium emporium, à Ioanne Brabantiae Duce fundatum, circa annum Christi M. CCCC. XXII. Civitas est amplitudine tam spatiosa, ut in circuitu habere dicatur intra mœnia milliaria Italica quatuor, Cœli & aeris benignitate, nulli aliarum cedens. Hic inter muros libera prata, vineæ, horti spatiosi, agri, pomaria, cāpi, dumet, altus, pascua, parvæ sylvulae, parva nemuscula, Nomen habet, non à laudando, ut quidam prodiderunt; non à Leuacis, ut alij sunt suspicati, eò, quòd hi Neruiorum, non Eburonum fuerint clientes, sed, à situ urbis, qui talis est, ut mœnia vetusta, quæ illa tulit etas, fuerūtq; firmissima, ex albo nimirum lapide, ad normam constructa, ex alto descēdant ad loca humilia & aquis obnoxia, quas Tila fluuius maior, & Vorra, riuulus siue torrens, extra ripas suas euomere quam frequentissimè solent, & longè lateq; omnes campos & intra muros, & extra, in stagna, & paludes permutarunt. Altum autem illud, è quo descendunt, Lo vocatur; è quo mons ascendit syluosus, à Lo cognominatus, Lobtech, id est altioris loci mons. Iam stagna omnia, & loca aquis exundantia, Brabantico sermone, Vē, dicuntur. Hinc igitur vox composita, Louen, id est, altum locum, & stagnantem complectitur. Nec citra causam de hoc situ nomen fabricarunt, eò, quòd nihil amœnius sit quam vtramq; faciem terram habere. Louanium certè, & intra urbem, & in suburbanis, ubique campos habet aquis obnoxios, & ijs altiora loca incumbentia, è quibus & colles assurgunt, alij vitibus confiti, alij Syluis horridi, alij pomarijs vberes, alij per decliua segetibus lati. Sunt hæc quidem, scribit Becanus, primo Auaticorum libro, Louanio & Romæ cōmunia, sed sic, ut, si meo iudicio sententia ferenda sit, longè lateq; loci amœnitate Roma superetur, atque vincatur à Louanio. Nusquam, ita me Phœbus amet, terrarum locus est qui magis videatur mereri, ut sit lacrum Musarum domicilium. Conferantur omnia, quotquot sunt litterarum Gymnasia, vel in Italia, vel in Hispania, vel in Gallia, vel in Germania, nullum inuenietur, quod huic par dici queat. Vixi Parisijs, Aureliæ, Pictauij, Lugduni, Burdegala; & in loco Gallia; amœnissimo, Andegavi, vidi Ticinum, Bononiam, Patauiam, Mantuam, Florentiam, Romam & Neapolim; Germaniam partim vidi, partim de auditu cognoui, sed, quæ equidem vidi oppida, nulla sunt Louanio comparanda situs iucunditate; cum tamen viderim præcipua, & inter cætera, Monachum, Augustā, Vlmam, & Coloniam Agrippinam, ut taceam inferiora. In Salamantica, Scholarum magnificentia longe omnibus in Europa præstat Gymnasijs, sed situ, & locorum facie à Louanio superatur. Vallis Olitana extra urbem non est inamœna, præsertim in Visurgis ripis, & habet Collegia, quibus suis adibus regijs conferenda, sed omnibus inter se comparatis, nihil ad Louanij amœnitatem. Multa, inquit Barlandus, sunt passim toto orbe Christiano Gymnasia, sed in alijs alia videas desiderari. Aureliæ in Gallijs, solæ leges ciuiles, Parisijs Theologia, Ius Canonicum, & sophistica traduntur. Sunt alia quædam schola; ubi sola in pretio est Medicina, Louanij omnes scientia; docentur. Habet hæc vrbs sacras ædes plurimas, Vnam Diui Petri, structura tam eleganti, ut architectorum iudicio, nullam pluribus locis inuenias pari politia. E conspectu templi Apostolici, visitur domus Ciuica operosissima, & quæ non vna re testetur olim florentissimam urbem fuisse Louanium. Hanc artificij plenam structuram mirantur Galli, Germani, Britanni, & Itali. Schola Louanienfis vnum habet caput, vnum principem, cui omnes pareant, hunc Rectorem vocant. Cuius officium est ius dicere, priuilegia tueri, & maleficio reos scholasticos pœnis afficere. Cum in publicum prodit, ante eum it Accensus, quem Bedellum, recepto illic vocabulo, appellant; ponè sequuntur famuli. Quantum autem honoris huic dignitati habeatur, hinc apparet, quòd Consules, Magistratus, & Clarissimi quique viri, denique omnium dignitatum gradus, academica; principi assurgant, & decedant è via. Exeunti ad Comitia, quæ certis anni temporibus indicuntur, plures accensi antecambulant, singuli manu auratum gestantes baculum, insignia honoris amplissimi. Est hæc semestris dignitas, quemadmodum apud Romanos olim dictatura fuit, sex duntaxat mensium. Sunt & alia quædam Louanij non indigna spectatu loca. Xenodochium amplissimum, ubi nūquam non assistent ægrotis mulierculæ, solatijs refoquentes singulos, atq; adferentes, quod cuiq; è valitudine esse cōstitit. Est alio loco digna diuinis, digna principis domus, quam extruendam curauit summus Pontifex Hadrianus sextus, cum adhuc in minoribus ageret. Intra mœnia visitur & Coenobium Carthusianorū, loco, ab omni tumultu, ab omni frequentia semoto, ita, ut nec eremi solitudinē in vrbe magnopere desiderent monachi. Hoc ædificio ex ea familia nō vidisse se quicquam splendidius, ingenuè fatentur quouis exteri. Ad muros urbis, quæ Mechliniam itur, arx est insigni vetustate, & ad otium rerumque urbanarum vacationem principibus accommodata. Eodem loco in monte templum est Baptista; sacrum. E regione arcis, cuius modo commemini, turris est in ipso muro ex candido lapide, eaq; altitudine, ut inde videri sereno cœlo Antuerpia possit octo magnis milliaribus Louanio distitum oppidum; vulgo Impensa Perdita vocatur hæc turris, quam annis aliquot superioribus fatiscentem Consules magno reficiendam curauerunt. Ager Louanienfis præter frumentum, legumina, triticum, poma, pira, petfica, cæteraque ad corporum alimoniam pertinentia, dat & vinum, cuius ea natura, ut non facile inebriet, non facile ad arma protrudat, & luctam Veneream. Bibant hoc vinum initiati quos diuinæ litteræ perpetuo sobrios & continentes esse volunt.



LOE VEN.

LOVANIVM, Brabanticarum urbium
caput, unica Musarum ac præs Cantishi-
marum artium sedes, optatissimumque
domicilium



MACHLINIA



MACHLINIAM, peruerterem ac præclaram Brabantia urbem & Sedem Archiepiscopalem, excussis tum antiquis, tum nouis auctoribus comperimus priscum nomen adhucdum seruate. Ea, male, naturæ beneficio, sita, salubri aere imprimis vitur, cæteris omnibus affluit rebus, quæ ad hominum consuetudinem sunt necessariae, estque sita & opere munitissima. Præterquam enim quod propugnaculis mœnibus ac fossis circumdata est, vicina decliuiora loca, aquarum septis reclusis, stagnantur ut hostibus nullus ad eam pateat aditus. Mediam secat, perluitque flumen Delia. Hanc non ineptè medicullum vocaueris Brabantiz, Louanio, Bruxella, Antuerpiaque, tot clarissimis simul vrbibus interclusum, & vndique quatuor milliariis distans, quam tetropolim, qui circumspexerit, is iustissimam trianguli formam efficiet. Interim Machlinia, singulari iurisdictione valet, suisque, & propriis legibus vitur; quo loci, ante alia notandum hoc est, quod Granidæ mattes, dum pariendi instat tempus, relicta vrbe, in interioris Brabantia municipium quodam se conferunt, inibi onerosæ alui pondus deposituræ, eo consilio, ut liberi in partem immunitatum Brabantinarum, itidem veniant. Vrbs alioqui per se, non tantum ædificiorum tam priuatorum, quam publicorum descriptione,

nobilis, verum etiam operibus molibusque firmissima existit, eoque magis, quod, dum supra caput est hostis, patefactis ostijs, viciniam omnem diffusis aquis, instar vasti lacus, ciues complere soleant, atque hoc pacto hostem intercludant. Cunctis autem vrbis operibus, splendore, artificio, structuraque antecellit Basilica D. Rumberto dicata, cui vasta, & præalta imminet turris, quæ in speculæ loco, ad remotissimarum cum ciuitatum, tum amœnissimarum circumstantium possessionum prospectum, vtuntur. Secundum autem cum dignitatis, tum magnificentia locum illic obtinent Septa P. zemburgica, in quibus commorantur Teutonico ex illo ordine procreati religiosi milites. Sed huic vrbi dies ille septimus ante idus Sextiles, exeunte anno M.D.XLVI funestus extitit, hoc ferè initio. Cum horrenda tempestas cœli esset orta, ecce vasta turris, portæ Arenaria vicina, qua maxima pulueris illius nitrati vis asseruabatur, fulminis iactu non modò conflagravit, verum etiam à fundamentis frustulatum dissecta, lacerata, reuulsaque est, ut ne vestigium quidem vllum prioris fabricæ superesset: quodque magis admirare, subitum istud, & inopinatum incendium, vrbis fossam, aquæ plenam, altam, & sexcentis amplius passibus latam, ex ea parte, non tantum siccauit, sed etiam arefecit, piscibus partim coctis, partim verò tostis, quaque versus, remotissime sparsis. Quin etiam mœnia, flamma deflagrata, ac eo ulterius. Circumstantium domorum parietes, ter centenorū amplius passuum intervallo, labefactati, aut deformati, vacillare, simulque vno & eodem temporis puncto, malum insolens, manare non solum per urbem, verum etiam suburbanam viciniam transcendere. Ac ne dum modus infortunio positus; quantopere enim lapidum iactus, quo instar tonitru, cœlum contremuit, totam ciuitatem permiscuerit, quantumque ruinarum passim ediderit, nisi ipse præensque viderit, non facile credat vnusquisque, & multi etiamnum superant oculari testes. Huc accedit hominum magna clades, quorum amplius ducentos periisse, ac triplo plures vulneratos, accepimus à fide dignis ciuibz. Fulgurum, ac tonitruum tanta vis fuit, ut vsque ab Antuerpia Bruxellæque sonus iste miserabilis, multis credentibus terræmotum in vicinitate factum, audiretur. Indigenæ verò ipsi, vsque aliqd videre videbantur cœlum ruere, ac vniuersum mundum inuerti, quippe, cum inter cæteros quidam in hypogæo concamerato, sed labefactato, triduo inediam ferens, semisepultus iaceret, ruderibusque fortè latitans, à circumstantibus extraheretur, attonito consternatoque homini, animo similis, suscitatus est: Num qua vniuersi superest species? Quod igitur Machlinia, de cœlo tacta, incredibilem suarum rerum iacturam fecerit, id infelicitatis eius fuit: quod verò deinceps non ex ea tantum parte restaurata, sed multis præterea locis ornata, honoris est hoc eiusdem. Vbi septemdecim opificum collegia, exceptis coharariis, ad Senatum admittuntur, quoties de re aliqua grani deliberatio suscipitur, quorum præfæ sex, tantum apud suos gratia & auctoritate valent, (Hi sunt Pictores, Ichthyopolæ, Infectores, Coriarii, Cetruiarii, ac Lanii,) ut ex his quotannis singuli legantur Senatores. Itaque summus Magistratus vniuersæ duodecim, sex Patricijs, actotidem plebeis constat Senatoribus. Lanificii laus, id quod tamen illic olim, sine comparatione, multo fuit vberius, & copiosius exercitum. Intra eius enim territorium, supra ter mille ducentas textrinas extitisse, compertissimum habemus: Quippe, legimus olim textores, tribus multitudine fretos, vsque aded insolescere, animis efferricopisse, neque se continere potuisse, quin coorto derepentè tumultu: correptis armis, cæteros ciues inuaderent; sed tumultuario isto prælio inferiores, multos suorum amiserunt, itaque temeritatis, & superbiz pœnam iute merito luerunt. nec eo contentus Senatus, immunitatum, munerumque prærogatiua huiusmodi auctores barbarum priuauit, à quo vsque tempore, & numero opificum, & existimatione sunt diminuti, licet ad hunc diem textorum collegium audiat, nunc amplum, nunc omnium reliquorum primum.

Hæc vrbs, ob præstita in obsidione Nouesiensi (oppidum est ad Rheni ripas infra Coloniam Agrippinam) Carolo Burgundionum Duci officia, multis priuilegijs etiam ad inuidiam vsque vicinorum, est dotata; vectigalium, maxime in Brabantia immunitate. Qua Antuerpia itur ad portam Catharinariam, vrbi Machlinia coniunctus est amplissimus circus, castelli instar, muro clausus, domicilijs plenus, vbi celebre etiam templum cernitur D. Alexio, ut tutelari numini dicatum, quo loco in frequentissimo mulierum conuentu plus minus sesquimille, omnium ordinum fœminas semper reperias, quæ religionis ergò, commoratum eo concesserint, omnes verò, quatuor primis vniuersæ parent, & obediunt in quibus sunt, quæ de suo luculentè viuunt, longè verò maxima earum pars, lana, ac tela victum quaritat. Sed hic non modò lubet, dumque res postulat, extra septa egredi, verum etiam contradicente nemine, quando sic visum fuerit, nubere licet, cæterum nunc, quod equidem vehementer dolendum, magnificum hunc circum, virgineo cœui nuncupatum, quemadmodum & elegantissima vrbi Machliniensis vicina cœnobiaz, etiamnum fruentis domesticæ seditiones, quæ initiatis potissimum & locupletioribus ciuibz funestæ hucusque & noxiæ fuerunt. Machliniensibus, ne omnem antiquitatem, ab Aboriginibus, excutiamus, quondam imperarunt Bertholdi, gens vndique spectata, & illustris, ac vbi eius familia stirps vtraque excipit, nouissimè post diuturnum bellum, litigiosamque contentionem, pars eius vrbs Eburonum Antistitem, pars Geldria Comitum agnouit. Sed illi ipsi (ut Meierus attestatur) postremo iure suo cedere, annoque M.C.C. XXXIII. Ludouico Niuerniensi Flandrorum Comiti vniuersam dominationem diuendere, id, quod ancipitis belli seminarium extitit. Recusabat enim Ludouicus, Brabantia Ducis clientelare beneficium, quod maiores aliquando, ut ferebatur, non abnuerant. Tandem verò post longissimam, eamque inutilem litigatorum altercationem, Ludouicus Maleanus, iam dicti Ludouici filiorum natu maximus, Margaritam Ioannis Tertii Brabantinorum Reguli filiarum, alteram duxit uxorem, cuius matrimonij ratione ut confectum bellum, restinctum non sit, ad extremum rebus compositis, Flandria Brabantia coniuncta est. Philippus autem cognomento bonus, subinde singulare huius vrbs imperium constituit, quale etiamnum manet. Inde secundo lapide, præclarum occurrit municipium Heista, colli impendens, cum appendicibus septem castellis Machliniensium territorio circumscriptum, cæteroqui per se liberum, & omnium rerum immune. Habet insuper hæc vrbs (ut scribit Barlandus) suas minimè vulgares dotes, aeris multam clementiam, & salubritatem, incolas sermone blandos, moribus mansuetos, comes, ciuiles, bellicosos, etiam cum res exigit, placet in hac vrbe virorum multitudo, placet mundicies; habet Concilium Regium, & ædes sacras complures decenter ornatas. Urbem hanc Machliniensem multo celebriorem nunc reddidit. Illustriss. D. Cardinalis Granuellanus, nouæ scholæ institutione, quam velut seminarium quoddam morum, ac litterarum, ex Concilij Tridentini præcepto magnifici viri, non modo de hac vrbe, sed de vniuersa Brabantia eo ipso benè meriti, instituere nunc moliantur; in qua pueris, quibus parentes, ob fortunarum angustias, necessarios ad studia sumptus suppeditare nequeunt, Illustrissimi Diui Cardinalis munificentia, ad victum & cultum

necessaria,




necessaria, perpetua fundatione conceduntur. Hominum memoria celebrantur Machlinia oriundi præstantissimi, doctissimi-
que viri, Franciscus Costerus, Philosophus & Theologus celeberrimus, Societatis Iesu iam hoc tempore in superiore Germania
Prouincialis: Ioannes Hocchius, & Arundineus, gratis vterque auctor. Item Nicasius Vordeus, is qui licet visus vsuram ei casus
trimo eripnerit, in litteris tamen vsque adeò profecit, tantosque fecit progressus, vt vtriusque Iuris professione, Doctorisque di-
gnitate claruerit, ac idcirco à Trithemio inter naturæ miracula adnumeratur. Louanij enim ac Coloniz iura publicè docuit, in-
terpretatusque est, & discipulis nonnulla theorematum dedit, quæ typis impressa etiamnum extant, æternum alio-
qui duratura. Obijt rarus ille vir anno M. CCCC. XCIV. Hinc ibidem editus est (quemadmodum ipse in oratione ad Sena-
tum Mechliniensem apertè faceret.) Christophorus Longolius, vir, cum propter raritatem doctrinæ, tum propter virtutum cu-
mulam, omni Europæ notissimus, quem non modo summo semper honore, priuati quinis homines, sed etiam principes viri co-
luerunt, quemque cætatim multi, multis honorarijs muneribus donare voluerunt, sibi que ita eius consuetudinem conciliare,
vel potius emere. Sed omnium vniuersæ ordinum dona aspernatus, vnus Reipubl. Florentinæ cuius aliquandiu officiosus studio-
susque extitit pensione annua contentus, multorum auctor operum; Patauii anno M. D. XII. libris immoritur. Contra D. Eras-
mus ille Roterodamus, in quadam familiarum Epistolarum, ad Damianum suum Goesanium data scribit, Longolium reuera fu-
isse Hollandum, Schonhouia oriundum. At ipsi auctori, patriam professo, citius fides tribuenda videtur, quàm cuius peregrino.
Scitum enim illud est; Cuique suus imperat affectus. Superant etiamnum inter literatos & claros homines, ciuesque Mechlini-
enses, Rembertus Dodoneus, insignis Medicus idemque Mathematicus peritissimus, à quo multa nec ea parua opera exiguo
tempore celebrata. Deinde Philibertus ille Bruxellensis, albo geniorum Regiorum adscriptus, vir cæteroqui literatissimus, & ex-
cellens Orator. Iacobus Wastellus, in sanctum illud Machliniense consilium cooptatus, vir vndique eruditus, & honoratus, cu-
ius filius Petrus, patre dignissimus, vt doctrina, sic eloquentia valet adeò, vt eius ore indigena Senatus grauioribus quæstioni-
bus, postulatisque respondeat.

Sed ad ipsam urbem redeamus, quæ vti telarum, & quidem optimarum, ita cortinarum multiplicium plena est. Tormenta,
tintinnabula, denique instrumenta; & vasa quæuis, ambigam, an vsque terrarum maiore artificio, dexterius, faciliusque ære con-
fiantur. Reperias hic itidem, omnis generis nauium architectos, & fabricatores. Instructissimum in ea vrbe, ad quosvis casus,
rerum dominus conseruat armamentarium, tot tormentis æreis, ac ferreis, tot machinis, bellicisque instrumentis, puta, nauti-
bus, pontibus, carris, denique tanta re castrensi, & militari supellectile affluens, ac postremò tot operarijs, fabrisque plenum
semper, vt spectatoribus admirationem copia pariat. Hæc vrbs, alma nutrix, alitrixque fuit Philippi I. Carolique illius ter
Max. Imper. Philippi illius Belgarum heri, cum patris, tum aui, quod illic tum temporis, vt plurimum Curia hærebat, cuius am-
plissimæ Prouinciæ vsuram, dum iam modo dictus Carolus auiæ Margaritæ Austriadi, quoad vitam frueretur, daret, sedem Ma-
chliniz fixit illa ipsa Herois, quæ etiam in ea vrbe, sui semper cupida & gratiosa, Anno 1530. obiit. Beneficiorum verò omniū,
quibus olim aliquando ab Hero ornati sunt Machlinienses, par pulcherrimum hoc est: Primum omnium, portatoriorum, quæ
in singulas merces iustis locis exiuntur, sunt immunes. Secundò, bona eorum firma, fixaque, Belgicæ territorio circum-
scripta, per se libera existunt, nec obligatione sunt obligata (vti cætera popularium res) opt. iure prædijs comparanda. Quam
immunitatem ex Caroli illius omnium nouissimi Aednorum Regulī, Belgarumque domini, gratia ac liberalitate, officijs, stu-
dio, opera sunt demeriti. Quod enim eum summa virtute ac fortitudine bello laborantem semper subleuassent, vix vlli alij
clientum, aut magis fidere, aut plus tribuere solebat, ac ea propter amplissimum illum Senatum (vulgò Concilium Regium)
illuc Anno 1473. instituit, cuius ipse princeps esset, cæteroqui triginta quatuor viralem, puta, Cancellario, coherario, binis præ-
sidibus, quatuor equitibus, sex supplicum libellorum magistris, initiatis consiliarijs octo; prophanis verò duodecim, partim
doctoribus, partim prolytis constantem. Hic Senatus, primò rerum dominum quicumque is esset, comitabatur, assequaba-
turque: absente verò Principe aut hero, Archigrammateus cunctis præerat. Eò autem ab omni penè Belgicæ tribunalibus,
ius erat receptitum. Porro cum vxoris Ioannæ beneficio Philippus I. ad amplissimam Hispaniensium, & annexorum regnò-
rum possessionem vocatus, necessariò transmitteret, eius iussu nouissimè, Anno 1503. ad eam urbem, in medio propè Belgio sitam,
itaque apprime opportunam, sedem fixit ille ipse Senatus, eius tamen forma & auctoritate, nec non consiliariorum numero antea
nonnihil immutato, qui vti nunc est, vno Præside, sedecim consiliariis, duobus scribis, ab epistolis, siue à secretis octo, & cætera
munusculorum turba. Huc generatim post ciues & tribules, Flandris, Atrebatibus, Hollandinis, Middelburgensibus, Namur-
tibus, Luceburgensibus, Valencinensibus postremò illis, qui litigiosa illa prædia colunt, in Flandriæ, Hannoniæque confinijs
collocata (de quorum iurisdictione ac iudicatu Flandri & Hannonienses valde pertinaciter inter se contendunt) ex domestico
foro prouocare, appellareue licet. Frisij item, occidentem Solem versus qui spectant, ac Vltraeetini, paucis ab hinc annis, hunc
ipsum agnoscunt Senatum recognitorem ciuiliū causarum, quas ipsi antè iudicassent. Hic ex formula prætoris thiasus Tor-
quatorum item sistitur, lites, controuersiasque omnes, tam ciuiles, quam criminosas semel iudex definit, nulla prouocationis
prorogatione aut gratia, stante interim semper sua curiæ Bruxellanz in causarum recognitione, prærogatiua au-
toritate. Illo ipso in foro, in gratiam maximè peregrinorum, etiam Gal-
licè litigatur.

T H E N A E



THENÆ Brabantiae oppidū Canoniorum collegio & quod vere elogiū, viris bonis commendatum, eo, quod mercaturæ, & delitijs non nimis laxas habenas concedat, sed quia cum primis parentibus nostris, rei rusticæ, pecuariæ & agriculturæ quæstu contenti viuunt, facultatesque suas, honesto ruris labore comparent. vnde ad latam agrorum vbertatem, & omnium rerum ad v. tam necessariarum copiam, ab ipso statim Francorum initio Principes viri his maxime locis egerunt. Ac inter Carceros Carelmanuū, & Pipinum primum in ijs natos esse, ac nomen ab oppido Asbania vetustissimo sumpsisse, quod, Landas vocatur (non procul à Thenis distat) quasi diceret, Regionis alimentum, eo quod caput esset regionis, quæ ab alimento, populoq; Asbania nominatur. Ager itaque Thenensis, & bonitate, & vetustissimis Carelmanni, & Pipini incunabulis, præstans est & valde nobilis, eo quod ab his Principibus Caroli magni progenies, ac omnium deinde, & Ducum, & regum, & imperatorum, vique ad Hispaniarum Regem Philippum, noui orbis monarcham, longa multarum ætatum serie descendat. Adeo v. nulla sit in toto orbe terrarum nobilitas, quæ Principia habeat tam augusta, quæ continuationem generis, vel tot sæculis productam, vel tot rerum gestarum decoribus insignem, quæ denique præsentis temporis maiestatem tot regnis, tot imperijs, tot insulis, tot diuersarum linguarum populis habeat extensam, & ornatam. At ager non solum pomonæ magna varietatē & Liberi patris diuino liquore, & Cereris beata fruge, & Palis pinguiſſimo munere luxuriat, sed nobilissimus etiam & Sabarij, siue Zagrai, vetustissimi Proserpinæ filij, lætissimis, poculis, quibus curæ, & graues molestiæ, multo magis, & præsentius, quam iunioris Bacchi dono discutiuntur. Hogardica enim cereuisia, nihil est ad cerebrum tribus cogitationibus exuendum præsentius, nihil ad hilaritatem, ad carmina modulanda, ad amores, & cætera, quæ largos vini cyathos sequuntur, plus habens incitamenti, nihil in tota hac regione celebrius, & notius ijs, qui citra magnum crumenæ dispendium, insanire volunt. Sita vero est vrbis hæc ad fluuium Getam, qui non longe ortum habens, per eam delapsus, urbem Halenum influit, seseq; in Demeram fluuium exonerat, Louanio, & S. Trudone pari abest miliarium trium interuallo. Agro tam commodo gaudet, vt rei frumentariæ horreum semper hærens fuisse, origo, & etymologia nominis, manifestè conuincat. Horreum scribit Becanus, voco ipsas Thenas, nomen inde nactas, quod decimæ principibus, iure Herculano dandæ, illic conderentur, quas lingua nostra, *Theinden*/ vocamus, vnde oppidum, exempto Delta, de more nobis frequentissimo, *Theinen*/ nominamus. hinc & fluuius nomen accepit, ab alimentis subministrandis, quæ per ipsum deuehuntur. Nam *Getas*/ nullius elementi mutatione, idem significat, quod Latinis, Dat alimentum: quod nomen vulgus, vt cætera pleraque omnia, *Get*/ adempta posteriore syllaba, pronuntiat. Ad huius autem fluminis vtranq; ripam, Diabelinteres consedisse, quos Iulius Cæsar, inter Menapios, & Morinos interijcit, idem Becanus, ingeniose admodum confirmat. Cuius quidem periucundam narrationem, quia Thenarum quoq; agrum & territorium dilucide exprimit atq; describit, paulò prolixius recensere hic libet. Et infra oppidum, inquit, Thenas geminus pagus, locus vbertate nobilis, nomen, vt videtur, Diabelinterum hætenus conseruans. Ex diabelinter enim, voce integra, *Lynter*/ retineamus, quod nomen, duobus pagis ad Getam, infra Thenas sitis, commune ita est, vt cum adiectione superioris, & inferioris, accipiant distinctionem. Nomen certe, loci naturā imitatur, si de sermone nostro vernaculo, pro eo, ac debet, exponatur, cum *Diabelinters*/ nullius literæ immutatione, eos significet, qui elegantes sunt in arte inferendi, vt quiuis, linguæ nostræ non imperitus, agnoscat. Hætenus is genius, cum locorum, tum hominum est, vt pomorum non alia regio ditior inueniatur, adeo, vt non porcos modo, & vaccas iis per hyemem sustentet, sed maximam etiam copiam Antverpianam transmittat. Pertinet ea à *Lynter*/ sursum secundum Getæ ripas ultra Hogardicum, cuius nomen vernacula lingua, altum pomarium significat, ad Diabelinterum institutum, & locorum naturam optimè alludens. Nec ager hic pomorum tantum feracissimus est, sed copioso etiam tritici prouentu, nulli secundus habendus; qua in dote ita excellit, vt Prisci illi principes, qui limiti huic sub Regibus Francorum præsidebant, horreum suum hoc loco habuerint, è quo, cum opus esset, annonam subleuarent, & vicinis eam copia sua redderent laxiorem; decimis omnibus, cum è locis proximis, tum è tota Asbania, huc conuectis, quæ cum lætissimis, & fertilissimis totius Europæ aruis, vbertate cerrans, nomen Asbania adeptæ est, quo significatur via regia ad alimentum. Et est profecto illuc eundem ijs, qui volunt breui compendio, rei frumentariæ Atuaticorum ad Scaldim sedes suas habentium, prouidere, ad quod magnum præstat Getas fluuius adiumentum, ad ipsum vsq; horreum, dorso suo naues benè magnas subuehens, quibus frumentum Mechliniam, atq; inde Antverpianam, portatur. Horreum autem, quare ipsas Thenas vocitet, iam antè dictum. Ad Getæ igitur fluminis ripas, si Diabelinteres habitasse dicamus, nihil sit absurdi, quos non pomaria tantum, sed vinum etiam Hogardicum, & caseus, hoc tempore nobiles reddit. Si itaq; Cæsar de his, apud Thenas olim commoratis, quantum eius de nomine lociq; natura conijci potest, intelligatur, rectè eos inter Morinos, & Menapios interiecit; cum Morini omnes illi olim vocarentur, qui post Iccium Promontorium, ad Scaldin vsq; *Woeren*, id est, paludes tenerent, quamuis sigillatim alijs quoque nominibus dicerentur. Est sane digna hæc, quæ ad Getam iacet, regio, vt antiquo nomine celebretur, tametsi daretur, nunquam eam à Cæsare cognitam fuisse, propterea, quod nusquam putem plus pomorum prouenire. Sed diutius nos iucundissimi Diabelinterum agri tenuerunt, restat, vt ad ipsas Thenas iam redeamus. Magnam urbem, & magnæ olim potentia, multisq; negotiationibus frequentem fuisse, & historia, & quæ illic hodie visuntur monumenta declarant; quippe, ter nouis aucta mœnibus, & antequam Sylua Ducis, eius casu, ad hoc fastigium peruenisset, quarta Brabantia Metropolis, sed ferocissimis, inter Brabantos, Francos, & Eburones, bellis vexata, capta, euerſa nō semel fuit, vt hodieq; magna ex parte sit deserta. Quod reliquū est, domus habet mediocres, & ciuium numerum non aspernandum. Canoniorum præterea cœtum insignem, ad D. Germani, qui Episcopus olim fuit Parisiensis, Aedem; Trium Brabantia ciuitatum, quæ inter minores principem locum, habeant, prima hæc est, amplis omnino priuilegijs, & quidem ijs quæ maiorum sunt ciuitatum, ornata.



BERGA AD ZOOMAM.



BRABANTIA, Regio verè nobilis, & amœna, præter ducatus, comitatus, frequentes Baronatus, & præstantia, quibus distinguitur, dominia, Marchionatum etiam S. Romani Imperij continet, cuius Antuerpia Metropolis: & Marchionatum Bergensem, cuius **BERGA AD ZOOMAM**, caput est, oppidum valde elegans, & nitidissimè cultum. Quod, quia ad fluuiolum Zoomam, non longè hinc ortum, eleganti, & peropportuno situ collocatum est, ad Zoomam dicitur Berga. Cæterum, quanam de causa Berga, Goropius Becanus, dum in Ambiauaritis eam collocat, & ad vernaculam Cymbro-*rum* linguam, plurimas origines refert, hanc eius, sicuti & omnium in vniuersum Bergarum, appellationis causam recenset. Propius, inquit, Ambiauaritos, Mosa lambebat, vt è nominib. Bergarum is intelliget, qui linguæ nostræ nō sit imperitus. *Barg*/vnum de illis, quæ conuersa, cōtrarium notant, primo suo significato, montem indicaret; verū in illis locis, quibus hæc vox antiquitus est tributa, nulli montes videntur. A translatitia igitur significatione deducta sunt nomina horum, de quibus agimus, oppidorū. A *Barg* enim, siue *Berg* (nam vtrūq; dicitur) fit *Bargen*/siue *Bergen*/quod est abscondere, & occultare. Et, quia, quæ conseruata volumus, maximè occultamus, transfertur vox ad cōseruationē. Hinc dicimus *Steenbergen*/pro eo, quod est naues in tuta statione collocare, atq; ex eo nomen *Berg*/ad portū stationemq; nauium significandam, transiit. Primi enim parentes, à diluuiō in montibus se seruarūt ab vndis: ad cuius rei memoriam sempiternam, omne genus conseruationis, occultationisq; qua nos à periculis tuemur, à montis nomine appellarunt; non ob id tantum, vti videtur, quò commemoratio gratum animū in nobis excitaret, verum etiam, quò in omni vitæ, fortunarumq; discrimine, in mentem veniret, Deo fidendū esse, qui in extremis malis, suos nouit conseruare. Hac itaque ratione, *Bergē op Zoom*/*Seuenbergen*/*Steenbergen*/Sanctæ Gertrudis *Bergen*/nomina fortiuntur à nauīū statione. Qua de re videre licet, Mosam ad Ambiauaritorū has orās, propius olim euolutū fuisse; siquidem tot nauium stationes hæctenus nomina seruarunt, tametsi plurimum perdiderint altitudinis & profunditatis, aquis nullo certo alueo constrictis. Hæc igitur Berga, initio non alio, quam dominij titulo insignis, à Carolo V. Anno M.D.XXXIII. ad Marchionatus dignitatem euecta, eleganter in exiguo quodam monte in occidua Brabantia parte, ita mari vicina est, vt non immerito vrbs maritimæ nomen habeat; ab Antuerpia, itinere quidē terrestri, senis dissita milliaribus, nauigio autē à Middelburgo, circiter octouis, vrbs etiamnū copiosa, multo & ditior, & rebus omnibus abundantior olim fuit, cum mercatus illi Panegyrici, quibus tantum concessum est prærogatiui, apud eam frequentarentur. Itaq; nunc quidē, quòd Antuerpiæ vicinitas & amplitudo, omnia circūqua; loca) vt sic dicam) inumbrarit, exigua illic negociatio est: quanquā nullus est totius Belgij municipalis mercatus, qui nō ab illo solenni, & Panegyrico Antuerpiensi vincatur, ita, vt negotiatores huc malint ad solennē, quàm aliò ad municipalem proficisci. Ac, tametsi Bergensis Marchio, Britannorum etiam, magni ad id momenti, gentis fauore adiutus, cum ante hæc multam in eo posuerit operam, tum hodie quoq; plurimum laboret, non potest tamen (ita difficile est, res semel delapsas reuocare) hanc vrbe in pristinum splendoris ac fœlicitatis statum reducere. Et tamen regionē habet municipale valde amplam, in qua & vici complures, & in ipsa illic Scaldi parua quædam insula, fertilis & amœna. Eius Principes ex familia sunt Bergensi, antiqua, & illustri; quæ cum alios tulerit viros præstantes non paucos, tum etiam habuit Ioannem Bergensem Marchionem, & antea Carolo V. virtutis merito longè charissimum, & postea apud eius filium Regē Catholicum, gratia, & auctoritate plurimum valentem, Velleris aurei Equitem, Hannoniæ Prætorem, Venationū Brabantia, quæ prima illic dignitas est, Præfectum, census annuos habentem peramplos. Robertus eius frater, vir doctus, amplissimus quondam Leodiensium Antistes, Patruelis autem, Maximilianus Bergensis, Dux & Archiepiscopus Cameracensis. Ioannis etiam latomi, Bergense hoc oppidum patria est, qui ad S. Trudonis, propè vicum Grobbedunk, nec longè à Lira, Prior, magna vir dignitate præditus, poeta etiam elegantissimus, & aloqui omni prorsus humanitate excultus fuit.

Oppidum hoc anno 1622. Marchio Spinola obsedit, tantaque vi oppugnauit, simulque repulsus est, vt eiusmodi obsidionis, post Ostendanam, vix memoria exstet. Eius historiam lectori libris editam cui libet legere in promptu est.



TRAIECTVM AD MOSAM.



TRAIECTVM, vrbs in finibus Eburonum amplissima, ad vtranq; fluminis Mosæ ripam sita, & lapideo ponte iuncta, fornicibus aliquot, accuratissima structura confecto, à traieciendo flumine, nomen habere, constanti historicorum sententia perhibetur, eius incolæ Bethasios, Tacito dictos, Marlianus existimat. Quamquam nescio, vnde Ammianus Marcellinus acceperit Obtrincense Mosæ oppidum, quo Traiectum super Mosa situm intelligere videtur, nisi fortè id à Tungris sit mutuatus, qui Traiectum in *Tricht* mutârunt. Et quia Traiecti nomine, duo oppida vocabantur: Alterum inferius, apud Batavos, alterum superius in Tungris, hoc *Opytricht* id est, Superius Traiectum, Et syncopos, *Opytricht* vocarunt, è quo Obtrincense oppidum, Marcellinus fecit: Illud *Bitterstricht* id est Exterius Traiectum, & concisè

Wittricht nominârunt. Quæ verò pars Traiecti ad Mosam, Orientali littori adiacet, *Wit* vulgari idiomate, dicitur. De vtriusque origine, antiquitate, nomine, ac tutelari diuo, hunc in modum Matthias Herbinus Scholæ Traiectensis Rector, à Ioanne Tithemio Abbate Spaheimensi commendatus, libello de Traiecto instaurato, scribit. *Wit* Ex vico, Latino nomine, tractum, & vsurpatum esse videtur, Hanc autem interpretationē inde coniecturā colligo, quòd ille locus, antequam ciuitas ad tantam amplitudinem, in qua nunc est, veniret, fortè vicus paganus erat, constat enim ex antiquis historijs Ciuitatem hanc post aduentum S. Seruatij maximè auctam, & ampliata hominibus, muris & ædificijs, Ita, quæ tunc vicus paganus erat, nunc est referta viris vrbanis, & tamen antiquum nomen retinet, quod ex appellatiuo, longo vsu, proprium factum est, quod frequenter apud priscos accidisse, comperimus. Nam & tota ciuitas nostra, apud illos, via Regia appellabatur, quia per illam Romani Reges, qui iidem Imperatores, vel eorū Legati, Tungrim nobilissimam tunc Galliarum Metropolim, iter facientes, transibant: cumq; ad Mosam peruenissent, qui ponte carebat, traiectione opuserat, à traieciendo ergo, Traiectum est nuncupatum, quo vocabulo, Iulius Cæsar, tam eloquens, quàm bellicosus, in Commentarijs suis, vtitur sæpè. Et, quoniam Cæsaris mentio facta est, libet hic de Cæsare aliquid interponere, quod ad rem nostram attinet. Quoniam ex claris fundatoribus, vrbes non nihil sibi, gloriæ solent vendicare, vt Constantinopolis à Constantino, à Romulo Roma: Primordium itaq; Ciuitatis nostræ condendæ, Iulius Cæsar fuit, qui cū multis ac magnis prælijs Galliam, Germaniamq; oppressisset, Traiectum, conuenientissimum locum hybernandi copijs suis delegit. Conspexerat enim prudētissimus Imperator, quòd is locus seipsum facile muniebat, & nihilominus alimenta viuētib; abundè suppeditabat. Haber enim ad Austrum saltus apricos amoenissimos, pabulationibus iumentorum aptissimos, Ad Occidentem & septentrionem, patentes campos, satorum fertilissimos. Nam ad Orientem, Mosa est, infinitis vsibus accommodus. Cui in modum semicirculi adiunctum Vallum, omnia castra girando tuebatur, super cuius aggeribus positi sunt postea muri antiqui ciuitatis, qui vsque in hodiernum diem apparent, & non nihil fortitudinis asserunt. Hæc hætenus deducta, eò spectant, vt, si nobis gloriandum sit de antiquitate, antequam Saluator noster carnem humanam assumeret, anno circiter octauo & septuagesimo initiati sumus: si de fundatore, à Iulio Cæsare originem traximus: si de nomine, a traieciendo flumen Mosæ dictum est Traiectum, quum aliquando, via Regia appellaretur. Si de præsidente patrono atque Ampliatore, B. Seruatio plurimū obligati sumus, qui Pontificalem sedem, primus huic vrbi intulit, in qua viginti Episcopi resederunt. Pauca igitur Ciuitates in procinctu nostro sunt, quæ de his æque possunt gloriari. Nam aut non tam antiquæ, aut à minus nobili conditore fundatæ, aut non tam digno Præsidente atque ampliatore memorabiles. Cum Cæsar oppidum construxerat aggeribus, impleuit Romanis, nam lingua Latina vsi sunt, per multa tempora, vt ex certissimis indicijs adhuc apparet. Et præcipuè omnia, coram Scabinis, & Consulibus negotia, Latine acta sunt, vt constat ex diuersis adhuc Actis, ac litteris hæreditatum, transactionum, infra ducentos adhuc annos Latine scriptis. Hucusque Herbinus. Ciuium pars episcopo Leodiensi, pars Duci Brabantie (qui nunc est Inuictissimus Philippus Hispaniarum Rex Catholicus) parer. Qui vtrique, suos ibi habent Præfectos, ædilesq;. Senatus Romanorum more, quotannis nouus creari solebat: B. n. videlicet Coss. cum XII. Procons. ac Quæstore ex vtriusq; Principis plebe. Sed propter turbas quæ non solum huius oppidi Rempub. sed totius Belgij statum paucos ante annos, (usque deque miserrime agitarunt, is Senatus constituendi mos interruptus est, Senatu iam per Principum deputatos ordinato, vsque ad eorum reuocationem perdurante. Primaria Traiecti Ecclesia, super crypta exigua, in qua S. Seruatij, corpus, miraculis clarum sepultum erat, opere, reliquijs sacris, Canonicorum societate & amplissimis redditibus nobile, S. Seruatio nuncupata est, religione ac pietate ciuium (vt Vsuarius Martyrologio suo, iussu Caroli Magni conscripto) vel à Monulpho Tungrensi episcopo, vt Beda testatur. In qua etiamnum eius ossa, quemadmodum & sex, ex ordine successorum, cum multis alijs præstantissimis reliquijs religiose asseruantur, quæ ex Octauienti Gallie vrbe, S. Seruatius Hunnorum deuitans tyrannidem, huc transtulit, quarum gratia, ex remotissimis orbis partibus, vt puta, ex Styria, Croatia, Slauonia, Hungaria, Bohemia, Elsatia, tota Francia, alijsq; innumeris regionibus, & maximè singulis septennijs, dum sacre reliquie potissimum ostenduntur, turmatim homines aduolare consueuerunt. Episcopalem Tungrensem sepem B. Seruatius Traiectum transtulit. Cui ibidem XX. ex ordine sanctitate vitæ clarissimi, successerunt Antistites. Quorum penultimus fuit gloriosus & inclytus martyr D. Lambertus, qui Leodij, pro Christi nomine, sanguinem suum profudit. Cuius discipulus, atque successor, Hupertus, loci, sanguine Magistri, ac Prædecessoris sui consecrati, tactus affectu, Episcopalem sedem eo transtulit. Cui hoc tempore, Reuerendissimus Illustrissimq; Princeps, ac Dominus Gerardus Grosbeck, S. R. E. Cardinalis, summa cum laude præest. Traiecto plurimum utilitatis, Iecora præbet, fluuius exiguus quidem, sed subinde niuib; resolutis, aut immodicis imbribus, ita exundans, vt pagis, ædibusq; vicinis, non parum detrimenti inferat. Profluit non procul à Centronibus, Tungrosq; aluens Traiectum, sinuosus, se confert: in cuius suburbio in duos diuisus alueos, totidem etiam locis, urbem, intrat, ibique rursum, altero alueo in plures se pandente, maximam molitoribus, fullonibus, tinctoribus, corarijs, alijsq; opificibus, ciuiumque d. omibus, commoditatem adfert. Demum, Franciscanos præterluens, omnes suos alueos in vnum cogit, sicque oppidum effluens, in Mosam se exonerat. Quin & illud memorabile, quòd passim in vicinis Traiecto locis, potissimum verò in Gronseldt, fabulosi è terræ visceribus eruantur lapides, præstantissimi autem in pago Sichen, vtputa, duriores, ac diuturniores.

At deterrimi, in Hunnorum monte, in quibus præter conchiliorum species, in lapidem induratas,

animalium quoque ossa reperiuntur. vnde conijcere quidam volunt, eos montes, ex diluvij æstibus aggregatos. Qua de re accuratius differitur in

Veronæ descriptione, in operis
istius Indice.



LUTZENBURGV M.




VTZENBURGV M, vel, vt plerique, absque certo tamen Orthographiæ delectu, Luceburgum: Et, vt Meierus, Luceburgum, vrbs eiusdem nominis Ducatus præcipua, regioni vniuersæ, quod cum pluribus aliis commune habet, appellationem præbet: Quam & ipsa à prætercurrente fluuio Elza sortiri putatur, (Antonino fortasse Alizontia) quasi Elzenburg, & corruptè Lelzenburg, vnde Euphoniæ deinde gratia Lutzenburg deriuatum sit Petrus Apianus, Ptolemæi Augustam romandiorum huic Belgicæ vrbi attribuit Sed Volaterranus Constance, urbem Normanniæ designare scribit, & ipsos Romandios Normannos esse, quod tamen cum situ non conuenire, Villanouanus obseruauit. Alii eam ad anilem Melusinæ præstigiatrix historiam referunt. Sed diuersarum rationum appellatio, fides, & defensio penes ipsos auctores esto. Vrbs ipsa est satis munita, sed inæquali situ: partim enim in monte, partim in infima ac præcipiti valle exstructa, disparili admodum forma sese spectandam præbet. In ea supremi Consilij Tribunal, in quo & Præses, & Senatores causarum iudices, alijque nonnulli, ei magistratui velut subseruientes Gens ipsa, etsi potiore ex parte Germanica, Iuris tamen disceptationes partim Germanicè, partim Gallicè fiunt, prout Regionis vrbes ac vici alterutra vtuntur lingua. Cum etenim finitimarum ditionum partim Germanicis, partim Gallicis cingantur limitibus, quam regionem potissimum, & magis vicinam spectant, eius quoque potissimum moribus, & lingua vtuntur. Ex quo necesse est, Iudices, & eorum tabelliones, aut qui alias ludicio quomodocumque suffragantur, vtramque tenere linguam. Ab hac deinde Curia prouocatur Mechliniam, vbi, quæ scripta sunt Germanicè, bona fide Gallicè redduntur. Hæc vrbs iam tum à primordio Comitatus titulo insignis, postea in Ducatus dignitatem, qua hodie adhuc vitur, euecta fuit. Hocaliqui Venceslao Romanorum Regi, alij Carolo quarto attribuunt. Conradus autem Vercerius, Henrico septimo adscribit, primo ex ea familia Romanorum Imperatori. Aedem primariam numini dicatam, sub D Nicolai tutela exhibet, priuatas ciuium ædes mediocres, pleraque bellorum iniuria, non optimè restauratas, complures etiam desolatas. Non enim existimo, multo plures inueniri vrbes, in quas tam hostili mente, bellorum fortuna defæuierit, atque in hanc Luceburgici Ducatus Metropolim. Quæ non ab externo militetantum, potissimum verò à Gallo, quem offensum, insultantemque sibi frequenter magno cum detrimento sensit, sed domesticis etiam dissidiis attrita, fracta, & mille calamitatibus exposita fuit. Quales certè maximas, Anno M. CCCC. XLII. perpeffa. Quas hunc in modum Meierus Annalium Flandricarum libro decimo sexto describit;


ELIZABETH Dux Lutzeburgen. quæ primum Ioanni Brabanto, inde nupta Ioanni Bauarò, per hæc tempora multis iniurijs afficitur à suis popularibus, qui consuetos census & redditus pendere illi detrectant. Hanc rebellionem ipsa Regio Luceburgensis, & Theonis villa in primis inceprabant, suamque dominam portis excluderant. Vidua misera ac desolata, nisi ad Philippum quò confugeret, non habebat. Hunc igitur multis precibus sollicitat, vt pro honore patrui sui, simul & auunculi, quos ambos deinceps habuerat maritos, auxilium præbere dignetur, alioqui viuendum sibi fore in inopia & miseria. Philippus, certus sibi perire, quicquid periret amittæ, & materteræ viduæ, mox concilio suorum coacto, auditisque sententijs, monet hortaturque Luceburgenses, iniurijs desistant, debito suam dominam honore colant, nihil eorum rerum moliantur, debitum consuerumque censum pendant, pacem cum illa custodiant, alioqui contra tantam iniuriam, omni se ope illi auxiliaturum, se esse ex patris eius vnicum, & verum hæredem, se Principem Ducem futurum Luceburgensium, non passurum se, vt damni quidpiam Ducatui inferatur. His Philippi monitis minimè parendum Luceburgij existimant: sed ad Guilhelmum Saxonie Ducem, qui se eius Ducatus dicebat hæredem, confugiunt. Habebat enim Guilielmus in matrimonio neptem ex filia Elizabetha Sigismundi Imper. Elizabetha nempe filia illa Sigismundi ex Alberto Imp. viro suo liberos reliquit Ladislaum Regem Vngariæ sine liberis immaturè defunctum, & duas filias, maiorem Guilhelmo isti Saxonie Duci, minorem verò nuptam Cazimiro Regi Polonie. Obtingentis circiter pugnatores ab Guilhelmo accipiunt Luceburgii, qui ductore quodam Comite de Clito, aduenientes, bellum facere cœperunt vniuersis Castellis, quæ adhuc in Elizabethæ persistebant fide. His Philippus cognitis rebus, Ioannem Comitem Stampanum, cum forti manu pugnatorum, quos ex Ambianis, Atrebatibus, & Morinis conseripserat, ad se accerit in Burgundiam. præmittitque Simonem Lalanum, cum quadringentis pugnatoribus, vt cum Comite Varnenburghensi, cum domino Saluensi, & Henrico à Turre, qui fideles adhuc erant suæ domini, se coniungat, bellumque facere, ac resistere hostibus incipiat, ipse statim, cum nobilitate Burgundica, aliisque nobilibus, & bellicosis viris, subsequitur. Lalanus apud Harlonem, Philippus statim adueniens, ad duodiu castra metatur: Et Villiacum, prædonum receptaculum, vnde Iacobus Bellomontanus vicinos infestabat, cepit. Promouit inde copias ad Luceburgum, scalisque de nocte muris admotis, haud magno negotio, per fortissimos exercitissimosque milites suos, cepit. Primus Gauarus Quieretus murum cum suis superauit, in oppidum euasit, portamque effregit, per quam plerisque duces cum militibus circiter ducentis intromisit, forumque occupauit. Ad clamorem oppidi capti, Germani in arcem confugerunt, incensis perpulchris circa illam edificijs, cum grandi ciuium damno. Stampanus oppidum ingressus, arcem obsidet. Ciues, amisso oppido, trepidi fugiunt Theonis villam. desertis omnibus fortunis suis, Philippus oppidum plenum inuenit diuitiarum: Dreptum ac deprædatum totum Rixa internobiles, ac militem orta, de præda ex æquo diuidenda, vt erat promissum: sed nobilitas ubique superior, longè meliorem tulit partem: militi, quanquam grauiter quiritanti, non nisi viliora cesserunt. Comes Clitanus, de nocte se ex arce proripuit, fugitque Theonis villam. Obsidio arcis tenuit circiter ternas hebdomadas. Tandem Clitanus suorum patet duntaxat vitam, arcem Philippo dedit. Ita Dux breui tempore, nulloque magno suorum damno, toto Ducatu potitur, Elizabethamque amitam domum restituit, vt omnibus emolumentis & fructibus, vti antea, frueretur, accepturus ab illa, quinque circiter milia ducatorum. Ita assertur Luceburgicus Ducatus, quem etiam nunc Philippus Hispaniarum Rex, Ducatus titulo possidet. Hactenus Meierus.

Quamuis autem hæc vrbs tam miserè sæpius belli vexata calamitatibus, Martisque frequenter mirum in modum deformata furoribus, quibus nihil cum Musis otio & tranquillitate gaudentibus, commune est, illustres tamen eruditione viros edidit. Atque inter multos Nicolaum Nanium, hominem vsque adeo doctrina, & rerum prudentia magnum, vt Curia iudicialis apud Luceburgum Præses, non antè munus, quam vitam, filium autem reliquerit sibi cognominem, qui paternas æquans virtutes, tantum apud Carolum Quintum Cæsarem gratia valuit, vt in toto Imperio Cancellarii Vicarius ab eo constitutus, id muneris cum vita simul finierit.

(*)



ARNHEMIUM.



ARNHEMIUM, Tacito, ut Diuæus, & B. Rhenanus asserunt, Areuacū Geldriæ oppidum, in dextri Rheni ostij, dextra ripa, mediū milliarc ab eo loco, vbi altera fit Rheno sectio, cuius dextrum brachium Issula, ac ibidem fossa Drusiana, dici incipit, Asciburgium, id est Duosburgum vsq; Issulæ verò nomen ei ostio manet, vsq; dum mari Australi, vulgo *Süderzee*, excipiat. Oppidum est florens vtcunq; ac primaria Velau- niæ insulæ, quæ & Vcenauia, id est, Paludum Insula, vulgo *Die Velau* appellatur. Inferior insulæ pars Hollandia nuncupatur, & Vltraiectensis tractus, circa Ba- tauodurum, id est, *Wist te Duerfieden* vbi Rheni medius alueus nomen mutat in Leciam. Est autem eius insulæ territorium paludosum, ac vliginosum, syluisq; consitum, ut pote quæ ferarum affatim præbent venatum; eius latera clauduntur ab ortu Issula, à Septen- trione eo mari, quod *Süderzee* vocant, ab occidente, *Wist* flu. à meridie Rheno, seu Lecio fluuio, vnde abundè piscium ipsis suppeditatur. Supremum Geldriæ ius & Cancellaria, Arnhemium obtinet, subditas habens vrbes, earumq; præfecturas, VVageningum, Hat- temum, Harderouicum, Elburgum, sitas omnes in ea Geldriæ parte, quæ Velauia vulgo nuncupatur. Complures etiam continet vicos, suos habentes magistratus, omnes tamen summo Velauuiæ Præfecto subiectos. Arnhemii autem Geldriæ Dux sedem olim, ac Præ- torium habebat. Ibidem nunc & Prouinciæ Præfectus degit, & Curia Iudicialis Geldriæ atq; Zutphanix Senatus, quem magistratum instituit Carolus V. posteaquam eam Pro- uinciam armis Anno M. D. XLIII. recepisset. In eum magistratum adlegit vnum Cācel- larium, & Senatores decem; eorum quatuor ex nobilissimis, quatuor Geldriæ Regionum viris, sex reliquos ex Iuris & legum consultis. Hi magna prorsus auctoritate ius dicūt nec ab eorum sententia concessa est appellatio. Est hac ipsa quoq; in vrbe Ratiocinariū à Phi- lippo Catholico Rege institutum Anno M. D. LIX. ad quod omnes Geldriæ, Zutpha- niæq; Magistratus, siue iuris dicendi & rerum criminalium Præfecti, siue pecuniæ publi- cæ, atque ærarii Quæstores suas administrati muneris rationes referre iubentur.

VENLONVM.

VENLONVM, opp. Geldriæ, arte & natura munitum, in dextra fluminis Mosæ ripa conditum, & dimidio disitum à Strala milliari, mercimoniis pollet. Vbi anno M. D. XLIII. Cluiæ Dux Carolus V. Cæsari sese dedit, concordia inter vtrūq; Principem deinde consequuta. Hinc Guilielmus Veldius, homo doctissimus prodiit.

GELDRIA.






GELDRIA, paruis duobus milliariis Strala disita, vrbs ipsa est, abs qua tota Regio nomen, idque hac occasione acceperit: Sunt, qui constanti narratione perhibent, tempore Caroli Calui Imperato- ris, circa locum illum, in quo est Geldria oppidum, horrendam quandam, ac venenosam beluam, iisq; locis ante id tempus nunquam visam cognitamq; sub arbore esculo delituisse, magnitudinis immen- sæ, sæuitiæq; incōparabilis, hæc agros, camposq; deuastans, nec pecoribus, nec iumētis parcens, ipsis etiam hominibus, à quibus non abstinuit, utque adeo formidabilis ob inexplebilem voracitatem, ac atrocitatem euasit, ut finibus suis cedere complures, seseq; solitudinibus abdere coegerit. Duo verò cuiusdam à Pon- the filij partim, ut sibi ipsis, partim etiam ut publico vicinorum commodo prodesse, miris technis, audaciaque in- credibili beluam aggressi, post dubium, variūq; certamen ac luctam, tandem superiores belua euasere, eaque inter- fecta, haud ita procul à Mosæ fluuio, ad Nersæ ripam, in memoriam rei arcem extruxere, cui Geldre nomen fecere, voce ex continuo & miserabili, ac identidem repitito, mugitu eius beluæ, quem, dum caderetur, edebat, mutuata.


RUREMVNDA.



RUREMVNDA, Præcipuum post Nouiomagum Geldriæ Ducatus oppidum, ad Ruræ fluuii osti- um situm, vbi Mosæ miscetur, habitatore frequens, situ, natura arteque munitum tribus Venlono milliariis distans. Episcopali nostris temporibus dignitate ornatum, cui D. Wilhelmus Damasi Lin- danus, variis in re Theologica editis libris clarus, primus Episcopus præest. Nobilium ingeniorum Ruremunda ferax quouis tempore fuit. Hinc namque editi Bartholomæus ille, Cœnobi Bethleemiti- ci Prior, multorum auctor operum, Dionysius Rickel, eiusdem Cœnobij Monachus, vir eximie do- ctus ac celebris, multorum librorum tanta cum laude Scriptor, ut præter D. Augustinum apud Lati- nos parem hubuerit neminem. Sub Ruremunda, & vrbes & Magistratuum sunt præfecturæ: Vrbes quidem, Venlo- num, Geldria, Stralena, VVachtendonchum, & Herculis vrbecula, vulgo *Grdfelens*, in Ducatu Iuliacensi; Præfecturæ autem harum ipsarū vrbium, & Magistratuum Kesselij, Monsfortis, Melderii, Crikenbeckij, Echtij. Sub Othone III. Geldrici Ducatus Comite, maxima Ruremunda incrementa sumpsit: team namque tunc temporis villam, mu- ris cinxit, & ciuilibus privilegiis consecrauit.



NOVIOMAGVS.



NOVIOMAGVS, ex quatuor Geldria ciuitatibus, Ruremundanimirum, Arnhemia & Zutphania. nominis vetustate, populi frequentia & opum magnitudine primas tenet. Alij Nouiomagium, alii Nouiomagum, alii Nouimagum, alii Neomagus dieunt. Est qui & Neomagiam vocet, ne dicam Nimmegam, Neomagium, Numaga. Et denique Neomagium in Badua legitur apud Regionem Prumiensem, quasi diceret: *Nimmegen in der Betaw*. Vrbs partim cliuo, partim plano in loco sita; patria & natale forum eruditissimi, facundissimique viri, & studiosorum omnium Moeenatis Francisci Craneuelii, qui Caesari Carolo à consiliis Machlinia fuit. Hic fabulam refutare libet, qua huic vrbi Ducum Cliuensium ortum plerique sine ratione, in historia nimis creduli attribuunt; qua de Elia nugantur, qui dicitur ex paradyso nauigio per alucum

Rheni tractus, cygno, aurea catena nauicula praefixo, Anno Domini D. CC. XIII. vbi puella, domina ditionis Cliuia, & vicinarum prouinciarum parentibus orbata, illum Neomagij conueniens, maritum duxit. Verior certe est historia; Anno ab vrbe condita CCC. XLII. ante Christum natum annis CCC. sub Alexandro Magno, duos fratres ex Vrsinis, familia Romana, Samniticam cladem volentes euadere, fugisse in Galliam, & secundo Rheni flumini sese committentes, tandem eo peruenisse, vbi Rhenus à se reijcit VValam, vbi in monte praeralto, arcem cum castello excitauerunt, Cliuis hodie dictam. Confirmat id, quod cum Anno M. CCC. XLV. praecelsa castris turris solo tenus corruisset, ingentes lapides inuenti sint, cum inscriptione, quae Vrsinos fratres, primos eius molis constructores, aperte coarguit. Eam deinde turrim Adolphus, primus eius nominis Dux, qua hodie apparet forma, crexit, quam *Den Schwanen Thurn* nuncupauit. Post ab vrbe condita, DCXCVIII. C. Iulius Caesar, cum in Gallijs ageret, audiens Vspetes, & Tenchteros Germanos à Sueuis patria pulsos traiecisse Rhenum, Menapiorum agros, & aliarum gentium Rheno incumbentium loca deuastati, traductis suis copijs, iubet vt à deuastatione cessent, & regione excedant. At cum dicto audientes non essent, conferta cum illis manu, trecenta ferme hominum millia, partim gladio, partim aquis peremit. Cumque Vrsinorum castrum Cliuis ab his euersum Caesar videret, id restituens, ipsorum ditionem longè dilatauit, atque discedens, Vrsinis ripam & accolae Rheni commendauit. Eodem quoque tempore Iulius Caesar duas validissimas arces in Rheni ripa crexit, dearum Drusae & Magiae iisdem appellationem tribuens. Quarum proinde altera Duisburgum, altera Neomagum dicta, quas etiam Vrsinis pro defensione Galliae, ab incurribus Germanorum commendauit. Haec ex Sichardo Cremonensi sunt desumpta.

Porro Nouiomagum, urbem suam indigenae, nunc regnum, nunc basim imperii appellant, quod vna sit trium earum, quas Carolus Magnus quondam sibi sedes delegerat. Primam aiunt Aquisgranum fuisse, secundam Nouiomagum, tertiam Theonis Villam. De origine eius Geldenhaurius, cuius, in historia Batauica, à Magopotentissimo Gallorum Rege, Diris filio, conditam, & de eius nomine Magam appellatam fuisse, tradit. Post temporis progressu, à Barone Cattorum regulo, istuc transmittente, loci amoenitate capto, tum etiam antiquae nobilitati istic gratificaturo, instauratam, atque triplici moeniorum ambitu cinctam, ac inde Nouiomagum vocatam, Addit idem, Baronis filium Hessium patriam suam summo opere ornasse, vnde procliuior eius pars, etiamnum ab eo, Mons Hessij dicitur. Postremo adiungit. omnium ordinum consensione, à Batauis regiam, ac prouinciae caput constitutam esse. Vtuncque est, liquet, per antiquam esse urbem, ad eam Rheni partem collocatam, quae Vahalidis vulgo vocatur, flumen inibi & latissimum & altissimum, duobus miliaribus ab arce Reuenstenia distat. Aedificiorum structura nobilis profecto est, & firma: populosa, & diues. Nam postquam nouissimè ad Austriacam domum redijt, ciues cum mercaturis faciendis, tum literis operam dederunt, antea ferè nulli rei intenti nec assueti, quam bello & armis. Habuit tamen diuersos viros olim literarum doctrina illustres, qui varia opera, & se, & Repub. digna ediderunt. vt Theodoricum Borguim, Iohannem Henricum, Henricum Bronchorstium, & D. Franciscum Kraneveldium, Mechliniensis regii concilii Senatorem, virum vti doctum, ita singularem virtutis & studiorum patronum. Gerardo quoque Falckopyrgico patria est, singularis eruditionis viro. Sunt etiam istic innumeri alii, bonis literis dediti. Inter alia quoque gymnasium erectum, in quo à septem magistris vtraque lingua, Latina & Graeca, singulari reipublicae vtilitate & laude docetur. Templorum quae ibi ornatissima arte sunt, omnium excellentissima est basilica D. Stephano dicata. Inter rerum porro miracula, per antiqua est arx illa, in colle sita, quam à Iulio Caesare edificatam aut saltem instauratam aiunt, quasi dominatricem, atque exploratricem subiectae atque circumiacentis viciniae. Ambigi profecto possit, an vlla alia totius Belgicae specula amoeniorem regionum, fluuiorum, agrorum, terrarumque prospectum habeat. Hic iuxta atque in vicinis municipijs repertae aliquando priscorum Romanorum reliquiae, puta numismata, lapides, marmora, instructissimarum domorum parietinae, sepulchra, monumentaque, solerter perquirendi, perscrutandique terrae viscera desiderio ciues afficiunt. Cuius rei luculentissimus testis est, instar multorum, Ioannes Falckopyrgicus ciuis Nouiomagensis, homo virtutis & antiquitatis perstudiosus, qui domi suae tres aut quatuor tabulas marmoreas ostendet, vnà cum illustrium virorum elogijs epitaphijs, atque inscriptionibus. Habet etiam Nouiomagum Vicecomitatus titulum, estque vrbs & feudum Imperii. Monetæ cudendae ius habet, vt & ceterae Imperii vrbes liberae. Prouocatur inde non ad Geldriae cancellariam, sed rectè ad Aquisgranensem curiam. Quotannis certum hominem Aquisgranum mittit, qui defert eò chirothecam piperis plenam, Imperialis feudi agnitionis ergo. Philippus tamen rex catholicus, vti Dux Geldriae, istic, quemadmodum alibi, monetam percuti curat. Ecclesiasticus ordo eius vrbs paret Archiepiscopo colonienfi, quod quondam nouorum Episcoporum in hisce regionibus institutio perturbauit.

Haec vrbs totius Ducatus, & singulatim primae tetrarchiae Geldriae, omnium amplissima, caput est, cuius territorio comprehenduntur, Tiletum, & Bommela, ciuitates muris clausae, Gentum vel Gandauum, & Bommeleroverda, non quidem moenibus cinctae, attamen priuilegijs & immunitatibus donatae: item superior atque inferior Bataua, cum rota ea plaga, quae Mosa & Vahali fluminibus includitur, adeò, vt generatim omnes hi municipes se Nouiomagi fittere iure cogantur. Accessit haec ditio Geldriae Ducatus, Anno M. CC. XLVIII. hac ratione Otto II. Guilhelmo Romano Regi vnum & viginti millia infecti argenti pondo, mutuo dederat ea lege, & conditione, vt, nisi certa die commodatam pecuniam summam persolueret, Geldriensis in eam possessionem, vt suam ac propriam, veniret, quae conuenta, pluribus etiam conditionibus additis, postea à Rudolpho itidem Romanorum Rege confirmata sunt. Cum verò, ad constitutum tempus, siue propter rarioris tenuitatem, siue incuria quadam, pecunia illi reddita non esset, ex conuentu, certis tamen conditionibus, Nouiomagensis ditio, Geldriae Comiti cecidit.




NOVIOMAGIVM *sive* Nouioma:
gum vulgo Nijmmegeen inchoya quōdā
Francorum Regia vrb̄s gelrix primaria.

INSVLA:



FLANDRIA, latioribus quondam extenta terminis, hodie Brabantia, Hannonia, Artesia, & Oceano finita, in tres diuiditur partes, in Flandricantem, siue Teutonicam, in Gallicantem, & Imperatoriam. Gallicans dicitur, eo quod lingua vtatur Gallica; iungitur a Septentrione Gallia Teutonice, a Meridie attingit diocesin Cameracensem: ab Oriente Scaldi flu, ab Occidente Liza flu, & Artesia terminatur. Regio haud ampla, ac supra quam dici queat, fertilis, cum rerum omnium, tum in primis frumenti, & rubrae Tinctoriae, seu Erythrodani, prata ac pabula latissima, vnde pecudum, iumentorumque abunde alunt. Continet oppida ciuitatesque elegantes & opulentas, quarum prima est INSVLA, vulgo Ryssel, ciuitas perpulchra & diues, mercatoribus locupletibus frequens, ac opificum mechanicorum, Textorum praecipue ingens numerus, qui per omnem ferme orbem merces mittunt varias, vt haec, post Antverpiam ac Amsterodamum, primas in mercatu teheat, INSVLAE appellationem ex eo, multis perhibentibus, obtinens, quod in paludibus & stagnis, quae postea temporis diuturnitate, atque hominum industria vel siccata, vel terra oppleta fuerint, insulae ad modum sita esset. Alij narrant, ex multis illic circumiectis insulis, id vbi nominis accidisse. Iuxta moenia, qua regione arx collocata est, labitur fluuiolus, qui Lentij Atrebatum ortus, incitato ad Septentriones cursu, Dusselmontij se in Lisam confundit. INSVLA Messenij tribus abest milliaribus, quinque Tornaco, paulo amplius Ipris. Condidit Balduinus Barbatus, Flandriae Comes, anno septimo supra millesimum. Qui deinde Barbati filius, vbi natus fuit Balduinus pius, ex loco etiam Insulani cognomentum tulit, abs quo vrbs quae ipsius esset patria, multis aucta beneficiis, muris quoque anno millesimo sexagesimo sexto conclusa fuit. Is deinde magnificum illud templum, quod a D. Petro nomen habet, excitauit, in quod & splendidissimum Canoniorum Collegium, amplissimo ad eam rem constituto censu, cooprauit, interque ipsos Canonicos, Tornacensem ac Morinensem Episcopos accenseri voluit. Haec vrbs praeualidam habet arcem, in qua veteris arcis Bucanae (quae primum eorum, qui Regis Galliae nomine Flandriam administrarunt, Praetorium fuit) reliquiae visuntur. Hi, cum initio dicerentur Nemorarij, quasi Nemorum Praefecti & custodes, ad summam dignitatem perueniunt. Eo bello, quod Ferdinandus Flandriae Comes in Philippum secundum Galliae Regem, & Ludouicum Principem eius filium, Diui postea Ludouici patrem gessit, insula capta, & incendio consumpta, dehinc restaurata, bello rursus exitiali, & toti Flandriae tantum non internecio, exarsit, in hostium potestate redacta, multis vexata modis fuit, qua de re Flandriae Annales Meieri, libro octauo consule. Eadem hodie pulchris aedificiis, illustribus ac nobilibus familiis, mercatoribus ditissimis frequens ac celebris. multos etiam habet industrios artifices, qui mercium diuersa genera, praecipue autem ea, quae Belgae Saias, ostadia, inuersa, & quae iuxta Gallicum idioma, quod colorem pro diuerso possum, mutare videantur, variantia dicuntur, ad pretii cuiusque modum, conficiant. Immo tam frequentes mechanicis incumbunt, vt quod alibi vix videre est, haud reperias pueros quatuor annos natos, qui non sufficientes sint suo labore victum sibi comparare. Cum enim ingentem pannorum copiam concinnent, hi aut fila fuso ducunt, aut in globulas ea redigunt, aut lanam tractant seliguntque, aut aliud quippiam operae impendunt. Hac ipsa in vrbe, curia est iudicialis, eademque ratiocinaria, vt quae Fisci etiam rationibus praesit, ei quidem similis quae est Bruxellae, sed quae tum plus auctoritatis habeat, tum res plures tractet, latiusque dominetur. Complures etiam habet municipales prouincias, quae suas illuc rationes referant, Flandriam, Artesiam, Hannoniam, Namurcum, & Mechlineanam ditionem, quin & eum quem dicunt Burgundiae liberum Comitatum habuit, quoad paucis abhinc annis, nouum eodem loci Ratiocinarium institutum fuit. Hunc Magistratum Philippus Burgundiae Dux, Audax cognominatus, prudenti consilio instituit, vt tanquam sanctius quoddam Antistitem Iustitiae Concilium, & ius Prouincijs diceret, & aetarij sui rationibus praesesset. Qui tamen ei successit filius Ioannes, cum Senatum huic tantae negotiorum molli non sufficere animaduertet, bipartito hunc diuidens, apud Gandauos aliam condidit iudiciorum curiam, vt ibi quidem iuris controuersiae deciderentur, penes Insulanum autem Concilium, aetarij ac Fisci Principis auctoritas, & veluti summus tribunatus esset. Ibi Concilij Praeses, & quatuor Rationum magistris, quibus adduntur quinque, vt vocant, auditores, tres Notarij, & alij nonnulli, eius Magistratus functionem aliquam sustinentes. Horum fidei committuntur codicilli, ac Regesta, quae dicuntur, priuilegiorum, cuiusmodi Princeps Reipub largiatur. INSVLA demum peramplo, est Comitatus ac dominatus, & paucis totius Flandriae Gallicae caput ac princeps.

(ii)



D V A C V M



VACVM, in Flandriæ, Hannoniæ, & Artesiæ confinibus videtur, eius esse gentis, quam Cæsar Catuacos appellat. Flumen Scarpa per mediam se urbem diffundens, alueis eam pluribus distinguit. Gameraco, & Lensio quinto abest miliari, copiosa vrbs & firma, habens aquarum scatebras, domos veteres illas quidem, sed ornatu ac splendore non postremas, templa verò augusta, idque imprimis, quod Virginis matris nomen habet peruetustum: quippe, eam tum Clodouæi Regis Galliæ temporibus sub annū Domini quingentesimū ab Arcinolto Regni Curatore, seu (vt alij appellare malunt) equitum magistro constructā. Qui de rebus Gallicis, & Belgicis magna cum laude historiā cōscripsit, Robertus Guaguinius magna virtute vir istā habuit patriā. Hodie quidē opipdum est, quo vix aliud mōnibus & incolis cultius, munitiusque, aquis quam optime instructum, fontes siquidem limpidissimos habet complures, vnum prope D. Amati, maxime celebrem, qui Mauronti, cui sacer est, nomen cepit. Altissimo aggere, quasi perpetuo quodam monte cingitur, quem binæ etiam fossæ, aquis refertæ venustissime ambiunt. Scarpo itidem fluuiio irrigatur, qui prope Atrebatum ortus, in hanc urbem Ducensem duabus illabitur faucibus, inde frequentibus diductis riuulis, præterquam, quod varijs in locis oppidanis vsui est, & emolumento, vbi se tandem colligit, ibi demum aquis adauctus, navigabilis redditur, vt onustas mercibus cymbas Tornaco, Aldenarda atque Gandaui, in Schaldin, notum & celebre flumen, peropportune deferat. Duacenses olim Catuacos fuisse, Cæsaris Commentariorum Scholiastes palam fecisse, Iacobus Lessabius, Marlianus, & alij affirmant. Sunt vicissim, qui dubitant, cum locus ille Cæsaris in Commentarijs ita legatur, vt nihil ea de re certiliqueat. Verum, vt ad oppidanos nunc redeam, illi hætenus vt illibatam urbem, ita Principi studiosissimam mentem semper habuere. Id visum est, cum superioribus sæculis sæpe, tum Auorum Patrumque memoria, quando finitimi Franci in Galliam excurrerunt. Magis vero postremis hisce annis, quibus funestis, & perniciosis seditionibus, vniuersum Belgium exarsit, quibus ne in minimo quidem contra Regem Philippum irum est. Cum Insulis, Orchiaeco & confinibus inferioris Flandriæ membrum est, & vnum eius Prouinciæ statum constituit. Rempublic. habet optime constitutam, ab alijs municipiis plane diuersam. Concurrunt enim in ea tria Rerumpu. genera. Regem suum supremum, & monarcham agnoscit: deinde sunt in ipsius corpore, mira quadam maiorum prudentia, duo ciuitatis prætores, vnus in criminalibus, quem Ballium; In ciuilibus alter, quem Præpositum vocant; ad quos non cognitio, sed sententiarum à Magistratu latorum, executio pertinet. Habent ij perpetuam dignitatem, & hæreditariam. In Magistratu sunt XIX. vt vocant, Scabini, & VI. viri alij, qui XIII. Mense ex toto populo à IX. viris ad hoc ab ijs, qui Scabinatu tum defunguntur, nominatis, eliguntur. Quæ speciem Aristocratiz ferunt. Deliguntur enim pauci, & optimi. Quin etiam nullo Nobilitatis respectu, de Plebe vocantur, in quo Democratia versari videtur. Et hæc quidem de Duacensi Repub. & ciuitate: nunc ad urbem ipsam redeamus. Proximum foro est Capitolium, Valencenati haud absimile. Alterum mœniorū, quæ hic geminata conspiciuntur, ad imam aluei crepidinem, arcentis hostibus, prouide collocatum. Verba sunt Lessabij. Putatur autem de Arce perueteri hic agere, prope D. Amati, in qua turris fuit stupenda altitudine, ac vetustate, cuius visendæ causa, Architecti, ex Italiæ, & alijs mundi partibus, huc frequenter concedere solebant. Eius immensa altitudo obstabat, cum alia à ciuitate erigeretur, ne is, qui perpetuo in summa curiæ specula, excubias agit, in omnes portarum vias, pandere visum posset, quamobrem diruta est. Domus contigua, partim in publicos carceres commutata, partim in Orphanotrophium, c. 15. florenis annuis eo ex munere dotatum, quo Rex Catholicus, Carthusianos, qui Valencenis in hanc urbem aliquando commigrare statuerant, ornaturus erat. A paucis deinde annis mœniorum forma prorsus immutata fuit: nec enim geminata sunt hodie, sed perpetuus, altusque agger, duplici aqua munitus, vniuersam urbem circumdat. Templa habet non pauca eximie vetustatis. Præcipua sunt Apostolorum Principi, & B. Mariæ sacrum, sub Clodouæo Francorum Rege, Anno à Christo nato Io. erectum. Quorum hoc hodie sacellum est in D. Amato, in sinistram chori. Quatuor Diuorum reliquias adseruat, inquit Mauronti, Diua Rictrude, quæ Marchenis colitur, geniti illud molem habet, ædificandæ ad templi crepidinem turri, iam olim apparatam. At veretor, ne noctua illis aduolauerit, nempe Babylona potius, quam Pyramidem comminiscens. Et aduolauit aliqua certe: iacet fundamentum, & columnæ etiam nūm interruptæ; quod si emerferit vnquam, futurum, vt Pyramis, qualis nusquam in Flandria, exstet. Nundinæ binæ, Ad Kalendas Sextiles, & Octobres, frugum maximus mercatus. Conuehuntur autem ex Austrebanensi, & Artesiaco agro. Lanarum peculiari colore tingendarum ius habet. Ager est super Duacum, Atrebatem vsque, compascuus atque arabilis, at raræ in proximo syluæ. Lignis vtitur aduectis ex syluis, quæ sunt ab altera vrbs parte, Tornacum versus, satis frequentes. Ædes sunt pleræque non contemnendæ venustatis. Genus hominum, nihil minus, quam effæminatum, proinde pugnax. Itaque propellendi hostis spem, non collocant in adscitiis militum centurijs: quin prius habent, suum defraudare ærarium, suoque discrimine, superstitem feruare urbem, quam alieno ferociore præsidio. Quamquam tamen, sub Carolo Quinto, & ante ipsius quoque tempora, licet rarius, præsidium militem admisserint. Ab eo vero tempore, eam huic vrbi fidem, etsi in Galliæ finibus constituta, Philippus Rex semper habuit, vt proprijs sub vexillis, ciues militent, ac Patriæ defensionis præsent. Ob quam quidem incolarum tum fidem, tum constantiam, tanta in hanc urbem Regis liberalitas exstitit, vt quicquid M. Suxæ ærario dotis nomine debebatur, id omne in magistratus, & vniuersitatis ornamenta conuerterit. Celebrem hic namque Academiam, à Romano Pontifice approbatam, Anno c. 15. Io. LXIII. multis ab utroque immunitatibus, & priuilegijs donatam instituit. Quæ quidem maxima huic vrbi ornamenta hætenus conciliat, cum ex paupere municipio, opulentam urbem: ex tugurijs & casis, ædes magnificas, & insulas: ex parua denique magnam effecerit. Inuexit mercimonia, opes, prudentiam; toti demum Belgio, præcipue utilis, in qua cum omnium facultatum scientia, eadem opera etiam linguam Gallicam Studiosi addiscant, qua in omnibus fere Belgij Aulis, & tribunalibus, passim res forenses tractantur, & mercatores in negotijs aliquantò libentius, quam sua vtuntur. Ad hoc Gymnasium amplificandum, summa Regis accessit liberalitas. Domum maiorum suorum, & Arcem, quam hodieque vulgus Aulam inferiorem, *la Basse court*, appellat, in Collegium Facultati artium donauit, in quo adolescentes in litteris & Philosophia exercerentur, locum sane ad Musas accomodatissimū, quod ad situm attinet, vndique cinctum flumine. Deinde scholam publicam, amplissimam domum exstruxit & Macellum. Ex sua dote in singulos annos Io. millia florenorum Academiae donauit, ex qua summa omnium Facultatum Professoribus salaria dantur, magnus est auditorum numerus, maxime Anglorum, & tanta docentium diligentia, & doctrina, vt ex hac iuuentula, non tantum Auiam Agrippinensem Scholam, sed matrem etiam Louaniensem facile agnoscas. Regia ista liberalitas, duorum potentium ac nobilium Abbatum studium mirum in modū inuitauit, D. Ioannis Lentailleri Aquicinctensis, & D. Arnoldi Gantois, Marchensis: qui cum prius vnum Collegium communibus sumptibus cogitassent, ad incrementa studiorum, mutatis in melius animis, Aquicinctensis solus tam amplum Collegium excitauit, vt facile c. 15. conuictorum, qui singuli cubiculum habent, sit capax. In quo Collegio amplam quandam domum Societati Iesu donauit, eosque discipline præfecit. Marchensis item, non quidem tam amplum, sed multo splendidius erexit. Mirum est, quam in his Gymnasijs & literarum, & Philosophiæ studia, æqua colantur, quamque proinde ad superiores facultates idoneam iuuentutem transmittant.




SLVSA:



SLVSA, Teutonice Flandriæ oppidum perquam elegans, quondam *Lammir* vltet vt palam fit ex publicis literis. nuncupatum, copiosum olim & diues, quique Mid-
delburgo, tribus miliaribus à Brugenſibus abeſt, qui arte, manuque facto, aquæ ductu,
ſeu canali largiſſimo copioſiſſimoque, omnes eius territorij aquas ſingulæri induſtria
facile vnum in locum colligunt, eaſque pluribus foliis nauigabilibus per urbem du-
cunt, ac vnum in alueum denuò reuocatos, ad Dammum oppidum, indeque ad Ca-
tarrhaſtas, *Ter Sluſſen* vocant, eique Reia nomen faciunt. In cuius exitu, portu et-
iam, quo Sluſa opibus olim floruit, (quâdo non minus, quàm tunc etiam temporis
Bruga, Hanſeaticis Orientalibus mercatoribus domicilia præbuit) rota Flandria Teu-
tonica commendatur, is. quingentas naues facile admittit, ſicuti & annales Flandriæ perhibent: Anno M.
CCCC. LXVIII. paulò ante natalem Dominicum, in hunc portum appuſas centum quinquaginta vno tem-
pore naues mercatorias, inſpectasque ab oppidanis magno gaudio & lætitiâ. Verùm hunc portum & oppidum
Sluſanum, temporum iniuria collapſum, Brugenſes nunc reſtaurare, & beneficijs augere inſtituunt. Ad oppi-
di latus arx egregiè conſtituta, quam Rex militum præſidio tenet. Dux autem Bouillonius, & Galliæ Admiral-
ius, ſiue maris Præfeſtus, ille prius Heſdini, hic poſterius ad Quintini urbem capti, & in cuſtodia illic habiti
fuerunt. Ea arx, licet nunc ab oppido ſeiuncta ſit, illi tamen antea per ædificia complura, quæ deinde conſulrò
Sluſenſes euerterunt, coniuncta fuit. Sluſanum namque oppidum, bellis contra Brugenſes & diſſenſionibus
fractum, ad extremum, etiam venditione ipſis à Principe additum, in eorum poteſtatem deuenit. Acerrimæ
namque diuerſis temporibus commerciorum cauſa inter Brugenſes & Sluſanos vigerunt contentiones, qua-
rum præcipud Anno M. CCC. XLIII. quas motum nouum, ſiue magnum vocarunt, hac occaſione ſumpſere in-
itium: Ioannes Comes Namurcenſis, filius Principis Guidonis, patruus magnus Ludouici Comitis, ea tem-
peſtate portum Brugenſem, ad Sluſam poſſidebat, ſimul præfeſturam aquæ, quæ hætenus Prætoris Damm-
enſis fuerat, ab Ludouico rerum adhuc per ætatē imperito, obtinuit, Sluſæque quaſcunque veller merces, maio-
ris etiam ponderis exponere, & vendere licere ſibi perſuaſit: quæ tamen merces bonaque omnia, iuxta leges &
priuilegia Brugenſium, Brugas ad ſtatum emporium ſubuehi debebant. Gruem ad exponenda quæcunque bo-
na, Sluſæ erexit. Ea re, quoniam emporium, quod ſtabile Brugis erat, cum ſumma pernicie reip. Sluſam trans-
ferre videretur, ſumma ope cum Comite agunt Brugenſes, vti ea omnia, quæ abſque communi terræ conſi-
lio, Namurcæo conceſſerat, prorsus & in ſolidum reuocaret, alioqui multò grauiffimam rerum omnium ſe-
cuturam eſſe perturbationem: quam quidem reuocationem, poſtquam fortiter contra nirente Namurcæo,
obtinere non poſſent Brugenſes, ad arma ſe conuerterunt. Magno numero fortiter inſtructi, Sluſam verſus
mouent. Diſtat tribus noſtratibus milibus. Ludouicus ea de re certior factus, aduolat Cortraco Brugas, vt ſi fi-
eri poſſet, impediât, frangatque eorum inceptum: ſed fruſtra omnia conatur. Coniurant vnanimiter omnes
in Sluſenſium interitum, niſi donationem illam Namurcæo factam, Comes protinus per tabellas nouas reſcin-
dat, atque abroget. Et ne omnia priuato videantur agere conſilio, Ludouicum vna ſecum Sluſam ducunt. Na-
murcæus, qui hæc futura miſimè ignorabat, quantis potuit munitiõibus, militumque robore, ſe ad reſiſten-
dum parabat: mente autem conſternatus erat, quod vnâ cum inimicis ſuis Comitem accedentem videret. Ve-
nientem nihilominus hoſtem facta eruptione acriter excepit: primum occiſis ſigniferis retrocedere coegit, in-
terfecta aliquanta parte. At, poſtquam reliqua manus acceſſit Brugenſium, longè impar euasit; fuſus fugatus
que eſt, atque à Brugenſibus captus, ductusque Brugas in arctiſſimam cuſtodiam, quæ Lapis dicitur. Deſidera-
uit eo proelio ex ſuis nobiles viros vſque ad viginti, ſi modo veri ſunt, quos inuenio, commentarij. quo ex
numero primarij ac præcipui fuere Florentius Berſalienſis, Simon ab Bruchdammo, & Ioannes Beruagius, o-
mni penè vulgari milite aut caſo, aut fugato, aut ſubmerſo. Ipſe per vrgentiſſimas Comitis preces protectus
& ſeruatus eſt, alioqui ab furioſa multitudine diſcerpendus. Sluſam Brugenſes diripiunt, direptamque, nulli-
us habito reſpectu, per iram incendunt, ac funditus euerunt. Paulò poſt, dum pro Namurcæi liberatione apud
Fanum Odomari conuentus indicitur, vbi multa primorum virorum ea de cauſa, frequentia, nuntium, ipſum
Namurcæum è cuſtodia elapſum, Brugenſium animos ad pacem inuitat; maximè, quia Carolum Galliæ Re-
gem Namurcæo fauere, idque agi cognoſcerent, vt adempta Sluſa, atque maris acceſſu, emporio ſpoliarentur,
eumque in modum in perpetuum vrbs ipſorum humiliaretur, nouo emporio ad Sluſam conſtituto. Itaque
ſex, & ſexaginta millium nummum ſolutione, amiſſorum veniam ſibi comparant. Proximum Sluſæ inter
Brugenſes, eſt Dammum, valde opulentum, populo, & mercatoribus frequentiffimum olim oppidulum, por-
tu etiam, & vinorum ſtatione celebrè, clauis & oſtium maris; claudebat quippe & aperiebat Brugenſibus mer-
catoribusque omnibus oceanum: ſed nunc incurſionibus Gallorum, inſeſtinis etiam Gandauenſium atq; Bru-
genſium diſſidijs, alienata mercatorum frequentia, inſtar vici eſt, & portus iam noſtra memoria nihil eſt ali-
ud, quam foſſa manuſacta, per duo milliaria Flandrica vſque ad portum Sluſæ, æſtu concitato tantummodò
nauigabilis. Ad hanc urbem prælia naualia diuerſis temporibus diuerſa commiſſa fuerunt, Hiſpani præcipuè
& Hollandi hic non ſemel vtrique alterutros opperientes, mare hoſtili ſanguine cruentarunt. Eo autem tem-
pore, quo Archidux ALBERTVS Oſtendam arctiſſima obſidione preſſit, MAVRITIVS Princeps Arauſienſis
nequicquam vllam rei benè gerendæ occaſionem ſibi elabi patiens, vt vel Hiſpanos ab Oſtendanz vrbs obſi-
dione auocaret, aut aliud quidpiam operæ pretij faceret, hanc urbem comœatu tunc temporis non adeo ab-
undè inſtructam nauibus ita obſedit, vt omnem oppidanis aditum & exitum præcluſerit, paruoque poſt
temporis intervallo eam ad deditionem coegerit; Quæ poſtea licet variis Hiſpanorum petita conſi-
liis, diuturna etiam obſidione fruſtra ab iſdem oppugnata, tamen virtute præſidiariorum defen-
ſa, aquarumque catarrhaſtis, quas vocant, Hiſpanorum caſtris plurimum incommodanti;
bus, ab eadem liberata fuit, ac etiam nunc in Hollandorum
eſt poteſtate;

(.)




SLVYS.

SLVSA. TEVTONICA
FLANDRIAE OPP.
ADMODVM ELEGANS.


ATREBATVM.



ATREBATVM, vulgò Arras, Artesiæ metropolis, cuius gens Iulio Cæsari Atrebates qua voce vniuersitatem accipit, Recentiores, Latine scripturi, scilicet effinxere pro vrbe & capite gentis: sed, quam recte, aliorum esto iudicium. Nos, antiquitatis imitatione, Atrebatum Augustam mallemus dicere, sicut ciuitatem pro Republ. vniuersa, Iulius purè loquens, protulit. Vrbs est maxima, & politica dignitate clara, adeoque cum naturali situ, tum propugnaculorum, murorum, & turrium præsidio munita, vt non nisi longissima obsidione expugnari facile queat. Hinc à Meiero lib. Annal. Fland. xv. scutum, vallum, ac murus totius Occidentalis Flandriæ nominatur. Bipartito murorum ambitu diuisa est. Pars vna Principi, altera Episcopo adscribitur. Intra teli iactum indidem Scarpa præterfluit; Duaco, senis; Doreno ostentis; Cameraco nouenis, & Ambianis, denis quaternis abest miliaribus. Vrbs ampla, augusta, & spaciola, imo, Dipolis. Nam pariete quodam integerrimo ac mediano scinditur, ac secernitur. Quarum parte altera ciuitas Antistiti nimirum obnoxia vulgò vocatur: altera autem, quæ dominum agnoscit, vulgò, male, villa dicitur, ea vrbs est. Interim ciuitas vt vrbe minor, angustiorque, tamen propugnaculis, molibus, & opere firmissima est, & affabre facta. Vbi Cathedra, fama celebris, Mariana, ac inibi Bibliotheca manu scripta. Libri verò omnes Theologici. Omnium primum antistitem hic instituit D. illum Vedastum, D. item Remigius Rhemorum Archiepiscopus, anno D. XXXI. Procedente tempore, ea dignitas in Cameracensium itidem Antistitem transcripta est, sic vt ex gemino vnus duntaxat coalesceret Episcopatus. Atq. adeo, vt multam ætatem Atrebates huiusmodi dignitate frustrati. Fortè autem euenit, vt Samarobrini siue Cameracenses Henrico Quarto Imperatori studerent, ac fauerent, hunc exeperat inimicum Pontifex Maxim. Roma. Urbanus secundus, hostemq; Ecclesiæ Romanæ proscripserat, qui aliqua ex parte, ita animaduertere volens in Cameracenses perduelles, ac Imperatoris iam dicti socios. Atrebatibus pristinum Episcopatus honorem restituit, Episcopumq; creauit Lambertum, ad Teruanam tunc Archidiaconum, id quod contigit anno MLXXXV. Egit ibi haud ita pridem Antistitem Antonius Perenotus, hodie Cardinalis Granuellanus, vir insignis, & fama notissimus, quo Episcopatum hunc abdicante, suffectus est in eius locum Fræcisus Ricardotus, vir spectatus & literatus, eloquentia singulari, venusta ac grata actione compta, præditus, scriptisq; Theologicis, de horum temporum controuersijs, clarus, verum nunc in fata, cum summo bonorum luctu, cōcessit, vir æuo, & sempiterna memoria dignissimus Episcopus autem in hac sua ciuitate Atrebatensi singulare habet imperium, hoc est Magistratus creat Leges irrogat; Ius dicit vniuersæ, deniq; tam profanarū, quam sacrarum rerum Dominus, Patronum tamen Belgarum Principem, ac nominatim Atrebatum Comitem recognoscit, à quo electus est, & à Romano Pontifice confirmatus, vel inauguratus. Annuali Episcopatu tanta, quanta fuerit messis frumentaria, nempe quaterna, vel quina, ac interdum sena Scutorum millia. Ibi ad Diuæ Mariæ, magna religione, & egregio cum peregrinorum lapidum apparatu, certum refert, quod etiam certo & constituto tempore, nimirum in maxima aeris terræq; siccitate, ac desideratione, ad eliciendam implorandamq; è superis pluuiam, commonstratur. Nec deest vrbi etiam sua Religio: nam illic ad secundum compitum, summa cum cæremonia, in delubro lucerna custoditur *diotryps*, vtputa, quam rem sanctam, & coelitus acceptam, antiquitus credunt, cuius occasione iam commodum in urbem transmisimus. Ea ampla in primis, ac situ, & opere arx habetur, quam nisi longinqua obsidione non facile quis capiat. Plateæ hic apertæ, Forum spaciosum. Vedastinorum Sodalitium cœnobium inibi diuitijs reliquas omnes monasticas societates, longè antecellit, vti percunctatione didicimus. Vedigal enim ei immensum, nempe, vicena ducatorum millia, & eò ampliùs. Deinceps, multa passim templa, ornata, & culta: Domicilia ciuium appositè facta, & commoda, & eo magis admiranda peregrinis, quod Hypogæa in omnibus, & ipsa affabre facta, pavimento nimirum, aut lithostrato, aut lateritio, eaque alte effossa, de industria. Necessitati enim ea ratione ac via, ciues prouidi suarum rerum consulunt, qua urgente, sicuti aliquādo vsu venit, Hypogæa illis sunt, quæ alijs cœnacula. Bello nimirum æstuante, & hoste moenia tormentis concutiente, in subterraneis illis sedibus, dum extra telorum omnem sunt iactum, cum omni re sua incolumes, faciliùs ferunt, tolerantque obsidionem. Hanc gentem, antiquitate, fortitudine, & virtute, vel vnus cohonestet comicus ille Atrebas, summopere ab ipso Cæsare commendatus. In instati tempore, nunc præter cæteros claret Christophorus Assimuillius, in consilium Regis priuatum adscitus, vir Illustris, Magnus, spectatus, & doctus, magnificis legationibus ad Angliæ Reginam, & ad pacificationē Coloniensē. superiore anno, celebris. Ac deinde Nicolaus Bornius Antistes designatus Atrebatum, cum rara doctrina insignis Orator, nō inuenuustus Poeta, & luculentus Historiographus: supremus hic sessitat prouinciæ Senatus, vnde recte Mechliniam prouocare fas est, reo actorique causa cadenti. Vrbs sic satis frequentata est Atrebatum, quorum alij mercatores, alij opifices. Horum sunt multa Collegia, quorum maxima pars lanariæ studet. Hinc leuidense & textile Atrebas, nulla non in parte Europæ, ac cognitum & acquisitum. Hoc iam inde ab ipso Cæsare caput numerosæ gentis fuit. Ad hæc, Carolo Caluo Imperatore, & Rege Franciæ, & multa post ætate vniuersæ imperabat Flandriæ. Verum, postquam Atrebatum singularis institutus est Comitatus, & à Flandrico seiunctus, huius tantum populi Metropolis, multis tamen nitens clientelis, est facta; qua conditione, etiamnum cernitur.



HANNONIAE HORTVLVS.




HANNONIAM, scribit Lessabæus, olim Pannoniam, à Panos cultu, vocatam: deinde, saltum carbonarium; postea, Picardiae inferioris titulo, cognitam dicit. Sed tandem Hannonia nomen, quo hodie innotescit, ab Hania flumine, (quod mediam regionem secat) obtinuit. Hainault, incolæ, & Henegaw/ Germani adpellant. Habet hæc Hannonia Flandriam cum Artesia ab Occidente, Brabantiam à Septentrione, quæ Orientem Solem aspicit, sunt illi iidem Brabanti cum Namurcis, & Leodiensibus vicini; à Meridie Campaniam, Gallorum Regis Prouinciâ attingit. Regio est, si quæ alia hoc tractu, nemoribus, lacubus, fontibus irriguis, pratis & pascuis admodum amœna. Gens bellicosa, & erga Principem, fide & officio incomparabilis. Habet in longitudine plus minus viginti, in latitudine sedecim milliaria. In eo ambitu comprehendit viginti quatuor oppida, & plus, quam nongentos, quinquaginta pagos, aut villas, vt Guicciardinus auctor est. Robertus Cœnalis, in eabis

mille ducentas villulas, turri campanaria (vt vocant) insignitas, numerat. Titulo Comitatus hodie ornata est, & habet in se Principatum (vt hodie dignitatis vocabulum vulgo sonat) octo Comitatus, duodecim Pares (vt hodie appellant) viginti duos Baronatus, viginti sex Abbatis, aliosque dignitatis titulos, quæ omnia apud Guicciardinum videre licet. Vrbes in ea primariæ sunt, Montes & Valencenæ: hæc ad Scaldim flumen, quæ id nauigia ferre incipit, sita, amplitudine & vallatis moenibus inclyta est. Plebs mercimonijs & negotiationibus vt plurimum indulget: magnumque sibi emolumentum, ex eo panni genere, quod vulgus fuffetas, & in hac vrbe magna quantitate textitur, atque hinc, in remotissimas orbis regiones auehitur, parat. Illa, fluuiolo Trullæ infidet, mediumque regionis ferè occupat. Vrbs admodum munita, atque aduersus hostium insultus tutissima. Plebs opulenta, plerumque rem faciens ex telæ quodam genere, quod vernaculè Sayam adpellant: cuius ibi ingens copia conficitur. Sunt præterea Condatum, Halla, Angia, Malbodium, Auesne, Bellus mons, Chimacum, Quercetum, Binchium, Mariæ Caroli Quinti Imperatoris sororis à curis diuerticulum, atque exstructis ibidem ædibus planè magnificis, quondam in delicijs habitum, sed postea ab Henrico Secundo Gallorum Rege, incendio & ruina fœdatum. Est item Bcuacum, vulgariter Bauais, quod nonnulli Baganum, vel Bagacum Ptolemæi esse arbitrantur, nonnulli illud Belgium Cæsari in suis commentarijs dictum, volunt. Hubertus Leodius tamen, non existimat Cæsaris temporibus tam potens fuisse, sed sub D. Constantino Imperatore potius floruisse: idque ex numismatibus, quæ ibi magna quotidie copia, huius imagine signata, effodiuntur, colligit. Visitur in huius foro columna lapidea, sub qua incolis inchoare omnia eiusmodi viarum capita referuntur, quæ ab eo loco, in omnes Galliarum partes, & sublimi atque recto tramite exporriguntur. Has Brunehildi opera constratas, fama loquitur. Eius quoque nomenclaturam, in hunc vsque diem seruant. Chemins de Brunchault, Gallicum vulgus; Germanicum verò, *Die Casée*, vocat. Durant vsque hodie harum viarum plurimis in locis vestigia, sed interrupta. Hæc id præsertim miraculi habent (vt scribit Bouillus) quod sublimiores sint vicinis vtriusque agris: quod inter insignia Galliarum oppida rectissimum iter conficiunt; quod silicinis lapillis, qui etiam vicinis in agris defunt, sternuntur; adeo, vt vel ab humo ebulluisse silices, vel æthere sublimi eos pluuisse, quis iudicet, vel alia, quam humana manu & opera, vndeunque toto orbe lectos in eiusmodi viarum ruderationem quis demeretur. Sunt quoque in huius regionis limite versus Mosam fluuium, quæ in Galliam iter patet, Carolomons, Marieburgum, & Philipponilla, in hoc tractu, contra Gallorum irruptiones fortissima præsidia, à Carolo Quinto Imperatore, MARIA eius sorore, & PHILIPPO eius filio, exstructa & denominata. Diues est hæc regio ferri & plumbi fodinis. Effodiuntur hic quoque diuersa marmorum genera, vt sunt, album & nigrum, item pluribus coloribus variegatum, ad Regum & Magnatum ædes & sepulchra ornanda, valde accommodata. Calx viua hic etiam ex terra eruitur. Item carbonēs lapidei & atrī, bituminis indurati natura; quibus incolæ loco lignorum in extruendo foco vtuntur. Constantur hic quoque vitreæ illæ laminæ pellucidæ, quibus omnem cœli iniuriam ex templis & ædibus propellimus, hæcque præ alijs, quæ alibi locorum sunt, palmam præstantiâ ferunt. Omne item vitreorum vasorum genus & supellex hic conficitur. Vide plura apud Ludouicum Guicciardinum, & Iacobum Lessabæum, qui peculiarem de hac regione libellum conscripsit. Hubertus Thomas Leodius quoque in suo de Tungris & Eburonibus libellulo non contemnenda de hac ipsa Hannonia recenset; vtpote quæ ambitu tantum suo, tam in longum quam in latum, decem & septem milliaria colligit, vrbes vallis, muris, propugnaculis munitissimas habet, primariæ dignitatis ac regionis Princeps Chimay. Atque hæc quidem sunt, quæ de hoc venustissimo iucundissimoque Hannonia Hortulo Lectori referre voluimus, eum supplici voce rogantes, vt nobiscum vna à Deo Ter Optimo Maximo ardentibus precibus exposcat, vt non solum hunc Hortulum tanta rerum omnium & necessariarum, & delicijs splendidissimis inseruientium copia vndique confertum à noxijs tempestatibus conseruet, verum etiam omni benedictionis rore eum perluat, ac vberimo gratiarum imbri irriget, sicque fœcundet, vt suppullulascētes inde Nobilitatis surculi Hortum hunc condecorēt, augeant, amplificent, postea vero adultiores facti, regionis incolumitatem omni studio ducant promouendam, eamque erga Regem & Principem suum benè affecti, contra hostium ei imminentium depredationes & tela fortiter propugnent, fortiores tueantur, fortissimè defendant, vt non sibi, sed Patriæ nati esse censeantur, maioremque amorem, quam vani metus formidinem subditorum animis imprimant.

Annue ô Deus! & Hortum hunc forti tua
dextera clementissime
scipe protegen-
dum!

NOBILIS HANNONIAE COM
Pays de Haynault tenu

ITATVS DESCRIPTIO.
de Dieu et du Soleil.



Il y a plusieurs Jardins à Haynault et de bon air & telle abondance de toutes choses, tant nécessaires à la vie humaine, que servantes au plaisir & delectation d'elle qu'à bonne raison doit se prester aux plus playzantes & cultives Régions de l'Europe; Et combien qu'il ne continue en son circuit, longueur & largeur, que 17 lieues à toutesfoies en son contour vingt & trois Villes, bien munies, de Portes, boulevardes & Marais; Barons portans Banieres en temps de guerre aussi vingt & trois. Quatre Contes; Pères, que le vulgaire, appelle Pairs de la Prévost, deux Abbayes, vingt & deux; Villages, grans dechz 2200. sans les Hammeux, n'y ayant dechz, une principauté de grande autorité. Nommés, Chimay.

Le 10^e & plusieurs Jardins à Haynault et de bon air & telle abondance de toutes choses, tant nécessaires à la vie humaine, que servantes au plaisir & delectation d'elle qu'à bonne raison doit se prester aux plus playzantes & cultives Régions de l'Europe; Et combien qu'il ne continue en son circuit, longueur & largeur, que 17 lieues à toutesfoies en son contour vingt & trois Villes, bien munies, de Portes, boulevardes & Marais; Barons portans Banieres en temps de guerre aussi vingt & trois. Quatre Contes; Pères, que le vulgaire, appelle Pairs de la Prévost, deux Abbayes, vingt & deux; Villages, grans dechz 2200. sans les Hammeux, n'y ayant dechz, une principauté de grande autorité. Nommés, Chimay.

MONTES.



MONTE S, Hannoniæ vrbs potens & ampla, muris propugnaculis, & aquis probè instructa, de qua in hunc modum Iacobus Lessabæus, in Hannoniæ descriptione. Iulium Cæsarem, rebus alioqui foelicissimè gestis, tradunt obsidione Belgeni multa clade defatigatū, aliquantisper supersedisse, intereaq; eo loci penetrauisse, vbi in edito colle Pani fanum erat, ac mox eum montem vallis & ligneis propugnaculis, vti earum rerum materia suppetebat, velut præsidio futurum, instruxisse. Porro, Hunnis, Pannonijs (quibus à Pane nomen remanserat) Rhetijs, & id genus fortunæ adiuratis viris, qui tum palantes, suo quisque more agebant, huc summum erat, oraculi gratia, confugium; donec nominatissimi, terra marique, Ducis Iulii aduentu, ex fano castrum haberi cœpit. Post supremum Brunulphi diem, qui eam arcem obtinuerat, traditæ rerū habenæ Alberico, Sigiberti Austrasiorum Regis (Austrasiam inter Oceanum, Mosam, & Scaldim tū posuere) ad recuperandas mortuo Dagoberto possessiones adiumento, vnde & filiam eius sibi matrimonio copulauit. Alberico tandem libuit ocium arcis instauratione oblectare, maximè autem turris, cui ex suo nomine vocabulum indidit, quanquā alijs placet ad Albonē eam referri, Secus castrum locus erat, quē sanctæ habitationis gratia, Gillenus Antistes Valletrudi designarat, vbi iam miraculis quoq; conspicua erat. In eo Sigibertus ædem Deiparæ construxit, sanctimonialesq; ex Valletrudis ædícula, opima forte alciuit. In Arce Montana, Prætor ex ordine Torquatorum, principē agens, ius dicit, noxios, & patria interdictos, ciuitate donat. Penes eundē creandi in annos singulos Montani Senatus, sub ferias Ioannis præcedanias, mense Iunio, ius est. Tradunt, Carolum Magnum donasse Montes Metropolitano munere, cæsareisq; priuilegijs firmasse. Iam ex ipsa vrbs nomenclatura intellctū oportuit, præcipuam vrbs faciem, nunc in colles assurgere, nunc vallibus deprimi. Ad fori crepidinem fons est, magno totius populi cōmodo, procul ductus. Nam super Dionysij in Broceria, paludes, ortum habet, ligneis fistulis grauissima arte compactis, quæ fluuium Haniam, & citeriorem syluulam transmittunt. Alluitur oppidum Trulla fluuiio, paruo admodum vsui inuehendis, euehendisque mercib. nisi huic rusticana ex superiore parte palus, suas aquas hebdomadatim fœneraret. Primo, quàm Montes reliquit, lapide, Trullæ immiscetur Hania, hincque toto nomine ei Trulla cedit, Condatū vsq; Vrbs paucis supra sæculis, & virorum & ædium frequentia, ad maximū numerum locupletata, opibus, quantum facies ipsa pollicetur, non inferiorib. Frequēs ad Francfordianum & Antuerpianum mercatus profectio, idque saginariæ negotiationis gratia, qua re textrinarū ingens copia. Oppidum, si quod aliud, natura & propugnaculis munitissimum, fossa circumdatum, & vna haud temere parte obsidionis impatiens. Gens ab huius ætatis vitijs, ne dicā prorsus aliena, sed tamen comitatis, & beneuolentiæ magistra; in tractandis amicis, & excipiendis hospitibus, summam eius agnosceres humanitatem. Imo, mecum contenderes, quorundam ædes, munificentia ac liberalitatis officinas potius, quàm priuatas domos, optimo iure censeri posse. Vt autem templorum Anacephalæosin traham in compendium: Curiata sunt, Valdetrudis, Germani, Nicolai, Elizabethæ, ac rursus Nicolai in suburbanis, Bertæ montis appellatione, circumlatis cum eo, quod est Valdetrudis Xenodochio finitimum, Beghinagium dicunt. Cæterum habet S. Franciscus sodalitium virile, habet item fœmineum. Augustino sacra est, quæ dicitur Vallis Scholariū. Eidem Antistiti addictæ sunt etiam virgines, quas à pullis vestibus vulgus Nigellas nuncupat, haud tamen nigris moribus. Nam vita integra, omnem finistram opinionem sustulit. Magdalena sacellum est, cum publicis ædibus, excipiendis puelis, quæ sicut exhibuerunt membra sua seruire immunditiæ ad iniquitatem, ita decreuere impendere iustitiæ in sanctificationem. Harum laboris, ac ærumnarū hic scopus est, ad stare, succurrere, inuigilare pestilēte lue correptis. Qua in re strenuam nauant operam, vbi malum, volentibus superis, grassari cœperit. Proximus est locus eorum, qui tertium Franciscanorum ordinem indepti, Minimi vocantur. Egressis vrbe, offert se iucundissima deambulatio, & ferme quaque versum ornatissima suburbia, vt ne dicam de syluis, in quibus nec frondium virorem, nec auium garritum desideres: cū riget æstiuus hirsutus campus aristis.



VALLENCENAE.




VALLENCENAE, elegans Hannoniæ vrbs, Trullæ flumini insidens, medium regionis ferè occupat. Admodum munita, atque aduersus hostium insultus tutissima. Plebs opulenta, plerumque rem faciens ex telæ quodam genere, quod vernaculè Sayam appellant, cuius ingens ibi copia conficitur. Arx olim fuit, quæ vt in medijs collocata aquis, in quibus multi versarentur cygni, primùm cygnorum vallis, successu deinde rerum, & abundante multitudine, cum in vrbem excreuisset, à Regionis incolis, Vallencenæ nomen habuit. Post Montes, vrbs in Hannonia, primæ notæ: eam Scaldis iusfluit, Bauato distantem sex miliaribus, Tornaco septem, Auenijs nouem. Etiamnum illic, ea vrbs regione, quæ Tornacensi & Duacensi portis interiecta est, intra Scaldim, & ipsos intrinsecos muros videas antiquæ Arcis reliquias, vt turrets, & nonnulla quædam. Situ, mœnibus, & fossis profundissimis hæc vrbs munitissima est, & præter hæc, aqua per machinas affabrè confectas, longè lateque ab incolis in planitiem diffundi potest. Ab altera parte Mons ita eam munit, vt propemodum inexpugnabilis habeatur, nec verò potest, nisi binis castris obsideri. Magna & amœna vrbs, pulchris ædibus, cœnobijs, atque templis augustissimis plena, quorum duo vnum à Deipara Virgine; alterum à diuo Ioanne nuncupatum, reliquis præcellunt. Posterius hoc à Pipino Galliæ atque Austrasiæ Rege conditum. Cum autem ditissima hæc sit ciuitas, tum ciues quoque habet ita mercaturæ studiosos, vt & domi & foris plurimum negocietur, arteque varias, & complura opificia tractent, sed imprimis eius conficiendi texti, quod lingua gentis, dimidiatum ostadium, quodque inuersum appellatur. Hic in lucem prodijt Anno Millesimo, Quadringentesimo, Quinquagesimo septimo, Magni illius Caroli Burgundionum Ducis, in prælio, apud Naucium cæsi, filia, quæ totius Belgij hæreditario iure, Domina, Maximiliano exinde Romanorum Regi coniuncta, cum sobolem ex eo numerosam peperisset, Belgium Austriacæ ditioni coniunxit. Hic plures conditi sunt nobiles, ac Principes viri, quam vllò alio totius Belgij loco, id, quod hodie magnifica ipsorum mausolæa declarant. Habet vero ista vrbs Prætorium, atque augustalem statum, ab Hannoniæ Comitatu seiunctum, quo fit, vt in iuris disceptationibus ab eius tribunali, non Montes Hannoniæ, sed Machliniam statim prouocetur. Miliaris à Valencena interuallo, situm est prædiues illud Cœnobium, cui Viconia nomen, vbi peramplam & nobilem videas Bibliothecam, facultatis, & disciplinæ cuiusuis libris instructissimam. Intra Vallencenas & Cameracum, non longè à vico, nomine Happa, est & alius vicus, Auenia sicca, nuncupatus, apud quem effoditur insignis ille candore lapis, à Leone quoque Baptista Florentino, in secundo, quem de Architectura conscripsit, libro celebratus. Hic lapis, ob loci vicinitatem, vulgo Auenianus appellatur, candore maris moreo, & ad incisionem facilis, ferra diuidi, & quouis instrumento, vt neque assulatim frangatur, tractarique potest. Ex eo itaque egregia sanè opera, præcipuè quidem sculptoriæ artis, per multa fiunt: sed quia natura tenerior est, ac frigori pluuiisque australibus valde obnoxius, incolæ regionis artifices, ne sua opera corrumpere, rationem excogitarunt, qua ipsum oleo, vernigine, alijsque temperaturis imbutum, confirmarent, ac velut crusta solidiore aduersus omnes aeris iniurias muni-
rent.



VALENCENA, QVONDAM
CYGNORVM VALLIS.
VRBS HAN: PERELEGAS.
ET VALDE MAGNIFICA.

CARLOMONTIVM.



CARLOMONTIVM, siue Mons Caroli, augustum est Comitatus Namurcensis oppidulum, firmissimæ arcis instar, Marieburgo distans tribus miliaribus, Namurco septem, pulchrè admodum in monte collocatum, ad sinistram fluminis Nosæ ripam, quo in loco prius Giuetum, vicus non ignobilis, situs erat. Nomen accepit a Carolo Quinto Cæsare, qui volens hoc ditionis atque Imperij propugnaculum obijcere Marieburgo à Gallis tum occupato, id condidit Anno Domini M. D. LV. Hoc namque tractu solertia & præmonstratione quorundam, etiam à Rege Philippo arcès & loca munita sunt excitata, quemadmodum & à Maria Regina Hungariæ, non procul ab eo fluuiò, qui ad Viereium oppidum in Mosam fertur (quem ipsa nauigationi statuerat idoneum reddere reratione) de suo nomine, munitissimum oppidum conditum est, quod hæc loca nullis propugnaculis munita, hostium incurSIONibus semper paterent. Vnde Martinus Rossemus Gallico stipendio Francisco Regi deuinctus, dum exercitum in Galliam alia via è Geldria per Brabantiam ducere non posset: hac fecit expeditionem: & quia collimitia hæc nullis arcibus adhuc essent firma, propter locorum asperitatem & horrorem, quibus satis tuta & defensa credebantur, nemo eum tentauit impedire. Atque hæc, in hisce locis tam multorum munitissimorum oppidorum recenti memoria excitatorum, causa præcipua fuit.

LANDRECIVM.



LANDRECH situs ad Sabim est, tribus ab vrbe Querceto miliaribus, sex à Valenti. Exiguum id quidem Hannoniæ oppidum, sed firmissimum, & quod fortiter Carolo Quinto Cæsari Anno M.D.XLII. restiterit, Gallis ipsum occupantibus valde famosum. Id exinde Galliæ Rex Duci Arschorano, cuius erat ditionis restituit, cum quidem insequente anno Crepinij pax conciliata esset. Sed ita post Cæsar cum Duce transiegit, vt oppidum hoc in suum ius, ac dominium transcriberet, (Duci eius nomine compensatione ex æquo & bono facta.

A VENIAE.






AVENIAE (vulgo Auesnes) situs occupat fluuiolum Gepram, Landrecio distans quatuor miliaribus, Melbodio totidem. Splendidum hoc & valde firmum Hannoniæ oppidum, Comitatus, vt vocant, dignitate censetur. Id, cum nuper adhuc in dominio esset Arschorani Ducis, Hispaniarum Rex æqua ei compensatione facta, sibi vindicauit. Cum enim ad Gallici regni limites pertineat, Dominipotentioris defensionem atque tutelam necessariam habet.

BELLOMONTIVM.



BELLOMONTIVM, indigenis, situs amœnitatisque causa, Beaumont, Clmaco, & Binsio abest quatuor miliaribus, Montio septem, in pulcherrimo quodam monte, abs quo & nomen habet, in Hannonia situm. Paruum id ceterè oppidulum, sed amoenum & vetustum, iuris nunc quidem & dominiij Ducis Arschorani, olim portio hæreditaria secundi filij Hannonum Comititis, ex quo & Comitatus dignitatem habet. In eo, superiori tempore, ante has Belgicas calamitates, Dux Arschoranus vt plurimum agere consuevit.



PHILIPPOPOLIS.



PHILIPPOLIS, vulgo, Philippeville, appellationem cum ortu Anno à Christo nato M.D.LV. à Philippo Hispaniarum Rege sortitum, vnius à Carlomontio, siue Caroli Monte, Marieburgo sesquimilliaris interuallo distans, oppidum est, si quodpiam aliud, firmissimo murorum ambitu, propugnaculis, machinis muralibus, cæterisque omnibus, quæ ad diuturnam obsidionem perferendam necessaria sunt, munitissimum. Eò namq; abs Hispaniarum Rege excitatum fuit, vt inuictum esset aduersus Gallos Marieburgum occupantes, vallum ac propugnaculum. Medio latam habet aream, nundinis hebdomadam celebrem, ad quam omnes oppi diplateæ, dicenti ornatu, tanquam ad centrum conueniunt.

MARIEBURGVM.



MARIEBURGVM, à Maria Hungariæ Regina, Caroli Quinti Cæsaris iussu, paulò post id tempus conditum & nuncupatum fuit, quo cum exercitu Gallico Longeuallius & Rossenius, Duces, hic Geldrus, ille Gallus, per mediam Brabantiam Lutzelburgum penetrarunt, Anno nimirum Domini M.D.XLII. Situm est inter duos fluuiolos, nomen alteri Gallico idiomate, Alba, cui propinquum est, ad teli iactum; Alteri Nigra, abs quo, dimidiato milliari distat. Abest Cimaco miliaribus quatuor, Montio vndecim. In expugnabile id oppidum est, & propter situm, & propter mœniorum firmitatem, in quibus ita quatuor propugnacula habet, erecta, & figuram oppidi quadrangulam reddant. Hic tamen, vt alibi, & fidele militum præsidium, & sufficientem commeatus arque annonæ copiam requiras, neque illum præcias, per quem id accidat, quod Anno mille simo, Quingentismo, quinquagesimo quarto, cum quidem ignauia, imò, vt fama obtinuit, Risartorum domini proditione, id oppidum in potestatem Gallorum deuenit, summa cum ignominia Præfecti, & cum grauissimo istius Regionis detrimento. Verum à Gallis, eam pacificationem, quam anno melesimo, quingentismo, quinquagesimo nono, cum Belgis transegerunt, Regi Hispaniarum Philippo, restitutum fuit.

CIMACVM.






CIMACVM, territorij Namurcensis opp. ad Albam flumen in nemore situm, ab Aueniis miliarium sex interuallo distat: Ciuium ædes habet sumptu atque splendore mediocres, & Principis palatium vna cum hortis mirum in modum elegantibus, & amænis. Principatus etiam titulo insigne est, ex quo Arschotanus Dux, cuius est dominij, Principis adpellatione salutatur. Oppidum hoc bellis, superiore paullo tempore cum Gallis gestis, non semel vexatum ac dirutum, nunc ita restauratum est, vt longè, quàm antea pulchrius sit, atque firmitus. Olim, ni fallor, edidit Ioannem illum Frosartum, qui tam gnauiter sui temporis historiam, lingua populari conscripsit.

VALLECVRIA.



VALLECVRIA, egregium Comitatus Namurcensis oppidulum, à Metropolitana Namurcensi vrbe, septimo milliari distans.



DORDRACVM.



ORDRACVM, peruetustum Hollandiæ oppidum, loci natura valde munitum, idoneum negotiationi, vndique aquis cinctum, opibus & auctoritate inter alia præcipuum. Nuncupatur Dordracum (vulgò Dort) quasi *Dur-dracht* ob fluminis, qui ibi fuit, traiectum. Antiquorum ciuitas VViltorum, ex multorum opinione putatur, primum in Statibus Hollandiæ locum occupat, quatuor fluminum concursu, in Insulam redactum, Mosæ nimirum, Vahalîs, Lingæ, ac Meruæ, quæ idem Anno M. CCCC. XXI. à continenti abroserunt, Brabantia enim coherbat. Hinc quidam ad quatuor flumina situm scribunt. Sic enim effigiem oppidi, ac situm: cum Philippus Hispaniarum Rex Anno Christi M.D. XLIX. in id primum possessionem capturus ingrederetur, exprimi & imagini hoc distichon adscribi iussit.

Me Mosæ & Vahalîs, cum Lingæ, Meruæque cingunt,

A Eternam Bataua virginis ecce fidem.

His igitur fluminibus in insulam redigitur: contigit namque, vt Vahalîs ac Mosæ fluij, vna cum mari, continentem, in qua hoc oppidum iacet, atque Brabantia iungebatur, inundarent: quam verò latè, crudeliterque satis inde liquet, quòd vicos, seu pagos septuaginta totos submerferint, absorpserintque. Numerus eorum, qui in ijs simul cum bonis omnibus perierint, æstimatur vltra centum hominum milia. Paulatim tamen huius absorptæ terræ quædam particula, solitis eius Prouinciæ artibus, & vt fert hominum eius loci vsus atque industria, recuperantur. Pisces varij generis Merua ijs in locis habet: Strutionibus, & Salmonibus, veluti circum Campenam, Zuderzæ, quæ dicitur, planè scatet. Dordracum quinque miliaribus Gouda, septem Vltraiecto distat. Amplum est, pulchrum, & elegantioribus ædificijs insignè. Summum templum, quod B. Mariæ virgini est sacrum, oculos mira elegantia, & pulchritudine pacit. Quicquid vini Rhenani in Belgium adportatur ex Germania; quicquid item frumenti ex Geldris, Cluiis & Iuliacensibus, atque aliunde mediterraneis ex locis, id omne in hoc oppidum, tanquam Emporium, generali Stapula, vt vocant, illustre, transuehitur. Quo nomine, tum alias ob causas id creuit, & hominum multitudine, per quam est frequens. Cæterum, quia subinde nostra in hac urbium enarratione necessariò Stapulorum mentio incidit, necesse est, maioris lucis gratia, vt Stapuli nominis vim atque originem, & rei naturam, quam ipsum indicat nomen, declaremus. Itaque Stapulum ab origine Latina, Gallis & Germanis in ea significatione vsurpatum nomen, indicat locum, Principis munere ac priuilegio publicè designatum, quò importetur vinum, frumentum, aut aliud quoduis exoticæ mercis genus. Sic Atrebatum ferunt habere vini Gallici, quod continenti in Artesiam vehatur, Stapulum. Ex quo necesse est mercatores eo prius vina deuehere, quam ad alium eius Prouinciæ locum. Postquam autem ad tempus ea in foro venum exposita illic habuerint, tum demum possunt, quò ipsis visum fuerit, exportare, ac distrahere. Middelburgum apud Zelandos Stapulum habet vini Gallici, Hispanici, Lusitanici, aliarumque Regionum, ex quibus eo per mare vinum importatur. Itaque nautæ, & negotiatores tenentur ad eam ipsam urbem vela contrahere, ibique in littus vina exonerare: postremò exsolutis, quæ debent, vectigalibus, possunt, quò lubet, cum sua merce, vela facere. Stapulorum Dordracenæ urbis, priuilegia in eo potissimum sunt, quòd omnes, qui Rheno, aut Mosæ frumenta, ligna, vina, aut aliud mercis genus illuc vehunt, suas illic naues in portu, littoreue exonerare debeant, & exoluto portorio, suas merces in ipsius urbis, aut ciuium naues imponere, alioqui vt eas auehant, cum publicanis transigere. Tamen si autem huiusmodi priuilegia multum hodie sint inter se diuersa, prout sunt merces, & quæ illa impetrant urbes, ex prima tamen institutione ac origine Stapulorum nomen retinent. Ita passim in toto Belgio Stapulis pro locorum commoditate atque vsu constitutis, magna ex eis cum publicè, tum priuatim ad vnumquemque summa cum Principis gratia, vtilitas reddit. Incendio hæc vrbs aliquoties deformata fuit, semel ob bellum Traiectensis Episcopi, cum Guilielmo Hollandiæ Comite. Altera vice, anno salutis 1457. incendio fortuito media eius pars concidit, cum summa D. Iacobi Ecclesia, cum hospitali & Halla, quam vocant, urbis. Bellicosos etiam & animosos ciues Dordracum semper habuit: bellum namque contra Ioannem Hollandiæ Comitem ipsis fuit, priuilegiorum defendendorum causa, potissimum super priuilegio de non euocando ciues ad aliud, quam domesticum tribunal. Nam comes ipsos ad Delphense iudicium citauerat. Anno etiam salutis M. CCCC. IIII. Dordracenses Brabantia Ducem, qui totam Zuithollandiam, præter vnam hanc Dordracenam urbem, potestatis suæ fecerat, Brabantî nos omnes armorum impetu repellunt, dissipant & cadunt, complures pagos Vulcano litant, Buscumduco & oppido S. Gertrudis imminet, atque ingenti demum præda onusti, victores ad suos redeunt.



DELPHIVM:



DELPHIVM, Celeberrimum in Batavis oppidum, secundum in Hollandiæ Stati-
bus locum obtinet. Gentis ipsius lingua ex frequentibus Mosæ alueis eò deductis,
nomen sortitum: vulgari namque sermone, fodere, siue alueum & fossam ducere,
Delffen indigetant. Duobus milliaribus Rotterodamo, Erasmi illius doctissimi
patria, vnico verò, eoque exiguo, à maximo & vetustissimo totius Europæ pago,
Haga Comitris distat. Conditum olim ab illo Gothofredo Lotharingiæ Duce, co-
gnomento, gibbo, Anno salutis M. LXXV. qui Ciuitati imposuit Castrum, seu præ-
sidium, in quo & habitabat, cuius iam nulla extant vestigia, & cum annis quatuor
per tyrannidem Hollandico potitus Comitatu fuisset, à Theodoro, eius nominis
quinto, legitimo Hollandiæ Comite victus, è Comitatu tandem expulsus, veruto Antvverpiæ suffossus
est. Id oppidum copiosum ac lautum, valido murorum ambitu cinctum, vallo, ac propugnaculis fir-
mum, sed & reticulato sepimento, muri instar, valde munitum, aqua etiam ea latitudine ambitur, quam
vir alioqui fortissimus, lapidis iactu superare haud queat. Varijs Euripis atque canalibus, ad magnam
ciuium opportunitatem, passim distinctum, & aquis mirificè instructum. Vnde quemadmodum in ædi-
um, & domesticæ suppellectilis nitore atque mundicie, communi eorum sententia qui varias mundi par-
tes perlustrarunt, vni Hollandiæ palma conceditur: ita in nitidissima Hollandia, primas eiut laudes in-
ter omnes eiusdem territorij vrbes, soli attribuunt Delphio. Quò etenim pluuia frequentior, quæ alias
defœdare vrbes vtplurimum solet, eò venustius huius oppidi vici & plateæ, ob situm nimirum elegan-
tem, nitent, cum ea occasione sordes omnes ad canales & aquas, per opportunè transmittat. Inhabitato-
res ipsi peculiari quadam, & innata humanitate, ciuilitate morum, ac politia culti, mercaturam & La-
nificium exercent, sipidam ac præstantem cereuisiam coquunt, remotisque in locis distrahunt: vnde
eius opificij, imò negotiationis ciues sunt opulentissimi. Edificia tam publica quàm priuata, sumptu-
osa & superba. Atque vt prius ab his, quæ religioni nuncupata, exordiar. Primaria vrbs Ecclesia, quam
nouam appellant, cuius prima sunt posita fundamenta, M. CCC. LVI. salutis anno, Basilica augusta &
elegans, D. Ursulæ sacra, præstantissimis summorum artificum, Hemskerchij nimirum, Francisci Flori,
Antonij Blocklandi, & Petri cognomento Longi, picturis eleganter ornata, eleganti turri remotissimè
sefe visendam exhibet. Veterem autem Ecclesiam D. Hyppolito dicatam, Hemskerchij, & M. Iohannis
Schori manus, Vltraiectini quondam Canonici, cuius visendæ in tota passim Hollandia, conspiciuntur
picturæ, decenter exornant. Sed quid de S. Agathæ cœnobio referam? siue enim structurarum magnifi-
centiam (Principes namque viros hospitio frequenter excepit) siue reddituum & annui census opulenti-
am; siue templi ornatum consideres, singula hæc narrationis longè superant fidem. Eius namque vir-
ginei coetus Basilica, propter arctam Musij, eiusdem cœnobij Præfecti vigilantissimi, & Hemskerchij
Harlemicolæ, illius quidem Poetæ clarissimi, huius verò pictoris celeberrimi, amicitiam, tota intus ex-
quisitissimis picturis contexta, vestitaque erat. Spaciosum & amplissimum est oppidi forum, cui, sicut
Orientali in latere, per augusta & præcipua Basilica, ita in occiduo senatoria domus, splendore longè
maximo existit, præclara turri, & in ea campanaria harmonia conspicua, qua celebrium nuptiarum tem-
pore, dum itidem forum nundinis hebdomadarum frequenteratur, lepida exerceatur musica, quæ vt epu-
lantes in nuptijs iucundissima suauitate exhilarat, ita vendentes, ementesque in forum allicere videtur.
In suburbijs omnis generis mercatura exercetur, domus sunt elegantes, hospitia ampla, quæ hospites,
si re pecuniaria bellè instructi, lautissimè excipiant. Atque hæc blandientis fortunæ Delphensium, arcta
& compendiosa sit quædam narratio. Verùm cū nihil sub sole firmum, nihil constans ac stabile: infausti
subinde casus eius foelicitatem interruperunt, dum rabidi Martis & implacabilis Vulcani furores, præ-
claram hanc urbem turpiter quandoque deformarunt. Ab Adelberto siquidem Bauaro, vicesimo sexto
Hollandiæ Comite, graui obsidione pressa, priuilegijs, murisque priuatur. Sed à subsequenti statim
Comite, Guiljelmo Bauaro, priuilegia ciuica ipsis restituta sunt. & moenia restaurata, ob acquisitam,
Delphensium ope, contra Frisones victoriam. Anno deinde M. LXXXVI. in Maio, ipso S. Crucis die,
statim à prandio, miserando infortunio hæc vrbs circumuenitur. in ea enim, cum improviso casu gra-
uissimum erupisset incendium, vtramque Parochialem Ecclesiam, nouam & veterem, Xenodochia, &
ducentos, vltra mille focos absumpsit, vix quinta vrbs parte remanente illæsa. Mirabile verò quod in
tanto illo incendio à pluribus conspectum, neque olim fortasse à primis illis naturæ obseruatoribus, ne-
que ab ijs, qui nostro sæculo vixerunt, alibi animaduersum fuit. Plinius quidè, & alij non postremæ notæ
auctores, ceu rem magnam, & obseruatu inprimis (vti re vera est:) dignam tradunt, ciconiarum sobo-
lem, ætate graues, & ad cibum quærendum viribus defectos parentes fouere, atque alere: sed, quod ab
ijsdem animalibus exemplum id temporis editum fuit, & maius quiddam est, & maiore admiratione
dignum. Ad hanc urbem, loco ad huiusmodi volucrum pastum perquam idoneo sitam, magnæ quo-
tannis earum cohortes nidificaturæ conuolant. Incidit autem hæc incendij calamitas in diem Maij ter-
tium, quo tempore ciconiolæ iam grandiusculæ sunt. A multis igitur illic visum, ac obseruatum fuit,
parentes, cum flammam & natis & nidis instare cernerent, primum omni ope adnixas, vt natos flam-
mis eriperent; cum deinde corporis mole grauiores gestare non possent, eos alis, quantum poterant, cõ-
texisse, aduersusque incendia & flammæ propugnasse, ad extremum, tanquam superstitibus eis esse recu-
sarent, incendio vnà consumptas, mori sustinuisse. Oppidum illud patriam habuit perditissimum ille im-
postor David Georgius, pestium, à quibus oppidum V Vestphaliæ infectum fuit, vna. Hic professione
vitrarius pictor, humillimo natus loco, literaturæ omnis experts, ea tamen fuit ingenii versutia, vt non
solum

DELI

DELPHVM
vrbis Hollan-
diae cultissima.
ab eiusdem
nominis fossa.
vulgo, Delft
appellata.



solum nouæ fectæ ipse quoque dux & author fuerit, sed etiam vt à suis, quibus se verum esse Messiam persuasisset, tanquam Deus adoraretur, obtinuerit. Hic & vxorem habens, & liberos, cum in speciem quidem modestè & ciuilliter, sed ab omni reuerentia religionis, tum probitate alienissimus vitam ageret, (ita hominum alij sunt crassi, leues, rerum nouarum cupidi, alij subdoli, malitiosi, duplices, in omnes rerum malarum occasiones intenti) non solum in diuersas Belgij regiones, suum dogma promouerat, verum etiam cum incredibili quæstu, omnibus nouo Deo certatim munera offerentibus, non medio-
crem habebat sequacium turbam. Hoc reiectum scelus, cum magistratus, qua decebat seueritate in-
starentur: fuga Basileam facta, & mutato illic nomine Dauidis Georgij, in Ioannem Bruckium, cum hoc modo suam occultasset fraudem, eodem quoque suam transtulit familiam, & amicos, clientulosque non paucos. Ibi & priuatim hoc dogma tam insulsum auditoribus tradebat, & literis, per idoneos ta-
bellarios missis, longè ad absentes propagabat. Attamen cum ex eius cultoribus resiliisset quispiam si-
mul metu, ne per eam occasionem monstrum retegeretur, simul dolore & ira percitus, repente ibidem mortuus est anno 1556. Id cum ad eius vrbs magistratum perlatum esset, diligenti in ipsius vitam inqui-
sitione facta, & decisa demum lite, iudicum sententia, in cadauer animaduersum est, bona in fiscum rela-
ta, eius familia, vt, & cæteris, qui dogmate illo abiurato, ad ciuitatis religionem sese adiunxissent, huma-
niter condonatum, vniuersæ rei gestæ historia typis euulgata.

Quod quidem in huius vrbs contumeliam minimè narratum putandum; cum vicissim viros honorandos ac suspici-
endos plurimos genuerit, quales in primis fuerunt Aegidius Poeta, & Ioannes Grammaticus. Multo verò omnium præ-
stantissimus Iodocus Sasboutius, clarissimus vtriusque iuris Doctor, Cancellariæ Geldricæ Præses, à Carolo Quinto con-
stitutus, & simul Poeta elegantissimus, cum ad extremum iam vitæ appropinquaret, hoc sibi ipse Epitaphium conscripsit,
quod hodieque in eius tumulo, apud Arnemium primario in templo conspicuum, huc, propter elegantiam & pietatem
adscribere visum est.

*Siste gradum: quodes, ipse fui, fortassis eris cras
Quod sum, cadauer putridum.*

*Olim IODOCVS eram SASBOVT: me misit in auras
DELFT, clara pars Batavia.*

*Ter denis patriæ causas decidimus annis,
Pars Consilij haud ingloria.*

*Deinde & pacatis Præses ius Casare Gueldris
Dixi, iubente CAROLO.*

*Quid tituli? quid opes? quid nunc prudentia prodest?
Mors summa miscet inferis.*

*Sola manet virtus homini post funera; solam,
Dum viuis, hanc ama.*


Eadem etiam ciuitas inter cæteros eruditione præstantes viros habuit Cornelium Muffium, virginei sodalitiij ad S.
Agatham Rectorem, virum rara morum probitate, Theologum insignem, Poetam elegantissimum, & verum Dei, infel-
lici hoc nostro æuo, martyrem.

Exiguo ab oppido Delphenfi miliari distat Pagus, quem Hagam Comitum, vulgò Des Grauen-Hage vocant, omnium
quos Europa habet, puicherrimus, ditissimus, amplissimus, ac capacissimus, ad domum duo millia continens, tam sum-
ptuosarum, vt nulli vrbiū cedant, dum ibi propemodum totius regionis nobilitas, ac Hollandicarum prouinciarum Præ-
fecti Principis Arausiensis scilicet Palatium, curiaque commorentur. Hinc ad semimilliarium distat Loosdunen, Benedi-
ctini Ordinis monasterium, vbi sepulchrum extat Comitissæ Margarethæ, cuius historia relatu non indigna videtur. Hæc
quondam paupercula quædam, natos ex se gemellos vnus tenens, petebat eleemosynam, cui præter id, quod nihil ei lar-
giretur, insultabat, eamque conuitijs proscindebat, negans possibile esse, binos pueros eodem partu edi, nisi binis etiam
partibus geniti essent, proinde alterum horum adulterio natum esse: qua contumelia mota muliercula hæc, orabat Deum,
vt ad vindicandā castitatē, pudicitiamque suā, permittetet hanc Comitissam eodem partu tot infantes, quot dies ævus habet,
dare, idque factum esse, testatur eius Epitaphium, quod sic se habet: Illustris Domini Florentij Comitum Hollandiæ filia,
cuius mater fuit Mechtildis filia Henrici Ducis Brabantæ, fratrem quoque habuit Guillelmum Alemanniæ Regem. Hæc
præfata D. Margaretha Anno salutis 1276. ætatis suæ anno quadragesimo secundo, ipso die Parasceues, hora nona ante
meridiem, peperit infantes viuos promiscui sexus numero trecentos, sexaginta quatuor, qui postquam per venerabilem


Episcopum Guedonum Suffraganeum, præsentibus nonnullis proceribus & magnatibus in pelui quadam Baptismi
Sacramentum percepissent, & masculis Ioannes, fæmellis verò Elyzabet nomen impositum fuisset, ipsorum
omnium vna cum matris anima ad Deum æternaliter victura redierunt, corpora autem

sub saxo requiescunt.

ENCKHUSA.



ENCKHUSA in Batavis, etsi non magna vetustate, celebritate tamen nominis præstans, ac nobile oppidum; cognominatum Enckhusa, quasi Enckelhusen/ vel, Enickhusen/ Aliquot casæ, quæ situs opportunitate, ob halecæum nimirum capturam, & salis confectiorem, quondam excitatæ, Ecclesiam habebant, atque Pastorem, qui peronatus, vili, ac rustico habitu, quo & cæteri omnes communiter utebantur, incedebat. Hæ autem casæ, eum Hollandiæ locum occupabant, qui Frissiam respiciens, canalibus ac foueis passim distinctus, primis casarum habitatoribus, non ita difficilem præbebat accessum. Qui negotiorum gratia, aliquò fortè ituri, asserem secum ferebant, quo obuias passim aquas, quasi pontis operâ, superabant. Sed hæc nunc omnia loca æstuosum mare, Züder See vulgò, absorbet, quod iuxta oppidum latitudine est trium miliarium Germanicorum. Circa annum Domini M. CCCC. XXVI. re. opibus, & ædificijs crescere cœpit ENCKHUSA, ut tum primum VVaterlandiæ urbibus annumerari cœperit, & nunc oppidum ad primè concinnum ac elegans, copiosis vbiq; aquis instructum, muris cinctum, & propugnaculis validè munitum. Ab anno salutis, M. D. LXXII. publicis priuatisque ædificijs longè magnificis, non citra spectantium admirationem, ornatum; portum habet perelegantem ac valde capacem, ut arte omninò mirabili, ita sumptibus amplissimis factum, qui turam onerarijs nauibus stationem, & ab omni tempestate, glacie, & quibuscunq; alijs marinis incommodis, securitatem præbet. Hic autem portus, artificioso ac valido munitus est aggere, ea ratione composito, qua in vniuersa vbiq; Hollandiæ, contra vehementiores vndarum ac fluctuum impetus, vallum, & obstructions aggerantur. Habent quippe hoc tractu, certum quoddam oblongi graminis, siue iunci genus, quod fundus mari contactus, copioso prouentu suppeditat; id certis anni temporibus sub aquis demetunt, & nauibus ea ad loca, in quibus ad obstructions aquarum constituunt uti, deuehunt; vulgò Weyer/ indigerant. Huius autem vsus, ad solidissimas aggerorum iuncturas vtilissimus est, cum eius sit conditionis atq; naturæ, ut, quò vehementioribus vndarum fluctibus concutitur, colliditurque, eo solidius concresecens, vehementius fortiusque resistat. Extra Enckhusanum Oppidum, via est silice strata, scilicet horæ tempore, euntem exercens: Pagum habet adiunctum, vulgò GROTE BROOCH nomine, qui ciuilibus priuilegijs gaudet, eò, quod vrbis tanta quondam amplitudine fuerit, ut tritum sit hoc loci proverbium; Magnæ Grotbrokanæ vrbi, ignobile vicinum est oppidum, Aliquot Casæ, cognominatum: quo nimirum vilis & abiecta eius notabatur conditio. Nihilo tamen minus, clementem blandamque fortunam sensit semper ENCKHUSA. Cum namque ipsam Grotbrokani, contra æqua vicinitatis iura, strategemate quodam niterentur obruere; Mittebant quippe eò, in nauibus armatos foeno contactos, quasi foenarium more solito, frequentaturi forum; dolusque innotesceret, nec optatum consequeretur effectum: in perpetuam eius rei memoriæ, inter Orientalem & Septentrionalem portam, turrim Enckhusani construxerunt, Spitt Broick/ nuncupatam, perinde, ac si ipsa, eo nomine innuat, in contemptum & despectum Brokenisium ab oppidanis, quibus modo ornamento est, se excitatam fuisse. Non dissimile oppidanorum facinus, eo tempore extitit, quando Geldrij Hollandis bello imminebant, qui, ut subitò hostiliter ENCKHUSAM inuaderent, qualescunq; potuerunt, insidias oppido struxerunt, quorum conatibus eâ & dexteritate, & celeritate obuiam Enckhusani iuere, ut Geldrij subito amputatis prymnesijs, ancoras cogèrentur relinquere, quas omnes, elabentibus fugâ hostibus, ENCKHUSIANI capientes, Orientalis portæ turri affixerunt, quemadmodum hodierno etiam tempore ibidem conspiciuntur. Ciues habet conficiendarum & gubernandarum nauium peritos, tum maritimam mercaturam exercentes; qui, quo tempore vilis est halecum captura, (tota nimirum æstate:) ex qua communis plebecula ut plurimum victitat, nauiculas piscatorias deferunt, reria ad Nouembrem vsque mensẽ deferunt domum, & Naucleri, Gubernatoris, aut vulgaris nauitæ munera mercede conducti, obeunt. Exercitati quippe sunt nautæ, qui nauiculis suis piscatorijs velocius, quam alia quæcunq; etiam navis, tam aduerso, quam secundo vento velificari nõrunt. Malum non in medio, sed ad nauiculæ latus collocant. Et ne ipsam affixum lateri velum, ventorum impetu graue, in imum deprimat, aliud eiusdem nauiculæ latus ponderosis lapidibus onerant, æqualem ut cursum nauigando teneat. Quin & sale conficiendo excellunt. Extra orientalem portam ædes habent peramplas, & salinarias officinas, in quibus ex sale prius ruditer cocto, tenue & maxime candidum conficiunt, quod ad exterarum regionum in magna copia auchitur; vnde, ut laus Enckhusanis maxima, ita vestigal haud contemnendum provenit. In vniuersum autem omnes, etiam ditiores vili vtuntur amictu, ita, ut oppidi Consul nautico quandoque amictu incedat. Oppidani maritima negotiatione si vnquam alias, tum maxime turbulentissimis hisce temporibus, quibus alij multi re, ac opibus lapsi sunt, diuitias longè maximas coaceruârunt. Belli namque socijs adiuuantibus, omnem maris vicini negotiationem ad se violentia quadam pertraxerunt. Vulgus ex copiosissima halecum piscatione victitat. Nouembri mense, circa omnium Sanctorum festum. Nauiculæ complures, quas Staefloners appellitant, plures ducentis, quæ binos tantum habent vectores, alto se pelago committunt, & retia sua vel fixis extendunt stipitibus, vel alligata rudentibus, cum ancoris in imum demittunt. Et cum densissimis gregibus haleca contra vim fluminis ascendunt, fit quandoque, ut tam felix sit in frequenti piscatu captura, ut vna Stalonerica navis, sex & triginta tonnis onusta, domum redeat. Atque ex isto piscatu, non omnia haleca sale, muriave condiuntur, sed inueterantur, & infumantur plurima; vnde haleca infumata delicatissima, vulgò, Depbuckinf/ in vniuersam passim Ostlandiam, in Germaniam, & ad omnes Rheniaccolas, transportantur. ENCKHUSIANVM denique Oppidum, RVARDVM illum Tapper, præcipuum in Academia Louaniensi Theologum, edidit.



Die Stadt Enckhuysen

Amsterdam luyden herbergen
in Enckhuysen placeten

1. Die luyden herbergen
2. Die luyden herbergen
3. Die luyden herbergen
4. Die luyden herbergen
5. Die luyden herbergen
6. Die luyden herbergen
7. Die luyden herbergen
8. Die luyden herbergen
9. Die luyden herbergen
10. Die luyden herbergen
11. Die luyden herbergen
12. Die luyden herbergen
13. Die luyden herbergen
14. Die luyden herbergen
15. Die luyden herbergen
16. Die luyden herbergen
17. Die luyden herbergen
18. Die luyden herbergen
19. Die luyden herbergen
20. Die luyden herbergen
21. Die luyden herbergen
22. Die luyden herbergen
23. Die luyden herbergen
24. Die luyden herbergen
25. Die luyden herbergen
26. Die luyden herbergen
27. Die luyden herbergen
28. Die luyden herbergen
29. Die luyden herbergen
30. Die luyden herbergen
31. Die luyden herbergen
32. Die luyden herbergen
33. Die luyden herbergen
34. Die luyden herbergen
35. Die luyden herbergen

Van sommigen
parten veld

1. Die luyden herbergen
2. Die luyden herbergen
3. Die luyden herbergen
4. Die luyden herbergen
5. Die luyden herbergen
6. Die luyden herbergen
7. Die luyden herbergen
8. Die luyden herbergen
9. Die luyden herbergen
10. Die luyden herbergen
11. Die luyden herbergen
12. Die luyden herbergen
13. Die luyden herbergen
14. Die luyden herbergen
15. Die luyden herbergen
16. Die luyden herbergen
17. Die luyden herbergen
18. Die luyden herbergen
19. Die luyden herbergen
20. Die luyden herbergen
21. Die luyden herbergen
22. Die luyden herbergen
23. Die luyden herbergen
24. Die luyden herbergen
25. Die luyden herbergen
26. Die luyden herbergen
27. Die luyden herbergen
28. Die luyden herbergen
29. Die luyden herbergen
30. Die luyden herbergen
31. Die luyden herbergen
32. Die luyden herbergen
33. Die luyden herbergen
34. Die luyden herbergen
35. Die luyden herbergen



La ville d'ENCKHUYSE situee en la Comte
d'HOLLAND comme elle se comporte a present

ROTTERODAMVM



ROTTERODAMVM, non ignobile Hollandiæ oppidum, quasi dicas, Rottæ obex, siue agger. Damm namque Barauis aggerem sonat. Est siquidem Rotterodamum ad Rottam, aquæductum, à quo appellationem habet, situm, Mosæ flumini propinquum. Scidamo, vñico milliari, Gouda verò, tribus distat oppidū cum opinione hominum vetustum satis, tum splendidum & copiosum. Ianificio, & panni textura, celebre, habens & iustum populi numerum, & scite admodum constructas ædes, quarum, quæ D. Laurentij nomine sacra, facile princeps, & splendida est, & sumptuosa; sed præ cæteris ornamentis, vrbs ista, hoc nomine potissimum clara & celebris est, quod patria fuerit viri celeberrimi D. Erasmi Rotterodami, omnibus omnium doctrinarum virtutumque nitoribus politissimi.


Itaque ad memoratam ædem, etiam num visitur domuncula, & in ea, cella exigua, quæ primum natum illum excepit. Hanc, vt ingeniosissimus quisque est, & amantissimus, iter illac faciēs reuenter adit. Tantijs ille vir, multis posteritati relictis operibus, quæ ingenij planè diuini argumentum præbeant, diem obijt extremum Basileæ, Anno M. D. XXXVI. Rare admodum ingenij & eruditionis dotes Erasmo, co sæculo illiterato contingere, quibus permulti plurimum tum deferendum censuerant, ijque non plebeijs ordinis homines, sed orbis monarchæ, nō vulgariter eruditi, sed rei litterariæ ea ætate principes. Quippe inuictiss, Carolo Augusto à consilijs fuit. Serenissimus Cæsar Ferdināus fauoris sui in ipsum documenta plurima dedit. Quam magnificis verò honorarijs à Christianissimo Galliarum Rege Francisco in Gallias, quā amanter ab Illustrissimo Rege Henrico, libera, vbi nam eo loci viuere veller, data optiōe, in Angliam est euocatus? De summis Pontificibus Leone & Clemente, nihil attinet dicere, horum certè maximus erga eum fauor, multis ad Erasmus transmissis Epistolis innotuit, Sed hæc fortasse, pro huius loci ratione, nimis de Erasmo, multa. Dum hoc oppidum, Ludouicus Guicciardinus, vt Belgij perficeret enarrationem, in Batauia sua ante annos aliquot describit, in calamitarem sanè maximam Rotterodamum incidit. Casu enim quodam incendio in ea excitato, ædes nongentis plures, & onerariæ naues permultæ, conflagrarunt, homines etiam aliquot abrupti sunt, omnes detrimentum perpessi. Iam tamen ob ingentes diuitias, minore, quam anni spacio (scribit eo tempore Guicciardinus) plenè tota restaurata est, atque adeo frequenti negotiatione, & mercatorum concursu, dictu mirum quantum quotidie augeatur.

GOUDA



GOUDA, Præclarum Hollandiæ oppidum, sextum & vltimum inter Hollandiæ status locum obtinens, circa annū Salutis M. CC. LXXII. sub Comite Florentio à quo ciuicis & præcipuarum vrbiū donatur priuilegijs, conditum ad ripam Iffelæ fluij, situ est periuicundo. Quippe olim obstructo Rheno, circa pagū Catvvik, & præsidium Britonum, duo fluij, nimirum, Iffela, & Lecka, qui se in Mosam exonerant, enati sunt. Itaque cū non pateret libera nauigatio, & exitus in mare, per alueos & fossas, flumina circumducta sunt, atque eo loco, vbi nunc Gouda sita est, fossa incuruata & flexuosa, quæ Gouda appellatur, & oppido nomen dedit, in Rhenum Leidensem ad vitandum mare, & loca remotiora, deducta est, obiecta tamen Sclusa, quam vulgo vocāt ne fluxu Iffelæ campi inunda-

rentur. Tum tuta nauium statio ibidem originem cepit, habitationes & diuersoria, hac de causa, aliquot excitata in aggere. Et noua, hac occasione orta societas, tâta, breui temporis successu, in crementum sumpsit, vt palustrium passim locorum agrestes habitatores pertæsi, qui varijs antea locis sparsim habitabant, iuxta aggerem, locum altiore conuenerint, & Ecclesiam, quo rei imprimis sacra, & religioni vacarent, huc transfulerint. Quæ quidem consociata Batauorum multitudo, loci opportunitate vsque adeo breui tempore creuit, vt vrbs formam, fossas ac mœnia, quo liberius & tutius hic habitaretur, locus ipse desideraret. Qui sub Florentio Comite, vt dictum est, ius ciuium est consecutus. Demum, Comites Blesenses, quorum ditionis postea Gouda facta est, cum animaduertent, oppidanorum frequentiam, plurimum ob quotidiana incrementa augeri, oppido pomœria, fossas, ac mœnia, latiori spacio, ea nimirum amplitudine produxerunt, qua se modo visenda exhibent. Recipit autem Goudanum hoc oppidum in dies aquam ex maris fluxu, atque refluxu, mundā tamen, defæcatam ac dulcem, excoquendæ cereuiis accōmodatissimam, cui Hollandicum solum, neque colore, neque sapore parem habet. Eam commoditatem Iffelæ alueus oppidanis suppeditat. Verum propter frequentes & exuberantes eius inundationes, Florentius Comes, eius nominis V. (qui in venatione plus viginti vulneribus confossus, periit) Anno Salutis M. CC. XC. VI. Ultraiectensis Episcopi consensu, naturalem Iffelæ alueum, in pago Vreesvvick, haud ita procul à Viana, obstructit. Hinc factū est, vt antiquus ille alueus, paulatim enata ex fordibus terra minuatur. Ars Typographica, paucis, imò nullis ante in Hollandia cognita (nam quicquid librorum tum erat in vsu, monachi assiduo labore, & magna diligentia scribebant) Goudæ primū in notescere, & in vsu haberi cepit, in domo fratrum Collationis, Primaria vrbs Ecclesia, eleganti structura & præcella turri conspicua, bis à prima fundatione tota exusta fuit, Anno nimirum salutis M. D. XII. igne coelitus tacta. Et anno M. CCCC. XXXVIII. eo incendio, quo oppidum vniuersum, deformatum perijt. Hæc verò Ecclesia, qua modo præcellit structura, magnificè restaurata, conspicitur.




NAMVR CVM.



NEMETOCERNA, Cæsari in Belgis oppidum, Car. Bouillus hodie Namures vocari docet. Sunt & Cæresi, Germaniæ apud Cæsarem populi, qui nunc Ripenses, Huberto Leodio appellantur, vbi arx Cerey, apud Mosam; Vegenerio est Namur, Germanis Namen. Nunc passim Namurcum, insignè comitatus Brabantia, ad Mosam flu. oppidum. Originem nominis habet satis obscuram; Auctores enim Graues scribunt, à se, an ex alijs, haud scio, ab Naino, Gentilium Deo, appellatum; eum in Montis vertice, ad cuius radices situm sit, habitasse, & cultum fuisse omnibus ad eum opis auxilijsque gratia, ventitantibus, responsa dare consueuisse: post verò Christi aduentum (Materno prima fidei Christianæ fundamenta collocante, qui totum Eburonum agrum, ad suaue Christi iugum inuitauit) prorsus obmutuisse; inde Namurcum vocitant. Alij hanc urbem à Romanis, tanquam inexpugnabilem rupem extructam esse, referunt: Ipsos nouum murum nominasse, vnde postea Namurci, siue, vt alij perhibent, Namurra apellatio, corrupta sensim voce facta sit. Sita est inter duos Montes, ad læuani Mosæ ripam. Ad Occidentem Sambra, Namurcense oppidum alluens, id duas in partes interfecat. Mosa pertransit, exituque dein suo, in eam sese regurgitat. Abest Lothario octo belgicis miliaribus, decem Leodio, vndecim Bruxella. Pulchra est & amœna, arceque loco edito, conspicua, longius se videndum præbet. Ea in Arce præclarum est Canoniorum Collegium, fundatione ac sumptibus Comitum olim institutum. Sunt & aliæ duæ in vrbe ipsa Canoniorum Collegiæ Societates. Altera, in Ecclesia D. Albano sacra, quæ Pauli quarti Pontificis Maximi auctoritate, Hispaniarum Rege Catholico petente, in Cathedralē est euecta. Cuius primus omnium Antistes, designatus, confirmatusque est Reuerend. D. Antonius Hauetius, insigni doctrina, & verbi diuini administratione clarissimus, multis annis, in aula Bruxellensi, Ecclesiastico munere, summa laudis celebritate, perfunctus, omniumque proinde iudicio, dignus & idoneus iudicatus qui ad episcopatus honorem eueheretur. Altera Canoniorum ecclesia est B. Mariæ Virgini nuncupata, idque, vt annales perhibent, D. Materni, primi Tugrurorum Apostoli, auspicijs. Monasteria etiā hic aliqua sunt vtriusque sexus, inter quæ principem ferè locum obtinet Fratrum instituti D. Francisci cœnobium, non modo sumptuosa, & celebri splendoris structura, sed fratribus, doctrinæ, pietatisque ornamētis, illustribus, & optimis verbi diuini præconibus, celeberrimum. Multa sunt insuper & in ipso comitatu cœnobia splendida Namurcensium Comitum olim pietate constructa, & optimis honorata redditibus. Inter quæ maximam dignitatis laudem meretur, siue ædificiorum nitorem, & elegantiam, siue religiosorum fratrum pietati candidatorum, frquentiam, probitatemque, siue Cœnobiarchæ pietatem, prudentiam, eruditionemque consideres, quod apud Floressiam Præmonstratensium familia incolit, cuius prima iacta sunt fundamenta, eodem ferè tempore, quo circa annum Christi M. C. XX. Merberto auctore, Præmonstratensium ordo initium cœpit: Ornatur insuper hæc ciuitas, multo ab hinc tempore, illustri Comitum titulo, nec exiguo prouentu, quondam Marchionatus dignitate commendata. Sed in ea sedes perpetuas fixit, totius huius Comitatus Conciliū, quod appellant, delectorum litibus iudicandis virorum, à quo tamen ad Mechliniensem Principis Senatū, prouocatur. Habebat quidem Bruxella Ecclesiasticam curiam, in qua controuersia omnes eius Brabantia partis, discutiebantur, quæ Diœcesis Cameracensis patebat. Nam tota Brabantia hinc non comparebat; sed eius pars, quæ Leodiensem agnoscebat Episcopum, Louanij coram tribunali istic ei constituto, litigabat. Nunc, singula Diœceses, nouis, paucis ab hinc annis, Episcopis creatis, adscriptæ, singulis episcopis parent; Vt Mechlinea, cum suo territorio Archiepiscopo Mechliniensi, Anuerpia Buscoducum, Namurcum, Anuerpiensi, Buscoducensi & Namurcensi Episcopis, &c. Gens, armis dedita, Principique suo deuotissima. Gallicam, at degenerem, linguam vsurpat. Videtur nihilominus ciuilioris vitæ studiosa, & ad nonnullas artes ingeniosa. Mercatores paucos habet & artifices. Nobilitate vero ita pollet, vt plurimas & diuersas familias ostendet, quæ generis sui auiti splendorem ad illustrissimi sanguinis Principes & auctores, haud incertò referat. Vniuersam Namurcensis Prouinciæ conditionem Reuerend. D. Guilhelmus Dupæus cœnobiarcha Floressianus, subiecto carminē, eleganter descripsit.

*Quisquis naturam cupis huius noscere terræ
Hanc tibi per paucis versibus expediam.
Vnica ni fallor, tota est prouincia rupes,
Exili gleba tecta superficiem.
Remnuit hinc validum prædurus agellus aratrum,
Insidias quod ei saxa dolosa parent.
Arescit tellus nimium, si deficit imbor,
Saxaque nimboris, heu reteguntur aquis.
Hinc à quingentis memoratur plus minus annis,
Hæc regio ferme tota fuisse nemus.
Auguribus sunt hic aptissima tesqua peritis,
Aspera dumosis non adeunda iugis.
Terra ferax ferri est, sed pene siliginis experts,
Triticæ farræ bene conueniens.
Zeapetræ gaudens hic passim crescit in aruis,
Quæ farræ nescit cedere triticeo.
Saltibus & lucis, magna pro parte repletur,
Nec non vitiferi ollis abundat ager.*

*Manantes riuus vitreis de fontibus orti,
Per valles crepitant, saxa quoque murmur agunt,
His genitos amnes umbracula frondis opacant.
Non posset Musis aptior esse locus.
Hic Dominatus habet fluuios, Sambra quoque Mosam quoque,
Nauigeros, tamen est, quæ Mosa Sambra minor
Sit licet pise minor, multo est piscosior illo,
Et maiore beat fertilitate solum.
Metropolitanam qui postquam perluit urbem,
Protinus in moseas exoneratur aquas.
Nostraque sylua faras dum pascit aprica fugaces,
Horrida setigeris tota nigrescit apris.
Præ reliquis Regio est argenti marmore diues,
Quo surgit docta sæpe torcum manu.
Quædam saxa rubent, niueis interlita punctis,
Porphyrus passim creditur esse lapis.
Nauigio celeri varium per clima feruntur,
Poscere quisque potest, vsibus apta suis.*



NAMVR.

SAE
FLV.

MO

NAMVR
CVM, ELE
GANTISSI
MA AD MO
SAE FLVM
CIVITAS.

DAVENTRIA.



DRANSIS ALANA ditio, vulgò, *Das land von Ober Yssel* Geldria est regio versus Septentrionem opposita, in tres partita regionedias, quarum quæ Issalæ (veteribus Fieus, vel Fleum) vicina est, *Ysselland* communiter vocatur: Quæ verò trans Vidrum, quem *Becht* nuncupant, fluvium, sita est, *Zwent* dicitur, antiquam, ut videtur, Strabonis, & Taciti adpellationem retinens, qui iuxta Camannos, Tuenterorum, siue, ut apud plerosque inuenio, Tenecterorum, & Teuenterorum, gentem posuere, quæ Dauentriam urbem habet præcipuam, cuius quidem adpellatio non ineptè ad Taunterorum nomen alludit. Sunt autem viri docti plerique, quibus hæc vrbs viuendi initium dedit, qui non Dauentriam, sed Dauontriam dicendum contendunt. Cum testentur id duo perantiqua quædam monumenta lapidea, quorum alterum, ad Senatoriæ domus ingressum conspiciatur, alterum autem in porta, quæ Brinconis dicitur, quibus Dauontur, sculptum legatur. Quod quidem ab eorum etiam opinione non nimium abhorrere videtur, qui non aliundè, quam à Dauone,


viro quondam inter Saxones honorifico & potente, nomen huic vrbi inditum adseuerant. Cum enim Frisia, Saxonia citerior, VVestphalia, Sicambria, quæ nunc Geldria, Cluiua, Iuliacum siue Menapum, Torus ager Traiectensis, qui Rheno alluitur: Betua, siue Batua, olim Batavia, quæ nunc Hollandia; VValachria Mattiacorum, quos vocat Strabo & Cornelius Tacitus, quæ iam Zelandia adpellatur, omnes, inquam, hæc prouinciæ, cum fide Christi, & euangelica luce primum illustrarentur, commodârunt suam operam Christo S. VVilibrordus, Bonifacius, Lebuinus, VVerentfredus, Luitbertus, & alij, sanctæ huius societatis, religioissimi viri, qui Saxonibus siue Anglis Britanniam deuastantibus, immanemque in Christianos tyrannidem exercentibus, verso solo, patriæque exulantes, huc sese receperunt, Sergio Pontifice Maximo, Iustiniano I. A. & Pippino Franco, imperantibus, Anno plus minus D. XL. His inquam temporibus Lebuino, quæ Dauentriæ vicina sunt loca, euangelico aratro colenda obrigerunt, cuius quidem opera, dum populus salutaris doctrinæ tuba à mortis somno excitaretur, desolata sunt idolorum Fana, & primum excitatum est Christianorum oratoriū in oppido VVelpa (alia habet historia, iuxta castrum Viltenburch, antiquitus dictum, modo Traiectum) haud ita procul à Dauentria sito, cui feruore ac pietate populi, adiunctæ sunt nouo concionatori ædes. Insignis autem tunc beneuolentia ac Zelus Dauonis, cuius supra meminimus, Lebuini adpellatione clarum, iuxta arcem suam erexit, in quo Dei apostolum decenti & magnifica sepultura decorauit. Ad hanc autem Dauonis arcem, propter erecti templi magnificentiam & vicinitatem, multi ædes suas habere desiderarunt, ita, ut ista ædium multitudo & conjunctio, paulatim muris ac foueis cingi, & vrbs nomen, à Dauonis arce sortiri, atque imperialibus priuilegijs gaudere cœperit. Atque hæc quidem vrbs dexteram Issalæ ripam, situ perameno, exornat. Cathedrali Ecclesia, & Canonicorum sodalitis commendata, cui B. Lebuinus Transsalarum Apostolus, sicut & vniuersæ Diocesis, tutelaris patronus existit, Pro cuius reuerentia Bernulfus Traiectensis Episcopus, medietatem collegij S. Saluatoris Traiectensis huc transtulit. Schola insuper Triniuali Dauentria inclarescit, ex qua viri cōplures scientiarum nitore conspicui, prodierunt. Florentissima autem eius scholæ conditio fuit, cum in ea Erasmus ille Rotterodamus discipulū, Rodolphus Agricola Lectorem; Alexander autem Hegius, Rectorem egit. Quatuor studioforum familijs (collegia dicenda putarem) diuersis diuersorum foundationibus; vitæ & studiorum præsidia suppeditantur, quarum præcipua Domus Cusana nuncupatur à fundatore Nicolao de Cusa. Qui adolescens, bonarum literarum mercatum Dauentriæ gnauiter exercens; & ostiatim victum sibi quæritans (piscatoris quippe pauperuli filius erat, Cusa Germaniæ vico ad Mosellæ amnem Treuirensis Diocesis oriundus) singulari deinde commendatus eloquentia atque doctrina, Archidiaconus Leodiensis, tum Cardinalis S. Petri ad Vincula, titulo Eudoxiæ, & Episcopus Brixienfis efficitur. Is itaque, ad tantum dignitatis & honorum culmen euectus, præstitorum sibi à Dauentrienfibus, (quos humana semper beneuolentia, & hospitalitas commendauit) benè memor, non exiguam pecuniæ vim ad perpetuam quandam foundationem conuertit, qua adolescentum, egestate laborantium, inopiæ subuenirent. Xenodochia etiam in hac vrbe sunt quatuor, misericordiæ exercitijs, & Ecclesiæ, pietati nuncupatæ. Vrbs ipsa aquis vndeque cincta, muris, propugnaculis etiam firma est, & populosa, Issalæ aquis irrigatur, (cuius vtraque ripaligneo hic ponte coniungitur) qui ex Rheno ortum deducens, & nomen inter Arnemium & Zutphaniā acq̃ uirēs, artificiali, multarum impensarum cursu, ad Dauentriæ moenia subductus dicitur. Hoc namque tempore pauld ab vrbe remotius, versus Orientale latus, stagnum conspiciatur, Issalæ veteris adpellatione notum, quia nimirum, prisca temporibus naturalem hoc loci alueum obtinuerit. Mercimonijs verò imprimis Dauentria famosa est, cuius incolæ in remotis orbis partibus negotiantur. Et, quia Hanseaticæ etiam societatis (scelus est septuaginta duarum urbium) priuilegijs, & immunitatibus gaudent, hinc in præcipuis eius fœderis Emporijs puta, Antuerpiæ, Londini in Anglia, Bergæ in Noruegia, communibus etiam libertatibus à Regibus & Ducibus fœderi concessis, vtuntur. Ex qua quidem per ampla negotiatione, ad summam dignitatem Dauentria peruenit, ut Transsalarum urbium, quarum octo præcipue, caput sit, & sumptuosissimis, proinde ædificijs ornata conspiciatur. Fori medio, insignis negotiationi domus constructa est, vulgo, *Die Wage*, ex eius arcis ruinis, ex qua Geldrorum Dux Carolus, dum obsidione Dauentriam teneret, multum oppidanis detrimenti tulit. Quam proinde, visitato idiomate, ciues Altena, hoc est, Nimis vicinam nuncupabant. Verum dum Carolus Dux pauore ac formidine percussus, ob Caroli Quinti potentiam (eius enim se protectioni atque tutelæ Dauentrienses, Vltraiectino Episcopo diffidentes, commiserant) cuius cōpias aduentare suspicabatur, ignobili fuga, obsidione soluta, dilabitur, ciues, hostem insequentes ipsaque arce funditus euerfa, munitionibus, aggeribusque turbatis acruptis, diruta, soloque adæquata iam arcis ruinas, ad urbem deferunt, & magnificentiam oculis figentis, atque subridentis effigies; qua quidem Carolus Geldrius designari fertur, qui ex commemorata arce, ciuium ollas iam longo tempore auidè inspexisset, nec tamen de carnibus ea ipsa olla contentis, de oppidanorum nimirum possessionibus ac bonis, quæ militibus, nondum parta victoria, promissa erant, potuisset gaudere. Vicinus Dauentriæ ager fertilissimus, & ad quamuis culturam aptus frumenti imprimis ferax, hinc pascuis fecundus, vnde pecorum ingentes alunt greges. Quin ex remotissima Dania, ed pascendi faginandique gratia, numerosi greges aguntur, lætissima siquidem, & amplissima prata habentur. Præcellentes etiam viros, eruditionis virtutumque elogijs præstantes, qui patriæ ornamento fuerunt, Dauentria edidit. Ac inter primos quidem, Gerardum illum, cui ob vitæ sanctimoniam, Magni cognomen tribuitur, philosophicis artibus, & Theologica facultate cultissimum, scriptis etiam clarum, qui Domum Fratrum, quos de communi vita nuncupant, Dauentriæ primus instituit. Insignis etiam Cosmographus, Iacobus à Dauentria, hinc oriundus, qui initio artem Medicam professus, Mathefin deinde, & potissimum Geographiam ita coluit, ut inter primos Philippi Regis Cosmographus, honestissima pensione annua donatus, omnes totius Belgicæ vrbes, accuratissime delineatas, tribus voluminibus complexus sit, quibus elaborandis perficiendisque, cum regiones eas omnes peragrando, diu, multamque infudasset, Colonia Agrippinæ, satis præuentus, moritur. Et ne tam præstantia, & multorum sumptuum volumina, alienas ad manus deuenirent,

Amplissimi Senatus Agrippinensis opera, conseruata, & à Præside Viglio in Hispanias, ad Regem sunt transmissa. Nostra etiam memoria, magni nominis Iureconsultus, ordinarius in

Vbiorum Metropolitinis Professor, Matthias Schnellius

Dauentrienfis, Patriæ splendorem

tuetur.



CAMPENA



CAMPENA, eius regionis, in Geldrico Ducatu, vrbs, quæ versus Septentrionē posita, Transsalana dicitur, in læua Isalæ ripa, decenti, & oblonga structura præstans, circa eius fluuij ostia, quibus sinui maris Australis, vulgo, Zudersee, iungitur; Quatuor, Dauentria miliaribus abest, vrbs multarum opum affluentia, elegantissimo, ædium priuatarum, & ciuium nitore commendata, sicut etiam ædificia publicis vsibus destinata, superbissima exhibet. Quorum præcipua sunt, vt exordium à religione sumatur, quæ reliquis ædificijs conspicua altitudine præminent, D. Nicolai, & B. Mariæ virginis templum: Illud Parochiale, quod nō oppidani tantum omnes, sed frequens ex vicinia populus, frequentant. Hoc, numinidicatum, & Parochiali Ecclesiæ, eorum, qui sacris operantur, ministerio, aorum pietate, coniunctum, præcellam habet, & eleganti structura nobilem turrim, vnde per vicinum Australe mare, Enckhusam vsque, visus dirigi pandique potest. Eadem Ecclesia, non sine spectantium admiratione, summo in altari, elaboratam ac venustam tabulam repræsentat, maiorem imaginibus clarsimæ virginis manu depictam. Qualis & in Franciscanorum collegio perelegans, conspicitur. Ciuica domus, haud ita à ponte, quo vtrique Isalæ ripa coniungitur, remota, peraugusta ac splendida, sed præ ceteris ædificijs omnibus, incredibili structuræ symmetria. Telonium ad Isalæ ripam, sese effert, quæ læta tecta Magnatibus, & harum regionum Primoribus, frequenter subministravit, cuius splendorem exteri, magnificentiam & structuræ harmoniam Architecti, admirantur. Priuatæ autem ciuium ædes in vniuersum pene omnes, potissimum autem in platea antiqua, vt ampliæ & magnificæ, vtputa, ad negotiationem quondam amplissimam fabricatæ, ita validis innituntur fundamentis ac muris, ne marinis labefactatæ inundationibus, corruant. Quare eum etiam ad modum sunt factæ, vt supernè, non incommoda oppidanis domicilia præbeant, quando nimirum aqua præter modum ac consuetudinem intumescens, vi ventorum contra Isalæ alueum agitata, excrescit, vt Campena aquis tota videatur immersa. Quales maximæ & periculosissimæ inundationes fuerunt anni Septuagesimi, & Septuagesimi tertij, quarum impetu, aliqua etiam mœniorum pars concidit. Urbem ipsam mœnia, & marinæ ambiunt aquæ, quæ partim per Riuum, vulgò *Die Xijue*, partim per Isalæ amnem eò deducuntur. Dulces autem Isalæ aquæ per mediam urbem, ad communes ciuium vsus permeant. Extra urbem, paludosa passim, sunt loca vliginosa, & inaccessa, vt obsidionis Campena impatiens sit, neque enim murales machinæ, & furiosi Martis tormenta, subduci possunt ad mœnia. Suburbia sunt bina, venusta, sanè elegantia, conspicua; Separata diceres oppida: ad hostium ferendos, propulsandosque insultus, probè munita, quamdiu habitatores, vnanimi consensu iuncti, de fensores non deerunt. Vicinius vrbi, Haga, remotius, Burenopia nuncupatur. In illo peritissimos nauium Architectos, quarum frequens in aquati. cis hisce regionibus vsus: In altero autem, qui piscium capturis incumbunt, magno numero inuenies Vix enim credam, plura, hoc tractu, reperiri oppida, vbi maior delicatissimorum sit piscium copia, Sturrijs abundant, & præstantissimis Salmonibus, carpijs, lupos, & stupendæ magnitudinis prasmos, tanta abundantia, piscario in foro, quotidie videas, dictu vt planè videatur incredibile. Asellum piscem marinum, sapido præstantem iecinore, vulgò, *Cabbelliam*, nomen ab asininæ pellis similitudine retinens, cum cineritij coloris squamosus non sit, haleca recentia, conchas, ostrea, passeræ, quos plateffas, alij verò pectines nuncupant, planos, latosque, & præstantes Rumbos, ceterosque, quos ex mari pisces desideres, piscarum hic forum, pretio tolerabili, quotidie affatim offert. Peculiare piscis genus, vulgò Masculus præ ceteris hic in pretio, delitijs est. Horum alios domi, & vicinioribus in locis, recentes diuendunt, alios, sale conditos, ad remotiores exportant. A viris porro, scientiarum nitore politis. Campensihæc patria, in clarescit. Hinc namque Albertus Pighius Patritius vir, in omni scientia versatus, oriundus fuit, qui nominis celebritate, patriam quoque, toto orbe celebriorem, atque illustriorem reddidit, imprimis Theologus, multa, de quæstionibus hoc tempore controuersis, doctissimè disputauit, & scripsit; Cosmographiam quoque professus, excellens instrumentorum Mathematicorum fabricator, quamobrem Hadriano Pontifici charus, diu cum ipso vixit, Hinc ex Belgio eum in Hispaniam, atque inde in Italiam comitatus. Eo verò Pontifice mortuo, Clemens VII. & Paulus III. Pontifices Max. quorum postremum itidem Mathematicen docuit pluri mi rarum hominem tametsi peregrinum, fecere, adeo, vt honorum, & opum plenus Albertus, tandem Roma in patriam reuersus, cum inibi omnibus æquè gratus, atque acceptus aliquamdiu vixisset, in dulcissimo litterarum otio, ad extremum, summa cum nominis gloria, vita defunctus est. Cuius iam nepos decus, & honorem familiæ conseruat S. ephanus Pighius, virtutis studiosus & valde literatus, idemque insignis antiquarius


VRBIS CAMPENSIS. AD ISALAM FLVIVM. ICON

CAMPEN.

YSEL

FLV.

1. Die grote kerk.
2. S. Bergins Cister.
3. Die Sill braders.
4. S. Agnens Cister.
5. S. Gertrus gashuis.
6. Die milder braders.
7. Den heyligen geest.
8. Die poorte Sutters.
9. Over stroom fersk.
10. Dat Kelt hui.
11. Den kuylen.
12. Die huyse poort.
13. Die vis poort.
14. Die Veenen poort.
15. Die schuurs poort.
16. Die heer poort.
17. Die Keltuer boeke poort.




SVV O L L A



RANSISALANA, vulgò, Dat landt van Duerissell (Duer enim inferioribus Germanis, *trans* est) dicitur Regio Geldriæ versus Septentrionem opposita: ipsa ad Septentrionem Frisiam Occidentalem, ad ortum Westphaliæ, ad occasum Isalam fluuium, & Sinum maris, quem Eidersee dicunt, habens. In tres diuiditur regiunculas, quarum, quæ Isalæ vicina est, *Zissalandt* vocatur; quæ verò trans Vidrum, quem *Vecht* vocant, fluuium, sita est, *Drent* dicitur: quæ verò Westphaliæ proxima est, *Erent* appellatur. Habet autem hæc Prouincia vrbes mœnibus cinctas octo, quarum non infimæ dignitatis est SWOLLA, Tripolitana clarissima, vrbs Imperialis situ loci amœnissima, qua in tota penè Germania vix est inuenire aliam beatiorem, quæque omnibus frumentorum generibus, iuuencis, piscibus, butyro, alijsque ad sustentationem corporis necessarijs rebus, non solum magis abundet, sed etiam maximam Inferioris Germaniæ partem, istarum rerum copia enutriet. Republica etiam tali, qualem neque Aristoteles, neque Plato vnquam feliciorem descripserunt; ita, vt propter prudentiæ, ac sapientiæ opinionem, immunitates, singulæ priuilegia ac iustissima municipalia iura, hic Senatus ab alijs, & vicinis oppidis, in dubijs causis, consulatur, quas & secundum suas leges diiudicat ac componit, compositasque ad loca, & oppida circumiacentia, pro iudiciali auctoritate, ratas remittit. Sunt & in ea tria religiosorum monasteria, vnum Regularium Canonorum D. Augustini, Alterum Prædicatorum Mendicantium ordinis S. Dominici, Tertium, Fratrum bonæ, vt appellant, voluntatis. Habet ad hæc, quatuor Sacrarum virginum Collegia. Est & in ea schola, olim, & nunc florentissima, ex qua omnibus temporibus innumeri prodierunt viri doctrinis excellentes. Maritimam quoque navigationem habet propter Isalam fluuium, qui tertium Rheni ostium constituit, vbi Caninefatum Insula, quam solus Tacitus, inter vetustiores rectè descripsisse videtur. Verum istud Rheni ostium, quo videlicet illa insula constituatur, non commemorauit. Et profectò mirum videri potest, Romanos, alioqui diligentissimos, tam famosum, & ingens Rheni ostium, vel ignorasse, vel subticuisse. Hoc itaq; magni argumenti loco fuerit, illos penitiora Germaniæ, bello nunquam attigisse. Solus verò Ptolemæus, tertij quidem ostij mentionem facit, sed absque omni prorsus loci, aut situs descriptione. Est autem insula Caninefatum, quæ sita est inter ostium illud Rheni, quod nomen non amittit, & tertium illud, Romanis ignotum, quod Isala dicitur. Diuiditur autem ab altero sub Arnhemensi ciuitate Geldriæ, & fluit contra Phrisios, ac in Oceanum vsque protenditur, multis hodie ciuitatibus insignis. Extrema Caninefatum in ipso Oceani littore, Camanni olim exceperunt, gens inter Phrisios, & Caninefates sita, quæ postea à Phrisijs in seruitutem redacta, in Phrisiorum nomen abiit. Hi ciuitatem habuisse scribuntur, à Romanis *Naualia* nuncupatam, quam quidem, etsi hodie nonnulli, Campen suspicentur, Petro tamen Appiano, alijsque eruditioribus Historicis, Svvolle comprobatur. Quæ præter Isalam non ita procul remotum, habet & Vidrum, cum fluuiio Aa, quam *Nigram aquam* nunc vulgo appellant, quæ duplici riuo Svvollam influunt, à quibus non paucas commoditates eiues percipiunt. Viros etiam eruditione claros hoc oppidum edidit, inter quos primas Ioannes Rullius merito meretur, Latinarum & Græcarum litterarum nitore politus, publicis etiam scriptis celebris.

*Svvolle diu celebris meruit virtutibus arma,
Quæ populum fortem nobilitare solent.
Inde salutifera veteri pietate, fideq;
In Tripolim recipi federe digna fuit.*




LEVVARDVM.



LEVVARDVM, eius Frisiz oppidum, quam occidentalem nuncupant. Frisij namque in vniuersum omnes, in eos, qui orientem, & qui occidentem respiciunt solem, diuiduntur. Quorum hi proprio & auito nomine, Frisij occidentales, & VVestfrisij appellantur, qui VVigenionum, id est, maritimorum & littoralium natio sunt, Littora Germaniz aquilonaria tenentes. Hi autem quatuor in Status diuiduntur, quorum eminentior est Groningen, reliqui sunt Comitatus de Oostergoy, Comitatus de VVestergoy, & Comitatus septem Saltuum, vulgò, *Seuen Wolden*. Cuius horum subsunt sua oppida pagique. Horum autem Comitatum caput est Levvardum, oppidum opulentum, & vti priuatis ciuium domicilijs decenter ornatum, ita aquarum ambitu, foueis, & praua lida arce, contra hostiles intultus egregie munitum. Curiam habet iudicalem, & Frisiz Cancellariam, à cuius Tribunali, nulla vltius permittitur appellatio. Episcopali etiam dignitate ornatum, in superiore Episcopatum distributione, cui Reuerendus Dominus Cunerus Petri Brouershausius, Theologus Louanienfis primus est designatus Antistes, scriptis clarus, & iam hoc tempore, tum ob turbulentos Belgij motus, Colonia Vbiorum exulat, eam Vniuersitatem disputationibus, & prælectionibus publicis exornat. Anno ætatis XLIX. moritur. Milliaris ab hac vrbe interuallo, Zuichemus pagus est, ortu Viglij clarus & nobilis. is, vsurpato ab isto pago cognomine, Eques, & V. I. Doctor, aded excellens, & grauis extitit, vt paucos illi pares Europa habuerit. In vniuersa siquidem totius literaturæ Encyclopædia exactissimus fuit, vir ingenio & solerti cum primis, & capaci, omnis consilij, & prudentiæ callentissimus, vt maximus virtutis amator, ita eius amatorum studiosissimus, vt proinde ad summum dignitatis fastigium conscenderit, dum Secreti Consistorij Regij Præses factus, & D. Bauonis, apud Gandauenses Præpositus, vtrique dignitati, ad finem vsque vitæ, splendori & ornameto extitit. Patriam hanc quoque ortu illustrauit Suffridus Petrus V. I. C. vir admodum literatus, & doctus, quod opera sua ad posteritatem transmissa, palam fatentur. Publicæ namque sunt eius orationes septem, quarum quinque Græcæ linguæ vtilitatem explicant. Sexta est de LL. Rom. præstantia. Septima, reformationem Vniuersitatis Erphordienfis continet. Plurima etiam ex Græco sermone in Latinum felicissimè transtulit: Legationem Athenagoræ Philosophi, ad Antonium Cæsarem pro Christianis: Tres libros vit. historiz Ecclesiasticæ Hermiz Sozonien. Historiam Ecclesiasticam Eusebij, & coniunctorum, totam recognouit, factaque Græcorum exemplarium collatione, emendauit, adiectis emendationum rationibus ad calcem operis, multaque alia ornamenta huic operi contulit. Variam super, & complura Plutarchi opuscula vertit; Martinum Polonum Chronologum, ad fidem veterum codicum emendauit. De illustribus Ecclesiæ scriptoribus, auctores præcipuos, Hieronymum, Gennadium, Honorium, Isidorum, Sigebertum Gemblacensem, & Henricum de Gandauo, commentarijs illustratos edidit. Castigationes etiam, in omnia Ciceronis opera scripsit. Vt eruditorum proinde turba, plurimum tanto viro merito debeat, & sit obligata.

FRANICHERIA.



FRANICHERIA, in VVestergoyæ Toparchia, duobus à Levvardio distitum milliari- bus, diues & opulentum oppidum, in quo, vt plurimum nobiliores homines degunt, quod perduellium sui Principis, (qui tum Saxonicus Dux erat,) obsidionem fortiter sustinuerit. vnde amplo ab eo prærogatiuo, & priuilegijs præ cæteris Frisiz vrbibus, ornati- ssimum est. Agrum habet, quemadmodum & vniuersa Frisia, planum, ac pascuis fœcun- dissimum, stagnis tamen, lacubus, ac paludibus intercisum, aliquando maris sinubus, ali- quando torus insularis, quoad sementes, incultum, ad reliqua verò fœcundum, latissi- mis pratis amœnissimum. Reliqua terra exhauritur cespitibus, quas *Toruen* vocant, pro igne alendo, egestis. De quibus Plinium libro decimosexto, capite secundo, loqui existi- mant, cum inquit, de Septentrionalibus Chaucis, quod vlua, & palustri iunco funes ne- cessant, ad prætexenda piscibus retia, captumque manibus lutum, ventis magis, quam sole siccantes, terra cibos, & rigentia Septentrione viscera sua vrant, &c. Est porro vsque adeo humilis, submissa, profunda que Frisica regio, præsertim, qua Oceano est propinquior, vt vix ægreque ab inueniente autumno ad multum ver vsque, peregrinandi, ite rve faciendi modus iniri alius queat, quam, vt cymbis vehantur; vnde plures vicos, villas, pagosque videre est, fortissimis aggeribus, terraque paulo altius eleuata, ac supra reliquam eminenti, locis opportunis extructos. Maris sauitis ita obnoxia, vt Coro flante, sæpenuerò periclitetur, ac superioribus annis 1170. non pecudum modo, sed & hominum, ad myriades vsque, iacturam fecerit. Frumenti ob prælibatas causas parum ferax, inundationes enim annuæ quæ præter id, quod maturè accidunt, tardè etiam cedunt, sementem aut extinguere, aut per agros omnes dissiparent. Vnde ex vicina Dania, ac locis mediterraneis sollicitè id conuehunt. Vineta quoque ob nimium frigus, ventorumque rigorem, regio non patitur. Hunc autem defectum partim Gallia ac Hispania, partim Ger- mania Rhenique accolæ, partim etiam cereuisiæ potus, subleuant. Syluas etiam si habeat regio, vtpote eas, quas *Seuen Wolden* vocant, versus sinum maris Australis, tamen hæc sufficientes non sunt, vt ijs ligna foco ministrent. His itaque natura subuenit, procreata gleba illa pingui ac bituminosa. quæ vento indurata, lignorum penuriam subleuet, quam hi in tanta habent abundantia, vt & vicinis regionibus ijs subuenire queant, plures iusuper, etiam si his destituerentur, arte ac industria naturæ defectum supplere didicerunt, qui fimo bouino vento siccato, lignorum vice, vtuntur. Atque hæc quidem de Frisiz solo extra Franicheriz septa longius progressis, dicta sufficiant.

(::)

LEEVWAERDEN.

LEWARDVM.
Occidentalis Fri-
sia Opp. 1580.



FRANICKER.

FRANICKER Nobiliū
hominum, in Frisia Occiden-
tali, vt plurimum sedes.

S V S A T V M





VSATVM, vrbs Westphaliæ, post Monasterium, quondam, Mediolanum, & Mimigarde vorda, opulentissima, amplissimaq;, vt, quæ decem populosis sit distincta Parœciis. Primæna fundatione castrum, seu Præfecturam fuisse perhibent, quæ in tantam paulatim urbem excreuerit. Inde, Susat adpellationem natam, quod ob loci situmq; opportunitatem, ædificiorum aliquid ad castrum ipsum semper accesserit, vt à quotidiāno incremēto, Susatum, quasi *Ein Susat* sit cognominatum. Complures pagos vicinos sibi subd occupat, olim Præfecturas minores, quos populari nunc lingua, *Die Bården* indigentant, quod grauamina & onera, à quibus ciues immunes sunt ac liberi, sustineant. Ager, cū totius passum V Vestphaliæ syluis, & pecorum paucis, quàm aruis sit latioꝝ, circa Susatum tamen atq; Hammonem, frumentaria gleba fecelicioꝝ: Salinarum etiam fecunditate commendatur. Vicinus namq; vrbi Passendorff, pagus, salinis celebris, maximam præstantissimæ salis copiam, quotidiano censu suppeditat; vnde non Susatienſium modo: sed & vicinorum, remotioribus passum locis necessitati subuenitur. Earum verò salinarum domini, patritijs, vt plurimum orti familijs, vrbs sunt ciues. Vrbs ipsa molas sex, ad cōmunem ciuium vsum habet, quibus aqua, qua circumagitantur, detrahendæ facultas, exteris est omnis præcisa. Est in ea magnificorum Canonicoꝝ Collegium D. Patroclo, qui & vrbs patronus est tutelar, sacrum. In eo hoc tempore Præpositus est, vir celeberrimi nominis Godefridus Gropperus Agrippinas, Ecclesiæ Colonienſis archidiaconus, lreconsultus, eloquentia & eruditione, magnisq; legationib; percelebris. Multis ac varijs priuilegijs & immunitatibus, Susatienſes gaudent, inter quæ id comprimis memorabile, quod præ cæteris V Vestphaliæ oppidis, non solum in proprio, verū etiam vicini Principis fundo, cuiuscunque generis feras venandi, ius obtineant. Vtitur præterea vrbs ipsa mero ac mixto imperio, & sub Illustrissimi Cliuorū, Iuliacenſium, ac Montensium Ducis clientela degit: cum ante sub Archiepiscopo Colonienſi fuissent per annos ducentos, octuaginta, à tempore Friderici primi Imperatoris, quo ille Henricum Leonem, Saxoniz Ducem, prouincijs pulsum, omni exuerat feudi dignitate. Tum & Susatum cœpit parere Ecclesiæ Colonienſi, vsque ad tempora anni M. CCCC. XL. quando Susatienſes amicitiam Adolphi Cliuensis Ducis affectarunt, quod se dicerent ab Archiepiscopo in antiquis libertatibus arctari. Itaque ad Ducem Cliuensem defecerunt, cui saluis immunitatibus antiquis, sacramentum fidelitatis præstiterunt: multis interim nuncijs ac literis hinc, atque inde missis, ad Ducem, vt abſtineret aliena ditione: ad urbem, vt ad eor rediret, agnosceret (quem debebat) Colonienſem Archiepiscopum dominum in temporalibus & spiritualibus. Sed, cum toto triennio, his atq; alijs vijs nihil proficeretur, ad arma peruentum est, vtrinque comparata. Ioannes Cliuensis, Adolphi filius, tum filius familias, cum valido præsidio, urbem tuendam ingreditur, salutatusque à ciuib; Princeps atq; defensor, solenni iureiurando inauguratus est. Tum validas colligens copias, ditionem Cliuensem ingreditur, urbem Xantenſem obsidione cingens, quæ media ex parte, Colonienſis erat dominijs, quam cum incepisset, inde rediens Susatū, passus est se ibi obsideri. Theodoricus autē Archiepiscopus, comparatis copijs, ad obsidionē se parans, multos sibi confederatos conciliar, Monasterienſem, Hildesheimenſem, Mindensē Episcopos, Ludouicum Bauariæ Electorem, Guilhelmu Brunſuicēsem Ducem, Ioannem Nassouiz, Gerhardum Seienum, & alios Comites. Venerat etiā illi auxilio V Vilhelmus Landgravius Turingiæ, Dux Saxoniz, inter agmina sua ducens duo milia quingentos, ex Bohemis, homines, armis iam diu innatos, & qui sine exemplo crudeliter defœuissent. Hi, in ipso itinere, Ioannem de Hoya Comitem Osnaburgi, à ciuib; vinctum, solis comminationibus, è septennali & tam arcta captiuitate, in qua se vir procerus erigere non posset in sublime, relaxarunt. Solus Rodolphus Traiectenſis Episcopus, & Bernardus Lippiæ Comes partes Ioannis tutati sunt. Adolphus pater, propter senium & imbecillitatem, expeditioni non interfuit. Obsedit ergo Archiepiscopus Susatum, multis millibus armatorum, (scribit Colonienſis Chronographus, octuaginta milia in Episcopi castris fuisse.) oppugnauit autem toto mense, rarò intermittens bombardarum tonitrua. Sed, cum ea non terrent, ciues, apparatis magna multitudine scalis, statuit varijs simul locis inuadere murū. Erat ea scalarū multitudo, & id roboris, vt vna, tres, aut quatuor in quaq; starent, & ascenderent. Oppidani aduersus ea miserunt lapides ac trabes: sed omnium erat validissimum defensionis genus, Sartagines in muris disponebant per interualla, subiecto igne, pultes in aquis bulliente feruore miscebant: hunc liquorem capacibus vasis, feruescentem fudere in armatos, scalis incumbentes. Exuperabat ea vis omne genus tormentorū, in ipsis suis armis ardore ex cruciati, suffocabantur. Tormenti genus incōparabile. Tali tū modo defensi muri, periere ex scandentibus plurimi qui pro suo debito primivenerant ad arma. Nam Bohemi facile cessere indigenis honorē, vt militia prælati, primi essent in periculis. Archiepiscopus eo accepto incommodo, oppugnationem deseruit. Ex hoc tēpore, Susatū in iure Ducis Cliuensis permanet. Hæc, partim ex Saxonia Crantij, partim ex Colonienſi Chronographo, partim ex manuscriptis, excerptimus. Ea autem, quæ sequuntur, ex codice manuscripto in Bibliotheca Dominicanorū Susatiē. annotauimus, cui titulus, Mappa Mūdi Magistri Iacobi de Susato, &c. In V Vestphalia etiā, inquit, est Susatū, nobilis illa ciuitas, antiqua & præclara, pulcherrima & ditissima inter cæteras V Vestphaliæ ciuitates, abūdans, opulenta, populosa, in campo plano, inter agros vberrimos sita, muro duplici profundisq; fossatis circumdata, turres triginta, sex principales, altas, firmas, ac pro defensione dictæ ciuitatis, si opus esset, interiori muro annexas, per girū habet & bene munitas, habet inquā & decem portas ad diuersas regiones exitū præbentes. Sunt ibi plures Ecclesiæ pulchræ Sanctorū laudibus, sumptibus gloriosis consummatæ. inter quas magna est famosa Ecclesia, miræ magnitudinis, turri maximæ altitudinis, gloriosi martyris S. Patrocli, dictæ ciuitatis gloriosi patroni. Ibi Collegiū Clericorū die noctuq; Dominò famulantium. Ibi religiosarum sanctimonialium pulchra monasteria, quæ circa Dei cultū diurnis nocturnisq; horis, diuinis obsequijs deuotissimè in sanctitate occupantur. Erat enim hæc ciuitas oppidū olim inclētū regni Augarorū, & postea caput Ducatus V Vestphaliæ, ad Duces Brunſuicēses deuolutum, sed ab Henrico Leonis, Duce Brunſuicēsi deperditum propter crimen læsæ Maiestatis, impositum eidem per Fridericū I. Imperatorem, Anno 14. sui Imperij, ab ipso patienter in pœnam receptum, & Archiepiscopo Colonienſi Reinoldo, cum toto Ducatū V Vestphaliæ vsq; ad sagittæ iactū in Rhenum gratiosè datum, & sic infeudatur, quia prædictus Archiepiscopus, prædicto Frederico in obsidionem ciuitatis Mediolanensis, à qua fraudulenter, dictus Henricus Leo recesserat, fidele præbuit auxiliū, & cōstanter. Insuper & Philippus successor Reinoldi à Frederico Imperatore iam dicto, pretio quinquaginta marcarum puri argenti & seruitio corporali fortissimo & multiplici cōparauit, sibi suisque successoribus & Pontificali dignitati perpetuiter incorporauit, voluitq; sibi de consilio Ducatum hunc emere pretio tantillo potius, quàm in beneficia accipere propter maiorem sibi firmitatem.


VVARBVRGVM



ARBVRGVM, non inelegans V Vestphaliæ oppidum, situ est inæquali, Dimulæ aquis instructum, Comitatus olim titulo, vt Hammelmannus perhibet, illustre, qui idem hoc oppidum à præstanti commendat ecclesiæ, gratissimo ijs potu, qui cum paruo crumena, dispendio, genio indulgere cupiunt.



FRANCOBURGVM.



Hassia, regio Germaniæ, frumenti, fructuum, leguminumque feracissima, & lætissimis distincta pratis, vrbibus est ornata pulcherrimis, Landgraviatus titulo præstans, Cattis quondam culta, & inhabitata; qua ad Occidentem VVestphaliæ respicit, FRANCOBURGVM, oppidum perelegans, situ amœno, & antiquitate commendatum, ostentat. Referunt namque annales, prima id ipsum foundatione Dieterum Francorum Regem, circa annum Christi D. XX. eo loco excitasse, vbi se vallum & propugnaculum, contra feroces Saxones, gentem, Hessi vicinam, exhiberet. Solebant quippe veteres, quando dæmoniacarum machinarum Martis, vsus non erat, præsidia sua editoribus in locis, vnde & nomen consequentur, collocare, quod isto tractu frequens admodum fuit. Hinc, Isenberch, Falckenberg, Sternemberch, Rauensberch, Sparenberch, &c. Quemadmodum & castro præualido munitum hoc oppidum Franchoburch, Edera fluuiio irrigatur, quem & Adernam vocant historiæ vulgo *Die Eder*. Ab Eobano Hesso, Aurifer dictus; Regum Franciæ sedes, eo potissimum tempore hic extitit, quo perpetuum ipsis cum Saxonibus bellum fuit. Quare consuetudine maiorum, bellicosi cum necessitas postulat, venationi alioqui & agriculturæ dediti Francoburgenses sunt ciues, qualis etiam Hessorum in vniuersum est indoles. Quemadmodum Helius Eobanus Hessus, de Cattorum suorum genio, eleganter scribit.

*Talis est ipsa situ, talis regione locorum
Et fluijs, syluisque frequens, et montibus altis
Hassia, natura similes creat alma locorum
Ceu natos in bella viros, quibus omnis in armis
Vita placet: nō vlla iuuat sine Marte, nec vllā
Esse putant vitam, quæ non assueuerit armis.
Quod si tranquilla vertantur ad otia pacis,
Otia nulla terunt sine magno vana labore:
Aut duro patrios exercent vomere colles,*

*Æquatosque solo campos rimantur aratris,
(Namque est planicies, segetum fecunda patentes
Explicat innumeras, et plena messe colonos
Ditat, et ipsa sibi satis est,) aut ardua sylua
Lustra petunt canibusque feras sectantur odoris,
Venatu genus assuetum, genus acre virorum;
Aut leges, et iura ferunt, aut oppida condunt
Fortia, non solum bello munimina, verum
Quæ doceant in pace etiam, oblectentque quietos, et c.*

Hæc autem regia sedes quæ Francoburgum, vel, vt alij Francobergum, oppidum perillustre & clarum reddidit, Marpurgum Hassiæ est translata, quando D. Elisabethæ fama innotescere cœpit; vtputa Hungarici regis filiæ, Thuringiæ Principis Ludoici coniugis, & viduæ sanctissimæ, quæ pauperum mater dicta, vt contemplando Maria, ita pietatis operibus, vera extitit Martha. Est itaque regia sedes hinc translata abs Elisabethæ viduæ cognatis Principibus viris, eò, quod stirpis & familiæ suæ ornamentum ac decus Elizabeth, Marpurgi, Teutonica in domo sepulta, diuorumque ordini adsociata, iam celebris admodum esset, ob benefactorum memoriam. Francoburgum interim, multis priuilegijs & immunitatibus, Carolus ille magnus, quibus hodierno etiam tempore floret, exornauit, & ob illustres ibi partas, contra vicinos hostes, victorias, sigillo donauit, in quo castrum turrigerum aureum, cum F. capitali littera, corona aurea circumdata, quondam conspiciebatur. Ab idolorum etiam superstitione, vti gentem vicinam liberauit, vbi Martis memoriam, vulgò, Irmans, vel, ac si dicas, *Zedermans vell*, quasi commune asylum, ac refugium omnium deleuit: similiter ipsius Crono, id est Saturni simulachrum, & Magdeburgensem Venerem, euertit: Ita in hoc oppido Francoburgensi, Hannonis deleuit memoriam. Cuius talis erat figura. Sedebat Rex in folio, & ex ore eius altera parte fulmina, altera verò tonitrua consurgebant, ipse sceptrū, gladiumq; manu præferebat, à dexteris veterū mascula numina, Apollo, Mercurius, Neptunus, Mars, Vulcanus, Pluto; à sinistris, scæminea, Iuno, Ceres, Venus, Minerua, Diana, Vesta. Iouis autem erat idolum. Quod pientissimus, potentissimusque Rex, Carolus Magnus, euertens, Anno partæ salutis DCCCX. peraugustum D. Virginis Matris Phantum excitauit. Pari etiam religionis Christianæ reuerentia, Henricus Landgravius, Brabantix infans, cognominatus, Anno orbis redempti, M. CC. LXXXVI. Ecclesiam parrochiamalem construxit. Eius verò successor Landgravius, Henricus secundus, Anno salutis, M. CCC. XXXVI. oppidi noui accessione Francoburgum adauxit, nouisque ædificijs illustrauit. Annis verò aliquot deinde, oppidi præfectus, qui antiquam Franciæ Regum, tum vero temporis, Ducum, arcem occupabat, & multa in Duces, multa in oppidanos atrocità tentabat, permitte Duce, à populo, iustas scelerum poenas percepit. Arx etiam ipsa, Vulcani rabie consumpta, funditus euerfa est. Quemadmodum & Anno M. CCCC. LXXVI. oppidum totum igni conflagratum, miserè perijt. At situs percommodus, facile inuitauit ciues, vt, qua modo se venustate conspiciendum præbet, breui post tempore ex cineribus excitatum fuerit.



FRANCENBERGVN, vel, vt alij.
Hassiae Opp.

Francoburgum



ESCHVVEGA



ESCHVVEGA Hassiæ oppidum, colli impositum, lata agri fecunditate gaudens, VVerræ fluuij aquis irrigatur, cuius opportuno vsu, isatis herba, & ex eadem confecta tinctura, quam Thuringicum solum, frequenti fœnore suppeditat, primo supra hoc oppidum lapide, cimbis imposita, Mindam vsque, inde Visurgi aquis, quæ VVerram absorbent, Bremam, & per totam passim Ostlandiam defertur. De primo Eschvvega initio, nihil, quod sciam, historiarum monumentis comprehensum inuenitur, eò quod Hungaricis bellis atque incendijs tertium depastum deformatumq̃ uesuerit. Francoburgicum tamen chronicon, dum Carolum Magnum, circa annum Domini DCCXCVI, Episcopatus varios instituisse, Monasteria, Collègia, & Ecclesias multis in oppidis fundasse, commemorat, meminit & Cauffingæ, non procul à Cassela; & Eschvvega, ab eodem tum temporis excitatæ. Præclara etiam exant Henrici Imperatoris Secundi, quem Sanctum, & Hungarorum Apostolum cognominant, erga hoc oppidum merita, qui id ipsum Hungaricis incursionibus deuastatum atque collapsum, restituit, nouis ædificijs auxit, & locupletauit. Grauiissimis rursus calamitatibus afflictum fuit, Anno post orbem redemptum, M. CCC. LXXXVII. eo bello, quod inter Adolphum Moguntinum Archipræsulem, & Hassiæ Landtgrauium acre defœuijt, quando etiam ad Hassiæ gubernationem peruenit,

FRISLARIA.




FRISLARIA, insigne ac præstans Hassiæ oppidum, vulgo *Frislar* / Latine, Doctrina pacis, vtpote, vbi veræ & perpetuæ pacis doctrina S. Bonifacij auspicijs, toti Hassiæ, Thuringiæ, Franconiæ, & Frisiæ (quemadmodum paullo post latius:) innotuit; Egræ fluuij propinquitate, & situ admodum amœno, sicuti vniuersa passim Hassia præcellit, muris circumcinctum turrigeris, situm inæqualem, sicuti & regio ipsa, hinc inde montosa, obtinet: Agto tamen lauto, frumenti, fructuum, & leguminum feracissimo, etiam vini, cuius tamen fertilitate, non est hæc regio admodum præstans. Et quamuis in ipsa Hassiæ Frislaria sese conspiciendam præbeat, ad Moguntinum tamen Archiepiscopum pertinet, vnde variis fortunæ & Bellonæ casibus frequenter exposita, maximas abs Hassiæ Ducibus calamitates frequenter pertulit. Quemadmodum & a Saxonibus expugnata, & foeda exustione deformata fuit, qua de re ita in Saxonia sua Albertus Crantzius libro secundo, capite decimo: Saxones, inquit, iniuriam prioris anni vindicare volentes, mouerunt in Hassiones, qui iam Francis paruerunt, & ad oppidum Frislariam pugnaverunt, magna interneccione cædentes, qui obuiam prodirent. Ecclesiam insignem eius oppidi, quam Bonifacius Episcopus & Martyr prædixit incremabilem, diu frustra tentauerunt incendere. Visi sunt in albis duo iuuenes, qui incendium restinguerent, vnde territi Saxones, aufugerunt. Repertus est ad ostium ædis sacre genibus nixis Saxo extinctus, faucibus hians, quasi flammam excitaturus. Hec ille: Hanc autem Ecclesiam admodum magnificam, D. Petro sacram, monastico sodalitis nobilem, verè Germanorum Bonifacius prius VVinfridus adpellatus, construxit, Is enim, cum amabili religiosissimorum virorum societate, Saxonibus Britanniam deuastantibus, immanemque in Christianos tyrannidem exercentibus, verso solo, patriaque exulans, & in Hassiæ Frislariam sese conferens, Euangelium passim diuulgat, sacras ædes edificat, gentilium idolorum, & dæmonum cultum Germanorum animis eximit, cœnobîa, ceu concionatorum diuini verbi, & religionis Christianæ seminaria extruit. Præclarissimum etiam Fuldense monasterium, inter Hassiam, Franciam orientalem, & Vuederouiam, situ incundo excellens, & non in Hassia tantum, quam lignis & fontibus sacrificare offenderat, sed & in Thuringia boni verbi semen spargens, Francorum etiam extitit Apostolus. Quin & gentem frisonum, paganicis imbutam adhuc ritibus, à dæmoniaca captiuitate liberat. Conspectis tantis Bonifacij virtutibus, Carolomannus & Pipinus Regni Francorum Principes, communi totius cleri & populi consensu, Moguntinensi Ecclesiæ habenas ipsi commiserunt, eamque, vt dignitas eminentior foret, quæ prius alteri subiecta fuerat, Metropolitancam constituerunt, vt à Bonifacio, Archiepiscopi Moguntini initium sumpserint. Iam tantus creatus Episcopus, rebus Ecclesiæ suæ quam optimè constitutæ, Lullo commissis, ad eos quos docuerat populos, magno pietatis zelo commotus, partim in fide debiles, partim relapsos, confirmandos, reuertitur. Hinc tertium in Frisiam rediit, vbi à furente paganorum turba nefariè occisus, glorioso martyrio finem imposuit. Hæc paulò à me fusius repetita sunt, vt Hassia, & in ea Frislarienses, cuius fidei & religionis Christianæ primordia post Deum debeant, pio gratoque animo cognoscant,

(:.)



VVERDEN A.



VERDEN A, in VVestphaliæ aditu, ad Ruræ Amnem, in ditione Marckensi oppidum, occasione cœnobij, à S. Lutgero ibidem instituti, quemadmodum multa alia in Germania oppida, initium habet, à VVilhelmo de Hardenberg, quadragesimo secundo Cœnobiarcha, Anno Salutis M. CCC. XVII. excitatum, & ab Engelberto, Comite de Marcka, ciuilibus priuilegijs, quibus etiamnum gaudet, donatum. Omnem, quocunque innotescit, splendorem, quemadmodum & ortum magnificæ, & celeberrimæ huic Abbatix debet. Ea autem in honorem Saluatoris, & Sanctæ Dei Genitricis Mariæ, & Sanctorum Apostolorum Petri & Pauli, & Stephani Protomartyris, Laurentij Diaconi, Martini Confessoris, prima institutione excitata, multis Regum & Imperatorum est priuilegijs, & libertatibus aucta. Exhibent namque eius modò Collegij fratres Diploma signatum, & Coroli Magni manu subscriptum VVormatiæ, Anno reparatæ salutis D. CC. II. Exhibent & confirmationem VVilliberti Archiepisc. Colonien. & plurima alia antiquissima diplomata. Primus autem Collegij VVerdenensis fundator & Rector, fuit S. Lutgerus, primus Monasteriensium Episcopus, Synchronus S. Bonifacij & VVillibrordi, oriundus è Frisia, Præceptorem habuit Alcuinum, & S. Gregorium, qui S. Bonifacij discipulus, in Traiectensi monasterio, ipsum cum multis alijs erudiuit, è quibus postea, multi sunt facti Episcopi, alij in minoribus gradibus Ecclesiarum Doctores. Quorum etiam aliqui, ijque ex parentela S. Lutgeri, à prima fundatione, post S. Lutgeri obitum, ad annos ferè LXXVI. monasterio VVerdenensi præfuerunt. Nempe:

Sanctus Lutgerus, primus fundator, in cœnobio suo VVerdenæ sepultus.

1. Hildigrinus, primus Episcopus Halberstadiensis, frater S. Lutgeri, sepultus VVerdenæ.

2. Gerfridus, secundus Episcopus Monasteriensis, frater S. Lutgeri.

3. Tidgrinus, vel Thiagrinus, secundus Episcopus Halberstadiensis, nepos S. Lutgeri, in VVerdenensi cœnobio sepultus.

4. Alfridus tertius Monasteriensis Episcopus, affinis S. Lutgeri.

5. Hildigrinus Iunior, quartus Episcopus Halberstadiensis, & hic nepos S. Lutgeri.

His autem primis monasticæ regulæ VVerdenensis cōseruatoribus, quinquaginta interrupta serie, ex ordine successerunt Abbates, viri generè, & maiorum splendoribus illustres, quorum quinquagesimus, & ultimus fuit Conradus de Gelichen, qui suo tempore tres tantum habuit secum Capitulares fratres, nimirum, VVilhelmum de Rifferscheidt, Præpositum, VValramum de Symmern, & Ioannem de Limburgh, sub quibus strictior viuendi norma, & alia est introducta reformatio. Resignantibus ipsis Monasterium penè collapsum, vna cum cunctis prædijs, alijsque bonis non optima diligentia adseruatis. Introducti sunt autem religiosi fratres, qui summo labore, & industria minitans ruinam collegium, restaurarunt, recuperatis, quantum pro tempore potuit fieri, prædijs ac possessionibus multis, circa annum Domini 1474. quo anno Nouesium obsidione cinctum erat, Facta autem hac resignatione, & necessaria, nouaque reformatione introducta, Collegij VVerdenensis administrator & cœnobiarcha constitutus est, quinquagesimus primus, D. Adamus, ad S. Martinum Maiorem Colonix Abbas, qui præfuit annis 4.

Huic successit 2. Theodoricus Iagendorn, ex monasterio S. Petri Erfordix, assumptus.

33. Antonius Grimmolt.

54. Ioannes de Groninga.

55. Hermānus ab Holte, vir ab insigni doctrina & pietate commendatus, electus Anno 1540. mortuus Anno 72.


56. Henricus Duiden.

Sed Abbatia relicta, oppidum nunc ipsum ingrediamur, In quo oppidani rem pecuariam, vnde & plurimum victitant, exercent, agros habent latos, & compascuos, montes præaltos & syluosos, in quibus incredibiles porcorum greges oberrare quandoque videas (vnde indurata fumo perna & perafones VVestphalici, gratâ caudicis munera) & riuulos, gratissimo murmure ex montibus susurrantes Quir & ex præterlabente Rurâ, commoditates haud pœnitendas percipiunt, vnde piscibus, & sapidis pinguiibusque abundant anguillis. Vtraque hic Rurâ ripâ, lapideo ponte coniungitur, magno itinerantium compendio. Accidit autem Anni Christianæ salutis Tricesimi tertij supra Millesimum Quinquagesimum initio, postquam prior eius tunc hyemis medietas, solito asperior, & densa glacie, ac supra modum altâ niuie, grauissime inhorruisset, atque iam post natalis Christi diem, innox aère tepescente, succedentibus diebus, in ipso Ianuarij Mensis capite, ingruentibus magnis imbribus, nix ipsa tardior, magno cum impetu resolveretur, ut ipsum Rurâ flumen, tantis aquarum inundationibus eleuaretur, ut ingentem pontis molem euerterit, excusserit, & remoueret, ut oppido etiam ipsi tantis aquarum impetus ruinam minitari videretur. At qua nempe retro principis Arcem, dirupro muro, viam sibi parauit, Tanto autem fragore ea inundatio insonuit, ut cataractæ Nili fluminis, eo viderentur tranilata fuisse.

ESSENDIA



ESSENDIA, Imperiale, sub Montensis Ducis tutela, oppidum, Collegiatio virginum, & Canonicorum sodalitas præstans. Quod Alfridus quartus Hildesheimensium Præsul, ex paternis facultatibus fundauit, ut sub religiosa Abbatissæ educatione quinquaginta & duz. Deo nuncupatæ virgines, pietatis exercitijs imbuerentur: & XX. similiter Canonici, sub eius loci Decano, canonicam viuerent vitam. Asyli priuilegio Abbatia gaudet, & locus in ea maxime, *Die Borst*, nuncupatus, villæ aliquot vicinæ, eius subsunt dominio; Ecclesia ibidem perlegans in qua tabula exhibetur visenda, Bruinij illius agrippinatis opus. Ager frumenti, & tritici præstantissimi ferax, vnde canonicus Essendix panis in pretio est. Oppidani, negotiationem etiam remotam, alij texturam, fabrillem complures exercent. Non alium facile reperias locum, vbi plura conficiantur omnis generis sclopeta. Fontibus abundant & atro carbonario lapide, quem territorium vicinum passim suppeditat, potissimum verò, qua Steltium est, ad Rurâ amnem, oppidum.



HALBERSTADIVM.



HALBERSTADIVM, primæua fundatione, Elborestadium, Saxonix in Germania oppidum, Episcopatus eius nominis adpellationem præbens, à Carolo Magno, nunquam satis laudato Galliarum Rege, & Imperatore Romano, instituto, qui longa experientia, belloque diuturno, cum Saxonibus gesto, edoctus, cognouit, eam gentem, vituperata infrenem, fortem, atque ferocem, armorum strepitu minus domari, benevolentia autem, legibus, pietate, & Religione placari & conseruari posse. Hinc multorum, qui tunc temporis aurei, pedum circumferebant ligneum, episcoporum gubernationi, & spirituali curæ eam commisit. Quemadmodum & Anno salutis, DCC. LXXX. non quidem Halberstadij, sed apud Selingenstadium, siue Ostervvicum, quo in loco idem Carolus Magnus magnificum templum, D. Stephano sacrum, construxit, opportuna Episcopo sedes delecta & constituta est, visitata tum adpellatione, Salingenstadiani, & Ostervvicensis Episcopatus, innotescens, longo verò post tempore, ut scribit in sua Saxonica Crantius, & in opere de Episcopatibus Germanix Bruschijs, ab eodem Carolo Magno & primo Antistite, S. Hildegriuo, ad confluentiam Albis & Oræ fluuiorum translatus. Huic nouæ vrbi, & Ecclesiæ iam inchoatæ, ab amnium confluxu, nouum etiam nomen indiderunt, adpellantes eam Alborestadium, quasi urbem ad Albin, & Oram amnis, constitutam. vnde facile adparet, situ eam admodum opportuno, cum præter aquarum commoditatem, agrorum etiam non sit ei denegata vbertas: quæ quidē tanta de prædicatur ab omnibus, ut segetum culmos, equitem transcendere ferant. Accedit ad hæc nitor & elegantia vrbs, ædificiorum splendor, amplitudo fori, & collegiatum Canonicorum sodalitiū. In quo, dum canonicè Canonici viuerēt, clarum adhuc pœnitentiæ publicæ, in primitiua Ecclesia visitatæ, extabat vestigium Cuius quidem rei consuetudinem Pius Pontifex, & post hunc, Volaterranus, in literas retulerunt, sed velut ritum barbaricum: neuter enim intellexit. Volaterranus institutum vocat inauditum. Est autem huiusmodi: Singulis annis eligitur aliquis è plebe, qui cômœdiam pœnitentis, & confitentis agat. Is in capite ieiunii Quadragesimalis ad templum adductus, in cultu lugubri, & , qui pœnitentem deceat, nimirum, caput obuolutum habens, post Sacrum deinde deijcitur, perque totos illos quadraginta dies, nudis pedibus vias vrbs terit, templorum moles circuit tantum, non intrat, nec cum quoquam sermonem miscet. Canonici huic cibum præbent, quem ille, qualem qualem, boni consulti. Non indulget sermoni, nisi post mediam noctem, idque in plateis. At in die, quæ Dominicæ cœnæ dicata est, ad templum reducit, & à Sacerdote, non absque longis, sed pulchris ceremoniis absolutus, à plebe stipem accipit. Hunc Adamum vocare solent. Atque hoc est, quod nonum caput Agathensis Concilii præcipit & refertur etiam à Gratiano, *Distinctione* 50. Est autem tale. In capite Quadragesimæ, omnes publicè confitentes, ante fores Ecclesiæ se repræsentent Episcopo ciuitatis sacco induti, nudis pedibus, vultibus in terram prostrati, reos se esse ipso habitu, & vultu proclamantes: ibi adesse debent Decani, id est, Archipresbyteri, Presbyteri Parrochiarum, Presbyter pœnitentium, qui eorum conuersationem diligenter inspicere debent, & secundum modum culpæ, pœnitentiam per præfixos gradus iungant. Post hæc Episcopus in Ecclesiam eos introducat, & cum omni clero septem Psalmos pœnitentiales, in terram prostratus cum lachrymis, pro eorum absolutione, decantet. tunc resurgens ab oratione, iuxta quod canones iubent, manus eis imponat, aquam super eos benedictam spargat, cinerem prius mittat, deinde cilicio capita eorum cooperiat, & cum gemitu & crebris suspirijs eis denunciaret, quod, sicut Adam proiectus est de Paradiso, ita & ipsi de Ecclesia pro peccatis suis abijciantur. Post hæc iubeat ministris, ut eos extra ianuas Ecclesiæ expellant, clerus verò prosequutus eos cū Responsorio, in sudore vultus tui, &c. ut videntes sanctam Ecclesiam pro facinoribus suis tremefactam atque commotā, non parui pendant pœnitentiam. In sacra autem Domini Coena, rursus ab eorum Decanis & Presbyteris Ecclesiæ liminibus repræsententur. Hactenus decretum Agathensis Concilij, partim antiquitatis amore, partim, occasione consuetudinis Halberstadiensis Ecclesiæ, prolixius retulimus.



Oppidum hoc anno post orbem redemptum 1180. graui calamitate eo dissidio est pressa, quod Ulricus Episcopus cum Henrico Leone fouit, quando infeliciter pugnaretur à ciuibus, capta vrbs, alioqui munitissima, ab hostibus exusta, Ecclesia similiter primaria, in quam clerus & populus, tanquam ad tutissimum asylum confugerat: captus & abductus Episcopus: si quæ ex incendio ciuium referuata bona, à ferociente victore per vim ablata. Et in cadauer denique vrbs tota conuersa. Truces sic sunt Bellonæ fructus. Sed, ut sunt rerum mutationes mirabiles, qui supererāt oppidani, situs opportunitate illecei, nouam ex cineribus excitant urbem, & temporis deinde successu, harum calamitatum obliti debitam Episcopo suo obedientiam detrectant. Quare Ernestus Magdeburgensis Archiepiscopus, & Administrator Halberstadiensis, ad iuga & plenam obedientiam armis hanc urbem redegit, accipiens eam in potestatem, & omne eius gubernandæ ius à consulatu in se transferens, ac tum Iudices ac Scabinos, qui iustitiam ex æquo & bono administrarent, constituit.

QVEDELINBURGA,




QVEDELINBURGA, vrbs antiqua, & primorum in Saxonica Principum decus, haud ita procul à Parthenopolitana vrbe, quæ nunc Magdeburga in Saxonica, distans, ab Imperatore Henrico Aucupe, vnâ cum nuncupatarum Deo & Religioni Domicillarum Collegio, constructa, cui primam Abbatissam filiam suam, Machtildim præfecit. Oppidum sanè concinnum, antiquitate, dignitate, & opibus præstans, quædiu primæua fundatione, legitimum magistratum Abbatissam agnouit, cui quando malè parebat, ab Ernesto, Saxonix Duce Abbatissæ tum fratre, oppugnatur, & Rolâdi statua, quam pro libertatis indicio, ab antiquo habuerat, priuatur.

Direpta est vrbs à militibus, & in extremam pauperiem, vnde necdum ciues respirarunt, perducuntur. Ruunt domicilia, nemo curat reparare, viuunt in diem, tempora terunt in laboribus agriculturæ, quæ si victum præstat quotidianum, diuites iam se computant, obligare sua prædia non sinuntur, ut redditum constituta altera apud alterum, liberas passionibus mundas ab auro manus habere præcipiuntur. Ita per solam contumaciam vrbs hæc antiqua corruit.



VVIN MARIA:




IN MARIA, siue VINARIA, nitidissimum Thuringiæ Oppidum, nomen habet à vino. nam Weinmayr/ siue Wymanayr/ vinitorem, Thuringico idioma te denotat; Quasi vinearum aliquis cultor, ea primum loca inhabitans, vineas ibidem colere coeperit. Idcirco eruditi nunc passim, VINARIAM eam nominant. non, quod à vinario foro, nominis sit etymon deductum, quod plerique non ineruditi existimantes, Vinariam hanc nostram *Waldmar*. Ciues verò *Waldmar* appellitant; quasi *Mar*/ ex *Mayr* factum, Germanis *Marst*/ hoc est, forum designaret. Verum eos hic labi, inde facile conspici potest, cum in Germania pro vinitore Weinmayr/ vsitata sit appellatio, sicuti & Bauaris ea est compositio recepta, quæ hanc nostram sententiam confirmat. Ita *Bühelmayr* Colonus, collem, aut colentem, aut inhabitantem designat. *Bachmayr*/ iuxta fontem. *Kirchmayr*/ Messor, vel agricola, iuxta templum habitans: Sic *Obermayr*/ *Nidermayr*/ *Waldmayr*/ *Dietmayr*/ *Longmayr*/ Quæ pleraque omnia, postea, cum à Latinè scribentibus vsurpantur, i, literam abijciunt, vt V Waldmarus, Dietmarus. Atque hæc quidem genuina, & quotidiano Germanorum vsu recepta huius voculæ, *Mayr*/ in fine dictionum constitutæ, est significatio. Aliud verò hæceadem principem vocularum occupans locum, designat, vt *Marshall*/ id est, equorum minister, aut equitum inspector, ac gubernator, *Marstall*/ stabulum equorum, &c. sed hæc de nominis origine satis, & nimis fortasse multa. Atque hoc lautum & peramœnum Thuringiæ oppidum, Comitatus quoddam titulo celebre. Anno partæ salutis M. CCC. XLII. ob morosam Comitissæ Hermannæ de Orlamunda, & obstreperam erga Herum suum Fridericum Seuerum Thuringiæ Landgrauium, & Misniæ Marckgrauium, inobedientiam, primum iure belli, tum iustis transactionibus Comitatus VVinariensis, ad Landgrauiatum Turingiæ peruenit. Et proinde anno salutis M. CCC. LXXVII. Balthasar Turingiæ Landgrauius titulum suum salutatione Comitatus, de Orlamunda adauxit. Dum in istius oppidi descriptione versamur, doctissimus vir Ioannes VVolffius aliam multò luculentiore, quàm quæ nobis erat, topographicam VVINARIAE picturam, operi nostro inferendam, cum hac ad dulcissimæ patriæ suæ ciues parænesi, transmittit.

<i>Quam nactus patriam, pietate ornare studeo,</i>	<i>Hinc florent vrbes, hinc regio ipsa nitet.</i>
<i>Et vitæ sanctæ, moribus atque bonis.</i>	<i>Nempe domum dominus debet decorare nitendo,</i>
<i>His addas artes, vitæ quarum indiget usus,</i>	<i>Nec tantum dominum, quàm tenet ipsa domus:</i>
<i>Sic ornes Spartam, cuius amice, tuam.</i>	<i>Sit tamen ambo simul decora hac iungantur in uno,</i>
<i>Hæc de ora exuperant arces, turresque stupendas,</i>	<i>Et domus & dominus nomina digna feret.</i>

Sed operæ pretium est, vt regrediamur ad descriptionem dictæ ciuitatis, à qua paululum digressi sumus. VINARIA igitur, in clytæ Saxonie Ducibus sedem, & domicilium amœnissimum præbens, venustissimis tam publicis quàm priuatis ciuium est decorata ædificijs. Quemadmodum aëre salubri, ita agro non tantum rerum vtilium & necessariarum fecundo (Turingia namque ob fertilitatem, *umen* existimatur Germania:) sed & delicijs, nobilium hominum voluptati mirificè blandientibus, præcellit. Nam præter omne frumenti genus, lata etiam Bacchi, Germanis grata donaria, istidem herbam, vulgo *Weidt*/ quæ non aliâ, quàm pingui alitur glebâ, Lanarum insectoribus abundè præbet. Limpidissimos etiam fontes & aquas, gratissimis fufurris suauiter circumsonantes; Nemora istidem & saltus, ad venatus ferarum, quibus ad admirationem abundat. Quæ quidem grata naturæ, eiusque auctoris dona, Imperatores quondam Augustos, vt hic potissimum agerent, inuitarunt. Prout ex historiarum monumentis de Magno Ottone constat; De cuius etiam patre Henrico Aucupe, qui in Turingia iuxta Arcem *Jechenburg*/ Turingicâ nobilitate ferente suppetias, graui & arduo conflictu, quadraginta Hungarorum militia cecidit. Imperij quoque comitia Otto Secundus, hic VVinariæ, præhibente Lamberto Schaffnaburgensi, celebravit. Neque verò luxurians tantum agri fecunditas, Principes viros huc semper inuitauit, sed & peramœna vrbs elegantia; Politia quam optimè instituta, cæteraque vrbiū amplissimarum ornamenta huc eos potissimum pertraxerunt. Videas hic namque consecrata Numini perangusta templa; Misericordiæ iridem sacrificijs loca publica nuncupata, & amplis dotata redditibus, vbi sunt Hospitalia, Nosocomia, & vbi contagiosis infecti morbis, curantur; Quem rituulus aëri purgando destinatus, permeat. Fluuiolus similiter, vulgo *Die Lotta*/ molinarias exagitans rotas, vrbe ipsam illabitur, quotidiano ciuium vsui, & platearum nitore subietuens, quem piscinæ deinde & foueæ vrbs resorbent. Videas similiter id, quod Politia prouidentiam demonstrat, Horrea quæ stramentis, furiosi Vulcani rabiem alere possent, ex vrbs pomœrijs remota; experientia, quæ optimarum consuetudinum ac legum inuentrix esse solet, credo, cum magno detrimento edocti. Nam Anno salutis M CC XCIX lamentabili incendio vsque adeò deformata V Weinmaria fuit, vt formam vix vrbs retinuerit. Verum is casus magnæ quidem infelicitatis huic vrbi extitit; quod verò temporis successu, non instaurata tantum, sed superbissimis etiam & magnificis ædificijs decenter fuerit ornata, eiusdem splendoris est, & ornamentis. Quo arx etiam accedit Saxonie Ducum magnifica, splendidis ædificijs nitens, numerosæ & amplissimæ familiæ capax; & præsertim amœnissimus, dulcissimusque hortus, præstantissimis herbis, & fructiferis arboribus ordine bello, in quincuncem positus, luculenter ornatus, arcobis ex odoriferis floribus, & medicis herbis haud secus distinctus, quam si vel Apellis, vel Dureri penicillo depictæ forent; cum sepimentis ex rosa, buxo, rosmarino, lauro, eiusdemque generis fruticibus venustè temper virentibus. Aquis etiam ex præterlabente Ilmo fluuiio piscoso, & neis fistulis passim deductis, arborum radices adaquantur. Maximam autem delectationem præbet elegans & pellucida horti medio rufis, ex qua aqua, gratissimo murmure obstrepat, & subiectum in lacum delabuntur, vt adeo incredibilem prorsus illius horti spectatio admirationem habeat.


WEIN MAR.



WINMARIA. FERTILISS. THV
RINGIAE VRBS PRAESTAN-
TISSIMA VVLGO Weinmar

Johann Georgius Reller. Civis. Regensburg. r. d.

MONS REGIVS.



ONS REGIVS vulgò Königsberg, Prutenia, quæ in Sarmatia Europea, primum & nobile oppidum, Bohemæ Rege Ottogaro, vt cum Dabruuius nominat, (Alij Orthacarum & Methonius lib. 3. capit. 53. Primislaum nuncupant) suadente à crucigeris, prima, anno Christi M. CC. LIV. initia sumpsit, excitata primum arce, quæ feroces Prutenorum ceruices, suavi Christi iugo tum nondum assuetæ, in officio retinerentur, eoque à primo inuentore, Mons Regius cognominatur. Pruteni enim Christiana religione violata, Magistroque in Prussia à Frederico Casare constituto ad resistendum impare, vim intolerandam omnibus Christianis domi. forisque vel in Mazouia, vel ad Pomeraniam accolentibus, spolijs cadeque, & strage inferebant, ita, vt in illos Romanus Pontifex vexillum crucis sustolli iusserit. Induit crucē Ottogarus cum Bohemis, & Austriacis, similiter Bruno nuper Episcopus Olomucensis creatus, cum Morauis. Accessit mox in itinere haud procul ab Vratislauiâ Otho Brädeburgensis Marchio, ex sorore Ottogari prognatus, quibus copijs

in vnum coniunctis, procedebat Rex quadrato agmine, sperans futurum, vt Pruteni in aciem obuij prodirent. Quod vbi non est factum, edicit Rex, ne quisquam militum Christianis, eorumque possessionibus noceret, ceterum in perfidos hostes, iure belli vt agerent, datiq; à Magistro ductores, qui recta milites ad agros hostium deducerent. In illis nullum maleficium omisum, donec per agmina duo Prutenorum Duces diuisi, se à longè ostenderunt, repenteq; accurrentes, castra Regis tumultu non nihil turbauerunt: vnde animo accepto, die postero haud segniter aciem instruunt, pugnamque cum Rege conferere audent, in qua post primum impetum sustentatum, qui acerrimus erat, hostes adeo statim animis conciderunt, vt certamine abiecto, alij, quo quisq; potuit, ipsi verò Duces in vicinum oppidum mœnibus munitum perfugerint, in hac fuga, multi viui capti, atque omnes vita à Rege donati quicunque tingi, aut reuerti ad Christianismum non dubitauerunt, ceteri perfidam retinentes pertinaciam, ad internecionem cæsi. Itumque hinc ad expugnandos Duces oppido inclusos, in quo nullum oppidani commœtum præparatum habebant, quò obsidionem paulo diuturniorē possent tolerare. Requirit illi oppidanorum consiliū, qui respondent, se iam dudum deliberaſſe, vt religionem Christianam libentius amplectantur, quàm cum liberis & fortunis intereant. Ergo & nos, inquit, pariter illi manus damus, postea quàm aperte cognoscimus, frustra nos cum Deo pugnare, sequenti die deditiōnem imperataque faciunt. Mane Duces, primum à Brunone Episcopo, aqua & chrismate tinguntur, & vt amici à Rege consalutantur. Post hos cætera multitudine certatim ad fontes sacrum properabat, non ex eo loco tantum, sed ex tota insuper Prussia, quam Rex, vsq; ad mare victor peragranit, urbemque in litore maris præclaram condidit, quam ex titulo suo Regio, montem Regalem appellauit, vt tantò Prutenos in officio retineret facilius: cui oppidum, anno statim sequenti, conuinctum fuit, eo loci, vbi nunc D. Nicolai Fanum conspicitur, sed deficientibus Prutenis, & seditionem aduersus Ordinem Teutonicum, cōcitantibus, Anno Christi M. CC. LX. recens id oppidum exustum, ac dirutum. Vrbs mox alia arci propinqua construitur, vbi oppidū nunc vetus existit. Temporis deinde successu, dum loci situsq; opportunitate, nouæ vrbs dignitas augetetur, aliud excitatum est oppidū, ab hac, Bregla amne distinctum, ab ordinis Commendatore Bartholdo, ex stirpe Austriaca, Anno Christi M. CCC. tunc quidem oppidum nouum, iam vero, die *Lebenicht* cognominatum. Oppidum denique tertium, *Rniphoff* nomine, Anno salutis M. CCC. LXXX. accessit, à celeberrimi nominis Magno Magistro, Winrico Knipenrodē constructum, loco vlignoso & paludoso, quare fistucatis vt plurimum palis nititur. Tria autem hæc oppida, frequentissimo, & opulento habitatore culta, copiosa habent & ampla diuersarum adpellationum suburbia, adeo populosa, vt vno frequenter tecto, (cellas etiam subterraneas inhabitant,) quinque, sex, octo, quandoque etiam decem cōprehendantur familiae. Vrbes hæc tres diuersæ, quemadmodū & suburbia pulcherrimis Ecclesijs, ædificijs item publicis & ciuium priuatis, cocto ex lapide, decorantur, ne incendiij deformentur furore. Arx ipsa, Ecclesiam magnificam exhibet, vrbs vetus, Basilicā Parochialem iuxta, in suburbio Steendam, Fanum D. Nicolai oppidanorum sepulturæ destinatū. In oppido *Rniphoff*, Cathedralis est Ecclesia, iuxta Mœnia, oratorium nouum, cœmeterium ciuium. In *Lebenicht*, S. Barbaræ templū editiore loco conspicitur. Ecclesia noua, in foro equino: Cœnobium quoq; virginum à Knipenrode Magno Magistro, fundatū. Duo insuper alia fuerunt cœnobia, nunc in granaria Ducis conuersa. Arx deinde Magnifica & elegans, proximæ dignitatis, subsequitur: tum Episcopi palatium, & domus conuiuationi publicæ, & suauibus oppidanorum collationibus nuncupata. Vrbs gubernatio, penes ordinem Theutonicum & post diuenditum atq; amissum Marieburgum Magni Magistri residentia hic semper fuit: nunc Pruteniæ Duces hic rerum dominantur, qui vrbs habenas senatorū, suburbiorū autē, Aemptmannorum, quos vocant, administratione gubernant. Ciues præter mechanica exercitia, negotiationem etiā maritimā tractant. Frumenti vim magnā distrahunt, cinerum, picis aridæ, & liquida (*Tharr*/nos Germani vocamus) salis, lini, canabis, ceræ, seui, lignorum, vulgò *Wagerschort*, mellis, medi, ex melle, dulcis est potus genus, quæ omnia Liouonia abundè suppeditat. Lingua vtuntur Germanica; quadam etiam, vulgò *Roslische*, nuncupata, sed, qui ab obsequijs & ministerijs sunt ciuibus, vt natione ac patria, ita quoque lingua sunt diuersi. In regione autē ipsa præualet Prutenica. Vrbs denique ipsa Chrono, seu Bregela, flumine admodum copioso atque piscoso, distinguitur, qui in Venedicū se sinum exonerans, onerarias dorso sustinet naues, cuius margines pontibus septem coniunguntur. Iuxta Arcem, lacus sunt bini, quos amnis *Ratzbach*, vulgò nuncupatus, permeat & Bregla deinde aquis miscetur, Ager vrbi vicinus, gleba, frumento idonea, pascuis, & cultissimis hortis præstat. Planus est, montes hinc inde aliqui, sed non admodum magni confluent.

RIGA.

RIGA Liouoniæ fertilissimæ Metropolis, quam mercatorum Brementium excitauit deuotio, illi siquidē aliquot verbi diuini præcones ad sacram in Liouoniam deduxerunt militiam, milites sine numero, ciues ac mercatores in hoc negotio militantes pro Christo, multi cæsi, Turrim suo sanguine sūt mercati, sæpè perpulerunt hostes crucis Christi obsides dare, pacis subire conditiones. Deniq; effruescēte multorum deuotione, nouum inter se ordinem Crucigladiorum fratrum instituunt, cuius quidem professionis duo ex ordine fuere magistri, quorum primus Vinno, validas in Liouonia arces Segev voldam, Wendā & Aicheradam excitauit. Et dum annis xvij. præfuisset, à latrone domestico, cum sacellano trucidatur. Alter Volguinus arcem Vellinam construxit, ordinis magisterium annis xv. tenuit, grauissimis bellorum agitatus procellis, in conflictu contra Liouones cum decem & octo fratribus cecidit. Deinde, ob nimiam barbararum gentium potentiam, Fratres ordinis Teutonicorum implorati venerunt in Liouoniam, anno incarnationis dominicæ, 1228. quorum ordo Crucigladiorum

torum societatem absorbit, quæ vltro in professionem ordinis Beatæ Mariæ Teutonicorum transijt, quorum habitus pallium album, nigra Cruce insuta, à primo militiæ Teutonicæ magistro, Hermanno Valck, siue Balck, in Liuioniâ transfertur. Illi autem hanc Regionem multo tempore felici gubernatione tenuerunt. Cæterum quod vehementer equidè dolendum, & non Reualiensibus, atq; Rigensibus modò, cæterisq; quos Ruthenorum nondû occupauit crudelitas, Liuioniæ vicis, arcibus, & oppidis, vnicè defendendum. Statim ab initio coniunctionis istius nouæ, priuati commodi studium, intestina dissidia, æmulationes, florentissimarû societatum & vrbium pestes perniciosissimæ, de vrbis Rigensis & totius Liuioniæ inter Episcopum Rigensem, & ordinem rixas excitant. Illi potentiam & vires, quæ contra communes patriæ hostes exercere debebant, in sese mutuis dissidijs, acceptis & illatis clauibus cõterunt. Hinc priuò bellum apertè est natû contra Rigenses & ordinem, an. 1298, & ab oppidanis Teutonicorum magister Bruno, cum LX. ordinis fratribus est cæsus. Nouo deinde orto dissidio, Rigenses Dunemandam ordinis Vicum euertunt, in plurimos promiscui sexus, & diuersæ ætatis homines immaniter delæuiunt. Quare ab Euerhardo de Monhè, Riga arcta absidione septa, ad deditiõem coacta, auita priuilegia amittit, murorum & portarum spoliatur auxilio, arcisq; ædificatione ab ordinis magistro cõpescitur. Rursus, ob nouas seditiones domesticas, ab ordine Riga obsideretur, quæ Stephano Archiepiscopo suo ferente suppetias, acerrimè patriæ libertatem defendens, profligatis hostibus, arcem Rigensem & Dunemandam funditus euertit, ordinis Magister, ob iniquû Rigensibus illatum bellum, à Pontifice Romano Sixto eius nominis quarto, excõmunicatus, à præfectura deijcitur: paulò post, anno salutis 1495. Adolphus de Plettenberch, nouis viribus Rigenses adegit, vt proprijs impensarum sumptibus, arcem, quam Rigæ demoliti erant, restaurarent, Dunemandam proximum Rigæ castrum, Wendâ similiter, ad hostiles sustinendos impetus, muniuit. Anno demum 1556. Rigenses & Theutonici fratres, aperto Marte rixantur, quibus quidem domesticis Christianorum Moscus inuitatus dissidijs, facili nunc negotio, de vniuersa ferè Liuionia triumphat. Atque has quidem calamitates ab his est Riga perpeffa, qui eam initi foederis, & religionis causâ defendere & tueri debebant, cum funesto etiam eorundem ipsorum interitu. Qui quàm crudeles in rusticos tyranni extiterint, quàm misera eos seruitute vexarint (quanquam tamen sint, qui scribant, id duram ipsorum ceruicem poposcisse) quàm segniter hostiles sustinuerint impetus, quàm potenter & strenuè Bacchum nocte dieq; coluerint, quantos in priuatos suorum vsus, thesauros conuerterint: quam turpi fuga elapsi, quam inuictas hosti arces omni comœatu, & ad diuturnas obsidiones ferendas, rebus necessarijs instructas, patentes reliquerint, pudet sâne referre. Ad hæc Vulcani quoque rabie Anno 1557. grauius Riga deformata fuit, vt mirum sit modernam adhuc eius Reip. formam posse subsistere, cum Moscus potentissimus hostis Rigensib. & maximè Reualiensibus, grauius immineat, occuparitq; octuaginta præcipuas nobilium arces, quarum ipsi præsidio ante Liuioniam gubernabant, Moscouiam exercitû impetebant: iam verò nihil Christianis in Liuionia est reliquum, præter ditionem Haringensem cum vrbe Reualia, Churlandia & Semigallia, cum oppido Rigensi, & arcibus fortasse tribus, aut quatuor. Emporium hoc post Gedani Prussiæ, diuersarum nationum frequentatione celeberrimum, situ plano, cuiusmodi est Liuionia ferè tota: Duria, præcipuo & maximo totius Regionis flumine, quale Hamburgi in Saxonia, Albis, alluitur, quod ex Rutenia ortum, duobus infra Rigam miliarib. Oceano Germano permiscetur, vnde summam piscium & cancrorû copiâ, tam præterlabens flumen, quam stagna, & maria Liuioniæ maxima, Rigensibus vicinisq; locis affatim suppetitant. Quæ admodum & ferarum tam frequens vbiq; venatio, vt ea ne rusticis quidem, licet crudeliter à nobilitate habita, vnquam sit interdicta. Incredibilis soli vbertas: quare frumenti sic pretium tenue, quod onerarijs annuatim nauibus, per totam Ostlandiam, Hollandiam, Selandiam, Brabantiam, Angliam, & in Hispaniam defertur. Repecuaria tã est opulenta, vt bos admodum pinguis, tribus daleris, porcus saginatus, dalerum cum dimidio Rigæ & Riualia veneat. Adeò vt Liuionia non meptè, quondam à Germanis, Bliuonia diceretur, vtputa, quæ vbertate & præstantia Soli, ad continuam ibidè residentiâ facile inuitarit Germanos. Illis namque manere, *Wleiben*/appellatur. Est autem à Saxonum gente, & potissimum à Bremensibus mercatoribus Liuionia primum inuenta, qui cum mercandi, & commodi gratia, eò frequentius redirent (Gentem namque incultam & simplicem offendere, ita vt expressam è melle ceram veluti excrementa ædibus eijcerent) Meynradû Zegebergensem Canonicum secum religionis ergo, conduxerunt, qui agresti & incultæ plebi, redemptionè, pacèq; dominicam annuntians; multis superatis difficultatibus, Episcopalem sedem Rigæ constituit, Anno à C.N.M.C. LXX. Quo, cum annis xxiiij. verum egisset Episcopum, morte sublato, ab Archiantistite Bremensi, nouus constituitur præsul Bartholdus. Is, prima Rigæ fundamenta ponens, vrbis formam, murorum ambitu excitauit. Et cum annis xi. commissam sibi administrasset Ecclesiam, crudeli ab infidelibus morte sublatus est. Tum rursus abs Antistite Bremensium, quorum Riga Colonia, tertius designatur Episcopus Albertus. Is ædib. sacris, summaq; Ecclesia Rigam exornauit. Et temporum deinde successu, in eam paulatim magnificentiam Riga excreuit, vt Episcopatum Prussiæ, & Liuioniæ, nempe Reualiensis, Curienfis, Oeseliensis, Derptensis Ecclesiarum sit facta Metropolis, & primum consequuta Archiepiscopum Adolphum, anno salutis M. CC. LV. qui ita ad mare Balthicum Cleri primatum teneret, quemadmodum in Montè Regio, penes magnum militiæ Teutonicæ Magistrum, omnis totius ordinis in Prussia atque Liuionia potestas fuit. Cæterum Teutonica nobilitas, Archiepiscopi gubernationem turbare incipiens, intestinis agitata dissidijs, barbaro hosti, cui ante formidini, tum ludibrio fuit, vt in indice, ob huius loci angustiam, paulò latius.

TIGVRVM.




TIGVRVM, absque omni controuersia vna est ex vetustissimis vrbibus Heluetiae. Domestici annales tradunt, sedecim annis post Treuiorum urbem conditam esse. Treuiros autem Trebetam Nini filium, Abrahami patriarchae temporibus condidisse, Marianus Scotus in Chronicis memoriae prodidit. Tigurinorum quoque mentio celebris est in Romanis historijs; quia & cum Cimbris aduersus Romanos militarunt, & Cassium Consulem profligarunt, & postea à Julio Caesare bello Gallico victi, & caesi sunt: & ab eo tempore, vsq; ad Alemannorum irruptionem, sub Romano Imperio Tigurum fuit, post in Francorum Regum potestatem, & inde ad Imperium illud Germanorum Romanum peruenit. Sunt à Regibus Francicis duo Collegia, virorum vnum, alterum foeminarum, Tiguri instituta, penes haec olim maxima ex parte imperium vrbis fuit. Ceterum in arce, quae ad Limagum edito loco sita olim fuit, Francicorum Regum praefecti habitauerunt, qui Collegiorum & vrbis Aduocati erant. Post sub Germanis Imperatoribus iidem Praefecti dati sunt vrbis & collegijs, non tamen, qui in arce habitarent. nam hoc munus plerumque Principes viri habebant. Ceterum, illis temporibus vrbis nihilominus suum consilium habebat virorum triginta sex, è quibus duodeni quadrimestri tempore imperabant. Fuit haec forma Reip. circa annum M. C. & durauit vsq; ad annum, M. CCC. XXXVI. quo tempore mutata est. Ceterum, illis temporibus paulatim vrbis libertas creuit, atq; collegiorum iugum excutere coepit. in his enim Pontificum & Imperatorum dissensionibus, Tigurini Imperatorum partes sequuti sunt, & Friderico Enobarbo, Friderico II. Ludouico Bauaro adhaeserunt; itaque ab his, priuilegijs & immunitatibus aucti sunt, praesertim à Friderico II. etenim hic, mortuo Berchtoldo ultimo Zeringensi duce, collegiorum & vrbis Tigurinae aduocato, ciues in imperij tutelam recepit, circa annum M. CC. XVIII. Ac postea multa priuilegia Collegiorum, & praeterea ius eligendi Senatum, quod antea penes collegia fuerat, in ciues transtulit, ac statuit, ne vnquam liceat urbem ab imperio abalienare. Friderici etiam aetate ciues urbem fossa, valloque munerunt, communi ciuium opera. Cum autem à Sacerdotibus, qui ciues essent, exigerent, ut ipsi quoque expensas in hoc opus, pro rata sui parte, conferrent, & praeterea eos suspectae pudicitiae mulieres è domibus suis exigere iuberent, ea re illi adeo offensi sunt, ut à ciuibz secessum fecerint. Sed haec lis ab Episcopo Constantiensi sopita est. Ac aliquot annis post hanc controuersiam ciues Tigurini, quod Friderico Imperatori constanter adhaerent, à Pontifice Romano excommunicati sunt. His temporibus, permissione Friderici, vetus arx (quo loco nunc amoenissimus campus rilijs alijsque arboribus consitus cernitur) diruta est, ciuium opera, ne forte aliqui, occupata illa, ciuium libertati infidarentur. Multi item vicinorum nobilium urbem, ut puta sacris abstinerere iussu & omnium iniurie expositam, infestabant. itaque cum antea frequens mercimonium serici panini in vrbe fuisset, multi etiam qui sericum texerent hoc tempore, quod cuncta infesta essent, omne illud mercimonium Nouocomum, ad Larium lacum, translatum est. Illis temporibus, Anno M. CCC. LI. primum foedus Tigurini fecerunt cum Vrijs, & Suijs. Qui quidem, etsi quinto demum loco in foedus sint recepti, nihilo tamen minus, propter vrbis celebritatem atque potentiam, princeps locus, omnium consensu, illis datus est, quem hodie quoque, aucto foedere, retinent in comitijs, legationibus, alijsque publicis actionibus. Ceterum, aliquot annis post obitum Friderici, Conradus huius nepos, Tigurinos, Ducum Sueviae imperio subicere tentauit, ut putatur, titulo Aduocatae, quam olim Alemanniae Duces diu in sua potestate habuere: cum vero illi libertatem suam constanter defenderent, eius opera factum est, ut vrbis à Conrado Imperatore proscriberetur: ab hac proscriptione exemita eam Richardus Anglus Romanorum Rex, qui imperialibus literis, priuilegia ipsorum confirmauit. Anno 1273. Rudolphus Habespurgius, à Septemuiris, penes quos Imperatoris deligendi potestas est, Romanorum Rex concordibus suffragijs, creatus est: hic imperio potitus, Tigurinorum fidei & forti opera in multis bellis usus est, & bello Boemico ducentos ciues Tigurinos inter antesignanos primae aciei collocauit, ac hortatus est ceteros, ut horum virtutem, ante sibi optimè perspectam & cognitam, imitentur; horum maxima pars, eo proelio caesa est, reliquorum insignia honoris ergo, in Franciscanorum templo depicta fuere. Donauit Rodolphus Rex pro veteribus & recentibus officijs Tigurinos multis priuilegijs, & honoris ergo, signum eorum diademate purpureo ornauit, &c. Plura de Tigurina vrbe atque Repub. praeter Munsterum, Ioannes Stumpsius, Iosias Simlerus Tigurinus, & quos celeberrimus nostri aevi Cosmographus, Abrahamus Ortelius, in suo orbis Theatro tam veteres, quam Neotericos recenset, auctores suppeditabunt. Coronidis autem loco, ex topographica Mureri descriptione hoc carmen subicere placuit.

*Sex minus elapsi fuerant, quam mille bis anni,
Vt nouus ex nihilo conditus orbis erat:
Restabant totidem venturi ad tempora Christi,
Si tamen ex illis bis duo lustra feras:
Inclutus heic primum statuit cum Thuricus urbem,
Quae fundatoris nomine dicta fuit.*

*Post, vbi diuitijs, terrae & viribus aucta est,
Huic Tiguri nomen gens Tigurina dedit.
Sapius hac varijs grauiusq; erepta periclis,
Nunc stat adhuc summi salua fauore Dei.
Perge tuos seruare Deus, dum protegis urbem,
Factoto nomen regnet in orbe tuum.*

TURICUS


TURICUS, huc Tu
regum, Caesar, ut
plerique eos tuant,
Tigurinus Pagus, vul
go Turich: vrbis in
Helvetijs vt vetustis
ma, ita maxima, &
omnium celeberrima.



LANDSHVTVM.



LANDSHVTVM, vulgo Landeshutt/ vrbs celeberrimæ & primariæ dignitatis, in Bauaria inferiore, quæ & fertilitate, & incolarum frequentia, superiore Bauaria præstantior, nauigeris & piscosis distinguitur fluminibus: vt Danubio, totius Europæ maximo, Græcis pariter atque Latinis scriptoribus celebrato; Lauacio & Isaro amni, quemadmodum amœno, ita pisculento & rapido. Is magnificam LANDSHVTANAM hanc urbem præterlabitur, magno incolarum comodo & ornamento, tandem Landauiam, Sindelfingium, Monacum, Mosburgum & Mittenvaldium, oppida non incelebria præteruēctus, Istio sese associat. Hanc Franciscus Irenicus, ex quinta Ptolomæi Europæ tabula, Inutrium statuere videtur, cui tamen situs non optimè conuenit. Atque melius proinde Ptolomæi *Ἰνὺτριον*. Auentinus, verè Lynceus Germaniæ, potissimum verò Boioariæ suæ perlustrator, *Mittewaldt* Bauariæ pagum cis alpes constituit. Vrbs autem Landshutum condita est anno partæ salutis M. CC. VIII. à Ludouico Duce Bauariæ. Alij arcem illic à Ludouico Ottonis filio salutis anno M. C. LXXVIII. auspiciatam referunt, & anno M. CC. IV. urbem hanc muro inuestitam fuisse. In ea vt plurimum Illustrissimus Bauariæ Dux Gulielmus, peraugustæ Bauariæ stirpis senior filius residebat, loco nimirum, quem alma rerum parens natura multis beauit muneribus. Ager namque non solum magna varietate Pomonæ, & præstantissimo Liberi patris liquore, deos pariter ac homines recreante, & beata Cereris fruge, sed & pinguisimo ac vberissimo Palis munere luxuriat. Is siquidē natiuus est genius agri, vt lactiniorum vix aliā regio ditior inueniatur, tanta aruorum vbertas, tanta amœnitate latissima vbique prata, viriditate, & copioso vndique gramine contacta conspiciuntur, colles denique feraces, pleni que vitium, areas in planas desinunt, quæ pascua & pabulum armentis præbent, vt hic meritò ager cum amœnissimis vberimisque totius Europæ locis comparari possit. Vrbs ipsa ædificijs admodum vetustis & elegantibus nitet; inter quæ principem meritò locum obtinet summa vrbs Ecclesia, quæ artificiosa structura, & viuo ex lapide visenda, imò stupendæ altitudinis turri conspicua est. Magnificum etiam Illustrissimi Alberti Ducis, in inferiore vrbs parte, videtur Palatium, Nouum vulgo ædificium nuncupatum. Structura est elegantissima, affabre, & Italica architecturæ symmetria scite, subtiliterque ad decus & ornamentum totius vrbs excitata. Cui plurimum etiam ornamentum paucis abhinc annis contulit hortus, extra mœnia vrbs, summa amœnitate præstans, ab Illustrissimo Gulielmo Duce, in dulcissimæ suæ coniugis Lotharingiæ Ducis filia gratiam, paucis abhinc annis, Gallicorum hortulanorum inuentione ac opera confectus, qui exoticis generosissimarum arborum fructibus, herbis etiam peregrinis, plantis ac floribus ex Italia, Hispaniâ, & Gallia allatis, areolis, labyrinthis, operibus topiarijs, florum ac fructuum varietate nitentibus, mira industria distinctus conspicitur. Sepimenta sunt varijs ex arbusculis contexta & reticulata, multis florum generibus, aulæorum instar, variè vestita, rubentibus in super pomis, cotoneis, mespilis, peregrinisque fructibus grauiâ. Quinetiam artificiosissimis statuarum & picturarum figuris magna cum voluptate passim exornatus hic hortus cernitur. Nec odoris etiam suauissimi fragrantia deest, quam passim abundantia Romanæ camillæ, basilicæ, lauri, myrti, rosmarini, florum atque rosarum, & eiuscemodi herbarum ex se fundit natura. Incredibilis denique istius horti amœnitas, decor, elegantia, adde etiam vtilitas, omnem orationis fidem excedere videtur, vt mirandum non sit, quam de causa, cum alioqui multæ sint in Bauaria lautissimæ vrbes, hanc potissimum sibi sedem ac domicilium Illustrissimus Dux cum lectissima sua coniuge delegerit. Sed & delectationem longè maximam exhibet id, quod in ipsa arce, editiore loco constituta, idem ille iam commemoratus Illustrissimus Gulielmus Bauariæ Dux, vnicum nostri seculi decus, virtutisque exemplar, summus rerum delectabilium & extraneorum admirator, bonorumque ingeniorum fautor: & alumnus iam nuper instituit, dum præcipuas eius arcis aulas & conclauia, venustissimis picturis, antiquis ac recentioribus statuis mirificè exornauit, dumque locum, alioqui non magno vsui destinatum, recreationi & oblectamento delegit, adiuturam amœnissimam situs naturam, quam arte & industria ingeniosissimi viri, multigena arte eximij, Friderici Sustris, origine Barau, natione Itali, qui eum ipsum locum quotidianis laboribus, & miris inuentionibus suis, exquisito ornatu illustrauit, dulcissimo fontium vndique discurrentium murmure, diuersarum auium suauiter cantillantium volatu & garritu, alijsque ad delectationem ita comparatis, vt ipsæ Nymphæ vix aliam habitationem sibi delecturæ sint: ac magnificis proinde laudis & honorum elogijs dignus sit, & Illustrissimus Princeps, & ingeniosissimus, talique Mæcenate dignus inuentor & artifex. Huius vrbs descriptionem nobis communicauit Georgius Hoefnagel, Mercator Antvverpianus, qui ad pacis non ad belli artes natus, tumultus Belgicos fugiens, perlustrata Italia, pacifico Principi Alberto Bauariæ Duci sese in clientelam dederat, Arti miniatoriæ, quam illum mirificè sola dotauit natura, pacificè dans operam.



ALBERTO D. G. COM. PAL.
RHENI VTRIVSQ. BAVARIA. DVCI.
VNICO NOSTRI SECVLI MV SARVM ALVMNO
A DELITIIS.
DEPING. GEORGIVS HOEFNAGLE ANTVERPIAN.
VIRTUTE DVCE MAGISTRA NATVRA.
MONACI. A. MD. D. LXXVIII.

PATAVIA

BOLIA M siue Boiariam, sicuti Annales tradūt, Narisci, Vindelici, & Norici inhabitauerunt populi, qui nunc *Bauaria* appellatione innotescunt. In superiorem & inferiorem diuiditur. Superior Alpibus, Austroque subdita, ob paludes, lacus, sylvasque vmbrosas, grata venatoribus exercitia, pecoribus læta pabula præbet. Inferior autē, quia fertilior, & amœnissimis distincta fluminibus, nempe, Danubio, Isara, Lauaceo, Illiceto, &c. maiore etiam incolarum, & nitidissimarum urbium frequentia colitur, & exornatur. Inter præcipuas autem Patauia siue Patauium; vulgo *Passau*, Ptolomæo & antiquitatum inuestigatoribus, Boiodurum, etiam Boedurum. Alij verò eam appellationem urbi Oenana, ab Oeno fluuiio hoc tempore cognominatæ, attribuunt. Quibus & antiquissimus auctor, qui D. Seuerini vitam conscripsit, suffragatur. Adde & hoc tempore vñtatum fluuioli cognomen, qui extra urbem Oenanam qua meridiem spectat, ex vicinis molendinis, inter oppidi portam proximumque D. Seuerini fanum delabatur, & Oeno ibidē permiscetur. *Die Boietra* cognominatus, qui argumētum minimē fallax suppeditat, eam ipsam Oenanā urbē, ab hisce fluuioli obis antiquitus Boiodurū cognominatam. Quo & ædificiorum accedit vetustas, quæ eandē urbē Patauiensi longē antiquiorē, non obscure confirmat. Urbs ampla, elegans atque clarissima, in infima, inferioris Bauariæ parte ad Austriæ initium, in vtriusque nimirum Prouinciæ confinio, inter Danubij & Oeni confluentes, peninsulæ instar, loco cōmodissimo pariter, amœnissimoque sita. Episcopali, cui parēt, cathedra, & amplissima, quæstuosissimaque omnis generis commerciorū negotiatione admodum celebris; tam præstanti siquidem ad negotiationē situ ob fluuiorum, locique opportunitatem excellit, vt quemadmodum ob rapidissimorum fluminum concursum, Lugdunum in Gallijs Gandauum in Flandria, quæstuosā negotiatione florēt: Ita hoc Germaniæ tractu, eodē nomine præ cæteris urbibus commendetur Patauia. Hinc etenim omnis generis merces, vel ex Athesina Prouincia, & Oenana valle, per Oenum flumen, vel ex vicina Boiemia, cū per Illicium, nauigio, tum per montana, iumentorum tergis, aut ex omni reliqua Germania, per Danubium in Austriam, & vicinas regiones copiosissimē deportari solent. Inter Danubij & Oeni confluentes, non secus ac peninsula, loco cōmodissimo pariter amœnissimoque sita. Porrecta est autem Patauia, ob montium eorundemque nemorosissimorum vicinitatem in longum tora, ab Occidente nimirum in Orientem ad passus bis mille ac centum, fluminibus, montibus, ac syluis, tanquam natiuo muro, ab omni parte conclusa. Danubium à Septentrione fere habet, vnde infra arces Episcopales, tertius fluuius in Boiémico nemore natus, Illicius dictus, arcem Hals, per ueteri Comitatu, & Lichenburgensium Landgrauiorum titulo celebrem, præterfluens, ac paulo inferius peculiarem ciuitatulam, vulgò *Jilsch Statt* / constituens, affluit, ibidemque ilico descendenti per Bauariam Danubio associatur. Oenum fluuium amœnissimum lympidissimumque, qui Noricos à Rhetis, & Austrios à Bauaris separat, quique ab urbium, quas præterit plurimas, incolis potari etiam solet, à meridie habet. Hi paulo infra ciuitatem, loco, vulgari *Ortt* / quasi finis vel terminus, dicto, congregiuntur, ambo equidem vndosi, ambo nauigabiles. Danubius lentus ac segnis. Oenus, rapidus, celer, & propter Formbacenses, à vicino cœnobio sic nuncupatas, cataractas, impetuosior. Qui maximo hic impetu, in Danubianas irruit aquas, vt longissimo ab his spatio absorptus, alueum quasi peculiarem obseruet, quæadmodū ex diuerso vndarū colore, longissimo tractu cōspici potest. Porro urbs Patauiēsis, tota antiquitus eiectis è Norico Boiis, à quibus cōdita creditur, Romanorū, vniuersum Noricū olim tenentiū, Colonia fuit: Et Battuorū populorū, qui Batrone Duce, cū Pannonibus bella gessisse leguntur, est dicta Colonia. Postea verò à Bauarorum Duce, Theodene I. magnanimiter recuperata, ac tandē imperatorū munificentia, eius loci Episcopis donata. Patauiēsis verò appellationem et si alij à Batavis, quos Hollādos nūc dicimus: Alij, à Batavis castris. Et itē alij Batavuorū incomparabili duce, Sorano, qui in Pannonijs sub imperatore Aelio Adriano Augusto, bella gessit, alijsque aliunde deriuent, quod ipsis equidem in hac rerum obscuritate, tuendum relinquo: Tamen ex Germanicis duabus vocibus *Pass* & *au* / quarum prior Traiectum, altera, Insulam significat, natam, & à Latine loquentur pro *Passau* & *Passauia*, Patauiam dictam, mihi equidem dubium non est. Id namque vetus loci situs Pulchrē attestari videtur. Certum namque est, Danubium, qui nunc vno tantum alueo Patauiam præterfluit, duos olim eodem loco constituisse alueos, vnum angustiores, rectaque secundum montium vicinorum pedes defluentem, veluti nunc totus defluit versus Illicense oppidum; Alterum verò ampliorem, in dextrum latus, à minore auertum, (cui testimonium perhibet arca antemurana, ad arenas, vulgò, *Am Sandt* / dicta) natura per illam terram ductum fuisse, quam hodie mœnibus ciuitatis inclusam, sub S. Pauli Parochiali templo, vicinoque Tilile to, & ea ciuitatis pars, (quæ noui fori appellatione nota est) & inferior Marca, quæ S. Nicolai oratorio hodie subest, late occupat. Et congressum Oenicum Danubio, eo ipso extitisse loco, qui Oenana ciuitatis supremæ parti, seu initio, ac Boiodurenfi riuo prope quem traiectus erat, recte est oppositus, vbi facellum D. Andree antiquitus (ex quo S. Nicolai monasterium postea natum) situm fuit, hodie adhuc faxis infixi ferrei annuli, & intusa foramina, quibus naues allegabantur, ac funes nautici insertierant, monstrare possunt. Sic Danubius duobus istis alueis, insignem tunc temporis constituēbat, ac egregiè spaciosam insulam. In quam ab Illicensi oppido, ponticulus erat subicius. Hæc insula, cuius is quoque meminit, qui sancti Seuerini vitam conscripsit, iumentis oppidanorum sufficientissima præbens pascua, patria lingua ab ipsis *Auw* appellabatur, prout vñtatum est Germanis Insulas, Augias, quemadmodum peninsulas Vuerdas, cognominare: fuisseque ponticulum supra minorem Danubij alueum, testatur domus honesti ciuis, honorati que senatoris Thomæ Aigner, quæ prima eius loci, & piscatoria fuit domuncula, vt antiquitus, ita adhuc hodiē *Am Steeg* / hoc est ad ponticulum dicta. Fuisse verò & Insulam illic, quæ Illicensibus, ac Boiodurenibus oppidanis pascua præbuerit, testabitur præter D. Seuerini encomiasten, alia insuper Domus, Monasterio S. Crucis Niderburgenis, (quod in infima ciuitatis parte est) vicina, vaccarum lapidis titulo inscripta, & nostratelingua, *Am*

Rubenstein / nominata. Tam vero hoc etiam nemo inficiari potest, ex Boioduro (, quæ nunc Oenana ciuitas est) prope D. Seuerini sacellum, per confluētes traiectum fuisse, ad eum fere locum, quem inferiorem Marchiam hodiē vocant, vicum nimirum sub antemurano S. Nicolai oratorio conspicuum. Eum traiectum Accolæ passagium vulgari lingua *Den Pas* / Et alij *Den Pas anoder gegen der Aum* / nominare soliti fuerunt. Cumque postea in Insula ciuitas condi inchoareretur, nomen ei à traiectu, & ab ea ipsa insulari planicie (vt *Passaum* & Latine *Passauia*, ab alijs verò euphoniæ gratia, *Patauia* tandem diceretur) contigisse omninò verisimile est. In hac autem *Patauiensis* vrbe, Archiantistitis quondam sedes fuit, quæ inde Caroli Magni, & Arnonis Episcopi Salisburgensis temporibus, praxi quadam, quæ multarum deinde contentionum fomenta suppeditauit, Salisburgensi Episcopatu assignatur. Quamquam nihilominus, Carolus ille Magnus licet eius trāslationis vt plurimum auctor fuerit, liberalitate tamen regia vtramque & Laureacensem, & *Passauiensem* complexus est Ecclesiam. Atque deinde Arnulphus Imperator ex Romanorum Rege creatus, & Carolo Crasso patruo suo in Imperio succedens, tertio imperij sui, Christi verò DCCCLXXXIII. vel, vt alij DCCCXCVIII. VVinchirdo Archiepiscopo *Patauiensis*, totam hanc urbem *Patauensem*, vnà cum integro telonio, cum vtriusque sexus mancipijs, molendinis, piscationibus, vineis omnibusque, & quibuscunque alijs rebus ad eam ciuitatem pertinentibus, & quas ipse vel in vrbe, vel extra eam, tanquam proprium possedit, dono dedit. Ad hæc Otto Imperator donat Christiano Episcopo *Patauensi*, omnibusque suis successoribus, eiusdem ciuitatis mercatum, bannum, monetam, teloniam, & totius publicæ rei districtum. Ab Arnolpho itaque Imperatore, ad hæc vsque tempora, Vrbs *Patauensis* Episcopis semper sedes fuit, eiusque loci Episcopo immediatè semper subiecta, illique omni mero & mixto imperio subdita est. Quemadmodum & hodie reuerendissimo, & illustrissimo Principi ac Do. Domino *Vrbano*, è perueteri ac nobili equestri familia *Bauarica Trenbachia*, *Redolphi* optimi, & nobilissimi viri filio, singulari, debitaque obseruantia, vñ Principi, atque adeo Parenti suauissimo paret. Quæ hoc præsertim nomine felix & beata politia censenda est. Quod si enim *Platon*, ex felices, existimantur, *Respub.* quarum moderatores aut *Philosophi* sunt, aut vitæ duci, animique culturæ *Philosophiæ* operam nauant: Iustioribus de causis ex hominum societates atque *Respublicæ* beatissimæ nuncupandæ veniunt, quibus diuina fauente clementia viri *Philosophia* non fucata & superstitiosa, sed sancta & religiosa *Theosophia* illustres cōtigerunt rectores, his præsertim turbulentissimis temporibus in quæ funestarum seditionum & hæresum monstrâ eruūpit. Felix itaque *Bauarorum* *Patauia*, cuius clauum eiuscemodi Gubernator nunc tenet, moderatur, & regit, qui his saculatibus atque scientijs præstat, quarum præsidio plurimi ad optatum salutis portum peruenerunt. Qui rerum Ecclesiasticarum studiorumque cura minimè intermissa, ædificia, vetustate collapsa tam eximie reparat, atque restaurat, vt multo præstantiora illa, quàm prius vnquam fuerunt, resurgant, veteremque magnificentiam atque splendorem multis modis nunc superent. Nam primarium vrbis templum, ædificijs longè magnificis splendidissimisque exornando, simul Religionem fouit, & vrbi *Patauensi* decus addidit. Antistitum quoque Palatum angustioribus ante limitibus comprehensum, ædificiorum nitore, inprimis vero turri visenda, ingenti pecuniarum sumptu adauxit quæ sua sepulchritudine effert, & in tantam sublimitatem exurgit, vt ex ea veluti ex specula, vniuersa *Patauia* conspiciatur, quam bibliotheca insuper omni librorum genere instructissima, exornauit. Quis verò Cathedralis Basilicæ ornamenta hic referat, cuius fastigium ad multos cubitos in cælum euexit, vnde maxima luminis abundantia in fanum ipsum diffunditur pauimentum autem elegantissimo opere, nobili ex marmore construit. D. Stephani insuper Protomartyris magnificam & admirandam noua structura effecit basilicam vt miraculo videntibus existat. Episcopatum denique grandi pecunia & alieno ære varijs in locis pressum, munificentia, & liberalitate sua redemit, possessionibus insuper & prædijs quibusdam adauxit, &c. Deus opt. Max. tantum virum, ad Reipub. Christianæ salutem & *Patauensis* Ecclesiæ splendorem, quàm diutissime incoluam tueatur.

SALTZBURGVN.



SALTZBURGVN, peraugusta Bauariæ vrbs, eruditæ scriptorum tutelæ *Iuuania*; Auenti-
no autem veterum diplomata eò ostentanti, Ptolemæ. *Pœdicum*; cum eam appellatio-
nem vicinum vrbi pagum etiamnum retinere confirmat. Franciscus demum Irenicus
Gamanodurum, quemadmodum & *Badacum* (alias *Pœdicum*.) *Iuuania* dicta, à iugando,
eò, quod sal iuuat. Alij à Iuuaro flu. Teutonice: *Die Saltz*. Vnde Otto lib. v. c. iij. Virgi-
lium quendam vocat Episcopum Iuuaniensem. Dicitur & Petreia: à Ptolomæo *Gaman-*
durum nuncupatur. Hanc ciuitatem Iulius, victis Germanis, ac secundum aliquos, arcem
ibi, Teutonice *Helffenburg* condidit. Attila hanc destruxit, verum à Roberto ipsorum
Episcopo, Anno Domini octuagesimo supra millesimum instaurata est. Hic Episcopus, quem Patriarcham nos
vocamus, residet, & altare, cuius simile non videri credunt, cernitur. A Eneas Iuaniensem & Arninensem dici
ait Metropolitam inter Bauaros, opibus & auctoritate memorabilem urbem. Antoninus Pius in Itinerario
huius vrbs meminit, eam Iuaniam dicendo. Alij etiam hanc urbem Budacum dictâ fuisse, à Ptolemæo, adle-
runt. Hæc Franciscus Irenicus lib. 11. Exegeleos Germaniæ. Solo optimo, montoso, & metallifero hæc vrbs
gaudet, de quo in hunc modum Celtes cecinit:

*Qui mihi de celsis nuper fuit Alpibus actus,
Oenus vbi, atque Athesis, murmur a rauca facit.
Argenti aeterno scaturit quæ vena metallo,
Et ditat totam patriam Alemanicam.
Hic halant liquida, puro de fonte salina.*

*Ditantes Bauaros, Austriaeque Duces:
Hic turba est tetra, nigraque similima morti,
Qui soluunt vastis ignibus æra suis
Haud credas nostris deo octa metalla per ignem,
Sed Phlegetonis mundificata vadis.*

Vrbs est decenti murorum ambitu, turribus & propugnaculis tam publicis, quam priuatorum ædi-
ficiis cultissima: Regia quodam sedes & domicilium fuit, quando & superbissima ex marmore fanorum
structurâ, præ ceteris caput extulit vrbibus. Præstitit hoc maxima fluminis, situsq; oportunitas, de qua hunc in
modum Munsterus: Germanos Iulius Cæsar aggressurus, in faucibus montium arcem munitissimâ extrui cura-
uit, vt milites ad etm refugium & satellites iuuamen haberent. Et castrum Iuanienfe, Germanice *Helffenberg*
appellatum est. Fluius quoque, cui adiacet, Iuuarus dictus, arci nomen dedisse à quibusdâ putatur, à qua ciuitas
inde cõdita, Iuania dicta est. Cum autem ciuitas olim florisset, temporibus Attilæ Regis, Hunnorum sustinuit
incurfiones, vastationes & incendia. Postea circa annum Salutis DXL. cum D. Rupertus, ex Regia stirpe Franco-
rum ortus, Vyormatiensem rexisset Episcopatum, & post obitum Regis Childeberti, à sede Vyormatiensi pul-
sus esset, Theodorus Dux Bauarorum, Ratisbonæ eum cum gaudio suscepit, baptizatusq; est ab eo, vna cū proce-
ribus, & populo. Et circumiens Rupertus Episcopus, per Noricum, vsque Pannoniam, prædicansq; Christum,
plurimos ad fidem conuertit. Veniens autem ad Iuuarium fluuium, vbi olim Iuuania ciuitas fuerat, sed tunc col-
lapsa, virgultis operta, & desolata, contemplansque locum cathedrali sedi idoneum, proprietate eius à Duce ob-
tenta, extirpatis arboribus & vepribus, reparatisque ædificijs, Basilicam in honorem D. Petri construxit. Quin
& coenobium ordinis S. Benedicti, eum munificentia Ducis instituit. Episcopatu annis XLIV. præfuit. Nunc
Archiepiscopatu inclarescit Saltzburgum, qui primæuâ quidẽ institutione Laureaci tum Patauiam, ac rerum
demum vicissitudine huc translatus fuit: Cuius quidem immutationis paulò altius initium referre liber. Cer-
tissimis historiarum monumentis constat, Laureacum, præclarâ & populosam Norici urbem, eo ipso partim
locò in superiore Archiducatu Austriæ, supra Dauubij & Anisi confluentiâ sitam fuisse, vbi hoc tempore Anasi-
anum oppidũ, quod vulgo Ens nuncupari solet, conditum visitur. Ea vrbs Laureacensis, ante incarnationem
Saluatoris nostri Iesu Christi, Ethnicorum Archiflaminum Metropolis fuit. Anno verò post virgineum par-
tum reparata nostræ salutis circa 47. à D. Petri discipulis ac legatis visitata, abrogatis Ethnicis omnibus idolo-
maniis, ad synceram Christianæ fidei professionem conuersa, Christianorum Protostaminum Metropolis de-
signata est. In huius Ecclesiæ ministros, cum antea ducentis ferè annis syncerâ Christianæ veritatis recens per
Christum & Apostolos patefactam doctrinâ latissimè propagassent, Imperatores Philippi pater & filius, multa
non obscura liberalitatis indicia contulerunt. Huic etiâ Laureacensi Ecclesiæ, anno Domini CC. LXXXVIII. post
alios S. Quirinus præfuit, Philippi Imperatoris regenerati ipsius, & ad Christianam fidem conuersi filius, ei post-
eaquam pater crudeliter in fata concesserat, omne suũ patrimonium (cuius termini per Pannonios & Moesios
parebant) munificentissimè assignauit. Labentibus deinceps annis, Noricis & Boijs, ob diuersas Imperatorum in
Christianam plebem persecutiones solum vertere coactis, tandem vero re collectis viribus sua recuperare, seq;
in pristinâ libertatem contra Romanos, auctore & duce Theodoro Bauaro, homine strenuo, & formidabili ac-
ferere cupientibus, omnia bello ferroq; æstuabant, vt nullus prædationum & cædium modus fuerit. Hoc bellum
tempore Theodori Archiepiscopi Laureacensis, qui anno 524. vita excessit, exarsit. Diruto & expugnato Laure-
aco per Theodorum, magnaq; vndique strage facta, in exulcerato isto rerũ statu Archiepiscopalis ea sedes Passa-
uiam translata est. Primus itaque Ehrenfridus anno 170. in Choriepiscopum & Decanum Laureacensem suffe-
ctus est. Postea etiâ Patauiensis ciuitatis & Ecclesiæ Archiepiscopus, tempore Heraclij anno Domini DCCVIII.
constituitur. In crescentibus alijs temporibus (vt rem in pauca contrahã: non enim omniũ Archiepiscoporum
res gestas, aut nomina enarrare, nostri muneris est) defuncto quodã Vvalderico Archimyste Passauiensi, & Lau-
reacensi, anno Salisburgensis Episcopus, de pallio consequendo sollicitè cogitans (fretus opera & auxilio Caroli
Magni, qui eius in legationibus opera plurimum vsus fuerat) à summo Pontifice Leone, multis nominibus
contendit, vt Archiflaminis dignitatem in eum suosque successores conferret, cuius precibus Pontifex acqui-
euit. eumque & suos successores hoc pallio Christiani philosophi decorauit. Ita Archiepiscopalis dignitas
anno DCCXCVIII. de Patauia & Lanreaco (vbi à primordio Christianismi sedem fixam hætenus tenuerat) Sa-
lisburgum translata est. Quæ res maximum discordiarum incendium excitauit, fuitque fomes multarũ litium,
quæ quidem postea non sine maximo totius Bauariæ detrimento extincta & consopita est, Pontifice & Impe-
ratore pacem conciliantibus.

Saltzburg



1. Das Festlich Schloß.
2. Das Kloster Nürnberg.
3. Das Mural Thor.
4. Kumpfen Thor.
5. Kumpfen.
6. S. Nicola.
7. Pfeffer gäß.
8. Im Kgr.
9. D. Hainl.
10. S. Margreth.
11. Angfeld.
12. S. Petrus Kloster.
13. Münch Berg.
14. Tannen Kof.
15. Der Thum.
16. S. Michael.
17. Aßhof.
18. Dörsch.
19. Juden gäß.
20. Die Märkt.
21. Der Alte Hof.
22. Der Franckert.
23. S. Georg.
24. S. Georg.
25. Das Kloster Thor.
26. Das Schloss.
27. S. Johann.
28. S. Andre.
29. Spital.
30. Der Beyer Thum.
31. Kumpfen Thor.
32. Alth.
33. Schloß.
34. Bier.
35. Nürnberg.
36. Sack gäß.
37. Zu Hoff.




RECENS, ET ACCVRATIS
SIMA VRBIS SALISBVR/
GENSIS DELINEATIO.

TRIDENTVM.



TRIDENTVM, ciuitas in finibus Venetiæ prouinciæ, inter montes in planicie posita est muris vallata lapideis, quam ex Septentrione alluit Athesis fluuius, ambitu miliaris Italicæ. In ea vias latas & lapidibus structas, domos vero ita honorificas cernas, vt nouam, non veterem ciuitatem præ se ferat. Tempia satis pulchra conspicias, sed in omnibus ijs parum structuræ. Arcem habet conspicuam, vt domum auream dicas potius, & quam possint, & Imperatores, & reges per commodè inhabitare à Bernardo Clesio Tridentino Præside auctam & illustratam, non multos ante hac annos. Influxit placide in urbem per muros ab Oriente aquæ riuus, super quo ædificia fericea, & molæ frumentariæ multæ sunt, vnde item plurimi riuuli deducuntur per medias vias in vsum, & publicam commoditatem. Super Athesim ad portam quæ dicitur S. Laurentij, pontem habet magnificum, sed ligneum, centum & quadraginta passuum longitudinis. Montes circum se habet niuib. continue obsitos, scopulos, inaccessos, præcipientes, & ita præaltos, vt dicas, coelum summa montium cacumina contingere. Fauces habet duas, quarum altera vergit ad Septentrionem, altera vero ducit Veronam. Planitiem admodum parua, sed ridentem, & arboribus & vitibus mirum in modum consitam, quam Athesis circuit, & lambit vndeque. Promiscua habitantibus lingua scilicet Theutonica & Itala, sed Itali omnes etiam, cum placet Theutonice loquuntur. Tridentum Germanorum sentina: Italarum vero refugium est, cum quid infortunij illis occurrit. Parum frumenti, sed plurimum vini, persuaue habent, album & subrubrum. Per æstatem coelum temperatum est, diebus autem canicularibus, sol apprime feruens. Hyberno vero tempore, propter niuium & glacierum ingentes horrores, vix huiusmodi regio habitari potest: neque satis sunt hominibus hypocaustra ad depellenda frigora, quæ eo tempore tam magna sunt, vt non sinât aquas in terram descendere, sed statim venientes, conuertant in niues. Et, quod datur miraculo, vt patet ipsius ciuitatis per tempus id, aquis omnino careant. Boves & vaccas pro mulis, asellis, & equis onerarijs habent, cum eorum plaustris, tam ad res conuehendas facilibus, vt ad montium cacumina sic properent, ac si essent in planitie, à viarumque publicarum curatoribus ita iuga aprata sunt, vt vsque ad culmen accessibile, quorumcunque montium ab eisdem iri possit. Nunc demum ciuitas ista & opulenta & clara effecta est propter Concilium, quod in ea fuit per plurimos annos vt infra indicabitur. Eum verò Paulus Gerardinus sic describit. Urbem Tridentum ad Athesim, loco amœno, & salubri positam, quam in decima Regione Italiæ inter populos Mediterraneos, Plinius & Strabo collocant, Gallos condidisse scribit Trogus, alij Rhencos, qui Duce Rheto in Alpibus sedes figentes, Rhetici nomen dedere, sed auctam post fuisse à Brenno, Duce Gallorum. Vt vt se res habet, ciuitas est per antiqua, quæ à primordio varios sortita gubernandi modos, tandem imperij Romanorum, cui diu subiecta fuit, inclinatione cessit Ostrogothorum potentia, quorum Rex Theodoricus, vt regnum suum ab eo latere tutius redderet, cinxit eam muro è lapide quadrato, vt etiamnum licet videre, non ineleganter, complexus circiter mille passus, forma propemodum arcuata, munijsque Castellum Verrucæ, ex altera fluminis ripa, Tridento imminens. Post eiectionem ex Italia Ostrogothis, subiugarunt hanc ciuitatem Longobardi, tituloque Ducatus Imperio suo subdixit, tenuerunt. Sed & his cum eorum rege Desiderio à Carolo Magno profligatis, postliminio ad ius redijt Imperatorum, ex quo initium opibus amplificandæ Ecclesiæ Tridentinæ. Nam Carolus Ripam oppidum ad Benacum, Valles quasdam, & Iurisdictiones pro sua in Deum pietate atque Ecclesiis munificentia, Episcopo largitus, & præclarè de hac ipsa Ecclesia est meritis, & successoribus suis Imperatoribus, Regibusque Romanorum præbuit documentum liberalitatis. Sed supra ceteros eminebat liberalitas Conradi Saxonis, eius nominis II. Imperatoris, & Franciæ Orientalis Ducis, qui comitatum Tridentinum, seu Ducatum, seu Marchionatum, item vallem venustam, ac Bolzatum Ecclesiæ huic donauit, ius prophanum, quod temporale vocant, sacro & spiritali coniungens; quam donationem deinde ratam habuerunt Sueuici sanguinis Imperatores, Fridericus primus & secundus. Habiti sunt de hinc Episcopi Tridentini Principes imperij, ijsque ab Impp. diplomata (Regalia appellant) vt ceteris Principibus data. Et vt huius tam insignis Ecclesiæ status perpetuò tutior, securiorque persisteret, adscitus est ei defensor, & protector vicinus Comes Tyrolis, cuius potètia atque auctoritas ipsi Episcopo & Ecclesiæ ad omnes casus esset præsidio. Hoc Onus vt alacris susceperet Comes, ornatus fuit ab Episcopo beneficijs minimè vulgaribus, Castris videlicet, atque iurisdictionibus: ex quo inter ipsos comites & Episcopos ad totius prouinciæ, & dominiorum securitatem nata est mutuò succurrendi, atque auxilium ferendi necessitudo. Exercet itaque Episcopus præter spiritualem iurisdictionem etiam temporalem, quam acceptam fert Imperatoribus, quos solos ac supremos in ea re dominos agnoscit, & honorat. In spiritalibus porro est illi Metropolitanus patriarcha Aquilegiensis. Et quanquam ciuitatem Tridentinam antea spectabilem multa reddebant, vt templum Cathedrale operis exquisiti sancto Vigilio Episcopo & martyri consecratum, Collegioque Canoniorum, vel nobilitate generis, vel doctrina illustrium, ipsius Episcopi liberam electionem habentium insigne, & in quo sancti huius, atque eius matris sanctæ Maxentiæ aliorumque sanctorum corpora & reliquiæ præcipua in veneratione habentur, vt item in templo Diui Petri, quod Germanorum est, B. Simonis pueri ante annos centum à perfidis Iudæis martyrio coronati corpus multis miraculis clarum: vt, Arcis quam Episcopus inhabitat magnificentiissima, regique palatij in modum structura, vt ædium priuatorum elegantia & commoditastanta, quanta in nulla alia Ciuitate meliori qualis est hæc, reperiri affirmant illi qui plerique orbis regiones, Ciuitatesque peragrarunt: vt riuuli, lateas omnes silice concinnè stratas pereanni decursu irrigantes, atque immunditiem omnem abluentes:



huius tamen ciuitati tantum addidit celebritatis sacrum & oecumenicum superioribus annis in ea habitum, finitumque Concilium, ut propterea inter præcipuas Europæ Ciuitates merito debeat numerari. est quidem alpestris huius regionis situs, sed tamen præter aeris miram salubritatem, ijs abundat ad viuendum commoditatibus, ut paucis æquali magnitudine Regionibus debeat inuidere, nam frumenti, olei, lactis, carnis tam altitilis, quam ferinæ, piscium quoque & omnis generis fructuum ea hic est præstantia atque copia, ut VII. S. R. E. Cardinalibus, inter quos quinque erant Sedis Apostolicæ legati III. Patriarchis, Archiepiscopis XXXIII. Episcopis CCXXXV. Abbatibus VII. Ordinum generalibus VII. Theologis, tum secularibus, tum Regularibus CXLVI. Ferdinandi Cæsaris, tam Imperij quam regnorum suorum, Hungariæ & Bohemiæ nomine, Regum Galliæ, Hispaniæ, Poloniæ, Portugalliæ, Venetorum, Ducum Bauariæ, Sabaudiæ, Florentiæ, aliorumque Ecclesiasticorum Principum, item Heluetiorum VII. Cantonum oratoribus, eorumque familijs, quæ in vniuersum quatuor millium capitum numerum excedebant, cum omnium admiratione com meatus, aliæque ad sustentationem necessaria suppeterent. Gens ipsa hospitalis est & aperta iras quacunque de causa conceptas facile remittens, in quo Germanicam ingenuitatem refert, quæ si quo valet ingenio, id ad publicam rem priuatamque amplificandam conferret studiosius, futurum esset, ut Ciuitas hæc propter ipsius situm fluminisque opportunitatem, vicinas opibus vel superaret, vel cerre æquaret. Argumento est, quod qui hinc egressi peregrinis in Regionibus versantur, alij optimarum disciplinarum egregia cognitione, alij virtute bellica militiæque officijs etiam primarijs, alij negotiatione, alij alijs bonis rationibus, & rem, & existimationem non parum auxerunt. Ac fuerunt inter eos omni tempore viri, & sunt qui propter Sacrarum, & Ciuium legum, vel artis Medicæ scientiam: hi Imperatorum, Regum, aliorumque magnorum Principum tuendæ sanitati periti custodes accersiti, illi iuri dicendo, legationibus, alijsve honestissimis muneribus præfecti, laudem magnam retulerint hodieque similibus ex functionibus referant. Præter ius commune habent Tridentini leges municipales, quas eisdem Episcopus tanquam ipsorum princeps confirmat. Vtitur ciuitas hæc Idiomate Germanico & Italico, utpote ex his nationibus conflata, quanquam longe sit maior numerus Italarum. Et quod in Ciuitatibus limitaneis perrarum est, tanta est vtriusque sermonis puritas, ut vel media Germania, vel Italia vix audias purius loquentes. Portas habet quatuor Sancti Martini, Sancti Laurentij, Sanctæ Crucis, & Aquilanae. Xenodochia quatuor, Parochias item quatuor sancti Vigiliij, sancti Petri, sanctæ Mariæ Maioris, & sanctæ Mariæ Magdalene. Monasteria in ipsa Vrbe duo, sancti Augustini, ad sanctum Marcum virorum, & ad S. Trinitatem mulierum obseruantium. In suburbio quinque, Cruciferorum, sancti Dominici, ad sanctum Laurentium sancti Francisci Conuentualium, & alterum Obseruantium ad sanctum Bernardinum. Item S. Clara, ad sanctum Michaellem. Numerat Ecclesia Tridentina à Iouino primo Pastore, & Episcopo instituto à S. Hermagora eiusdem Ecclesiæ fundatore, nunc nonagesimum septimum, Ludouicum ex Baronibus Madrutij, in ipso Episcopatu oriundum, S. R. E. Cardinalem apud sedem Apostolicam Nationis Germaniæ Protectorem, virum in quo siue doctrinæ in Theologia, ac Philosophia, omnibusque liberalibus disciplinis excellentiam, siue rerum maximarum vsum, siue pietatem in omnes, siue denique religionis Catholice amplificandæ studium spectes, nihil queat desiderari, licet aliquot ordine sequentes ipsum Iouinum sine mitra Episcopali præfederint huic Ecclesiæ. Inter Episcopos præcipue celebratur memoria sancti Vigiliij, doctrina, Martyrio, & miraculis clari, cui dicatum est templum Cathedrale, & anniuersarium festum VI. Kal. Iul. institutum. Et quamquam Ecclesiæ huius opes magna ex parte temporum iniuria sint diminutæ, manet tamen adhuc illi dominium Ciuitatis, & eius Prætura subiecti Territorij Oppidorum Ripæ, Trameni, Pertini & Leuigi. Vallium item Nanni, seu Annaniæ, Solis, Lagarini, Iudicariarum, Flemarum & Randenæ, in quibus vallibus permultæ sunt parochiæ populosæ, & Arces, Nobilium virorum sedes. Ecclesiæ huius beneficiarij seu vasalli etiamnum sunt Comes Tyrolis, Dux Mantuæ, Comites Archiepiscopi Lodroni, Comites de Lichtenstein, Barones de Madrutio, de Wolckenstein, de Welsperch, de Firmiano, de Spauo, de Payrsperg, Nobiles domini de Gresta, de Biseno, de Thono, de Artzio, de Clesio, aliique complures, Castra, iurisdictiones, Decumas, Prædia, Possessionesque ab Episcopo in feudum recognoscentes. De Tridenti etymologia sic scribit Princius in historia sua Tridentina: Coniectura est à tribus torrentibus ex propinquis montium iugis propè Urbem cadentibus, Tridentum, quasi Torrentum vocatum fuisse, quarum vnus per portam Aquilæ in moenia delatus, angusto alueo per mediam urbem Athei commiscetur, alius qui Fersina appellatur, muros præterlabitur, tertium paulò longius delabentem, Seletum nominant. Alii existimant à tribus dentibus appellatum, quod inter tria montium cacumina positum sit. Sunt, qui à Tridente illi nomen datum fuisse disputant, quod ea Ciuitas à principio fuerit Neptuno dicata. quod ut facilius persuadeant, verisimili vtuntur argumento: aiunt enim, sicuti Randenenses Saturnum, ita Tridentinos Neptunum coluisse, quem Deum Tridente vsum fuisse fabulata est antiquitas, ad hanc coniecturam validum adferunt testimonium, affirmant enim, eo in latere templi D. Vigiliij, quod forum respicit, extare lapidem, ut licet videre vetustissimum, & aliqua in parte corrosum, in quo cernitur Tridentis forma, quo facile ducimur credere, Neptunum olim à Tridentinis, ut Deum cultum fuisse, atque inde urbem nomen traxisse.



VERONA.



ERONA, Cenomanorum vrbs in Gallia Cisalpina, siue, vt hodie vocant Lombardia, à nobilibus Thuscis initio condita, & à Vera, nobili Hetrusca familia, Verona denominata, vti Cato, Semproniusque scribunt, ac deinde pulsus, ac profugatis suis sedibus Thuscis, à Cenomanis resecta & aucta, vt Liuius & Trogus testantur. Venetorum ditionis, vrbs, vt Strabo lib. 5. amplissima; vt Martialis scribit, magna, cum inquit, Tantum magno suo debet Verona Catullo, Quantum parua sua Mantua Virgilio. Tacitus, lib. 13. Coloniam validam appellat. In vtraque Athesis ripa, magnifice extructa, & pontes quatuor, ripas ipsas coniungunt. Qui quidem (vt Virgil. eum vocat) Athesis amœnus, vt Veronam penè mediam diuidit, sic tandem quoque circumquaque cingit; itaque hodie vrbi custodia, ornamento, & vsui est. Qui eam quondam non interfecabat, verum prope moenia labebatur, Veronam ipsam ad ortum relinquens. Quod apertissime patet ex fundamento latissimo muri, per medium Athesin deducto, non procul à ponte Castri veteris, quod & hyemali tempore decrecente aqua conspicitur. Cuius etiam plurima inuenta fuere vestigia. Præterea anno 1512. amnis ipse adeo excreuit, vt aquarum exuperantium æstuoso impetu, pars murorum fossæ castri veteris fuerit deiecta, prope templum S. Zenonis, & nisi tot murorum obstacula fuissent, alucum repetiisset antiquiorem. Scribit etiam Paulus Diaconus, Athesin fluium tantum excreuisse, vt circa Basilicam B. Zenonis, quæ apud Veronensis vrbs muros sita est, vsque ad supremas fenestras aqua pertingeret, sed vt B. Georgius Pontifex perhibet, in eandem Basilicam minimè penetraverit, Verona etiam à priscis veræ religionis cultoribus, parua Hierusalem vocitata fuit; siue verè similitudinem quandam cum ciuitate sancta, situ & murorum ambitu perspexissent, siue impositis iisdem nominibus, certis quibusdam locis, religionis zelo, erga ciuitatem sanctam pie fuisse affecti viderentur. Hinc vallem illam ad montem, cui castrum S. Petri subiacet Dominicam appellare: montem vero, cui mox Rochi sacellum nomen dedit, Caluarium dixere, tresque in eo cruces, ex imitatione erigi, ac constitui voluerunt. Prope vicina est ædes, Nazareth dicta. Nec longe S. Ioannis paruum Phanum extat, Bertheleem vocatum. Inde parum distat sepulchrum. Propter quæ omnia, & qui plebiscita municipalia condidere, parua Hierusalem appellauerunt Veronam. Quæ situ est optimo, iuxta colles, qui ad austrum conuersi sunt, colonis laetis, ac nobilibus ædificiis, magnificis, ac splendidis, inter quæ peruetusta Cathedralis ædes, eximiaque S. Anastasii sodalium Prædicatorum. Habet multa insigniaque; vetustatis monumenta, inter quæ Amphitheatrum, quod vulgus Arenam vocat, iuxta forum Boarium, plane admirabile & stupendum opus, inter omnia, quæ in Italia, aliisque Europæ partibus extare creduntur, integerrimum minusque temporum iniuria, aut Barbarorum furore laceratum. Vt autem incredibilis huius amphitheatri capacitas, ab iis, qui eiusmodi nunquam conspexerunt opera, penitus cognoscatur, placet ex lib. 2. de amplitudine vrbs Veronæ, ex Torello, pauca quædam excerpte. In gradibus, inquit, ipsis amphitheatri, hominum 23184. sessionem commodam signari potuisse comperitur, cuique hominum, spacio pedis, cum dimidio attributo, demptis etiam portarum spaciis, vt per eorum commensurationem colligi potest. Capacitas enim supremi gradus, in circuitu perticarum CLXXXIII. reperitur, mediæ autem XXI. à superiori descendendo perticarum CXLII. cuilibet portarum latitudini assignatis pedibus quique, cum sesquipede, quæ cum numero XLVIII. sint, passus XLIV. in se continent, quo numero duplicato, sic altitudine ipsorum duorum graduum existente, exeunt Perticæ LXXXVIII. Gradibus itaque omnibus, à primo ad vltimum reductis ad computum mediæ, Perticæ 5796. reperiuntur, sicque spacio pedis cum dimidio, cuilibet homini assignato, 23184. hominibus, comoda in hoc amphitheatro sessio datur. Hæc ille. Conspicitur item Veronæ arcus Triumphalis, in cuius inscriptione, ea ipsa, [Colonia Augusta Verona noua Gallieniana] nominatur. Quin & alia quam plurima vetustatis indicia ac visenda monumenta, in vinariis ciuium cellis, & subterraneis locis quotidie hætenus inuenta sunt, & etiamnum frequenter offenduntur; vt numismata, vitra, urnæ, lampades, frusta quam plurima simarum, coronarum, denticulorum, stylobatorum, epistylorum argutissime elaboratorum, cæterarumque huiusmodi molium, viuo ex lapide, & ex pario marmore mirifice sculptorum. Et, quod mirabile visu fuit, cum propugnacula in hac vrbe à Venetis ædificarentur, quo tempore Veronæ, pulsus Germanis, recepta fuit, in fossis quæ tunc excauabantur, innumerabiles speluncæ, & cauernæ reperiuntur, quasi tophus ille, iuxta quem fons est, qui à Ferro nomen habet, per has veluti casas habitaretur. Aliud insuper hoc loci admiratione maxima dignum videre fuit. Cum eodem namque in monte fodere-tur, spectabantur Echini lapidei, Paguri, conchæ, cochleæ, ostrea, stellæque; pisces, auium rostra, & id genus alia passim. De quibus quædam in indice commentabimur. Aëre Verona tenui gaudet, gens perlauta, magnifica, splendida, iucundo aspectu, ingenio summo, maximeque ad literas idoneo: rebus omnibus, non solum ad vitam mortalium necessariis, sed etiam ad delitias, & voluptatem vtilibus abundat. Fundatissimas alie familias permultas. Agro est optimo, frumenti, vini, olei, cæterarumque frugum maxime fertili. Vellerum quoque copia pernobilium affluit, vnde maximum incolæ faciunt quæstum. Plura de florentissima Veronensi vrbe, Leander in Marchia Tarufina, auido lectori suppeditabit. Quemadmodum & quatuor peculiaribus libris, Torellus Saraynas, vir præcellentis ac curiosi ingenii; qui de origine, amplitudine, viris illustribus, de dominio, & monumentis antiquis patriæ suæ, peculiari omnium operum commemoratione facta, singulorum etiam picturam, Ioannis Carotti, graphidis peritissimi opera, repræsentans, tanta diligentia scribit, vt ne curiosissimus quidem, in ea narratione quidpiam desiderare queat.



1. Castellum s. Felicii
2. Castellum vetus
3. Cas. Ellum s. Petri
4. Villa Franca
5. S. Mantua



AMPHITHEATRVM IN FORO BOARIO SIT. VM.

PISA VRVM.




ISA VRVM elegans Piceni vrbs, cuius quidam appellationem ab Isau-
ro amne quo alluitur, addita P. litera, formatam existimant, conditamque à
Romanis anno eorum vrbs D. C. XXXIII. posteaque Coloniam ab ipsis
effectam, cum Mutina, Parmaque, vti Liuius tradidit. Inter hos Colonos fu-
isse Lu. Actium Poetam Tragicum, parentibus Libertinis natum, Eusebius
scribit. Nec defuere, qui Farnatiani castelli, Pisauero finitimi nomen, æuo
nunc corruptum, ab Actio manauisse, tanquam prius *Actianum* sit dictum,
existimarint. Vnde antiquitus quidam hanc Farnatianam appellatam prodi-
disse videntur, sed mehercle vehementer aberrant, aliter enim ac Pisaurum à nullo auctore classico
nominatam constat. Liuius multis in locis Pisaurum memorat, maxime, cum Ful. Flaccum Con-
sulem viam Pisauensem strauisse, templumque Iouis Pisauri ac Fundis ædificasse, itemque ad Pol-
lentiā adduxisse aquam scribit. Cæsar etiam in Commentarijs alijsque veteres plurimi, huius vrbs fe-
cære mentionem. Dirutam à Totila, refectamque à Belisario, Procopius, & Blondus auctores
sunt. Vrbs nunc est ædificijs lauta & elegans, in qua munitam atque pulchram arcem ad Iustus Io-
annes Sfortia condidit. Et Franciscus Maria firma eā moenibus cingere cœpit. Curiam habet sump-
tuosam aliasque præterea nobiles ædes, sed cœli grauitate vehementer laborat, præcipueque men-
sibus æstiuis vt adeo paucissimi hic mortales annos quinquaginta superare, nec multi ad eam æta-
tem peruenire soleant: quam obrem æstuantē aëre, potissimeque sub Canicula, tot absuntur pu-
eri, vt absque ingenti dolore commem orari nequeat, vnde nimirum Catulli illud est ad Iuuentium:
Præterquam iste tuus moribunda in sede Pisauri Hospes, inaurata pallidior statua. Putamus tamen etiam
nos incolarum huius loci breuē vitam cursum, non modo ab cœli grauitate, sed etiam à copia fru-
ctuum optimorum ac suauissimorum, quibus immodicè vescuntur, proficisci. Generantur enim
hinc in corporibus humores noxii, quos deinde perniciales morbi consequantur, necesse est. Ager
vrbs peramoenus & vndique propemodum vitibus, ficibus, oleis, ac alijs id genus arboribus fru-
ctiferis refertus est, è quibus cum suauissima vinā, tum alij fructus optimi percipiuntur, inprimisque
mira copia ficum, quæ arefactæ, tum huic vrbi vniuersæ sufficiunt, tum etiam exportantur & apud
Venetos, Bononienses, totaque in Flaminia magno in pretio sunt. Pisaurum certis anni temporibus
ad mercatum Italici, Illyrici aliarumque partium negotiatores conueniunt, propter locum mari cō-
uehendis mercibus valde opportunum. Diu imperio Malatestarum illustris familiæ habitam constat,
ex qua Malatesta Pandulphi F. vir mirifice cum doctrina, tum moribus exornatus, tres filios gene-
rauit, filiam vnā Paulam Mantuani Marchionis coniugem. Ex Malatestæ filijs Galcatus partim
pretio, quod viginti millium aureorum nummum fuit, partim dotis Constantiæ nomine, Pisaurum
Alexandro Sfortiæ, Francisci, qui deinde Mediolani Dux factus fratri tradidit, vt Gorius & Sabelli-
cus scribunt. Alexandro filius in dominatu successit Constantinus, vir literis & virtutibus præditus,
à quo plurimum vrbs ædificijs exornata fuit. Comitē is habuit Camillam, illustrem ac eruditam
mulierem ex nobilissima stirpe Arragoniorum Neapolis, cuius nuptiæ tam magnificum habuere
apparatum, quam maximum Regi cuiquam potuisse fieri arbitror, quemadmodum ex illorum so-
lemnium auditu lectique iucundissima narratione scripto vernaculo, per vniuersam Italiam diuul-
gata, intelligere est. Iustos liberos Constantinus non habuit, nothos autem duos, Ioannem atque Gal-
catium, è quibus natus maior Ioannes Philosophiæ studijs mirificè deditus, cum paternum princi-
patum auctoritate Pon. Max. assumptum diu tranquille gessisset, eo à Cæsare Porgia Pontificis A-
lexandri VI. filio deiectus est, qui & sororem illi suam Lucretiam à Pontifice desponsatam abstulit,
falso criminum quorundam insimulato. Sed Alexandro Pontifice mortuo, cum à Venetijs, vbi aduer-
sus temporibus constiterat, adducta simul vxore Geneue Teupola lectissima optimaque muliere,
Pisaurum rediisset, humanissime est à popularibus exceptus, ac vrbs imperio aliquandiu mirifica-
tus lenitate agitato decedens, Constantium filiolum, ex Geneue successorem reliquit: quo non
multo post etiam defuncto, mater spretis mundi vanitatibus, religioni D. Claræ Morani virgineo
multis annis vsque ad vitæ finem, operam dedit. Constantino mortuo, gubernationem Reipublicæ
Galcatus patruus suscepit. Sed quoniam imperij confirmationem, à Iulio Secundo Pont. nullo pa-
cto impetrari posse videbāt, cum illo bonis conditionibus ita depactus est, vt vrbs in potestate esset
Pontificis, à quo mox Francisco Mariæ Roboreo nepoti, pro magna vi pecuniæ, quam ei nomine sti-
pendiorum Ecclesiæ Romanæ debebat, omnium etiam Cardinalium voluntate & assensu collata
fuit. Hunc post obitum Iulij, Leo X. successor, possessione spoliavit, vrbsque dominatum Laurenzi-
no nepoti suo tribuit, à quo in extremis fratri patrueli Iulio Medicæo Cardinali assignatus. At è vita
deinde sublato Leone post C. N. M. D. XXI. anno Franciscus Mariæ protinus ad pristinum Imperium
reuersus, mirificaque suorum lætitiā receptus, in eo ad vitæ finem vsque magna foelicitate ac inclyta
iustitia fuit, similemque reliquit successorem filium, magna virtute Principem. Ingenia tulit magno
numero celebria, cum primis Aduinum summum Medicum, & Pandulphum Collenutium, Græcis
Latinisque literis, quod eius scripta testantur, pereruditum. Scripsit de machinæ tormentariæ, quam
bombardam vocant, inuentione, item Baretam aduersus aulicos lingua vernacula, cum història
Neapolitani regni. Pisaurius quoque fuit Petrus Barmiantis, excellens poeta, superioribus annis de-
functus. Extra portam vrbs quæ spectat in occasum, annis est Folia, priscis Isaurus appellatus, præter-
quam Plinio, qui in sexta regione Pisaurum vti & oppidum nominat. Oritur Appennino fonte, iux-
ta Corili arcem, moeniaque Pisauri alluit, vbi pons lapideus viam Flaminiam, itemque Picenum cum
regione Flaminia iungit, moxque mari illabitur, ostio sæpe arenâ fluctibus deferentibus adeo cōplētō
obstruatoque, vix vt exiguas recipere nauculas queat. Finis Anconitanæ Marchiæ principiumque
Flaminie est.





O R I V E T V M.



R I V E T V M, Mediterranea Thusciae ciuitas, Catoni Oropitum dicta, Desiderio Longobardorum Regi in edicto Orbitum. Annii Oropitum scribendum ducit, ab Oropito Pelasgorum vrbe in Achaia. Desideriumque Regem, per syncopen, p. consonante in b. mutata, reiectaque vocali o. dixisse Orbitum. Hinc consuetudine Graecorum, qui b, pro u, pronunciant, vti etiam multi Italiae populi, Oruitum factum, ac dein, euphoniae gratia, vocali e addita, Oriuetum, quod Latinis vrbs vetus est. Leonardus Aretinus & Blondus aliter scribunt, vrbem hanc à Florentinis ortam, nec supra mille annos ante se uatos, eius memoriam inueniri vllam. Volaterranus Herbanum esse Plinij, iuxta Ortam, censet, idque multorum auctoritate confirmat, qui non solum vicinitate locorum, sed etiam nominum similitudine ducti, ac si Oriuetum, pro Herbano, vel Herbana, dictum sit, idem credidere, praeterquam quod antiquum aedificium esse patet, unde quoque non difficilis coniectura capi queat, Herbanum esse, cum hoc sita quae propinquum Ortæ oppidum sit nullum. Alij vrbem veterem dictam aiunt, quod veteranis olim, ad quietem reliquæ vitæ incolenda fuerit assignata, propter coeli salubritatem. Et hi etymon nominis ad veteranos referunt, quorum in numero est Facius Vbertus, inquitens:

*Vrbs Oriuetum alta est, & præceps,
Nomen à Romanis accepit veteranis,
Qui propter aeris temperiem concessere.*

A Procopio ciuitas Vrbeuetana dicitur, & Vrbibentum. Sita est autem in excelsi præcipitisque montis spatiosa in vertice planitie, sine muris, quorum vicerupibus vndique præruptis altisque cingitur, natura hoc modo creatis, vt ex summa crepidine despectum in ima perquam horribilem habeant. Caelo est iucundissimo, praeterquam autumnali tempore, quum in amne finitimo Palia cannabis solet macerari: tum enim aer eo foetore corruptus, colonis permolestus est. Templum hic sumptuosissimum, cuius frontem pernobiles ex marmore statuae, summorum artificum operis elaboratae, decorant. Inter cætera est historia costæ Adamo extractæ, ex qua summus conditor Euam figurauit. Hæc tanto artificio facta sunt, vt haud putem humano ingenio vinci posse. Templi fenestras alabastricae sunt, non aliter, ac vitrum perlucida. Seruatur hic magnis honoribus linteum, quod Bolsenæ miraculo magno sanguine est intinctum, ex hostia sacrosancta stillante. Id, quotannis, die, qui corpori Christi festus agitur, per vrbem, ingenti cum religione deferunt, memoriae tanti miraculi causa. Sunt hic aedes splendidissimæ ab Urbano V. Pontifice Maximo factæ, M. LXVII. post C. N. anno. Vrbs frequens olim admodum fuit, cæterum a uorum nostrorum memoria, partibus Mussatorum & Marcolinorum perniciosissimis desolata propemodum, per plurimas illarum inter se cædes, expulsionisque: quanquam extinctis deinde factionibus, paulatim inter res pacatas, satis se tum populo, tum opibus refecerit. In planitiem hic præcipiti via deuenitur ad Paliam, qui amnis à Catone *Pelia* vocatur, & infra Oriuetum in Tiberim cadit.

L A V R E T V M.



L A V R E T V M, inter Ricinetum & mare, haud procul à Masone fluuio, indyctum toto Christianorum orbe Fanum, in colle D. Mariz Lauretanæ iacet, fortissimo muro cinctum, cum vico, quem ferè caupones, stabularijque, ac diuersorias tabernas exercentes, incolunt, ad eos, qui quotidie ex omni Europa, præcipua tamen frequentia primi veris & autumnalium temporibus, huc votorum causa veniunt, excipiendos. Situm eo in loco, vbi olim, vt quidam censent, Cupra montana fuit, à Plinio in Picenæ quintæ regionis mediterraneo, descripta, simulque propter aliam Cupram maritimam, montana cognominata. Sunt etiam, qui in D. Mariz Lauretanæ fani loco, prius ædem Iunonis Cupranæ fuisse tradant, à veteribus religiosissime cultam, vt Petrus Marsus ad hunc Silij versum notat: Et queis littorea fumant altaria Cupræ. Scribit enim, Cupram oppidum, ad mare quondam templum habuisse Iunonis, Thuscorum aedificium, qui Iunonem Cupram nominabant, ideoque Poetam, illic altaria fumasse, dicere, quoniam Cuprani, Iunonis colebant sacra. Verum enimverò, quod Cupram oppidum esse ad mare dicit Marsus, in hoc eum falli, cum alijs quibusdam animaduertendum est, qui immemores, duas Ptolemæum in Piceno Cupras designare, montanam, atque maritimam, non de alia, quam littorali Cupra cogitauere, cum tamen Iunonis templum intus in colle, non ad litus in planitie, situm fuerit. Sed ad rem. Initium de hoc delubro scribendi vnde potissimum facere oporteat, equidem ambigimus, ob excessum loci religionem, summamque magnificentiam: At tamen cum illius sanctissimi conclauis in mentem venit, in quo nata educataque cælorum Regina, semper Virgo MARIA, mater filij Dei, ac vbi nunciante Gabriele Archangelo genitrix Dei adpellata, item vbi in ipsa carnem hanc nostram ærumnosam assumpsit Deus, quod nos à Tartarei Sathanæ tyrannide, ac potestate ad regni cælestis portam, quæ tot sæculis, ob primorum parentum noxam, occlusa steterat, traduceret; de illo, quanquam dignè haud posse, satis propter ingenij nostri tenuitatem intelligamus, tamen pij curiosique Lectoris gratia, breuiter aliquid commemorare instituimus. Primum omnium haudquaquam dubitare oportet, hoc illud ipsum conclaue esse, in quo mundi regina in lucem edita; quandoquidem, præter grauissima, scriptorum hac de re, ac item, vti ab Angelis huc deportatum sit, quæ leguntur testimonia, nemo tam duri cordis, aut sceleratus esse potest, quin ingressu mollescat, ac seipsum diuina quadam vi, & instinctu moueat, ad locum honorandum, precesque ad Dinam, vt pro venia suorum criminum apud Iesum Christum velit intercedere, fundendas. Præterea verò id miracula confirmant; hic diuinitus edita, quibus mortales Matri Dei supplices, votorum compotes facti, & etiam nunc quotidie fiant, vt euidenter monumra scriptorum, statuarum ex auro, argento, cera, picturæ, aliaque similia, quæ per multas ætates & sæcula, huc delata, suspensaque cernuntur, indicant. Etenim omnia hic à Deo miraculose facta, sigillatim recensere, quæ eiusmodi sunt, vt ijs incredibilia videantur, qui Deum Optimum Maximum dulcissimæ Matris precibus, haud permoueri existimant, non solum infinitum planè foret, verum etiam perfecte nullo fieri studio, facultateque posset; ideoque hic nobis consistere visum: orandaque sanctissima Dei genitrix, vt quod à me, vti oportebat, ac debiti erat mei, non laudatur, id benignitate condonet sua. Aedes hic est magnificentissima, cuius in medio conclaue sacrosanctum, conclusum muro crasso, sic tamen, vt humanum opus diuino coniungi nunquam potuerit, quemadmodum apparet, eo scilicet documento, id haudquaquam esse dignum, vt quos Christi Mater tetigit, parietes, contingat. Fanum totum mœnibus fortissimis, & omnibus armorum cum ad defendendum, tum ad feriendum generibus, itemque tormentarijs machinis instructis, munitum est, ne à piratis iterum, vt olim à Turcis, diripiatur, ac vastetur. Auctores huius operis fuere Alexander VI. Pontif. multoque magis Iulius II. etiam toto vico muris complexo, vt nunc tunc hic Canonici, & Sacerdotes, in fano sacris operantes, cum cætera plebe habitant.

ORVIETO.



LAVRETVM.



T Y B V R.



YBVR, siue Tiburtum, vrbs Latij est in Italia, sedecim millibus passuum distans ab vrbe Roma, *Tybris* Stephano, *Tinoli* hodie, olim *Polystephanon* vocatam, idem Stephanus prodit, quam teste Solino, ex auctoritate Catonis, Catilina Arcas, praefectus classis Euandri, condidit. Quod etiam sensit Seruius: *De Gracia* (inquit:) *tres fratres venerunt ad Italiam, Catillus, Coras, Tybur vel Tyburnus. Hi simul omnes unam fecerunt ciuitatem, & eam fratris maioris nomine, Tybur appellauerunt, licet & alias fecerint singuli.* Haecenus Seruius lib. A *Eneid* 7. Tybur autem Virgilio dicitur *Superbum*; id est, nobile, inquit Seruius; aut per transitum tetigit illud, quod aliquando quum auxilia à Senatu poscerent Tybartes, sub com memoratione beneficiorum, hoc tantum à Senatu responsum acceperunt: *Superbi estis.* Haec Seruius, explicans illud Virgilij lib. A *Eneid*. 7.

*Quinque adeò magnæ positis incudibus vrbes
Tela nouant, Atina potens, Tyburque superbum,
Ardea, Crustumericque, & turrigera Antennæ.*

Olim etiam *Herculeæ* vocitata, vt auctor est Strabo, quod Hercule in præcipuè Tyburtes colerent, eoque certa quotannis festa die, maxima populorum multitudo conflueret, vt ait Perottus *Quinctiam Cataractæ* nuucupata legitur, ob vicinas loci angustias, vnde fluuius Anio præcipitat, vbi primum nauigabilis esse incipit. Amnis enim ille, per nemora vsque descendens, ibi ex editissimis rupibus, in subiectam conuallem delabitur, ac post in Tyberim intrat, vti etiam à Strabone per scriptum est. Liuius plurimis locis memoriâ Tiburis vsurpat, præsertim verò, cùm bella Tyburtium & Romanorum, pacemque compositam inter eos refert. Et Ouidius in fastis inquit: *Aspice Tybur.* Posterioribus sæculis, Imperij Romani maiestate lapsa, florens etiam huius vrbs fortuna periit: à Germanis enim euersa, etsi post, à Friderico A Enobarbo muris ampliata restitutaque sit, didicimus. Arcem ibi, quæ nunc est, munitissimam, Pius II. Pontifex Max. exstruxit, cuius aditum Ioannes Antonius Campanus, Episcopus Aprutinus, homo doctus hoc disticho exornauit: *Grata bonis, inuisa malis, inimica superbis. Sum tibi Tybur, enim sic Pius instituit.*

Cælum habet temperatissimum. Quapropter superioribus sæculis aulæ Romanæ Primores hic ætatis feruentissima tempora soliti fuerunt exigere. Famam Tyburis Sibylla Albunea, Tyburtina cognominata, quod iuxta fontem Albuneam, prope Tybur esset nata, plurimum illustrauit. Eam hic ad Anienem diuinis honoribus cultam reperimus, in quo anpe postea simulacrum eius, librum manu tenens, inuentum est. Simplicij quoque Pontificis Romani patria Tybur fuit. sed & alios præterea multos excellentes summosque viros genuit, quorum omnium commemoratio, nisi longissime fieri haud posset. In primis tamen Vincentius Leoninus fuit, qui diu summa cum laude, bellica studia sectatus est, & fratrem habuit Ecclesiæ, sua in patria, moderatorem sapientissimum. Extra Tybur altissimis in iugis, fons est Albunea, quem sic ab aquæ qualitate dictum, ait Seruius in horum Virgilij versuum expositione:

——— *Oracula Fauni*
Fatidici genitoris adit, lucosque sub alta
Consulit Albunea, nemorum qua maxima sacro
Fonte sonat, seuamque exhalat opaca mephitim.

Addit etiam Seruius, sub alta Albunea dici, quod fons præcellis in montibus sit: à quibusdam etiam *Lentæ cotheam* vocari, præterea non solum fontis, sed etiam syluæ circumiectæ nomen esse *Albuneam*. Infra Tybur, haud procul, multa vetustatis inueniuntur monumenta, interque cætera, marmor insigne, quo leo cum equo tam apertè commissus exprimitur, vt vera viuæque pugna videatur. In læua, propinquo loco iuxta pedem montis, ruinae apparent mirificæ ac peringentes, villæ Tyburtinæ, quam Adrianus Imperator immensis sumptibus ædificauerat, ita, vt in ea, & Prouinciarum, & locorum celeberrimis nominibus inscriptis, veluti Lycæum, Academiam, Pritanæum, Canopum, Pœcile, ac Tempe partes vocaret, inquit Spartianus. Circùm Tybur Latomiæ sunt, vbi lapis Tyburtinus, de quo Plinius etiam meminit, cæditur. Ex hoc & ex Gabio, maior splendorum ædificiorum pars vrbs Romæ constitit. Subiecta Tyburi planities, propter Anienem plurimis aquulis gelidis scaturit, quas Albulas vocant, multâ medicâ virtute, cum potæ, tum balneo adhibetæ, pollentes, vt scribit Strabo. Nomen Albularum ab coloris albedine captum, quam metallum sulphuris, vnde fontes promanant, efficit. Quamobrem ita Martialis;

Itur ad Herculei gelidas quæ Tyburis arces,
Canaque sulphureis Albula fumat aquis.

Similes natura sunt Labanis, in agro Nomentano, ac item aliis circa Eretam aquis, vt Strabo perhibet. Ad viam præterea, qua Tybure Romam itur, quibusdam in locis candentes generantur lapilli, dulciarijs condituris, velut amygdalarum, coriambri, anisi, cinamomi, ac id genus alijs, simillimi, adeò quidem, vt non nisi à prudentibus discerni queant.

TIBURTVM vulgo TIVOLI.

St. Lomo.

Mirabilis Stupendiq; in Oppido Tiburtino Tivernae fusc
Lapideus, cavatam vulgo vocat Italus Regressita. tio.

DE PINO. GEORGIVS HOLSTNAGLE.

Bina huiusmodi Egiptiaca ex
porfido marmore solida Tibur
ti conspicua sunt.

A. Templum Sibille Tiburtinae
hodie nullo servituri Vni

B. Flumen Tiverna cuius mi
rabilem naturam ac qui
etiam stagni istar sub
fragentibus rupibus exatam
Abrahamus Ortelius ac Ge
orgius Holstnagle studiose
visum cunct 1^o Febru
1578



VELITRÆ



VELITRÆ, antiquissima Latij, in Italia vrbs, in monte, moenibus vndique cincta, venustissimo situ conspiciendam se exhibet, & non ædificia tantum præclara, turrigerasque sacras Religioni ædes, sed & arua, pomaria atque vineta ambitu suo complectitur. Quondam honestissima Volschorum vrbs, vt Halicarnassensis pluribus in locis indicat, præsertim autem, vbi cum Liuiio Velitrenses, à Martio Rege Romanorum obsessos, & spe destitutos auxiliorum, in deditionem venisse commemorat. Velitras quoque Strabo & Ptolemæus nominant. Plinius Veliternos. Et Volaterranus scribit incolas huius vrbs aut Velitritos, aut Veliternos, appellari posse. Oppidum Velitras alibi quoque Dionysius à Romanis captum, subactosque Volschos, & alio loco lib. vij. Velitritos se populo Romano dedidisse narrat, posteaq; cladem Volschorum ingentem, eo potissimum argumento cognitam, quod Velitris vrbe frequentissima, vix decimam populi partem à pestilentia superfuisse constiterat, paucos autem illos Romam legatione missa, ciuitatisque suæ calamitate Senatui exposita, eam in populi Romani potestatem tradidisse, refert. Liuius lib. viij. Velitritos seuerissime punitos scribit; quod antiqui ciues Romani, toties defectionem tentauissent: disiectos enim vrbs muros, optimatibus expulsis, & vltra Tiberim commigrare iussis, hac lege, ne citra flumen vnquam mille passus excederent, transgressosque vel multam penderent statutam, vel in vincula ducerentur; ne vero desolaretur vrbs prorsus, colonos imposuisse nouos, à quibus dein, pristinae formæ restituta fuit. Nomen, cum ab antiquitate, tum ab Augusti maioribus hinc ortis, habuit. Populo nunc satis frequens est. A Plinio lib. xiv. Veliterna vina, cum primis laudantur. Iucundissimus ex hac vrbe patet prospectus ad varia in vicinia loca, eruditorum scriptis celebria. Tyrrhenum hinc mare videtur, Pontia & Palmarola insulæ; Pomtinæque paludes (de quibus plura in Indice.) Celeberrimus itidem Circeus ille mons, in quo quondam domus Circes. De quo hæc Plinij sunt verba: Circes quondam insula, immenso quidem mari circumdata, si creditur Homero: & nunc planè Clitarchus huic Insulæ mensuram posuit stadia lxxx. qui auctor, vrbs Romæ Anno cccc. lx. scripsit. Strabo montem Circeum nominat ccxc. stadijs ab Antio, mari propinquum, ac partim eo, partim paludibus insulæ modo cinctum. Idem hoc Virgilij in loco, Circeæ raduntur littora terræ, Seruius notat, addens, paludes in continentem pertinentes, amnium, ex monte Albano descendunt, limo tandem obductas, expletasque. Dionysius lib. iv. Circeos locum opportunum ad mare situm, promontoriumq; Tyrrheno imminens, scribit, vbi Circe Solis filia dicitur habitasse. Fuit in eo quondam oppidum, sacellumque Circes, & Mineruæ ara. Strabonis etiam ætate, poculum ibi ostendebatur, quo bibisse dicebant Vlysses. Mons efficacissimis herbis abundat, quarum vi, Circen homines in bestias commutauisse ferunt, & socios Vlyssis, quem hospitio exceperat, mutasse in porcos. Vti Virgilius, Carminibus, inquit, Circe socios mutauit Vlyssis. Circeum Promontorium etiam Ptolemæus depingit, in quo ciuitas parua Circeum, Tarquinij superbi colonia, loco in Pomptinis campis totius Latij maximis, peropportuno, vt Halicarnasseus, & Liuius prodidere, qui præterea multis alijs in locis, Circei montis, oppidiq; mentionem faciunt. Posteriore ætate oppido collapsò, munitissima ibi arx condita, tutum antiquis Pontificibus à Tyrannorum sæuitia refugium, vti anno post C. N. M. C. XX. sicut à Blondo scriptum est, Gelasio II. Pontifici contigit. Faccius de hoc monte, sic ferè loquitur:

*Aspice montem illum, vbi commorabatur
Circe frequenter, incantationibus vacans,
Ad stellarum, lunæq; lumen.*

VELITRAE VULGO BLITRI.



- A Mons Circus ubi
Circen habuisse fabu-
lantur Poetae.
- B Pontia Insula
- C Mare Tyrrhenum
- D Pontinae paludes
- E Palmarola Insula

DEPINGERAT GEOR.
GIVS HOEFNAGLE.

TERRACINA



TERRACINA, antiquissimum Latij ad mare Tyrrhenum oppidum, Pomptinæ paludi quondam hoc loco celebri, imminens, mari priscis temporibus circumfusus, vti Solinus testatur; & in hodiernum vsque diem agnosci potest. fuit enim primæua fundatione in monticulo, conuallibus vndique cincto, per quas aquæ marinæ diffundebantur, ijs verò deinde terra paulatim op-pletis, nunc continenti collis hæret, vrbsque ad litus inferiori loco ædificata est. Ciuitas est exigua, sed frequens, & honesta: Agro gaudet fœcundissimo, amœnissimoque, vitibus, citris, limonibus, & id genus arboribus abundante. Ad nomen quod attinet, an Terracina, vel Tarracina scribi debeat, optimos quosque auctores, vtroque dixisse modo reperitur, Strabo, Mela, Liuius, Antoninus, Cæsar, Ptolomæus, alijque plurimi scriptores, Terracinam vocant, & Polybius Terracinen-ses commemorat. Sed Tacitus, Solinus, & Procopius, Tarracinam nominant. Olim Anxur, lingua Volscorum, eorundem caput, vt Plinius, & Cato scribunt. Strabo Trachynam ab initio vocatam per-hibet, id est, asperam, propter montem saxosum, in quo fuit posita. Græcis enim, vt Herodoto, *ἄνχυς*, asperum significat. Liuius etiam Anxur, dicit, inquit: Anxur, trecenti in Coloniam missi sunt, bis na iugera agri acceperunt. Seruius in eo Virgilij loco, Circeumque iugum, queis Iupiter Anxurus aruis Præsidet; Ionem Anxurum in hac Campaniæ parte, quondam cultum scribit, ita dictum, tanquam *ἀνχούρας*, id est, sine nouacula, quia barbam rasisset nunquam, ideoque signum eius imberbe fuit. Lu-canus de Anxure:

Iamque & præcipites superauerat Anxuris arces.

& Martialis ad Faustinum:

Onemus, o fontes, solidumque madentis arena

Litus, & æquoreis splendidus Anxur aquis.

Item, post, ad Frontinum:

Anxuris æquorei placidos Frontine, recessus.


& Silius Italicus etiam in hunc modum statuere videtur, dum sic canit:

Quis Circeæ iuga, & scopulosi verticis Anxur.

Terracinæ quoque nomen auctores plurimi posuerunt, inprimis Liuius multis locis, præsertim vbi spolia & prædam huius oppidi, causam ab initio fuisse stipendij militibus dati, prodit, in hanc sen-tentiam. *Fabio, ad Anxur in iuxta paludes (Terracinam posteriores vocarunt:) obsidionem profecto, simul capiende vrbs exposita ratione, Seruilius Hala, mox cum tribus cohortibus eam obsidere incipit, ea, colle quo-dam occupato, qui vrbi imminet, cum inde in muros eussissent, maximumque iam vrbs discrimen Fabio ani-maduertit. editto vetuit in oppidanos saui, bonus tamen eorum direptioni permisit: quatinus cum paritum Imperatori fuisset, ideo postea militibus ara dari ceperunt, quod ante diem illum, in usu non fuerat.* Aliibi quoque scribit, militum manum in montis angustiis, ad Lautulas, non procul Anxure confedisse de-in pugnatum ibi, post, sub Afrubalis in Italiam aduentum, urbem hanc immunirate donatam; postu-per alibi, angues immensæ magnitudinis, piscium modo iuxta portum Terracinæ colludere visos, memorat. Suetonius Tiberium Imperatorem, in pratorio propè TERRACINAM coenantem, agrè repentinum saxorum lapsum, quo multi amicorum eius & familiarium attriti sunt, effugisse scribit: quam rem etiam Tacitus memorat. Terracinæ Palmarius consul interfectus, quod cædem in Adria-num moliretur, vt Spartianus scribit, qui & portum Terracinensem ab Antonio Pio resecutum prodidit. Transcurrit hac ad Terracinam urbem Appiana via, quæ Roma Brundisium ducit, maiori ex par-te nunc paludibus submersa; quam obrem Romæ Neapolim euntibus, ad eius lœuam, verius Terraci-nam in editiora paulum deflectere, necesse est. Strabonis ætate perelegans fuit. Traianus silice per Pomptinam paludem strauit, pontibusque multis per fossas & aquarum vias coniunxit, plurimis etiam ædificiis ad tutelam extructis, vti à Done monumentis est proditum. Erat olim iuxta viam Appiam fossa profunda, perpetuis aquis, tum paludum, tum amnium vicinorum plena, per quam Terracina Romam nauculis commeabatur. Eas sub noctem conscendebant, summoque mane in Appiam egre-diebantur, qua dein ad urbem deueniebant terra. Erat hæc via sumptuoso opere facta, spondylis ele-gantium lapidum, artificioque tanto composita, vt ad decimum quemque pedem, quæ pertica vetus fuit, & nostros pedes XII, efficit, lapides singuli medio pede præ cæteris emineerent, decempedæq; men-suram demonstrarent; quæ quoque ex transuerso erat latitudinis. Monumentorum veterum ad hanc viam vtriusque, tum vestigia, tum ingentes ruinæ, quin & integra etiam ædificia multa cernuntur. Iuxta fuerunt hæc olim municipia, Terracina, Formiæ, Minturnæ, Sinuessa, Item pars agri Tarentini. Brundisii nique, ac aliarum multarum vrbes, de quibus plura

Leander.

VETVSTISS. AD MARE THYRRHENVM
TERRACINAE OPPIDVM.



MOLA.



MOLA, in Latio ad Appiam, viam, à C. Caligula illice ex Olibano monte, strata, & vndique peramœnis hortis ornatam, oppidum olim, nunc longus & perelegans vicus, A molarum, vt plerique existimant, frequentia dictus, quas hic è montium radicibus continuò perfluentes aquæ versant. Thomæ Farello decad. I X. Cap. I I. de rebus Siculis, Caietæ Suburbii mi Ciceroni Molæ Fornuanæ dictæ. locus est, me hercule peramœnus, horti vndique cultissimi, citris limonibus, alijsque nobilibus arboribus confiti, omnia quoque riuuli purissimarum aquarum grato murmure perfundunt, & passim in habitationes magna cum voluptate ducuntur. Fuit hic, vt ait Volaterranus, Formianum Ciceronis, de quo ille lib. 2. de Oratore scribit. Lælium ferè semper cum Scipione rusticari solitum, eosque quoties huc ex vrbe, tanquam è vinculis euolassent, incredibiliter repuerascere esse solitos. Multitudo sanè veterum monumentorum, & marmorum similiter inscriptorum, prætereaque vestigia magnarum domuum, olim hunc locum valde frequentatum comprobant. Et profectò, cæteris Italiæ peramœnissimis iure debet annumerari quam obrem & à Martiali describitur huiusmodi carmine.

*O temperata dulce Formia littus.
Vos cum seueri fugit oppidum Martis,
Et inquietas fessus exuit curas
Appollinaris, omnibus locis præfert.
Non ille sancta dulce Tybur vxoris
Nec Thusculanos, Algidosue secessus,
Præneste nec sic, Antiumue miratur,
Non blanda Circe, Dardanisue Caieta
Desiderantur, nec Marica nec Liris,
Nec in Lucrina lota salmacis vena.
Hic summa leni stringitur Thetis vento:
Nec languet aquor, vina sed quies ponti.*


Spacio deinde A. M. V. Caietam vsque, per sinuosam Caietani littoris oram, eadem via summa cum voluptate, amœnissimi cernuntur horti citris, limonibus, & id genus arboribus frequentes, aquulisque lymphidissimis irrigui, ad initium vsque promontorii, cui insidet CAIETA, quod Laconico vocabulo à curuitate nomen sortitu existimant. Lacones enim curua omnia, Caietas adpellabant. Solinus tamen auctor est, sic ab Aeneæ nutrice nominatum, quod etiam testatur Virgilius, inquit: *Tu quoque littoribus nostris Aeneia nutrix, Aeternam moriens famam Caieta dedisti*: quem in locum Seruius annotat, alios hanc Aeneæ nutricem, alios Ascanij dicere. Lectum tamen etiam in Philologis, hoc loco classẽ Trojanorum casu concrematam, indeque Caietam à πῆρ καίεν dictam, quod accendere, adurereque Latinis significat. Verum enimvero Landinus in eisdem Virgilij versus aliter scribit, tradere quosdam, olim, vbi hunc Caieta, modicum fuisse castellum Epica, sic ab Epica vrbe Herleæ vocatum, Caietæque mentionem etiam Homerum facere, cæterum præterea concludit nihil, Sed auctorum melior pars Virgilio consentit, vti quoque Facius, hac sententia scribens:

*Vidi vbi Catullus postea vixit,
Quam Thebas reliquit & in vrbe fui
Cui Aeneæ nutrix, nomen adhuc præstat.*

Caietam quoque Silius adpellat, & Ptolomæus, alijsque classici auctores: vbi portus semper celeberrimus fuit, amplissimè, vt Spartianus perhibet, ab Antonino Pio resectus. Vrbs est munita cum primis & arcem habet iuuicissimam summo in monte, quem superioribus annis muro cinxit Ferdinandus Arragonum & Neapolitanorum Rex, Gallis ductu auspicijsque Consalui Ferrantis è regno pulsus. Episcopus vrbi datus propter Formias à Saracenis excisas. Plurimum eam Gelasius II. Pontif. illustrauit; item ætate nostra Thomas Vionius Prædicatorum familiæ generalis magister, & post à Leone X. Pontif. Cardinalis creatus. Multa vir ille cum theologica, philosophica, logica, tum de conscientiæ casibus scriptorum monumentis tradidit: & profectò parem, aut secundum aliquem, neque nostra memoria, neque multis anteactis sæculis habuit, quanquam nec æmulis caruerit multis. Obijt Romæ post C. N. M. D. XXXIII. Anno. Elatus vti monachus, quod ipse iusserat, absq; pompa funeris, & apparatu Cardinalitio, monumentoque, conditus extra portam magnam Minervæ ad dextram, quod ipse viuus sibi posuerat, cum hac inscriptione. *Thomas die Vio Caietanus Cardinalis S. Xisti, ordinis Prædicatorum.* Vitam eius Ioan. Baptista Aquilanus tam prosa, quam carmine pereleganter scripsit. Maximis cladibus non semel obrutam Caietam didicimus. Ingensibi clades anno à C. N. 1394. contigit, quando à Gallis direpta lacerataque cum ingenti oppidanorum cæde, nec enim aut sexus, aut ætatis, aut religiosorum penetralium discrimen habitum. Multis præterea post id tẽpus in hunc vsque diem regni Neapolitani mutationibus conuulsa quassataque vrbs. Cæterum in fide Ferdinandi regis Arragonum, Carolique V. dein Imperatoris Augusti constantissime pertinacissimeque uesemper hæsit. Hæc de Caieta.



CAMPANIAE FELICIS DELICIAE.



QUONIAM nusquam toto terrarum orbe, alma rerum parens, dominaque natura, eius clementissimo gubernatore ita celi benignitatem disponente, plures delicias, gaudia, oblectamenta, amoenitatesque incredibili vberitate, quam in Campaniam illam foelicem, potissimum verò in Baianum, Puteolanum, quæ sinum profudit; Ad id, ut hoc loci potissimum, cum summa spectantium admiratione, amoenissimæ orbis terrarum delicia, luxuriantisque naturæ venustas adpareat; Dixeritque ille verissimè; *Nullus in orbe loci, Baia præluet amœnis*; Plinius itidem Campaniam apocellat foelicem, ob foelicem, beatamque amœnitatem, qua vno, inquit, in loco, palam naturæ gaudens opus demonstratur; Ut similiter tradiderit Strabo, cum omnium rerum ad vsus humanos affluentia, cum amœnitate iucunditateque Campaniam omnes Italiæ rotius partes, quàm longissimè superare; Idcirco peregrinarum Regionum, & historiarum studiosi, incredibiles Campaniæ verè felicitis delicias, peculiari descriptione expressimus, ut vnico intuitu, in hæc tanta naturæ luxuriantis miracula visum pandere, seque oblectare, acque reficere queant. Ac primum quidem narrationem hanc nostram, à promontorio Miseno ordiemur.

PROMONTORIUM Misenum, siue mons Misenus, Cumis abest miliaribus quinque. Nomen à Miseno Aenæ socio, vel tubicine, qui hic periit, ortum Dionysius auctor est, confirmatque Virgil. libro 6. Aeneam anxium, ubi raptus fato Misenus humaretur, Achatem consuluisse, demum hoc in loco sepulchrum illi conditum scribens, unde monti nomen tum Miseno accessit, cum prius diceretur Aenari. In hoc monte Pharus olim fuit, altissima nimirum turris, ad cuius è summo vertice noctu prælucentem facem, nauigantes cursum dirigerent. Vbi hic mons tribus in mare lateribus excurrere, formam promontorii nanciscitur, intimis visceribus ad id perfossus, & cryptis, ædificisque fornicatis, quæ numerus columnarum maximus fulcit, ac sustinet, excavatus est, ut ijs fornicum pilis incumbere prorsus, & insidere videatur. Cryptam Traconariam vocant, à Traconibus nimirum, id est, fistulis, aut subterraneis meatibus, per quos in specum hunc olim aquæ pluriæ confluabant. Quam sumptuosa sint in isto monte Miseno fornicata ædificia subterranea, cryptæ, & columnæ frequentissimæ, quibus quasi vniuersum promontorium Misenum excavatum incumbere videtur, verbis explicari vix potest. His sane tam admirandis operibus inspectis, obstupescere mihi planè contigit, inquit Leander, ut adeo falli præstigijs, aut per quietem, nec veras operum cernere fabricas mihi viderer; quanquàm plurima quoque nunc magna ex parte ruinis deformata iaceant. Excusso tamen stupore, quædam ex his ædificijs metiri incepimus, præterque cætera, quod Cryptam Traconariam vocant, à Traconibus nimirum, id est, fistulis, aut subterraneis meatibus, per quos in specum hunc olim aquæ pluriæ confluabant. Itaque per vepres, dumos, & vrticas ostiolo modico graduum aliquot descensu, in profunda montis penetralia deductus, cryptam immensam hac forma reperi. Patet vtrinque longitudine, latitudineque plurimum, altitudo quoque maxima est: tota rationem structuræ conuenientissimam obtinet: partim tamen integra, partim ruinis deformata, & collapsa. Quæ pars eius etiamnum conspicitur, huiusmodi est. In medio ambulacrum apparet longum ped. CCC. latum I I X. adhærent vtrinque cellæ fornicatæ quaternæ, latitudinis quædam ped. X I I. nonnullæ X V I. spatium etiam, quo distant inter se singulæ, non est idem, alibi ped. X I I. alibi X V I I. Singulæ cellæ suas portas habent, omnes eadem, & pari latitudine ped. X I I. quæ vicissim inter se singulæ distant in pedes X V I. primæ tamen ab altera spatium aliquanto maius pedes I I X. cæterarum, ut diximus, æquale est. Camerarum fornices decussatim iuncti parietibus intermedijs incumbunt. Hoc ædificium, ubi tum fama fert, tum etiam agnoscere faciliè potest, castellum, vel cisterna quondam aquis recipiendis fuit. Alia quoque præterea tot in intimis visceribus montis, quædam integra, quædam ferè collapsa conspiciuntur, ut admiratione profusus ingentem habeant, neque sane possent, nisi longissima narratione describi, præterquam, quod etiam pleraque veritatis fidem excedere profecto viderentur.

Prochyta Insula, ante Misenum promontorium iacet, terræmotu à Miseno diuisa, ut lib. I. Strabo refert, licet idem auctor lib. 5. Et Plinius lib. 3. cap. 6. ab Aenaria dissectam scribant, quod & eius nomen ostendit. Prochyram namque Profulam interpretamur. Habet eiusdem nominis oppidum, ac terræ frugibus, Perdicumque aucupio nobilitatur.

Iscla, Arime, Homero; Aenaria, Plinio; Inarime Virgilio; (licet à plerisque notetur) Pythecusa Straboni, & Græcis dicta, à Miseno promontorio terræmotu, & ipsa discreta, ut libro primo auctor est Strabo, cuiusvis generis frugum, & auri quæque feracissima est. Balneas habet plures, & ad delicias, & ad valerudinem æque accommodas.

Hodie Ischia, Hermolao, Volaterrano, Fabricio & Erythreo, qui in suo indice Virgiliano, contra Plinium, & eius castigatorem Hermolam docet, hanc maris Tyrheni Insulam, non Inarime, sed Arime ab Homero vocatam, Virgiliumque primum fuisse, qui Arime, cum et Ionum præcognitione, iunctum legerit. Hanc Eretrientes, & Chalcidenses primi incoluerunt, quos ob feracitatem soli, fortunatos Timæus vocat. At Hiero senior Syracusarum tyrannus, qui postea & ei, & Campaniæ dominatus est, illis, ob seditionem, pulsus, colonos è Sicilia ed transmisit, qui oppidum Gerundam cognominatum, ædificauerunt. Horum tempore, & paulò ante Timæi ætatem, collis in medio Insulæ situs, cui Epomeus erat nomen, terræ motibus primum frequenter concussus, mox incendia maxima, aperto hiatus, euomuit. Quibus conterriti Siculi, & oppidum, & Insulam deseruerunt. Sed & Lucio Martio, & Sexto Iulio Cæf. & deinde Cæsare Augusto, Tito, Antonino quarto, atque Diocletiano imperatibus, plurimum arsit. Alberti præterea primi, aeno tertio, adeo vehemens ibidem profusum ad mentes duos prorupit, ut in suum quodammodo exitium conspirasse crederetur, cum plurima bruta, ac multos homines consumpserit, & cæteri fuga dilapsi, in proximam Pandatariam, vel Caoreas, vel Baias se contulerint. Remanent eius incendij adhuc vestigia, locisque ille asperis lapidibus combustis relictus, simul & incultus, longitudinis p. m. circiter 3. Crematus nominatur. Oppidum in hac Insula olim conditum, Iscla hodie dicitur, quæ & Insulæ, abolitis vetustis appellationibus, nomen dedit. Est natura munitum, edito atque exeso in monte situm, quod mari olim vndique cingebatur. At cursu temporis vallo, quo ab Insula discrepabat, iniectis saxorum rudumque machinis oppleto, Insulæ connexum est. Ad ipsum accessus est peracclius, magnæque ex parte saxo cæso atque excavata rupe manifestus, quem vel duo milites tutò tueri possint Isclæ, Sirenes præterea & Prochyta quoque, strictissimo gurgite a Cumarum littore disident, ac tanquam moles pulcherrimæ, mare pingentes, prospectum à regione agri Cumani, Miseni que iucundissimum præbent. Scribit Pindarus in Pythijs, (quod & lib. 5. Strabo verissimè arbitrat) tractum omnem æquoris, qui à Cumis & Puteolano agro ad Siciliam vsque prætenditur, ignitum esse, profundaque in vnum coeuntes, habere cauerhas, eoq; Insulas interiacentes igniuomas esse.

Mare mortuum hoc loci conspiciuntur. Nam promontorium Misenum, quæ Cumas spectat, lacum habet aquæ marinæ, locorum accolæ, Mare mortuum appellant, eius aquas Puteolani sinus effundit, & olim longè, quàm hunc amplior fuit.

Quippe Caiarem Augustum in eo classem instructam ad præsidium inferi maris habuisse, Suetonius auctor perhibet, in hæc verba scribens: Classem Miseni, & alteram Rauennæ ad tutelam inferi, & superi maris collocauit. Præfecturam eius clasis Plinium auunculum gessisse, cum incauto animi desiderio, ad Vesuuij montis ignes propius explorandos, profectus interijt, Plinius Nepos tradit. Augusti institutum, ut classes Miseni Rauennæque teneret, Imper. Tiberius etiam sequutus est, ut Tacitus scribit.

Circa mare mortuum vndique plurima sumptuosissimorum operum fundamenta, ac item partes conspiciuntur. Est præter alia descensu graduum 40. in ipsis terræ visceribus admirandum opus, latere, calceque factum, quatuor columnarum ordinibus, id est, quintuplici fornicatione, ædificium hoc vulgo Piscinam mirabilem appellant. Villa olim fuit L. Luculli baiana, ubi ille mensibus hybernis agere solebat. De qua Plutar. in vita Luculli scribit, cum in Lucullano, quod nunc Frascaram vocant, Cn. Pompeius, M. Ciceron, multi que alij nobiles viri L. Lucullum æstiuo tempore conuenissent, Pompeium inter cœnam cum Lucullo familiariter ita iocatum, eum villam sibi in primis elegantem atque sumptuosam, fenestris, cœnaculis, porticibus arte summa dispositis, nimirum ad vsu æstiuo temporis, cæterum ad hyemem multitudinem fenestrarum vehemèter incommode videri, Lucullum Pompeio respondisse, dominum earum ædium, haudquaquam minùs sapere gruibus, quæ natura duce, regionem cum tempore mutant, ideoque domum illam æstati conuenientem, autem in hieme, nulla parte deteriore, hyemis oportunitatibus ædificasse. In huius etiam peninsulæ visceribus per amplum ædificium videtur, quod centum Camerellas, ab cellularum numero peractis, at æstificij maximi ostioli ingressum difficulter præbentium, appellant. Id quoque cisternam fuisse colligitur, cuius generis hoc tractu subterraneæ multæ conspiciuntur, olim à Rom. qui in hac præcipue amœnitatis ora, rusticari solebant, ædificatæ. Vestigia quoque passim aliorum operum, nempe, montuorum, ac ædium apparet, ut hercule, perpetua quædam hic vrbs, non villæ videantur fuisse.

Sinus Baianus hoc circa mare mortuum tractu, incipit, qui à Maris mortui faucibus vsque ad intimam extremitatem Auerni, venustissimè extenditur, quo quidem tractu, & inde ab Auerno Puteolos vsque incedenti, tam variæ magnificarum ædium, operumque, tanquam perpetui vici ruinae conspiciuntur, ut equidem curiosi ingenia planè cogant obstupescere. Primum circa maris mortui fauces, asperissima rupes excavata cernitur.

ita

AVILVS IN ORBE LOC

PRAELVET AMOENIS

BAHS

A. Mare Tyrrhenum

B. Promontorium Misenum olim mons aërius, nunc Misenus dictus a Miseno Aeneæ Thibicene sibi sepulto. Verg. 6. Aeneid. In radice huius montis cypria est stupendi operis quæ vulgo grotta Troionara appellatur.

C. Prociptia Insula.

D. Ischia insula quæ etiam Aenaria et Pithecusa dicta fuit.

E. Mare mortuum

F. In Visceribus huius sabbini piscina mirabilis est quam L. Lucullus domus fundamenta fuisse perhibetur. Visuntur etiam in huius rupibus subterranea cisterna quæ vulgo ab incolis le cente camarelli appellatur, et supra montem locus ingens est in circuitu Theatri insular ingentes sedes ruinas, vbi olim celebrabantur quinquaginta in honorem Mineræ hodie mercato del sabbato dicitur.

G. Castrum baiuanum

H. Sinus baiuanus

I. Templum herculi, bauli, vulgo truglio di baie

L. Balneum Triviale, fuit triviale

habet eadem hæc rupis in visceribus cypriam manu cavatam, admodum arcum per ascensum multorum graduum in longitudinem protensam, odoris suavis in qua si quis erectus ingreditur, statim sudore prehenditur: si prorsus et inflexus frigit: vulgo sudatorio appellatur

M. Hic sub mare via videtur stilicibus constructa quæ Romam ducit. Visuntur et fundamenta et moles claustrorum lacus lucrini.

HIC VER ASSIDVVM ATQ. ALIENIS MENSIBVS ÆSTAS
BIS GRAVIDA FRVGV BIS POMIS. VTITIS ARBOS.

S. D.

ABRAHAMO ORTELIO GEORGIVS HOENAGIUS

Cum ut studiosis rerum exterarum prodesset felices illius ac nobilis Campanie felicitates omnes, delicias, vestigantes, et Naturæ quodammodo exultantes, itaq. locutus gaudia, et oblectamenta in suis Baiarum Putcola muni, ab alma pariete amoensissime congesta, tribus comprehensit tabellis ab Hogenbergio nostro id effigiantem, in lucem edidit. Cogitantes multi cuncta amicos. Porphyrium hocce ingenij mei laudis stitit, pacifica fructus honestas, deferre, occurrere tu solus, tu primus, tu Postrenus mi Ortelio, cui multis nominibus non solum conveniebant, sed etiam iure debebantur. Simul Mæcenæ quod cum nos dulcis Parthenope simul ambo complexa et exasculata fuisset, horum omnium mirabilium visendorum tu mihi comes SYNDOTOTIS existis.

accipe igitur amice amoris monumentum, quod per nostrum Mæcenarum nos tra ribi mittit Commendat. Minus: et qualicunq. sit pro tuo calore boni Consilio Vale ex nos te Murea Bavarica cal Martij Anno 1580.

N. Hic esse solebat lacus lucrini cuius adhuc pauca supersunt vestigia, terræ motu Anno 1538. terra in frus.

O. Mons hic ab incolis Monte styllu dicitur quod in stilus radicibus antrum sit Cumane styllu

P. Lacus Avernus, qui et palus Acherusia dicitur post cuius montes olim fuit diuis Capua.

Q. Mons novus seu puniceus, terræ motu anni 1538. incendit, horribili die ultimo septembris vna nocte isti congestus, vulgo Monte novello Antiquitus hic esse solebat Tricoryphæ.

R. Mons Gaurus hodie monte barbaro.

S. Sinus Putolanus.

T. Oppidum Putcoli. dicarchia dicitur primo.

V. Moles (vix perhibetur) pontis C. Caligulæ.

X. Via, quæ per montem olibanum, Theatrum putolanum, labyrinthum, per montes flegreos, et leucogeros, fuit forum Vulcani, qui locus hodie la selseria dicitur, perque lacum xrianum, litalq. antrum. Næpocum dicit.

Y. Templum Antiquum, olim Iovi, hodie D. Proculo sacrum ex candido Marmore mira arte elaboratum. terremotibus conqussatum.

ita ut per eam nunc in sinum Baianum, è Mari mortuo commeari nauigia possint Baiaurum inde vestigia sunt ingentia nimirum pelago demersa operum fundamenta, cuius quidem v. bis incertus, avi te. remouum exortus est. Non procul inde Balnea Baiana, quæ vocant accolæ, Medici vero Syluani, reperiuntur, in ripam nonnihil excavata iuxta, eadem in ora litoris, amplâ domus ad rupis pedem, in saxum excisa conspicitur, vbi BALNEVM TRITVLV Medicis causa ita dictum sed vulgò Ciceronianum, ac Pratenis; Ciceronianum quidem, quod in villa Ciceronis, Aca- demia homine clata; extet; Pratenis vero, quod in Prato fit.

Baionus à Baiaurum oppido, qui cum propter summam cœli temperiem, & luxuriantem agrorum amœnitatem, cum ob varietatem aquarum fa- lubrium tam frigidarum quàm calidarum, frequen- tissimus olim Romanorum ædificiis, & Portis cõmendatissimus fuit. Hinc Martialis ad Flaccum:

Vi mille laudem Flacce versibus Bias,

Laudabo digne, non tamen satis Bias,

Quemadmodum & Horatius scribit:

Nallus in orbe locus Baijs præluet amœnis:

Hic ver apudum, atque alienis mensibus æstus,

Bu grauidæ fruges, bis pomis utilis arbor.

Atque hæc quidem Campaniæ delicia, inuitauit Romanos, ut Baianum sinum, & loca passim vicina, superbissimis ædificijs exornarint. Nam à mortui maris ostio, per oram Baiani sinus ad Auernum, inde vsque Puteolos incedenti, tot eo tractu magnificarum ædium, operumque tanquam perpetui vici ruinæ conspiciuntur, ut inde satis manifeste constet, eum tractum olim v. bis, oppidis, vicisque ac villis, item balneis, theatris, molibus, cisternis, aquæ ductibus, cryptis, cauernis, specibus, ac id genus magnificis, & sumptuosis operibus propè continuis, olim refertum, & quasi consuetum fuisse, ut incredibile putem relatu, & certo mihi persuadeam, narrationis hæc fidem excedere. Quippe quoniam (ut Biondus et- iam ait se scire) nulla totius Europæ parte, Romæ tantum excepta, plures, maioresque ruinas inueniri posse, persuasum habeo. Sumptuosissimo- rum etiam operum partes, pilæ ingentes, & fundamenta in æquore tantæ magnitudinis, & admirationis apparent, ut curiosa equidem ingenia plane cõgant obstupescere, adeoque nunc orbis terræ vires, opesque cunctæ, tot operibus extruendis, haud suffecturæ videantur. Quorum hæc æ- tate, nullum omnino superest integrum omnia quippe, vel concidere, vel mari hausta, ut hinc insigne liceat exemplum fragilitatis rerum huma- narum desumere. Baiaurum etiam in hoc sinu vestigia sunt, ingentia nimirum pelago demersa operum fundamenta. Urbis interitus à vi terræmo- tuum exorsus est, qua de causa paulatim emigrantibus colonis, tandem omnia marini inuaserunt fluctus, ut adeo iam nullum hic integrum ædifi- cium supersit præter balnea quædam iuxta vicinas rupes, vbi plurimæ quoque cauernæ cernuntur.

Cypria supra Balneum Ciceronianum in rûpe, graduum aliquot ascensu reperitur, mirabili opera excisa, altitudine pedum 6. Latitudine 5. Sed in longum, sinuoso anfractu plurimum extenta, suauem & iucundum exhalans odorem, quam, si quis erectus ingreditur, repente sudabit, si prius, & ad solum inflexus, refrigeret, vterius, ad dextram vergenti, aqua purissima, sed penè feruens, & tactu vix innoxia, quam plerique cre- dunt in infimum balneum occultis vijs defluere, vulgo Fricatoria & sudatoria Baiana appellantur.

Templum Herculis Bauli in Baiano sinu magnificum fuit, quod ad Auernum montem versus, orientali latere Plinius demonstrat, vbi tum ætate sua, templum adhuc antiquissimum rotunda forma conspectum ait. Id ad Baianum fuisse sinum, Strabonis quoque narratio probat, qua aggre- Lucrinum lacum ab Hercule munirum scripsit, boum Geryonis traducendorum causa: quapropter & Baulos, ita vetustate corrupto vocabulo Boalia primum, dictos, auctor est Seruius in eo Vergilij loco. Et tenebrosa palus Acheronte refusa: addens insuper, Herculem istic Aeneæ visum. De Baulis quoque commemorat Tacitus, Nerone matris fata præparantem scribens eam ad Baias etrôcasse, vbi Quinquarium cele- brabat, exceptamque, inquit, manu & complexu duxit Baulos: id villæ nomen inter Misenum promontorium & Baianum lacum est, quæ fluxu maris alluitur, Eandem villam compellat Syluius, inquit, Et Herculeos vidit in litore Baulos. Horensium oratorem apud Baulos in parte Ba- iana piscinam habuisse nobilem, & in ea Murenam adeo dilexisse, ut exanimatam flecti crederetur: in eadem villa Antoniam Drusi Murena quæ diligebat, in aures adhæsisse, eiusque rei fama quosdam Baulos videre concupuisse Plinius scribit. Mentionem Baulorum, Agrippinæ matris Ne- ronis interitum insidijs filij circumuentæ narrans, præter Tacitum etiam Suetonius facit, qui de Nerone quoque cum memoria huius oræ in hæc verba memorat: Inchoabat piscinam à Miseno ad Auernum lacum, contextam, porticibusque conclusam, quo quicquid totis Baijs calidarum a- quarum esset, committeretur. fossa ab Auerno Hostiam vsque ducta, ut nauibus, nec tamen mari iretur, longitudine per CLX. miliaria, latitudi- nis, quæ contrariæ quinquiremes commearent. Eiusdem fossæ Plinius insuper, vnaque Tacitus meminerunt.

Lucrini, de hinc celestissimi Sinus Baianum portum, subsequuntur vestigia, vbi aggerem, quo mare arceatur (ut perh bet Strabo) Longi- tudine stadiorum 8. latitudine, qua duo vehicula commeari queant, Hercules, boum Geryonis traducendorum causa, iecit, quoniam antea pro- pter vndarum, & fluctuum impetus, per oram sinus incedi vix poterat, etsi quoque super vicinas rupes declinaretur.

Mons Sibyllæ Cumanæ, hinc longe conspicitur, de cuius habitatione & antro, peculiarem descriptionem exhibemus.

Lacus Auernus, Poetis celebratissimus, hinc sequitur, ad quem ex Lucrino quondam commeari licebat, sed hic transitus conflagrationis Tri- pergulanae violentia, prorsus immutatus, atque conuulsus fuit. Lucrini autem paludis aqua sapore salia, colore nigra est, quod ob immensam pro- funditatem accidere putatur, cum fundum eius inum non posse deprehendi, Vibius Sequester asserat. Eius tamen fundum à curiosis quibusdam hominibus inuentum fuisse constat, fane scilicet, passuum 30. quos singulos vlnæ quaternæ constituunt, ut sic altitudinem stagni 350. vlnarum, esse constiterit. Sunt qui existiment dictum Auernum, tanquam ἀεργον, quod aues superuolantes, odoris eius grauitate conciderent enecaræ, tanquam ad Plutonium abriperentur, indeque stagnum Platoni sacrum habitum. Cæterum Abrahamus Ortelius, & Gregorius Hoesnaglius An- verpiani, viri eruditissimi, summi que antiquitatis admiratores, dum superiori anno Baianum, Puteolanumque sinum, ad visenda tum natura, tum arte excitata miracula studiosissime perquirunt, experientia certa cognoscunt, paludem hanc iam ἀεργον non esse, quemadmodum Aucto- res permulti prodiderunt.

Tripergulana Balnea, hic olim ad Auernum fuere, ab loci structura sic cognominata, domo nimirum tripartito diuisa, quod vna pars custodi- endis vestibus, altera lauationi, tertia lectis attributa esset. Sed hæc balnea, & frequentissimum olim, amplissimumque vicum, & permulta nobilia ædificia, horribilis terræmotus, & conflagratio stupenda deformas, conuulsit, & maxima mortis noui mole oppleuit, ut iam non amplius appareant.

Mons Nouus, eo loci, vbi quondam Tripergulani extitit vicus, Anno Christi 1538. mirabili & violenta naturæ operatione vna nocte est ortus, quaternæ radicū ambitu miliaria continens, in medio remanente hiato, latitudinis, ut æstimari poterat, 1. passuum Instar habet Theatri, leniter à summitate cliuò se pandens, intus lacuna est, tanquàm area modica, quæ clarissimas aquas continet, fumum sulphurei odoris exhalantes. Plurima mons ille Tripergula balnea, virtute salutaria, magnamque Lucrini & Auerni partem contextit, præterea, marinas etiâ aquas haud parû submouit

Puteolanus iam Sinus nos excipit, in quo ab ostio, quod olim per Lucrinum aquas Marinas in Auernum immittebat, tum in ora litoris, tum intus in continenti, collibusque versus Puteolos, tam multa splendidissimorum operum ruinæ conspiciuntur, ut admirationem incredibilem habeant, adeoque nunc orbis terræ vires, opesque cunctæ tot operibus extruendis haud suffecturæ videantur.

Puteoli, iuxta litus colli imposita ciuitas, à qua Sinus Puteolanus vocatur, Initio Dicæarchiam dictam, nimirum ab administratione iustitiæ, sanctissimoque imperio, erudita scriptorum turba confirmat. Emporium Cumanorum Puteolos fuisse, posteaque colonis Romanis admodum frequentes redditos, & nomen à Puteorum multitudine accepisse, vel, ut alijs placuit, à putore quem hic passim aquæ calidæ, vi sulphuris emie- runt, quapropter nonnullis etiam Phlegra vocatus sit Cumanus ager, Strabo memoriæ prodidit. Urbis mediò nunc templum antiquissimum ex quadrato lapide cernitur, quanquam vi terræmotuum nonnihil deformatum. Id Christiani D. Proculo dedicarunt. Portus ad huius oppidi pe- dem valde commodus & tutus fuit, cuius nunc fermè nulla vestigia supersunt. Contra in mari 13. vastissimæ pilæ turrium

instar, ex latere structæ, ac in ijs quibusdam arcus semiruti cernuntur, & aduersum illis pilis, quæ item ia

æquore iuxta Baias apparent, Pontem à Caligula Imperatore superiectum, quo

transitus à Puteolano litore vsque in Baianum sinum iungebatur,

Suetonius amplissime memorat.

ANTRVM SIBYLLAE

CVMANÆ.



CVMIS, nobilissima & antiquissima quondam Campaniæ vrbe, ad Auernum Lacum proficiscentes, Sibyllæ cauernam, vt vocant, obuiam habent. Antrum est, opere non minus admirabili quàm sumptuoso, in Saxum effossum, de quo ita, venusta narratione, Leander. Ego, cum à C. N. 1526 primum, & post decimum iterum ad hæc loca deuenissem, cuncta sigillatim inspicendi cognoscendiq; studio ductus, assumptis comitibus duobus, qui secessus omnes exactè tenebant, per sinum Baianum & Puteolanum, vbi multa conspiciuntur admiranda, (veluti quoque circa Mare Mortuum, vt nunc vocant) ad lacum Auernum, poetis celebratissimum, itemque multis nominibus memorabilem, rate deferri volui, breuiterque referam, quæ viderim. Primum in eam partem montis circa lacum egressi, quæ inter Septentrionem & occasum iacet, de qua Virgilius, *Facilis*

descensus Auerni, ad medium vepreti, quod ibi est, aut paulò inferius, inter dumos, & vrticas, antrum exiguum, instar aditus sepulchri collapsi reperimus. In id ingressi, per ruinas operum aliquandiu procedentes, viam elegantem in saxum excavatam, latitudine pedum X, altam XX, in longum D. extentam tantam, vidimus: & quantum coniectura licet assequi, cum obstructa muro sit, vltèrius olim ad Baias procedebat. Hanc eam esse crediderim, quam Strabo scribit, Cocceium fecisse, qua Cumis, & Auerno, Baias commeabatur. Ad 450. pedem ostiolum in ea cernitur altum pedes 5. latum 3. per quod eiusdem mensuræ via, in saxum excisa, longitudinis ped. 80. proceditur. Ad eius finem, à dextra perbellum est conclaue, longum ped. 14. altum 12. latum 8. Intus exaduerso ingressui iuxta parietem, saxum à pavimento eleuatum, instar exigui tori est. Penetrare hoc olim (vti etiamnum ex parte cernitur) magnificentissimè perfectum, ornatumq; fuit: summa testudo file attico, cū aut notis depicta: Parietes zophoris distincti, ex margaritarum conchis, & corallio compositis; infra Zophoros vsque ad imum solum, opere tessellato ex gemmis, itemque corallio, & margaritarum conchis induciti erant, cuius operis etiamnum aliqua signa conspiciuntur non minori sumptu, quàm artificio quodam facti. Vulgò fama est, hanc Sibyllæ Cumææ habitationem fuisse. Ad læuam introitus eius conclauis, eodem in pariete, quædam alia portula cernitur, paulò latior altiorque, per quam ad cryptam aliam latitudinis ped. 6. longitudinis 25. via lata ped. 4. alta totidem, sed longa 40. ducit. Inde tum via breui, & perangusta, sed altitudinis pedes 4. in quendam cryptoporticum, altam pedes 8. latam 10. longam 24. deuenitur, quæ directò propemodum in alterius medium desinit, altæ ped. 20. latæ 6. longæ 42. Contra eius introitum, angustum item in saxo excavatum sacellum est, latitudine ped. 10. longitudine 6. altitudine totidem, ad cuius introitum in eodem pariete, dextra, alterum conspicitur, latum ped. 9. longum & altum vt superius. Huius in medio, lacusculus aquæ est, locusque tanta vi caloris æstuat, vt sudorem nemini non excutiat intranti. Qui recessus hos tenent, Sibyllam aiunt inibi votis operam dare consueuisse: mihi tamen sudatorium verius fuisse videtur. Hucusque à primo ingressu, qui lacum Auernum spectat, nullum omnino spiraculum est, sed obscuræ cauernæ, perpetuæ, in saxum excisæ, per quas absque lucerna commeari nequit: & si quis ingrederetur aliter, euadere profectò haud posset, vt cuidam accidisse constat, per cuius ossa nobis in ijs angustijs necessario fuit incedendum: Prius etiam exitus in fine nullus patebat, sed ad ostium, quo introibatur, retro erat commeandum, quod & prima vice nobis vsu venit: nunc etiam auulsa montis parte, versus Baias, antrum apertum est angustum: per quod, non tamen præter difficultatem, egredi licet: vt manifestò appareat, hac olim via subterranea, Baias ab Auerno commeari solitum. Res est equidem admirationis plena, qua ratione tot cuniculi cryptæque ferro potuerint excidi, filexque cæsus egeri, cum præter vllum spiraculum, in tenebris opus omne paratum sit. Vtunque aut Cimmeriorum habitationes, aut antiquorum vatium adyta, vel antrum Sibyllæ, vel quiduis denique fuisse dicamus, certè res est cum arte sumptuque tum raritate mirabilis. Enimuero non malè puto conijciemus hic olim Sibyllæ Cumææ sedem fuisse, quòd id à Virgilio probari videatur, cum inquit:

Excisum Enboica latus ingens rupis in antrum.

Auernus, Lacus Campaniæ, Plinio, Græcis *ἄρνος* dicitur, vt Strabo attestatur. Lagodi Tripergola vocatur ab Erythrao & Georgio Fabricio. Styga quondam appellatum, ex hoc loco Silius apparet, l. 12. Ille olim populus dictum Styga, nomine verso, *Stagna inter celebrem nunc mitta monstrat Auernum.* Appellationis etymon hinc esse existimat Nonius, quod aues superuolantes odoris eius grauitate conciderent enecatæ, dictum enim Auernum, tanquam *ἄρνος*, vnde Lucretius inquit:

*Principio quod Auerna vocant, non nomen id abs re
Impositum est, quia sunt auius contraria cunctis.*

Idem confirmat Seruius in hoc Virgilii loco: *Diminuatq; lacus: Lucrinum & Auernum Lacus esse scribens.* Auernum autem antea densitate sylvarum ita conseptum, vt inde per angustias odor aquæ sulphureæ grauissimus exhalans, aues superuolantes enecaret, vnde Auernus appellatus sit, tanquam *ἄρνος*. Philostratus etiam Auernum vocari locum quendam prope Nisam tradit, quod aues ad se trahat. Adicit autem Seruius, Augustum Cæsarem, ea re intellecta, syluis deiectis, & pestilentibus amœna hæc reddidisse loca, Virgilius eandem Auerni nominis etymologiam his versibus describit:

*Inde ubi venere ad fauces graueolentis Auerni,
Tollunt se celeres. Et infra:
Quam super haud vlla poterant impune volantes
Tendere iter pennis, talis sese halitus atris
Faucibus effundens, supera ad connexa ferebat:
Vnde locum Graui dixerunt nomine Auernum.*

LACVS ANIANVS.

ANIANVS Lacus, hodie, *Lago Sudatorio*, Aqua est, Puteolis vicina, vndique ripis altissimis, instar amphitheatri conclusa. Fundum in ea deprehendi haud posse, Bocatius testis est, nihil præter ranas quicquam generat. Ad Septentrionem præcellam habet rupem toto saxo vestitam, ex qua primo vere tot serpentium conuoluti globi decidunt, & in aquas magno cum impetu prouoluuntur, vt absq; vehementi admiratione spectari nequeant. Earum in stagno, quanquam summa frequentia delabantur, nullam omnino conspici, ac ne signum quidem aliquod, postquam aquas subière, locorum accolæ confirmant.

Est vero lacus hic admodum celebris. Tum ob L. Luculli villam, hic olim amœnissimam, tum ob spectabilem lacus ipsius naturam, quem amphitheatri instar continuis collibus vndique clausum, ijsque sulphureosis, verisimile fit ab insigni olim aliquo harum terrarum incendio habuisse originem. Quam ob rem complura adhuc extant conclusi eius ignis spiracula, diuersæ admodum, pro diuersitate terrarum, qua vapores ipsi transeunt qualitatibus. Quidam animalia quæcunque iniecta lethali spiritu enecant, ac mira naturæ contrarietate cum eadem in lacum ipsum demissa reuoluant, ob temperatum (vt credo) aquarum eius teporem, in quo propterea ranæ degunt, ac magna serpentium copia. Quidam verò ex his specubus ad sudationes recipiuntur, quas Fumarolas Neapolitani appellant, summo hodie honore ac frequente vsu celebres calefaciendo vriles, exiccando, discutiendo. Vbi aliqui ad hunc vsu perangusti hiatus existunt, in quos membra ipsa patientia, vt pedes, crura, brachia, seu contracta, seu tumida mittunt, ac vouent, reliquo foris corpore seruatoincolumi, ac mirifice iuuantur.

OCCIDENS.

A.
Hic et Introitus Antri
Sibyllae Cumanae, quod vul-
go appellatur Grotta della
Sibilla.

VERGILIUS VI. AENEID.
EXCISV' EVBORACE LATVS IGESRVPS IN ATRVM
QVO LATIDVCVNT ADITVS CENTV OSTIA CETV'
VNDERVNT TOTIDE VOCES RESPONSA
SIBYLLAE.

B.
Apollinis Templi ab Inco-
lis hic dicuntur esse ruinae.

C.
Hic olim fuerit Triper-
gole, nunc mons nouus, Anno
1538 terremotu conuersus,
omnia regit.

VERGILIUS VI AENEIDOS
Quam super haud vlla poterant impune volatus
Tendere iter pennis, talis sese halitus atris
Faucibus effundens supera ad comae ferebat
Vnde locum Graui docuerunt nomine.
AOPNON.

D.
Des Chose montes olim
fuit Capua, nunc pauca ap-
parent Des fura



A. Ortelius et G. Hoffmannus hunc
lacum hodie non esse Aopnon
animaduertentes.

ORIENS.

A.
LACVS Agma:
nus piscibus carens ranis
ac serpentibus satens.

B.
Charoneum antrum, siue
spiraculum, mortiferum ex
balans spiritum, quod vul-
go appellatur Grotta de
li cam

C.
Sudatorium S. Germani
Vulgo dictum, sudatorio
sue le fumarole
Agnano

Vera
delinatio lacus Am-
ani, Antrig, letalis, in
montem sacri non ampli-
nec longi, sed finem in ar-
tum desinentis, in quod si
animal diuum ingressum seu
introrsum fuerit, subito mo-
ritur, si tamen repente extra-
rum In subiectum lacum
proiciatur, paulatim ad
se redit ac reuiuiscit, in
canibus sepe factu
periculo.



OCCI

DENS.

CHARONEÆ SCROBES.

SPIRACULA, in tractu Puteolano sunt, alij Charoneas scrobes vocant, mortiferum spiritum exhalantes, *Buco venenoso* nuncupat Leander in sua Italia, quod, antrū venenosum interpretatur. Scrobs est in rupem modicè excauata, nec lata, profundaue multum, posito signo præmunita, ne quis eò propius accedat, quodd exanimati repentè concidant ultra procedentes, vt iniectis sæpè animalibus compertum fuit. Collapsū tamen intus animal, si protinus educatur, aspergine ex stagno aquæ, vitales spiritus recuperat: sed auxilium ea in re, vel quauis alia, nullum, si commoretur plussculum. Accolæ Carolū VIII. Galliarū Regem cum Alfonso Arragonium regno Neapolitano pepulisset, asinum iniici iussisse narrant, qui & statim expirauerit. Tales leguntur apud Strabonem, & alios Græcos, Charoneæ Scrobes, quasi Charoneas ianuas dixerint, seu Charontis cymbam, quas semel ingressi, irrevocabili iudicio damnati, ac desperati, omninò lucis intelligerentur. Et Plutonia spiramenta, à Plutone, vnde oriri putantur, sic dicta. Cui vulgaris adhuc assentit credulitas, hæc ora esse inferni: & quidam fabulantur præesse metallis, ac thesauris dæmones fatales, qui illorum custodiæ adhibiti (vt dicunt) acutissimo sibilo subitarium accedentibus venenum illidunt animæ, quæ antiqua est Pielli, & quorundam aliorum Platoniorum persuasio. Reuera tamen id referendum videtur, vel suffocatis in occultis terræ cauernis ignium vaporibus, vel metallorum virulentia in metallis suis, quæ aut excessiua qualitate vaporis crassissimi, aut alio qui tota substantia humanæ naturæ aduersantur. Quam contagionis naturalem causam tetigit quoque Lucretius ex eo, quod in sulphuratis metallis, & in bituminosis, maxime verò in venis auri, atque argenti, statim operarii squalorem mortis concipiant, ac breui spacio tabidi intereant. Et cum multa id genus loca sub Auernis commemoret, subdit:

*In Syria quoque fertur idem locus esse videri,
Quadrupes ubi, quo simul ac vestigia primum
Intulerint grauitè vis cogat concidere ipsa.*

Talem in Phrygia specum meminit Strabo iuxta Hierapolim, quod os Plutonium appellatur, crassam caliginem, ac halitum aded pestiferum exhalans, vt immisos experimenti gratia passerulos, mortuos illic extraxerit. Similis in Cilicia ultra Coryceum specum, quem Eyphoneum vocant, Pomponio Mela auctore. Et item alius apud Babylonem, quæ abundat bitumine. Alius in Caria via, quæ est ad Tralleis, & Nisam prope Acaracam oppidum, Strabone. Alius in Lycia ad Sardis pagum, Galeno, qui & specum in Ionia scribit, ad Tymbriam pagum prope oppidum Myunta, qui lethales exspiraciones mittit.

SVDATORIVM S. GERMANI.

THERMAE Anianæ, vulgo Sudorio, siue *le fumarole Agnano*, ad lacum Anianum in sinu Puteolano reperiuntur. Cellæ quædam sunt, concameratæ testudine, quarum solum, magna frequentia calidos emittit vapores aded, vt absque vestibis intranti, repentè sudor excutiat, vnde Sudatoria quoque nominantur. Humores crudos euacuant, corpus vniuersum alleuant, languidos reficiunt, ilia sanant, intestina vlcera desiccant, & podagricis vehementer auxiliantur. D. Germanum Campanorum Antiquitatem animam Palcaij Cardinalis hic inuenisse. D. Gregorius in Dialogis commemorat, vnde & Sudatorium sancti Germani cognominatur.

FORVM VVLCANI



ORVM Vulcani, Leandro *Sulphuraria*, vulgò *Solfataria*, vndique tota collibus aridis ac feruidis circumdatur, quos *Leucogeos* à squalore ac liuore sulphuris, teste Plinio, dixere veteres, nonnulli verò *Phlegreos*, ab assiduo crepitu, quem intimi ardores gignunt, quo etiam cognomento proximum sinum maris circumscripsit Silius Italicus illis versibus:

— *Illic quos sulphure pingues Phlegrei legere sinus.*

Iuxta hos colles officinæ extant sulphuris, quod vsque à Plinii memoria hinc mittitur electissimum. Atque ex his pater area sulphurea, duorum circiter milliarum ambitu, *Forum Vulcani*, ab antiquis dicta, vt Strabo est author. Nec incongruè, quâdo primo aspectu caliginosa, & quasi caminum fornacis ingressurus æstuet, & quam fremitu vndique collium, feruore lacunarum, vapore, igne, instabili solo horridam, haud toto quis ausit, nisi certis semitis, adire, ob occultos, quos sulphuris incendium continuo demollitur, anfractus, in quos miserè aliquos pessumdatos, ac suffocatos accepimus. Est autem ad caput huius areæ lacuna, inter alias hiatus aquarum feruentissima, quæ ob varium ignis ac aquarum simul erumpentium impetum, modò amplior visitur, modò angustior, ac ouata specie, vnde *Navis*, siue potius, (vt multis placet,) *Abyssus* dicitur, quæ immensi gurgitis instar, luridis, terris, ac putrissimis scatet aquis, tantoque feruore salientibus, vt proiecta quæcunque animalia citissime absumat, ac ad ossa vsque conficiat. In hoc Vulcani foro, sulphurea conflantur potiora vascula, quorum visum lienosis prodesse, compertum est. Huius verò aluminis officinæ locus planè mirabilis est, ob conditionem nimirum ac naturam. Hic namque ad finem ruinarum, quæ à Puteolis, Neapolitana via conspiciuntur, in Campania situs, Puteolisque imminens, & stus locus, vndique flagrantibus sulphure collibus inclusus, atque septus est, vnde velut à fornacibus exhalationes cum ingenti fremitu proficiscuntur. Strabo quoque eum Vulcani forum nominat, Plinius autem, vt & Silius Italicus, camporum Phlegreorum nomine insigniunt. Primum autem aream habet oui forma prælongiorem, extenditur enim ferme ped. M.D. sed in latum non amplius M. patet, vndique perpetuis altisque collibus, ita tanquam opere conseptus, vt aditum vnum, quâ spectat Puteolos, tantum habeat. Solum area totum sulphure vestitum, ibi spontè nato, quamobrem & incessu crepitat, cum sit caernosum, vti vacua solent omnia. In fine lata fossa, verius rotunda, quàm formæ alterius cuiusquam apparet, aquæ nigræ spissæque plena, quæ perpetuo feruet, magnaque vi fumos ingentes emittit: quæ de re non solum vulgi fama est, sed etiam experimento compertum, quicquid immergatur, protinus educit coctum, nunquam tamen non aliqua parte deficiente, quemadmodum ex Hieronymi Lini Bononiensis relatione habeo, qui quaternis in eam immisis ouis, tria se tantum eduxisse confirmauit. Non semper eodem in loco aqua, nec æquali magnitudine consistit, vti nos testari verè possumus, etenim post annos decem iterum hæc proficiscentes, parte ferme tertia minorem, quàm prima vice conspeximus: cuius rei causa spissitas aquæ est: concrenentibus enim sulphure ripis extremitis, imminutio variatioque contingit. Circa fossam vndique serobes in solo conspiciuntur, ex quibus acutissimi vapores sulphurei, cum intento calore prodeunt. Hac in area multæ sunt officinæ, quibus album sulphur conficitur. Ad fossam, de qua diximus, equo periculosum est accedere, quòd omnia caernosa ac infida voraginibus sint: & aliquando quendam spreis peritorum monitionibus, eo adequitantem, solo haustum absumptumque, ita, vt repente spectantium oculis eximeretur, accola commemorant. De sulphure, quod hic prouenit, ita Plinius: In Italia inuenitur sulphur in Neapolitano Campanoque agro, collibus, qui vocantur *Leucogabi*, quod è cuniculis effossum, perficitur igni. Colles hi passim videntur flagrare, magnosque fumos cum odore sulphureo emittere, qui per oram illam omitem, & vsque Neapolim ventorum flatibus defertur. Quanquam vero grauis, atque teter sit, ad fluxiones tamen & rheumata vehementer confert. Aqua quoque sulphurariæ fossæ, nervos emollit, visum acuit, lachrymas & vomitum comprimit, stomachi doloribus auxiliatur, fecunditatem sterilibus conciliat, febres cum frigore pellit, & infecta scabie membra purgat. Colle transito, qui sulphurariam includit, ab Oriente conuallis est. vbi alumen conficitur. Modus est huiusmodi: Lapides è monte Sulphurariam cingente coquunt in fornacibus, eductosque coaceruant, dein aquam certis ex puteis, qui hic sunt, spatio dierum aliquot infundunt, & adeo maccrant, vt in cineres dissoluantur. Ex his cineribus lixiuium confectum lignea in vasa condunt, quod paulatim circa extremitates vnciæ plerumque crassitudine, coit, atque solidatur, instar cryalli vel glaciæ, ferroque diuellendum est. Hactenus

Leander.

(o)



Admirabile
Sulphureorum Mo-
tuum Apud Patolos
campos Flegreos Plin.
Vulcani forum Strabo
Vulgo nunc fossataria vo-
cant Neapolitani, gromae
accuratissimae, ad Vinum
depicta representatio

ORIENS.

A.
Ex horum mon-
tium Terra ac lapidi-
bus Sulphur conficitur.
B.
Hae hinc albanitibus magna
sit copia aluminis.
C.
Aqua hic est perennis nigra as-
pectu et crassa ita feruida ut
ouum crudum sicutum
coctum et rubatur: à mare
exaltat 199. ad 24.
palmos et ultra spe-
antolitur.

DVM EXPENDAR.

V I L N A:



VILNA, admodum populosa, ampla, & Episcopalis Lithuaniae, Ducatus illius magni, vrbs; indigenis, Vilenszki, Germanis autem vulgo *Die Wiste*, communicatum habet à flumine præterlabente, eiusdem appellationis nomen; quod in Lithuania ortum, Niemen, fluuio coniunctum Mari Prutenico miscetur, muro cincta & portis quæ nunquam clauduntur. Domus in vniuersam sunt lignæ depressæ, ac humiles, nec cubilibus, nec coquinis, imò nec stabulis, licet iumenta, & bestias complures alant, distinctæ, nec optimo etiam delectu collocatæ, certis quibusdam plateis exceptis, in quibus ab ex teris nationibus, quæ cõmerciorum gratia hanc urbem frequentant, lapideæ & elegantes constructæ sunt ædes, quibus Germanorum, & palatij vicus condecorantur. Regium est Vilnæ palatium, alterum admodum amplum, plana cœnaculorum structura celebre. Alterum turribus in monte conspicuum, ad radices armamentarium habens, in quo machinæ bellicæ omnis generis non paucæ videntur, cum tamen in vniuersa passim Lithuania, nulla vilius metalli sectura, venaue reperiatur. Tempia sunt pleraque lapidea, quædam etiam lignea, diuersis namq; diuersarum Religionum cultorib. sectæ suæ exercitium permittitur. Elegans est Bernardinorum cœnobium, secto ex lapide, venusta structura clarum: Quemadmodum & Rutenorum aula, in qua ipsi merces suas ex Moscouia allatas, distrahunt, vt puta luporum vulpium maxime albarum, Marturum, Zabelarum, Hermilinarum, Leopardorum, & nobilissimæ id genus alias pelles. Fontes diuersis in plateis habent, ad publicos oppidanorum vsus varios, omnes tamen eodem ex capite, iuxta Germanorum portam, constituto, deriuatos. Suburbia sunt, quemadmodum in vrbs bene constitutis, varia, diuersis discreta nominibus, sed vno & perpetuo quodâ suburbio septa, & circumvallata Vilna cõspicitur, vbi infinitus ædicularum numerus, nullo delectu nullo platearum ordine, sed pro agresti barbarorum voluntate, proet foris & occasio tulit, quasi confusus videtur. Alibi namq; casas hasce suas, ex pinorum aliquot trabibus, rudi structura compactas, huc deferunt, & quò libuerit indiscriminatim collocant. Extra portam, quo regiam respicit arcem, dimidiato à Vilna milliari, Sigismundus Rex, domum regiam illam quidem, sed totam ligneam, ab vrbis curis recessui, & recreationi constructit, cum nemusculo, & viuario, in quo omnis generis feræ, sumptu permagno alantur: vulgo *VVerfupa*, id est, iuxta aquas, quibus vicina est, dicitur Vilnensis porro populus, & quotquot itidem suburbanas incolunt casas, agrestis sunt feruilisque ingenij, artibus planè nullis, aut liberalibus disciplinis culti, nec iisdem dediti, inertes, desides, ac ignaui, liberrate nulla fruuntur, sed serui sunt, & mancipiorum instar, à nobilitate habentur. Quo etiam ipsi genere vitæ (auditu mirum delectari videntur: Dominos namque suos, tum primum, amant, ipsisque multo fidelius & promptius obsequia præstant, si verbis, verberibusque immittitur tractentur ac durius. Ita vt heros suos à quibus non egregie vapulant, tanquam eos, qui moribus ipsos bonis non imbuant, aut, qui minus propenso erga ipsos sint animo, deserant. Vino licet careant, poculis tamen indulgent, & genio. Medo ipsis, & cereuisia potus est, frequentissimus vini adustus, cepæ & allij vsus, in domibus suis, perpetuo fumo oppletis, (non enim vlla fumibula habent) videndi ipsi aciem adimit, vt non alibi plures, quàm in hac vrbe cæci sint homines. Nullus in ædibus ipsorum ornatus, nec pretiola videtur supellex. Videas parentes cum liberis, iumentis, ac bestiis ad focum eodem in hypocæusto fœtido agere, vbi & hospitis coniux puerpera duro incumbat scamno, & tertio aut quarto puerperij die, grauissimos & domi & foris sustineat labores. Nullus in tota hac vrbe lectorum vsus. Imo molliter cubare vitio datur. Multum est si ditiores vtantur scamno vsinà tantum pelle contecto. Nec melior, aut ciuilitate nobilitate præstantium conditio est, nisi, quod præstantiore vestitu, multoque argento & auro, quò onusti, depictique incedunt, nobilitatem suam ostentent. Ciues vxores suas splendidius vestiri gaudent: viliissimus rusticorum omnium, eiusdemq; coloris ac formæ est habitus. Nulla in ampla hac vrbe sunt Xenodochia, nulla paupertate afflictis assignata loca, vbi misericordiæ refouentur operibus. Medone, vino adusto, aut crassa cereuisia temulentis, ac madidi, rixantur ac litigant, mutuis sese vulneribus conficiunt, & immaniter verberant, si occidant extraneum, capitale non est, sed decem & sex daleris vitam tunc redimunt; secus, si Lithuanum interimant, tum namque, si homicidam fuga elabi contingat, propinqui, & cognati occisi eaduer aromatis condunt, vt inhumatum conseruari queat, quòd si homicidam elapsum capi contingat, exanimum ipsi corpus exhibeant, alioqui mortis supplicium ab ipso sumi non posset. Si autem quempiam occisum, ante captum homicidam sepeliri contingat, capitale non est, nec pecuniaria etiam multa puniatur id factum, sed patrator facinoris captus, virgis cæditur. In suburbijs Tartari, vt plurimum, habitant, cultores agrorum, aurigæ, & baiuli, quorum opera hyeme mercatores vtuntur, vt carpentis suis vicina in loca auehantur, neque enim alio, quàm hyemali tempore, ad hanc urbem accessus pateret, eo quod vniuersa Lithuania paludibus impedita sit, ac syluis hortida, hyeme autem, paludibus & stagnis alta glacie concretis, niueque superinfusa, perita sunt, non trita, & vsitata, sed, quæ siderum vsus suppeditauerit, itinera. Iumenta autem, quorum opera vtuntur eadem sunt, qua aurigæ, feritate robusta. Illi pane vtuntur tetro, allio, & victu admodum vili, & scamnum aut saxum aliquod, puluilli loco, deligunt. Hæc stramentorum vsum ignorant, defatigata, vestitum & niue contectum abiguntur in nemus, vbi vngula, ad abditum niue pabulum, viam sibi, & aditum parant. Tartari autem aurigæ, sedulam mercatoribus quibuscunque, etiam exteris, fidem præbent. Nisi enim scriptum fidei, diligentia, & probitatis testimonium, ab his, quos abduxerunt, ad dominos suos, quorum serui sunt, referant, præsentissimum ipsos manet suspendium. Religionem in hac vrbe miram profitentur. Missam in templis magna deuotione audiunt: vbi Sacerdotem ante velum extensum, sacris operantem obseruant, quod quidem velum vbi quandoque reuoluitur, dictum mirum, quanta deuotione, non pectora tantum, sed & ora contendant. Quibus nocte præcedenti matrimonij vel concubitus illiciti vsus fuit, illi, religione commoti, eo die non ingrediuntur ecclesiam, sed foris subsistentes in porticu, per factum in muro foramen, sacrificantem conspiciunt. Atque tanto quidem rigore eam consuetudinem obseruant, vt hac religione adolescentuli lasciuientes, & constupratæ cognoscantur iuenculæ: Frequentes habent certis temporibus stationes, & peripherias Sanctorum, quibus SS. Pauli & Nicolai, quos vnicè venerantur & colunt, imagines circumferunt; populus verò in eiusmodi Processionibus frequens, crepidas, aut par calceorum in capitibus gestant, quo summam sese nobilib. seruitutē debere profitentur. Viliores habent calceos plebei, ditiores verò auro, & serico ornatos. Cū morte, à seruitute hac dura, qua ipsi tamen se miseros nesciunt, liberantur, bene vestiti, & nummis tanquam viatico instructi sepulturæ mandantur cum literis abs cognatis, & his quibus in vita chari fuerunt, ad D. Petrum conscriptis, quibus ipsi tanquam Ianitori cæli, commendantur, vt facilis ad cælestia gaudia cognatis suis defunctis pateat aditus. Has & plerasq; alias superstitiones, etiamnū Christiana religione imbuti, obseruant, vt mirum non sit, priscis ipsos temporibus serpentes, solem, malleos, & ignem, pro dijs penatibus, coluisse, & adorasse.

VILNA LITVANIAE Metropolis.



LIBRI III. DE PRÆCIPUIS TOTIVS VNIVERSI ORBIS VRBIBVS INDEX.



Acusianorum Colonia 9.	F.	FORUM VULCANI. 58.	P.	PALMARIA. 35.
AEnaria Insula 56.		Francibertia 36.		Pandataria 36.
Acta, vide Caieta. 55.		Francobergum Hassia 39.		Pataunia 9.
Agninus Lacus 57.		Fr. atoria Baiana 56.		Potria 47.
Alboreftadium 41.		Fr. flaria Hassia Oppidum 39.		Philippopolis 27.
Albunea fons 52.		Fumarole Anagno. 57.		Pisaurum 50.
Alizonia 16.				Piscina mirabilis 56.
Anafianum Oppidum 47.	G.			Polystephanon 52.
Antrum Charoneum 57.		GAETA, vide Caieta. 55.		Pontia Insula 13.
Antrum Sibyllæ Cumana 57.		Gamanodurum 47.		Pontina palus 53.
Anxur seu Terracina 54.		Gaurus Gallicanus mons 56.		Pratenſe Balneum 56.
Arenacum 56.		Germani Sudatorium 31.		Prochyta Insula 56.
Arime Insula 17.		Gouda Hollandia vrbs 9.		Puteoli 56.
Arnhemium Gelria oppidum 54.		Gratianopolis 57.		Pythecusa, vide ISCLIA.
Appia via 22.		Grotta della Sibylla 57.	Q.	
Atrebatum, Artesia metropolis. 10.	H.	Grotta de li Cani. 77.		QVEDLINBURGVM. 41.
Ausua, Hannonia oppidum. 77.		HAGA Comitæ, vide Delphium. 41.	R.	
Augustodunum Heduarum 9.		Halberſtadium 23.		Hotomagus 7.
Quernus Lacus 8.		Hannonia 36.		Riga Liunia Metropolis. 9.
Aurelia, Orleans 32.		Hercules Baulus 32.		Romanum Oppidum 31.
Aurricum. 47.	B.	Herculea 56.		Rotterdam præſtās Hollandia vrbs 8.
BADACVM, vide Saltzburgum. 56.				Rubeclara 17.
Baianum Caſtrum 56.		I.		Ruremunda 54.
Baiana Fricatoria 56.		INARIME, insula 19.	S.	
Baianus Sinus 45.		Insula Flandria vrbs 56.		SALTZBURGVM. 57.
Balneum Ciceronianum 56.		Inutrum 56.		Scrobes Charonea. 51.
Balneum Trituli 56.		Iouis templum 56.		Septenilium Hiſp. 57.
Bauli Herculis templum 26.		Iſcla ſeu Iſchia. 56.		Sibyllæ antrum 56.
Bellomontium 14.		Iulium opus 47.		Sinus Baianus 56.
Berga ad Somam 39.		Iuuaia 54.		Sinus Lucrinus 56.
Boiodurum 2.	L.	Iupiter Anxur. 57.		Sinus Puteolanus 21.
BONIFACIUS Tungrorum Apoſtolus 57.				Sluſa Flandria oppidum. 57.
Briſſolia Anglia emporium. 9.		L.		Spiraculum mortiferum 57.
	B.	ACUS AGNINUS 47.		Sudatorium S. Germani 58.
CABALLONIORVM Colonia. 35.		Landreſium 47.		Sulphuraria 57.
Caieta 35.		Landshutum 51.		Suſarum VVeſtphalia vrbs 37.
Camanni 56.		Laureacum Oppidum 51.		
Camerella centum. 34.		Lauretum 36.		
Campana 35.		Leuwardium Friſia oppidum 49.	T.	
Canineſatum Insula 26.		Lille, vide Insula. 11.		Templum Bauli Herculis. 56.
Carlemontium 8.		Louanium 16.		Terracina 23.
Carnutum. 52.		Loſdunum, vide Delphium. 56.		Thena, oppidum Brabantia 57.
Cataraſta 3.		Luceburgum 56.		Therma Aniana 52.
Ceſtria Anglia Oppidum. 57.		Lucrinus Sinus 12.		Tibyris 44.
Charonea Scrobes 56.		Luculli villa Baiana 27.		Figurum 52.
Caſtrodunum 53.				Tivoli 36.
Circeus mons 17.	M.	MACHLINIA 27.		Traconaria Crypta 15.
Cimacum, Chimay 56.		Malateſta, vide Piſaurum. 16.		Traiectum ad Moſam 7.
Ciſterna ad centum Camerellas 9.		Mariaburgum 55.		Tripertola 56.
Ciſterna L. Luculli 56.		Mare mortuum 53.		Trituli Balneum 52.
Colonia Accuſianorum 35.		Mifenus mons 43.	V.	
Crates in Sinu Baiano 32.		Mola oppidum 35.		VALENCAENAE 25.
Crucigladiati, vide RIGA. 56.		Mons Circeus 32.		Velitra 37.
Crypta in Sinu Baiano. 56.		Mons Nouus 32.		Venlonum 49.
Crypta Traconaria 56.		Mons Regius Pruiſia 56.		Verona Italia. 54.
Cumanus Sinus 35.	N.			Via Appia 53.
Cumana Sibylla antrum 32.		NAVALIA 35.		Vilna Lituania 56.
Cupra, vide Lauretum. 32.		Namurcum 32.		Vulcani Forum 37.
	D.	Nebriſſa Hiſp. 5.		VValcourt 37.
DAVENTRIA 32.		Nemetocerna 32.		VVarburg 37.
Delphium Hollandia vrbs 3.		Norvvicum Anglia 10.		VVimmaria 31.
Dordracum munita Hollandia vrbs 3.		Noaiodunum, Niuerſ. 18.		
Druides, &c. 20.		Noutomagus 12.	O.	
Duacum Flandria Oppidum 41.		Nouus Mons 49.		OTTRINCENSE, vide Traiectum.
	E.	Notium mare, vide Tyrrhenum. 40.		Oenotrides
DENBURGUM Scotia Regia. 39.				Oriuetum.
Elboreſtadium 40.				
Enckhuſa Hollandia oppidum 53.				
Eſchvvege 53.				
Effendia VVeſtphalia vrbs. 53.				

FINIS.



121328377

217

154